



Accessions

157.233

Shelf No.

~~XC. 3756.6~~

*Barton Library. 18.82*




*Thomas Pennant Barton.*

**Boston Public Library.**

*Received, May, 1873.*

*Not to be taken from the Library.*



66#

4055

L 2/1-0



Fr. Negro. La meill. ed. ital. ant. de 1550, in 8°.

no. 1 M 720  
and 100 700  
100 700  
100 700

Tragedie du Roy Franc. Arbitre.

Exemplaire complet, & conforme  
à la description de M. Brunet,  
qui dit: que la page 17 vient  
immédiatement après les 4 feuillets  
préliminaires. ~

Vendu 35 f M'éon

38 f d'Ourches

33 f. Laignat

48 f Nohier

# TRAGEDIE

DU ROY

FRANC-ARBITRE,

*Nouvellement traduite d'  
italien en François.*



CHEZ IEAN CRESPIN.

M. D. LVIII.

XG.18

.82

157,233

May, 1873

# A V L E C T E V R

## C H R E S T I E N.

**L'**Authheur de ceste Tragedie, homme de sauoir & pieté singuliere, ami Lecteur, a eu ce but de monſtrer euidentement par vn ſtyl autant plaisant & ouuert qu'il eſt poſſible, les horreurs de la doctrine de l'Antechriſt & de ſes ſuppoſts Scolaſtiques. Il a choiſi autāt à propos l'argument de ceste Tragedie, que liure qui ait eſté mis en lumiere en ceste façon d'eſcrire, ſans ſcurilité ou plaiſanterie vicieuſe. Et combien que la matiere ait La matiere de Frac-arbitre. auſſi eſté traitée grauement par pluſieurs bons & excellēs perſonnages, neantmoins ceste façon d'eſcrire facctieuſe, & en paroles dites de grace, n'eſt pas à reietter, non plus que les delices que le Scigneur donne pour oblecter, ou pluſtoſt pour met.

tre en appetit les esprits degoustez, qui  
 plus facilement pourront estre amenez à  
 la cognoissance de la verité eternelle, a-  
 pres leur auoir representé cōme en vn mi-  
 roir l'abysme auquel est plongé tout ce sie-  
 ge de l'Antechrist Romain avec son Cler-  
 gé abominable, qui est icy descrit. Or sans  
 s'arrester tāt au plaisir que donnera la le-  
 cture de ceste description tragique du roy  
 Franc-arbitre, soyons aduertis de passer  
 plus outre, & de venir à la cognoissance  
 aussi de ceste noble Grace iustificante, qui  
 nous rend agreables deuant la maiesté  
 de Dieu, comme au vif elle est icy des-  
 crite & representée. lors chacun cognoi-  
 stra trop mieux que ce liure n'est pas mis  
 en lumiere pour seruir de passe-temps:  
 mais pour faire sentir à bō escient de quel  
 horreur on doit fuir les abus du mōde, &  
 de quel desir on doit embrasser la cognois-  
 sance de la verité. Le Traducteur françois



a eu aussi vn mesme but que l'auteur Italien: car cōme il est hōme doué de dōs excellēs, aussi il en vse & les applique totalement au seruice de Dieu, & au soulagemēt de ses domestiques. Parquoy d'vne mesme volōté que ceste Tragedie par luy traduite t'est presentée, Lecteur, tu l'accepteras & en feras fruiēt à la gloire du Seigneur.

## B R E F R E C V E I L

Des principaux lieux & descriptions contenues en ceste Tragedie.

<i>An iubilé mary de dame indulgence</i>	119
<i>Antithese de christ &amp; du pape</i>	241, 242
que le pape est <i>Antechrist</i>	299 iusques 304
<i>Antithese des ordonnances de christ &amp; du pape</i>	depuis 273 iusques 277
description de la prouince d' <i>Aumosne</i>	99
vraye <i>Aumosne</i>	217
denombrement des prouinces & citez du royaume des <i>Bonnes œuvres</i>	65 iusques 122
commēt nous ne sommes point sauuez par noz <i>Bonnes œuvres</i>	223 iusques 229
d'ou vient le mot <i>Cardinal</i> , & qu'il signifie	31, 32
<i>Caresme</i> -prenant barō de la monarchie pap.	94



le <i>Clergé</i> engendré du pape	27
<i>Clergé</i> nourri d'vne iuifue	28
file <i>Clergé</i> est fils bastard ou legitime du pape	
36	
denōbrement des ordres de messire <i>Clergé</i>	29
qui a fait la <i>Confession</i> auriculaire	161
fausse opinion des theologiēs touchant la <i>Con-</i>	
<i>fession</i>	160
quelle est l'autorité des <i>Conciles</i>	165, 166
<i>Confirmation</i> que c'est	280
<i>Docteurs</i> alemanś bons biberons	59
<i>Eccius</i> avec ses raisons, pour maintenir la pa-	
pauté	136
de l' <i>Election</i> de dieu, & comment nous en som-	
mes certains	237
le mot d' <i>Euesque</i> vniuersel contraire à vn chre-	
stien	152
le pape defend de prescher l' <i>Euangile</i>	128
l'office des <i>Euesques</i> papistes	185
<i>Franc arbitre</i> quand commença à faire ses pra-	
tiques en la chrestienté, & par qui	23, 24
<i>Franc arbitre</i> est vne feinte ou fable	189
disputes touchant la vertu du <i>Franc arbitre</i> de-	
puis 191 iusques 196	
<i>Franc arbitre</i> mort aux eleus	255
descriptiō de la prouince de la <i>Fabrique</i>	90, 91
procedures du pape contre les <i>Fideles</i>	126, 127
dame <i>Hypocrisie</i> principale gouuernante de la	
moinerie	78
la naissance, autorité & puissance de dame <i>In-</i>	
<i>dulgence</i>	

<i>dulgence</i>	118, 119
pourquoy l'empereur charles fit l' <i>Interim</i>	44
forger <i>Idoles</i> chose directement contre le 2 <sup>c</sup> cō mandement de dieu	83
<i>Inquisiteurs</i> de la foy, bourreaux d'hommes & femmes	128
description de la prouince de <i>Iusne</i>	94
le vray <i>Iusne</i>	216
<i>Lettres</i> patentes de ferdinand au roy franc ar- bitre, & la teneur d'icelles	62, 63
description de la prouince de la <i>Messe</i>	101
les bastisseurs de la <i>Messe</i>	158
<i>Monarchie</i> papale meschamment acquise	137, 138, 139
en quel temps chacune secte de <i>Moines</i> a esté bastie	depuis 169 iusques 175
quels ont esté les premiers <i>Moines</i>	168
es <i>Moines</i> sauterelles du puits de l'abyfme	70
description de la prouince <i>Monachale</i>	65
la diuerfité d'habits & de viure des <i>Moines</i>	76
<i>Montanus</i> gouuerneur de la puïce de iusne	97
<i>Opus operatum</i> gouuerneur de la prouince de la messe	104
description de la prouince d' <i>Oraison</i>	97, 98
de l' <i>Ordre</i> sacré du pape	285 iusques 294
par quel moyen les euesques de rome se sont faits <i>Papes</i>	141, 142, 143
<i>phocas</i> empereur a fait le <i>Pape</i>	140
comment les <i>Papes</i> se sont assuietti les empe-	

# T A B L E.

reurs	145, 146, 147
de la puissance du <i>Pape</i> selon les docteurs depuis 40 iusques 58	
refutation des passages de l'escriture faussement alleguez pour establir la <i>Papauté</i> depuis 148 iusques 151	
<i>Penitence</i> papistique	215
description de la prouince de <i>Penitence</i>	92
<i>Penitence</i> corrompue par le pape	282
de qui a esté edifié le <i>Purgatoire</i>	115, 116
du chasteau de <i>Purgatoire</i>	114
<i>Pelerinages</i> , & leur description	87, 88
<i>Rome</i> escole de toutes meschancetez	181
<i>S. pierre</i> ne fut onques à <i>Rome</i>	186, 187
tout licite à <i>Rome</i> , fors cestre hōme de bien	184
que c'est du <i>Royaume</i> des bonnes œuures	208
iusques 214	
<i>Repentance</i> chrestienne	211
de <i>Scandale</i>	231 iusques 234
bastisseurs & defēdeurs du <i>Seruice</i> des saincts	81
descriptiō de la prouince du <i>Seruice</i> des saincts	79, 80
du <i>Seruice</i> des saincts	84, 8
dame <i>Superstition</i> gouuernante du seruice de saincts, & de la fabrique	9
quand la <i>Transsubstantiation</i> a esté mise sus, & comment	111, 11

## A R G V M E N T

# ARGVMENT DE LA TRAGEDIE intitulée Franc arbitre.

**L**E Seigneur Frãc arbitre, fils de la Dame Raison, & de la Dame Volonté, Prince & Gouverneur de la prouince des œuures humaines, par le moyen des Theologiens Scolastiques s'en vient demeurer à Rome : ou estant fait Chrestien papistique par le Pape, voire puis apres Roy tres-puissãt, & inuincible, reçoit de sa saincteté la couronne du royaume des bõnes œuures. Et puis par le moyẽ du Seigneur Acte Elicite son maistre d'hostel, ayant merité d'auoir pour femme la dame Grace de Congruo, engẽdre d'elle vne fille nommée la Dame Grace de Condigno. Ainsi, avec toute ceste famille viuant heureusement en son royaume par l'espace de long temps, par le moyen & les pratiques de la gabelle du Merite (laquelle y est mise) amasse & tire vne grande quantité de deniers. A la fin, ayant entendu la reuolte & rebellion de plusieurs de ses suiets par les lettres du Roy Ferdinãd, que luy auoit apportées nostre maistre Ecchius docteur en la faculté de theologie, brasse, & fait si bien avecques le Pape, qu'on pouruoit diligemment à vn tel trouble &

desordre. Mais cependant qu'on tasche de remédier à cest affaire, la bõne Dame & princesse Grace iustificante enuoyée Diuinemēt du ciel en terre, tranche secrettement la teste à ce roy Franc arbitre. Et le Pape finalement cognu, & descouuert pour le *may Antechrist*, reçoit de Dieu ceste sentence de condānation, qu'il sera peu à peu ruiné & desconfit par sa sainte parole.

*Declaration d'aucuns mots des Theologiens Scolastiques.*

**C**Es mots, *Acte Elicite*, *Grace de Congruo*. & *Grace de Condigno*, sont certains termes, dont vsent les Theologiens Sorboniques en leurs liures & escolles. Par ce mot, *Acte Elicite*, ils entendent proprement vne œuvre qui procede franchement de la volonte. *Grace de Congruo*, ou bien, à parler plus proprement, *Merite de Congruo* est, quand l'hõme merite quelque chose, non pas qu'elle luy soit deue: mais par vne certaine hõnesteté. *Grace de Condigno*, ou autrement, *Merite de Condigno* est quant à bon droict, & raisonnablemēt on merite quel que salaire, & recompense.

*Les noms des personnages de ceste tragedie.*

*Fabian pelerin, qui est d'Ostia.*

*Diaconat, maistre d'hostel de messire Clergé.*

*Hermestrucheman.*



*Felin despensier.*

*Le roy Franc arbitre.*

*Discours humain, Secretaire.*

*Acte Elicite maistre d'hostel du roy.*

*Berthault barbier de la court.*

*Amon Chancelier.*

*Trifon notaire.*

*Orbile seruiteur.*

*Messire Clergé.*

*Le chapelain de messire clergé.*

*Pierre Apostre.*

*Paul Apostre.*

*L'Ange Raphael.*

*Grace iustificante.*

*La premiere Scene du premier Acte.*

*Fabian, Discours humain, Diaconat.*

FABIAN COMMENCE.



omme vn pelerin qui a esté vagabond sur la mer, apres auoir fait long voyage, & enduré diuerfes tempestes, estant arriué sain & sauue au port tant de fois désiré, se resiouit grandement.

Ainsi apres auoir tracassé ça & là, & fait plusieurs pelerinages, esquels tant de fortunes me sont aduenues, estant retourné icy, & me voyant desia pres de mon pays, i'en sens vne resiouissance

b.ii.

singuliere: & me souuenant des fascheries & ennuis passez, & que ie suis maintenant en seureté, i'en reçoÿ vne merueilleuse ioye & plaisir. Mais sur tout, ie me resioüy d'vne chose: c'est qu'ayant desia visité le saint sepulchre en Ierusalem, & assez d'autres lieux de grande deuotion, & par ce moyen plein de toute saincteté, s'il plaist à Dieu & à nostre Dame, ie verray & embrasseray à ce soir ma chere femme, & mes enfans bien-aimez, qu'il y a si long tēps, que ie n'ay veus: & les feray participans de tāt de biens que i'ay gagnez, & que i'emporte à la maison. Mais auant que ie parte de Rome, ie veux bien prédre congé du seigneur Discours humain, & du seigneur Diaconat qui sont mes treshōnorez seigneurs & maistres. Or me voici bien à poinct pour ce faire: car ie les voy là passer au bout de ceste rue. Je veux dōques aller maintenant, que i'en ay la cōmodité pour parler à eux. Mes seigneurs Dieu vous doint bōne vie & lōgue.

**D I S C O V R S.** Vous soÿez le bien trouué Fabian. Quoy? vo' en voulez-vous aller auiourd'huy, que ie vous voy ainsi accoustré avecques ces habillemens de pelerin, & comme tout prest à partir?

**F A B I.** Ouy monsieur, ie suis du tout deliberé, quoy qu'il y ait, d'aller auiourd'huy en ma maison. Et pour ceste cause ie vien maintenant vers vous pour sauoir s'il vous plaist me commander quelque chose, auant que ie parte: qui sera, cōme ie croy, dedans deux heures.

**D I S C.** Possible vaudroit-il mieux q̄ vous-vous reposissiez encore pour auiourd'huy ici avecques nous. Et demain vous pourriez vous en aller tout à vostre aise, & en vous esbatant.

**F A B.** Ie n'ay que trop demeuré hors de ma mai-



son: tellement que chacune heure de mon retour, me dure mille ans.

**DISC.** Si vous l'avez ainsi delibéré, faites-le: car ce qui est vne fois resolu & arresté, n'a plus que faire de conseil. Quât à moy, il n'y a autre chose, sinon que vous soyez asseuré que ie suis à vostre commandement. Le seigneur Diaconat vous tiendra cōpagnie, iusques à tant que vous vouliez partir. Je ne puis demeurer icy avecques vous, pource qu'il me faut tout à ceste heure aller à la Court, pour vne chose de bien grande importance.

**FAB.** Le maniement d'affaires selon mon iugement, ne peut estre sinon d'importâce. Toutefois s'il y auoit icy quelque chose de nouueau, q̄ vous nous peussiez dire, sans que vostre honneur y fust en rien diminué, ny souillé, ce me seroit vn grand plaisir, de le pouuoir raconter à mes amis & voisins d'Ostia, quād ie seray de retour en ma maisō.

**DISC.** Ha Fabian mon amy, il n'y a que trop de nouuelles, & à nostre grād dōmage. Mais puis que ce vous sera plaisir de les sauoir, ie les vous diray en trois mots, à cause, cōme i'aydit, que ie ne puis arrester icy long temps. Le Roy a receu certaines nouuelles, & sans doute, cōment aucuns de ses sujets se sont reuoltez contre luy: & taschèt tous les iours de faire que les autres se reuoltent semblablement: qui pourroit estre vn commencement de quelque grande ruine à son royaume. Il est vray que fortune qui est Dame, & maistresse des choses humaines, l'a maintenu lōguemēt en vn estat tres heureux, comme son cher enfant: mais il semble bien maintenāt qu'elle commence à luy tourner le dos.

FAB. Par ma foy ie suis bien fasché d'entédre telles nouvelles: neãtmoins i'espere que luy avec sa grande puissance, & vous avec vostre bon conseil ferez en sorte que son royaume fera hors de danger d'estre ruiné.

DISC. Croyez qu'on ne fera faute d'y pouruoir tant qu'il sera possible. Mais excusez moy ie vous prie Fabian: car il faut que ie m'en aille.

FAB. Monsieur, allez quand il vous plaira: ie ne vous veux point retenir d'auantage: ie me recommande à vostre bonne grace.

DIAC. Seigneur Discours, ne laissez à vous en aller sans plus tarder. Je demeureray icy avec Fabian, & luy feray compagnie tãt qu'il soit prest à partir: combien que ie me sens assez tenu de luy faire plus grand plaisir, que n'est cestuy-ci: comme il nous en fait aussi quand nous sommes à Ostia.

*La seconde Scene du premier Acte.*

Fabian, Diaconat.

FAB. Toutes fois & quantes Seigneur Diaconat que l'homme a esté long téps heureux, & que les choses luy sont venues à souhait, il peut bien & doit attendre en brief quelque fortune contraire: pource que c'est la nature de l'inconstante fortune, de faire qu'en ceste vie mortelle vn chacun soit participant de ses biens & prosperitez: & semblablement de ses aduersitez & malencontres.

DIAC. Il est ainsi Fabian, & d'autant plus que le  
mal

malheur tarde à venir: tant plus grief & fascheux nous semble il apres qu'il est venu: comme maintenant il en aduient au roy Franc arbitre, lequel ayant tousiours esté depuis qu'il fut couronné, tout ainsi qu'un Policrates de Samos, sans soupçon, ny doute de iamais experimenter, ny souffrir chose qui luy deust desplaire: à ceste heure que fortune se monstre luy estre aucunement contraire, il est du tout estonné, esperdu, & en vne crainte terrible: ainsi que le seigneur Discours humain m'a raconté un peu auant que vous fussiez arriué.

F A B. Je le croy facilement, attendu qu'il en aduient ainsi à plusieurs autres. Mais combien y a-il seigneur Diaconat, que le roy fut couronné? Le sauez-vous point? Je vous prie me faire ce bien, si le sauez, de me le declarer maintenant, puis que nous sommes tombez sur le propos de son couronnement.

D I A C. Ouy Fabian, ie le say fort bien, & le vous diray volôtiers. Mais afin que vous puissiez mieux entendre en quel temps, & en quelle sorte a esté fait ce couronnement. Il est de besoin qu'en peu de paroles vous entendiez premierement quelques choses par lesquelles vous cognoissiez quel il estoit auant qu'il eust conquesté la couronne.

F A B. Dites ce qu'il vous plaira, que i'escouteray le tout bien volontiers.

D I A C O. Vous deuez sauoir qu'environ trois cens ans, ou un peu plus, apres la natiuité de Iesus Christ, ce Prince & Seigneur, qui est pour ceste heure le roy Franc arbitre, commença à fai-

re les pratiques & entreprises en la Chrestienté:  
& cōbien que pour lors, à cause qu'il estoit d'une  
race payenne & infidele, il fust cognu de peu de  
gens. toutefois il ne demeura gueres, que par le  
moyen de Pelagius Moyne, & de Celestin (ou  
bien comme les autres le nomment Celestius) il  
n'en commençast d'estre cognu, accepté & receu  
de plusieurs. Finalement, apres quelques ans pas-  
sez, il fut conduit & adressé par des moyés beau-  
coup plus propres & commodes, que ceux de Pe-  
lagius, à la Court de Rome par l'Vniuersité des  
Theologiens Scolastiques, & singulierement par  
vne tres-exceilente Dame & Regente en leurs Es-  
coles, nommée Lumiere naturelle, & fut là beni-  
gnement receu & honoré. Ce qu'ayans veu & ex-  
perimenté ces messieurs les Theologiens qui sont  
amoureux, fort tendres & delicats d'un tel roy,  
prenans de cela bonne esperance & courage, s'em-  
ployerent de tout leur pouuoir & pratiquerēt tel-  
lemēt avec le Sanctissime & Beatisime Pere le Pa-  
pe de Rome, qu'en peu de temps il fist Chrestien  
Papiste ce seigneur Franc Arbitre à cause de ses  
vertus singulieres, de ses forces incroyables, &  
puissance merueilleuse: & puis il l'oignit & sa-  
cra Roy: & luy ayant mis la couronne sur la te-  
ste, luy donna le royaume des bonnes œuvres:  
duquel (pour autant qu'il est plein de prouinces  
tres-riches, de villes fort opulentes, & d'autres  
lieux abondans en tous biens, en a tousiours tiré,  
& en tire encores auiourd'huy de trop plus grāds  
reuenus, que ne fait point l'Empereur Espagnol,  
du nouueau, ny du vieil monde, qu'il tient sous  
sa puissance. Vray est qu'il reserua pour soy, &  
pour



pour les successeurs l'autorité de pouuoir bastir & faire à son plaisir nouueaux accroissemens, & melioratiōs dedés ledit royaume: tout ainsi qu'auoyent fait au parauant les predecesseurs.

F A B. I'ay souuêtesfois ouy dire, Seigneur Diaconat, que les biens de l'Eglise ne peuuent estre alienez. Que s'il est ainsi, comment est-ce que le Pape a peu faire en cest endroit vne telle donation, laquelle toutesfois est vne espece d'alienation?

D I A C. Je vous diray Fabian, Les biens de l'Eglise ne peuuent estre alienez voirement pour aucune puissance inferieure. Mais le Pape, qui a la plenitude de puissance dedés le coffre de son estomach, peut tollir, & donner pris faict & sans pris aussi, tant les biens spirituels, que tēporels, voire de toutes sortes, comme il luy plaist, & à qui bon luy semble. Et quand encores il vend tels biens, ce n'est pas à dire pour cela, qu'il commette Symonie: pource qu'il n'a q̄ faire avec le saint Esprit: ny le saint Esprit avec luy. Mais pour retourner aux affaires du Roy Franc Arbitre, ie dy, qu'incontinent apres qu'il fut venu à la Couronne, desirāt de mieux establir, & fortifier son royaume desia acquis, par le moyen d'une nouuelle alliance, il seut si bien faire par le conseil, & pratique du Seigneur Acte Elicite son maistre d'hôtel, & de messieurs nos maistres les docteurs Sorbonistes ses bons & fideles amis, qu'avec licence & cōgé du Pape gaigna ce poinct d'auoir en mariage ma dame Grace de Congruo, l'une des plus excellentes princeesses, qui se trouuaist en toute la monarchie Papistique, & mesme bien prochaine parente du Pape: De laquelle incontinent apres

eut ceste belle fille, qui se nomme (ainsi que trop mieux sauez, comme ie croy) ma dame Grace de Condigno : de laquelle les vertus sont si grandes & si dignes, qu'un chacun iuge, que le Pere, & la Mere meritent à bon droit la vie eternelle, d'auoir engendré & mis au monde vne creature si excellente, que ceste là.

F A B. Le Pape fist bien sagement de s'accointer & se faire amy d'un si grâd Prince, & de gagner quant & quât la faueur de l'Vniuersité des Theologiens scolastiques, pource que sa puissance conioincte avec celle de ceux-cy, est deuenue trop plus forte & plus grandé, qu'elle n'auoit esté auparauant.

D I A C. Le saint Pere, afin que vous l'entendiez, manie & gouuerne tref-prudemment les affaires du mode, & fait fort bien pratiquer l'amitié, & faire que les grâs personages & excellés, soit en Seigneuries, ou en sauoir luy soyent tenuz & obligez par des estats des chappeaux, mittres, croces, offices, venefices (ie vouloye dire) benefices, & de mille autres choses, pour les rendre puis apres tousiours Vassaux obeissâs au Saint siege Romain, & prests pour la defence & maintenue d'iceluy.

F A B. Pour bien gouuerner & entretenir vne si grande Monarchie, que la siéne, il est besoin, qu'il soit vigilant & soigneux: & que quelques fois il ne se soucie poit s'il ne garde toute fidelité, pour pouuoir maintenir tout son Empire.

D I A C. Il est ainsi Fabian, Et encore que iamais il n'y eust eu Monarchie au mode si bien fondée, ny de tous costez si biē enracinée & establie avec tel art & esprit: ny tellemēt cōduite & esleuée en souuerain degré comme est la sienne: Toutesfoi:

d'autant qu'il n'y a femme, ne Seigneurie ou superiorité (à ce qu'on dit) dont la possession soit sans ialousie, il ne doit, & ne peut estre sans vn merueilleux soin & sollicitude pour la conseruer. Mais pour reuenir au propos que nous teniõs n'agueres, Messieurs nos maistres les Theologiens scolastiques desirãs vne fois, q̃ la Maieité & Seigneurie du Roy Franc arbitre fust parfaictemēt establie en son Royaume, pratiquerent si bien, & firēt tant avec le saint Pere, que par lettres & instrumēs publiques il stipula, & promist de maintenir ce Roy avec sa famille en pcrpetuelle possession du Royaume qu'il luy auoit donné, tant que la Monarchie papistique dureroit au mōde. Vray est qu'il se reserua ce pendāt les reuenuz de certaines Prouinces de ce Royaume, lesquels au parauant auoyēt este desia assignez par luy à mō Seigneur le reuerendissime Clergé, son fils mon Seigneur & maistre.

FAB. Quoy mōseigneur le Reuendiss. Clergé est dōc fils du Pape? Pardōnez moy, iusques icy ie n'en auois rié entēdu. Et cōment est-il ie vo' prie fils d'un tel Seigneur? Est-il legitime, ou bien son bastard? Et par q̃l moyen est-il puenu puis apres à vne telle grādeur, qu'il est Seigneur de telles Prouinces? Ne vous esmeruillez poit, Seigneur Diaconat, si ie suis curieux d'entendre ces choses icy. Car ie veux biē que vous sachiez q̃ tout le tēps de mon Pelerinage i'ay tousiours prins plaisir de sauoir, & me suis efforce de biē noter, & remarquer non seulement les coustumes & façõs de faire des hōmes, par le pais desquels ie suis passé: mais aussi les Races & genealogies de leurs Princes, & Seigneurs: & quant & quant toutes les autres cho



ses, qui m'ont semblé dignes de memoire, pou  
en pouuoir puis apres deuifer avec les amis, si d'a  
uenture il aduenoit, que i'en fusse quelque foi  
requis.

D I A C. Cóbien qu'en c'est endroit ie vo'peuss  
satisfaire en vn mot : Si est-ce puis q' ie voy, que  
vous prenez plaisir d'entendre les choses bien au  
lóg, Ie vous compteray de mon Seigneur & mai  
stre, voire encore plus, que ne m'en auez deman  
dé: pource qu'ayant esté par l'espace de long téps  
gouuerneur, & maistre d'hostel en sa Court, i'ay  
vne cognoissance particuliere & bien entiere des  
choses, qui se font lá. Ie dy donques, pour cōmen  
cer, qu'au téps que le sainct Pere fut faict le chel  
vniuersel de l'Eglise militāte, Monarque du mō  
de, & Dieu en terre, voulāt monstrier quelque ef  
fect espreuve de sa Diuinité, engendra de soy  
mesme monsieur le reuerendiss. Clergé mon mai  
stre, & le fist tresbien nourrir, & soigneusement  
esleuer par vne nourrice Iuifue.

F A B. Etpour quelle occasion par vne Iuifue, &  
non point plus tost par vne Chrestienne?

D I A C. Ie pense qu'il le fist, afin que l'enfan  
fust instruit, & enseigné aux Ceremonies, & fa  
çons Iudaïques, & que puis apres il les peüst trās  
ferer en la Papauté, quand'il en seroit temps: cō  
me depuis par le cōmandement de son pere il fist.

F A B. Ceste raison est bien vray semblable: mai  
poursuyuez s'il vous plaist.

D I A C. Ce garson estant venu au temps de s  
ieunesse, mon Seigneur son Pere luy mist en se  
mains le gouuernement de la Court Romaine, &  
de toute la Clericature l'ayant premierement d  
stinguée, à ce que le gouuernement en fust pli

ifé en vne Hierarchie terrienne de plusieus or-  
 res & degrez. Cest à fauoir huiffiers, Psalmi-  
 es, ou chantres, Lecteurs, Exorciftes, Acolites,  
 oubdiacres, Diacres, Prestres, & Euesques. Puis  
 voulut que cest ordre des Euesques fust diuifé  
 en quatre parties, à fauoir, Patriarches, Archeuef-  
 ues, Metropolitains, & Euesques: lesquels tous  
 euffent apres auoir leurs Suffragans & coadiu-  
 urs: Comme aufsi des autres ordres fufdicts, Il  
 n fist aucuns Archediacres, aucuns Archeprestres,  
 es autres Doyens, & Soubdoyens, aucuns Cha-  
 noines, les autres Primiceres, aucuns Clercs de la  
 chambre les autres Protenotaires, Aucuns No-  
 aires, Châbriers, Cheualiers, Secretaires, Referé-  
 aires, Escriuains, Seelleurs: Abreuiateurs, Co-  
 iftes, Solliciteurs, Astipulateurs, brief vn nom-  
 bre infiny de telles gens de bien, tous constituez  
 pour l'admirtration de ceste Hierarchie terrien-  
 ne, & pour l'accompliffement & perfection d'i-  
 celle. Finalement, pour orner & bien reparer fa  
 Court du plus digne & excellent estat & degre  
 l'hommes, qu'on puiſſe trouuer en tout le mon-  
 le, voire apres luy, & pour exalter & faire mon-  
 er au ſiege ſouuerain les Capellans & Curez de  
 la ville de Rôme, adioignit à ceste Court l'ordre  
 les Cardinaux, perſonnages trefexcellens, trie-  
 z & choifiz de trois des autres ordres fufdicts: &  
 voulut qu'ils s'addonnaffent, & eſtudiaſſent tout  
 e temps de leur vie à la Philoſophie Epicuriene:  
 & que ne plus ne moins que les autres Philoſo-  
 phes, ils euffent aufsi bien quatre vertus Cardi-  
 nales. c'eſt à fauoir Rapine, Ingratitude, Sodo-  
 nie, & Apoſtaſie. Et que quand ils marcheroyent

ou iroyét dehors, ils eussent des plus belles montures, & des plus richemét parées, qu'il seroit possible, avec les chappeaux rouges sus la teste, pour signifier & représenter les lāgues de feu, qui vindrent sus les Apostres, & autres disciples de Iesus Christ: desquels maintenant ils sont lieutenans en terre. Et ordonna qu'ils eussent le premier lieu auprès de luy, & qu'ils fussent Princes du môde, & ses freres. Et qu'ils eussent l'office & autorité d'esslire, & créer les Papes avec telle condition toutesfois, qu'ils n'en peussent créer, sinon l'un d'entre eux. Tous ses autres officiers, courtisans, palefreniers, soldats, pages, laquets, vallets, & autres seruiteurs de plus bas estat (qui sōt vn nôbre presque infiny) à cause qu'ils n'auoyent aucun caractere, ny marque de dignité Ecclesiastique, furent amassez par luy, & compris sous vn même nom, & appelez Laics. Et semblablemēt voulut q̄ ce nom fust cōmun à tous les autres Chrestiens, qui ne seroyent point de sa Clericature: combien que quelque fois il appelle encores les Laics, Môdains, & Seculiers: tout ainsi qu'il nôme ceux de sa Clericature, Ecclesiastiques, ou gens d'Eglise, & Spirituels.

F A B. Ce fut vne œuure digne de grāde louange, que d'ordonner ainsi la Clericature, Car ou il n'y a point d'ordre, il n'y a que cofusion. Mais ces noms, qui sont imposez à vos ordres, & degrez de clericature, sont quasi tous si estrāges, que quant à moy, ie ne les puis entēdre. Et me seroit vn bien grand plaisir de sauoir ce qu'ils signifient. Et sur tout le nom de Cardinal, pourautant que ie voy qu'il est imposé à cest ordre de personnaiges, qu'on

sont plus pres du Pape, que tous les autres.

DIAC. Je ne mesbahy pas Fabian, de ce que vous ne les entédez point: pource que la plus part sont tirez de la langue Grecque. Mais si vous prenez plaisir d'entédre qu'ils signifient selon les Latins, vous pouuez lire la 21. distinction de nostre Decret: laquelle contient vne tres belle interpretation de ces noms, excepté de cestuy-la de Cardinal: à cause paradventure, que cest ordre n'estoit pas encores institué quand ce Decret fut faict & composé.

FAB. Je vous prie dōques Seigneur Diaconat, m'exposer s'il vous plaist ce nom de Cardinal pour le moins. Car quād aux autres ie les verray puis apres de moy-mesme, dedens le Decret tout à mon aise.

DIAC. Je le feray volontiers: Si est-ce que ie ne pourray pas vous en dire autre chose, sinon ce que i'en ay entédu dire aussi à d'autres personnages en nostre Court. Je ne vous raconteray point icy les opinions, touchant ceste matiere, de Guido archediacre de Bolongne, ny de Zabarella de Padoue, ny d'Andre Barbatio, lequel veut que le nom, & l'office de Cardinal soit tiré de ce passage de la saincte Escriture, ou il est dict, que les Gons (qui sont appelez en Latin Cardines) de la terre sont au Seigneur, & a mis le mode sur iceux. Mais ie vous diray seulement l'opinion d'aucuns autres, laquelle me semble plus apparente: ils affermet donques que le nom de Cardinal cōprend en soy vne figure, & maniere de parler, q les Grā mariens nomment Epenthesis, qui se faict quand on adiouste vne lettre, ou vne syllabe au milieu



d'un mot, lequel de soy ne laisseroit d'estre entier, comme pour exemple Induperator au lieu de Imperator. Ainsy ils veullēt q̄ ce mot Cardinal soit dit au lieu de Carnal (c'est à dire, charnel) & disent que cela s'est fait, pour dōner vn meilleur son au mot. Or quand à l'occasion, pourquoy ce nom a esté imposé à messieurs les Reuerendissimes, l'en ay ouy deuiser en plusieurs fortes. Car aucuns disent, qu'ils ont esté appelez Carnaux, ou biē Cardinaux, à cause du principal office qu'ils ont en la sainte Court Rōmaine, à sauoir, de s'addōner entieremēt & appliquer toute leur estude aux delices & voluptez de la chair. Les autres, pource qu'ils sont cōme freres charnels du Pape, & membres trop plus dignes que les autres, du corps de l'Eglise Papistique.

**F A B.** L'Vne & l'autre opinion, selon mon iugement peut estre vraye & bonne. Mais pour ceste heure il me suffit de ce q̄ vous auez dict de messieurs les Reuerendissimes. Et pourtant Seigneur Diaconat, vous pouuez retourner, s'il vous plaist à vostre premier propos.

**D I A C.** Aussi feray-ic. Ayant donques la sainteté du saint Pere faict & constitué son fils gouuerneur de ceste Clericature si bien ordōnée, luy donna encores puis apres l'administration & gouuernement d'une tres-puissante Prouince, appelée Sacramentaire, ornée & embellie de sept grandes Citez, desquelles il y en a deux, qui iadis furent edifiées de Iesus Christ: combien que depuis elles ont esté augmētées par les bastisseurs Papistiques: lesquels en bastirent encores depuis cinq autres en la maniere & forme quelles sont maintenant

tenant. Et voulut que mon Seigneur son fils demeurast & fist sa residence en l'une des susdites citez, nommée l'Ordre sacré. Et outre cela voulut aussi que le seigneur nommé Opus operatum, tres-excellent Seigneur & Baron en la monarchie Papistique, allast continuellement par ceste province, conferant par sa propre vertu la grace de Dieu à tous ceux, qui par succession de temps venans demeurer dedens les citez de ceste province, n'y mettroient aucun empeschement de peché mortel, pour la recevoir. Le saint Pere voulut davantage que mon seigneur le Clergé avec les titres des offices & dignitez Ecclesiastiques eust aussi quant & quant en soy les titres & offices des dignitez mondaines, comme de Conte, de Marquis, & choses semblables. Car si les titres Ecclesiastiques estoient tous seuls, ils seroyent par trop viles & contemptibles. Outreplus voulut que ledit seigneur ensemble avec la puissance Ecclesiastique sa tutrice, eust encores le bras seculier pour son defenseur à l'encontre de tous ceux qui luy voudroyent faire aucun desplaisir, ou de faict ou de parole. Davantage par succession de temps il luy mit entre ses mains vn nombre presque infiny d'offices, benefices, prebendes, pensions, & de toute autre sorte de biens de sa Monarchie, puis apres vne grande partie encores des reuenuz du Royaume des bonnes œuvres: & especialement d'aucunes provinces, lesquelles ont intelligence & trafiquent avec la susdite province Sacramentaire, afin qu'il peust par le moyen des thresors inestimables qui se tirent & amassent continuellement de tels lieux, maintenir sa

Clericature en toutes les pompes, parades, triomphes, ambition, grandeurs, plaisirs, jeux, esbatemens, delices, voluptez, & façons de viure vrayement Sibaritiques & Sardanapaliques, qui se peuvent trouuer en ce monde. plus en toutes gloires, dignitez & excellences, tant en montures, vestemens, qu'aux autres offices extérieurs, lesquels exercent tous les grans & principaux seigneurs de la cour de l'Empereur, comme nous voyons qu'il l'entretient soigneusement encores iusques à present. Dont il aduiant aussi qu'aucuns voyans la prosperité & conduite tant heureuse de nos affaires en ce monde, creuent d'enuie & d'esprit: & disent que ce seroit chose trop plus cōuenable & mieux seāte, que la cour Romaine & la Clericature fust pource & honneste, & certaines autres resueries & songes qu'ils forgēt en leur cerueau: dont tous se moquēt à pleine gueulle, mesme iusques à nos mulletiers.

F A B. Je croy bien aisément, seigneur Diaconat, que la chose va ainsi que vous dites, & pren grād plaisir à l'entendre. Si est-ce neantmoins que deux difficultez me sont tombées en l'esprit, oyant le dernier propos que vous auez traicté.

D I A C. Et quelles sont ces deux difficultez là, Fabian?

F A B. La premiere est, Si mon seigneur le Clergé possède maintenāt si grande quantité de biens & richesses, comment demeure ferme & stable ce que i'ay ouy quelque fois alleguer du decret du Pape? à sauoir, que ledict seigneur ne doit posseder ny or, ny argent, ny auoir possessions, ny diuersité de meubles: mais content de son viure & vestement

Au decret, à la  
96. distinct.  
chap. Cōstan-  
tinus,

En la cause  
à la quest.  
1. au chap.  
Clericus, &  
au chap. Cui  
portio. & au  
chap. Duo  
sunt.



vestemēt, doit tout nud & en simplicité suyure la poureté de la croix de Iesus Christ: La seconde est, Si les pompes, grandeurs, orgueil, & les autres choses que vous auez nagueres racôtées, sont vices & pechez selon le iugemēt des Prescheurs, qui les reprēnent & condamnent, que sera ce en cest endroit à vostre aduis? & comment s'accorde cela ie vous prie? Mō seigneur le Clergé fait-il sa Clericature vitieuse & meschante?

DIAC. Non, non Fabian, iamais: ie vous diray ce qui en est. Quant à vostre premiere question, les anciens Canōs, lesquels auoyent en soy quelque chose de bon, ne sont plus maintenāt en vsage, & ne s'observent plus nullement, à cause que le Pape (lequel n'est point subiect à loy aucune) voulant que pour le present on viue, & qu'on se gouerne selon ses reigles & ordonnances de la Chancellerie, & selon qu'il plaist du tout à sa reservation pectorale, à son propre mouuement, à sa propre science, à la plenitude de sa puissance, les Canons qui ne sont conformes aux choses cy dessus declarées, ne doyuent point aussi estre autrement gardez ny observez en ce temps icy.

Quant à la seconde difficulté, ie dy que les choses que i'ay desia racontées, peuuent bien estre vices, ouy & pechez en vous autres qui estes mōdains & seculiers: mais non pas en nous, qui sommes gens d'eglise & spirituels. Car le tref-sainct Pere par sa tref-saincte Saincteté sanctifie tellement sa Clericature & tous ses supposts, que nul vice, nul peché, nulle pollution ny meschanceté quelconque ne la peut polluer ny cōtaminer aucunement.

F A B. Vous m'avez tres-bien satisfait en cest endroit. Pourfuyuez maintenant ce qui reste ainsi qu'il vous plaira.

D I A C. Autre chose ne nous reste, sinon que respondre à ce qu'avez requis dès le commencement. cest à sauoir, si mon seigneur le Clergé est fils legitime du Pape, ou bié son bastard. A quoy ie respon, que comme le Pape, quand il se fit & crea dieu en terre, se transmua & changea soy-mesmes en vne nature bien differente de celle de ses predecesseurs: ainsi pour lors il engendra aussi de soy-mesme, c'est à dire de sa teste ou cerueau (comme Iupiter fit Minerue) mon seigneur le Clergé, & luy donna cest estre, ceste forme, & ceste nature qu'on voit qu'il a maintenât, bien differente de celle qu'il auoit eu premierement. De là vous pouuez voir, que proprement on ne peut dire qu'il soit ny legitime ny bastard: Legitime, pource que le saint Pere qui l'a faict & formé, ne pouuoit estre marié: Ny bastard, pour autant que le saint Pere ne s'accointeroit iamais de pail-lardes. Ia n'aduienne, mais bien plus tost de quelque mignon & effeminé Ganimedes, veu qu'il n'a pas esté licite mesmes au souuerain Sacrificateur du vieil Testamēt, d'auoir affaire sinon avec vne vierge. Tellement Fabian, que vous avez entendu, si ie ne suis trompé, ce que vous cherchiez de sauoir. Si maintenant vous doutez de quelque autre chose, me voicy tout prest pour vous satisfaire en tout ce que ie pourray.

F A B. Non monsieur, ie n'ay plus pour ceste heure autre difficulté en l'esprit quāt à ce poinct. Et vous remercie bien humblemēt de ce que m'a-  
uez

uez satisfait pleinement. Mais il est téps desormais  
q'ie m'en aille au bord de la riuere, de peur que  
le brigantin d'Ostia ne parte sans moy.

DIAC. Je vo' tiendray cōpagnie iusques là bas.

FAB. Pour ceste heure, il ne faut point q'vous  
preniez la peine. Je say bien que vous auez d'au-  
tres choses à faire de plus grande importance. Il  
me suffit que mon hōme est avec moy. Je me re-  
commande à vostre bonne grace.

DIAC. Puis qu'ainsi vous plaist, allez vous en  
avec la bonne aduventure.

FAB. Je ne veux point aller avec Bonauenture,  
ny avec l'Escot, ny avec Thomas tacquin qui  
sont des Cigalles monachales: mais bien avec  
Morgant Corse, qui est le patron du brigantin.

DIAC. Vous n'oubliez iamais vos petis mots &  
fornettes accoustumées, Fabian. Mais allez vous  
en ie vous prie, & à Dieu.

FAB. Adieu monsieur.

DIAC. Je me suis tāt arresté icy à deuiser avec  
Fabian, que ces estrangers qui ont disné aujour-  
dhuy avec mon seigneur le Reuerendissime mon  
maistre, pourroyent bien peut estre auoir prins  
congé de luy. Je le veux fauoir à la maison. Mais  
voyla Hermes le trucheman qui sort du Palais.  
Je sauray de luy comment tout en va.

### *La troisieme Scene du premier Acte.*

Hermes.      Diaconat.

HERM. Tant plus ie pense aux beaux propos,  
& deuises qu'ont tenu à table messieurs nos mai-  
stre: d'autāt plus ie me sen-sonfermé en la sainte

foy catholique: & ne puis faire autrement que ie ne me despitte à l'encontre des heretiques, & du temps passé, & ceux qui sont à present, lesquels ne veulent point obeir à nostre saint pere le Pape ny à ses sacrez Canons. Si quelcun d'entre eux se fust trouué auiourd'hui à dîner avec nous, il eust peu voir aisément ses erreurs, oyant les choses qui ont esté produites & alleguées par ces Theologiens contre les heresies.

DIA C. Je suis bien fasché que ie n'ay point esté present ce matin, quād ces messieurs les Theologiens ont ainsi deuisé. Si est-ce que s'ils sont desia partiz pour leur en retourner, ie feray tant que le seigneur Hermès m'en racôtera pour le mois vne partie. Dieu vous gard' de mal seigneur Hermès.

HERM. O seigneur Diaconat, ie ne m'estoye pas apperceu q' fulsiez icy. Vo<sup>9</sup> soyez le bien trouué.

DIA C. Et puis, messieurs nos maistres sont-ils desia partis de la Cour?

HERM. Ils ne font que sortir tout à ceste heure pour aller au Palais de mon seigneur le Dat-taire, pour leuer certaines Bulles touchant quelques Benefices, que le saint Pere leur à conferez à cause de la grande sollicitude qu'ils ont, & de la peine qu'ils prennent pour defendre & maintenir vaillemment l'autorité Apostatique (ie vouloye dire Apostolique) du saint siege Romain.

DIA C. Voila qui va tresbien. Mais dites-moy vn peu seigneur Hermès, comment s'est on porté auiourd'hui à table?

HERM. Le mieux du monde. Le banquet a esté magnifique & somptueux, & digne, ie vous en respon, d'vn tel Prelat qu'est mon seigneur le Reuerendissime vostre maistre.



DIAC. Et de quoy est-ce que ces personnages tant doctes & excellés ont deuise durât le disner?

HERM. Ils ont parlé de diuerfes choses, mais sur tout de la puissance du Pape, & de celle aussi du tresredouté & puissant Roy Franc arbitre, cōtre l'opinion des heretiques de ce temps icy.

DIAC. Toutes ces deux matieres sont tresbelles. Mais ie vous prie, qu'en ont dit ces messieurs? pourueu toutesfois qu'il ne vous fasche point de me le raconter.

HERM. Quant à moy, seigneur Diaconat, il ne me fasche nullement, & le feray volôtiers: mais il me faudra vn peu estre brief, pource qu'estant le trucheman de messieurs nos maistres (i'enten de ceux de dela les monts) ils m'enuoyent maintenāt pour expedier quelques affaires qu'ils ont, à fin que demain sans autre empeschement ils puissent partir quand ils voudront. Et si dauantage incōtinent qu'ils aurōt eu les Bulles de mon seigneur le Dataire, ils veulēt aller prédre congé du saint Pere pour ceste mesme occasion.

DIAC. Et bien de par Dieu, recitez-moy les choses tāt briuement qu'il vous plaira. Mais ie vous prie dites moy premierement, cōbien vous estiez de personnes à table. Je n'ay peu d'auioirdhuy me trouuer en la maison à l'heure du disner, pour autant qu'il ma fallu encores expedier quelques affaires de mon seigneur le Reuerendissime mon maistre, avec le seigneur Chrysostome Thresôrier. Puis est aduenue que i'ay trouué le seigneur Discours humain, secretaire du roy Franc arbitre qui s'en alloit à la Cour. Et comme i'estoye à deuiser avec luy, pour m'informer d'vn certain



Astrologue, qui est son amy (lequel mon seigneur le Reuerendissime mon maistre vouldroit bien mettre à la Cour de son Pere) & lequel ne vit d'autre chose que de faire des natiuitez par certains poincts d'astrologie, & de predire les choses à venir, & dire la bonne aduenture.

Voicy nostre bon amy Fabian d'Ostia, qui se trouua ensemble avec nous, & nous a entretenuz tous deux, & moy principalement, à deuiser icy en ceste place avec luy iusques à ceste heure.

HERM. Quât à ce q premieremēt vous me demandez, il y auoit à table mon seigneur le Reuerendiss. vostre maistre, mōsieur Fabri Euesque de Viēne, le docteur Eccius, Pelargus, Cocleus, Empserus: deux theologiēs Sorbonistes, à sauoir frere Ambrois Catherin & frere Corneille (ie vouloye dire Cornille) de Plaisance, & puis moy, & non autre.

DIAC. C'estoit vne tresbelle & hōneste compagnie. Mais venons maintenāt aux propos qu'ils ont tenus.

HERM. Quât à leurs deuises, apres q les entrées & premiers plats furēt leuez, on cōmença à parler de la puissance du Pape. & en cest endroit apres auoir longuemēt disputé des matieres, mesieurs nos maistres cōclurēt manifestemēt, voire par les saīctes Escritures, par les saīcts cōciles, & par les sacrez Canōs, q le Pape ayāt esté cōstitué & estably par Iesus Christ, le Chef, le maistre, & le Pasteur de l'eglise vniuerselle, fontaine des loix & ensemble de toute iustice: & qu'ayant aussi receu de luy les clefs du Royaume des cieux, & les droicts de l'Empire terrien & celeste, avec le gouuernemēt & iurisdiction aussi des deux glauiues, il

Au decr. à la  
distin&. 19. au  
chap. Ita do-  
minus: & à la  
distin&. 21. au  
chap. In no-  
uo. & au cha.  
San&ta. Et à  
la distin&. 22.  
au chap. Om-  
nes. & au cha.  
Sacrofan&ta:  
& au conseil  
d'Arles.

la puissance & autorité de lier & deſſier, d'ou-  
 urir & fermer, faire & deſſaire tout ce qu'il veut.  
 Qu'il a puissance par deſſus tous Conciles tant  
 particuliers que generaux. Et qui plus eſt, les Cô-  
 nciles meſmes ne peuuent eſtre congregez: & apres  
 encores qu'ils le ſont, ne peuuent decider ny de-  
 terminer aucune choſe, ſinon côme bon luy ſem-  
 ble, & qu'il luy plaift. Qu'il peut faire nouueaux  
 articles de foy: conſtituer & mettre en auant De-  
 crets, Decretales, Canons, Sixieſmes, Clemétines,  
 Extrauagantes, Declaratoires, & autres ordon-  
 nances & loix appartenantes au ſeruice Diuin:  
 leſquelles obligent & contraignent toutes ſortes  
 de gens & perſonnes, ne plus ne moins que les  
 commandemens de Dieu: pource qu'elles ont vne  
 meſme autorité que l'Euangile, & doyuét eſtre  
 gardées & eſtroitement obſeruées d'un chacun,  
 ſur peine de peché mortel & dānation eternelle.  
 Car la preſtriſe d'Aaron ayant eſté trāſſerée à Je-  
 ſus Chriſt, & de Ieſus Chriſt au Pape, il eſt neces-  
 ſaire que la loy auſſi ſoit trāſſerée à luy: c'eſt à di-  
 re l'autorité de cōſtituer loix, & faire ordonnan-  
 ces. Laquelle choſe eſtablit & conſerme en luy  
 la puissance de commander, & aux autres la neces-  
 ſité d'obeir, d'autant qu'il n'eſt permis ny loiſible  
 à perſonnes quelconques de cognoiſtre de ce que  
 le Pape a iugé, ny de reuoquer ſa ſentence. Qu'il  
 a puissance d'approuuer, d'expoſer, gloſer, inter-  
 preter les ſainctes Eſcritures côme bon luy ſem-  
 ble. Qu'il n'eſt licite à homme viuant de quelque  
 qualité qu'il ſoit, meſpriſer, ou changer, ou ſe reti-  
 rer de ſon interpretation: à cauſe qu'il ne peut fail-  
 lir ny errer, eſtant le maiſtre & la reigle de la foy

Au decret, à  
 la diſtinct. 17.  
 au chap. 39.  
 nodum.

Au decret. à la  
 diſtinct. 19 au  
 chap. Sic om-  
 nes, & au cha.  
 Nulliſas.  
 Au decret. à la  
 diſtinct. 20.  
 au chap. de  
 Libellus.

Aux decretis  
 de Conſtitu-  
 tionibus.

Au decret. à  
 la diſtinct. 23.  
 au chap.  
 Quauis.

A la cauſe 17  
 à la queſt. 4.  
 au chap. Ne-  
 min.

à tous les autres: & n'y a interpretation ou exposition d'autre homme du monde, qui que ce soit, laquelle puisse ou doyue estre estimée ny receüe pour bonne, sinon entant qu'elle n'est point contreuenante à ses loix, & qu'elle soit admise & approuuée de luy: ou bien pour le moins (a raison que le plus souuét il est empesché à choses de trop plus grande importance) qu'elle soit confirmée & ratifiée par le Maistre du sacré Palais: lequel pource qu'il est homme plein de doctrine Thomistique, interprete les sainctes Escritures, & determine les choses concernâtes la foy catholique & appartenantes au sainct siege Romain, avec vn grand iugement & merueilleuse equité. Qu'il a la puissance d'interdire, d'excommunier, anathematizer, maudire & foudroyer à tort & à trauers tous ses ennemis, & tous rebelles qui n'obeissent point à ses commandemens, ou bien de ses ministres & vicaires: voire fust ce l'Empereur, ou le Roy, ou les Princes, ou qui qu'on voudra. Qu'il a puissance de remettre & pardonner les pechez du tout & en partie, comme il luy plaist, ou par foy-mesme, ou par ses Ambassadeurs & autres ses seruiteurs, ou par ses Bulles, ou par ses pardons de peine & de coulpe: & ce non seulement aux viuans, mais aussi aux ames des trespassez, lesquelles sont detenues en Purgatoire, pourueu qu'on mette la main à la bourse, & qu'on paye à beaux deniers cõtens. Qu'il a la puissance de charger & dispêser des vœuz & iuremens ou promesses de toute sorte, & des degrez de consanguinité aux mariages, selon qu'il iuge estre bon pour nos pources ames & pour sa bourse.

Au deer. à la  
cause 15. à la  
quest. 6. au  
chap. Iuratos  
Et Extrauag.  
de voto & vo  
ti redēptione

D I A.

**DIAC.** Seigneur Hermes, ie vous diray bien vn mot en cest endroit: c'est qu'il me sēble estre bien seant & raisonnable, que d'autant qu'il est auctheur & approbateur de tous les vœuz qui se font auioirdhuy en tous les lieux de sa Monarchie: aussi peut-il bien en dispenser à son plaisir, & selon qu'il trouue estre le plus vtile & profitable pour soy-mesme. Et pareillement quant aux defenses des degrez de consanguinité, qu'il a faites touchant les mariages, il me semble qu'à bon droit il les peut rompre & changer pour argent comme il luy plaist.

**HERM.** Vous dites vray seigneur Diaconat, mais pour retourner à messieurs nos maistres, ie dy qu'ils prouuerent dauantage & brauement, que le Pape a la puissance de faire que nous ne soyons point obligez, ny contraincts à garder les commandemens de Dieu, pourueu qu'au lieu d'iceux nous obseruions les siēs. Outré cela, ils monstrerent par viues raisons, que quiconques ne croiroit indubitablement que le Pape peut faire tout ce qui a esté dit iusques à ceste heure, & encores beaucoup plus qu'il n'a esté exposé, qu'un tel seroit excommunié de la plus grande excommunication In coena domini: ou bien de celle de saint Eleuthere, laquelle est encores trop plus dangereuse & à craindre, & seroit heretique pernecieux, & à euter cōme vne peste mortelle. Car combien q̄ plusieurs autres choses, quād on y adioulte foy, font l'homme heretique, neātmoins il y en a trois specialement qui le font tresheretique. L'une est, de ne croire poit que le Pape soit le chef de l'Eglise militante, & qu'il n'ait pas la puissance de faire tout ce qui luy plaist. L'autre, de semer mes-

Decr. à la distinction. 34. au chap. Le & or. En la glose, & à la distinction 82. chap. Presbyter.



chantes & dangereuses opinions au detrimen  
du sainct siege Romain : & la troisieme , de pro  
poser & permettre au peuple de lire ou entendre  
les saintes Escritures , exposées autrement que  
le Pape ne les interprete. Et la raison est, d'autant  
que les saintes Escritures mesmes ne les inter  
pretations d'icelles n'ont aucune autorité, sinon  
d'autant qu'elles sont approuuées de luy , lequel  
peut adiouster & diminuer à la parole de Dieu &  
aux Sacremens ce que bon luy semble: côme ains  
soit que Iesus Christ, à cause qu'il est si tost party  
de ce monde, n'a pas eu la commodité de pouuoir  
constituer, establir & ordonner tout ce qui estoit  
necessaire à l'Eglise: mais il a laissé ce soin & soli  
citude au Pape , comme à son successeur, de con  
stituer & ordonner ce qu'il luy semble que Iesus  
Christ n'a peu ne seu bien disposer ny ordonner.

**D I A C O.** Voyla des propos & sentences indubita  
bles . Et qui seroit si osé ne si hardy , ny mesmes  
suffisant de les refuter, ou d'y cōtredire? Et pour  
tāt ie ne m'esbahy pas si a bon droict il a despleu  
au Pape , que l'empereur Charles d'Austriche ait  
osé entreprendre de faire faire l'Interim : car il  
ne veut point qu'un Empereur vsurpe l'autorité  
de mettre la faux en moisson d'autrui . Combien  
encores que l'Empereur, selon qu'on en peut ima  
giner, ait esté esmeu & incité pour vne bōne fin  
Car voyant bien que pour le present les affaires  
du Pape, & comme ses parties honteuses estoient  
descouuertes à tout le monde, il les vouloit cou  
urir & cacher de cest Interim , tout ne plus ne  
moins que de quelques vieilles brayes. Que main  
tenant donques Caluin, Melancthon, & autres  
sembloit



bles crient à pleine gorge , ou escriuent tout ce qu'ils voudront à l'encontre de cest Interim.

HERM. Je vous racóteroye les authoritez & passages des Escritures , par lesquels messieurs les Theologiens ont prouué le tout , n'estoit que ie crain de m'amuser par trop . Et combien que ces sentéces soyent (comme vous dites) indubitables: toutesfois il y a des heretiques, lesquels y cõtre-disent hardiment: ainsi que le Docteur nostre maître Eccius me raconta l'autre iour : mais de ce nous en parlerons vne autre fois: car nous n'auõs pas loisir maintenant . Pour ceste heure il me semble bon de reciter icy seulement, qu'à la fin messieurs les Theologiens firent apparoir manifestement que le Pape est vn dieu en terre: non pas vn Satyre, ny vn Faunus, ny vn Syluanus, comme la vaine & folle Antiquité s'est, persuadée de ses dieux: mais vne souueraine puissance qui porte ainsi que Iupiter vne fleche en sa main : lequel aussi ayant en soy vn Arbitre & Volonté celeste, a puissance planiere & generale sur toutes creatures: & peut faire du tort le droict , & du droict le tort: de mensonge verité, & de verité mensonge: de ce qui est iuste iniuste, & de l'iniuste le iuste: du bien le mal, & du mal le bien . Et peut aussi faire quelque chose de rien , & changer la nature des choses ainsi qu'il veut : & si nul ne luy peut dire ne demander, Pourquoi fais-tu ainsi ? Car quant à luy, la seule volonté est au lieu de raison , pour faire ce qui luy plaist, & que bon luy semble.

DIAC. Je sauroye bien volontiers comment ils ont prouué ce poinct-la . Car c'est celuy qui ferme la bouche à tous nos aduersaires.

*Au Canon  
Quanto, de  
translat. Epi-  
seo. Titu. 7. in  
glos.*

HERM. Je le vous diray icy en brief, Premièrement ils ont fait voir à l'œil, voire toucher au doigt, que le Vicariat auquel le Pape succede au iourdhuy à Iesus Christ, est bien different de celuy auquel anciennement luy succeda l'Apostre saint Pierre, veu que S. Pierre fut vicaire de Iesus Christ pour exercer le ministere d'aucuns offices lesquels Iesus Christ auoit exercez en ce monde. Et fut tel vicaire qu'estoit son seigneur & maître cepédant qu'il viuoit en terre: assauoir pour, deschaussé, estrange, humble, contéptible, souffreteux, affligé & persecuté iusques à la mort, pour annócer & prescher la parole de Dieu. mais le Pape est vicaire de Christ pour mettre en executiō les offices lesquels Iesus Christ exerce en l'autre monde: & est tel vicaire qu'est maintenant le Seigneur, lequel vit triomphāt au ciel: c'est à dire trefriche, trefexcellēt, tresheureux, tressainct & trespuissant, à cause qu'il a receu du pere toute puissance au ciel & en la terre. Ce Vicariat & administration fait que le Pape n'est pas moins dieu icy bas en terre, qu'est Iesus Christ là sus au ciel: ainsi qu'il le nous demonstre apertement par vn seruice, vne loy, vne prestise & vn sacrifice institué de luy-mesme, conforme & cōuenant à sa nature. Et de là aduient aussi qu'estāt Dieu en terre, cōme il a esté desia dit, est à bon droit aussi seigneur de la terre, chef du móde, & monarque des monarques: auquel seul appartient de commāder & aux Anges & à toutes les autres creatures: de distribuer & departir les seigneuries terriennes cōme il luy plaist, d'esslire & confermer, voire mesmes de deposer & dechasser les Empeurs & autres

Le Pape Clement cōmande aux Anges qu'ils prissent l'ame d'un pelerin, qui estoit mort en son voyage, allāt à Rome pour gaigner les pardons: & qu'estant deliurée des peines de purgatoire la portassent en Paradis: ainsi qu'on peut encores voir au iourd'huy dedans Vienne, par vne sienne Bulle plombée & scellée.

res Princes du môde de leurs empires & seigneu-  
ries, ainsi qu'il veut. Bref toute creature humai-  
ne est obligée, voire necessairement pour estre  
sauuée, de demeurer suiète & obeissâte à luy. Or  
combien qu'aisément on peut voir cōment le Pa-  
pe est le vray & legitime seigneur du monde: mes-  
mes par le propos que Iesus Christ tint à Pilate,  
quād il luy dit, Mon royaume n'est pas de ce mô-  
de: car il ne luy vouloit dire autre chose, sinō qu'  
il ne se soucioit point de posseder le royaume de  
ce monde, afin de le laisser posseder au Pape son  
vicair & successeur: & combien que le vicariat  
Papal, qui est à present, ne soit point semblable  
(comme il a esté dit vn peu auparauant) au vica-  
riat de S. Pierre, si est-ce que le Pape n'a pas vou-  
lu pourtant refuser le titre & couuerture du man-  
teau de S. Pierre, ny de l'anneau du Pescheur, a-  
fin qu'il puisse sous la simplicité de tels noms te-  
nir mieux son faict couuert & caché.

Extrau. Co.  
lib. 1. Tit. de  
majoritate &  
obedientia.

**D I A C.** O comme nos Theologiens ont bien estu-  
dié les ars & sciences philosophiques aueques vn  
fruct merueilleux! Et qui est celuy qui iamais eut  
pëu ny feu par tant de belles deductions & argu-  
mens prouuer la diuinité terrestre du Pape, s'il  
n'auoit tresbien appris Aristote? certainement si  
ces messieurs nos maistres trauaillēt & s'exercēt  
tout le temps de leur vie en la doctrine d'iceluy,  
leurs labours & exercices doyuent estre reputez  
ressaincts & singuliers: puis qu'on voit à l'œil,  
que les choses de tresgrande importâce de nostre  
roy catolique ne peuuent estre prouuées sans le  
moyen des sciences Aristoteliques.

**H E R M.** Il est vray seigneur Diaconat. Mais pour

vous paracheuer le propos desia cōmençé, ie vous dy que messieurs les Theologiens outre les choses susdites, monstrent clairement comme les anciens Empereurs Chrestiens bien cognoissans ceste deité Papale, qui est en ce souuerain Seigneur & Prelat, luy communiquerent, & à mon seigneur le Clergé son fils, toute la gloire, tous les honneurs, toutes les pompes, tous les ornemens, & toutes les dignitez Imperiales que pourroit auoir & obtenir en ce monde quelque Empereur qu'on voudra dire, tant grand, superbe & hautain soit-il: de sorte que le Pape ayant pris le mâteau de pourpre & autres vestemens Imperiaux, le sceptre Imperial, le diademe & couronne d'or semée & chargée de pierres precieuses, a ordonné quād il va à cheual, que l'Empereur mesmes s'il est là present, tiēne la bride de son cheual, & qu'il soit aupres de luy comme vn palefrenier. Et que mon seigneur le reuerendissime Clergé ait comme le haut bout de ceste puissance singuliere & tant excellente, & autres dignitez Imperiales, desquelles le Senat Romain, les Conseillers, les grans Seigneurs, & toute l'armée Imperiale est accoustrée & enrichie. Puis afin que publiquement on peust voir que la dignité Papale est autant par dessus l'Imperiale, qu'est le Soleil par dessus la Lune, le Pape mit sur son diademe trois couronnes, & l'appela Le royaume du monde: pour demonstret qu'il est seigneur de toutes les trois parties du monde, assauoir de l'Afrique, de l'Asie, & de l'Europe, & qu'il a iurisdiction sur toutes les nations, & sur tous les royaumes du monde.

**DIACO.** Si ces trois couronnes signifient & representen

Au dec. à la  
distin. 96.  
au chap. Con  
stantinus. Et  
au chap. Si  
Imperator.

Au chap. de  
maioritate &  
obedientia.  
Aux extrana.  
chap. Super  
gentes.



sentent la seigneurie des trois parties du monde, veu que de nostre temps on a trouué vn nouveau monde, lequel est pour vne quatrieme partie adiointe aux trois autres susdites, ie diroye que ce seroit bien fait, qu'il mist sur son diademe quatre couronnes, & qu'il l'ordonnast en la maniere de celui qu'autresfois fut enuoyé de Venise à Soliman second empereur des Turcs.

HERM. Vostre opinion ne seroit point mauuaise, seigneur Diaconat, s'il n'y auoit autre signification en ces couronnes, que celle qui a esté dite: mais il y en a bien vne autre beaucoup meilleure: c'est à sauoir, que ces trois couronnes signifient la puissance & iurisdiction que le Pape obtient au ciel, en la terre & en enfer semblablement. Mais pour retourner au premier propos, sachez que de tout ce discours, & des choses que ie vous ay recitées iusques icy, messieurs les Theologiens à la fin conclurent directement ce qui s'ensuit: à sauoir, que le Pape estant legitime possesseur du monde, en peut distribuer & departir la seigneurie & domination comme bon luy semble: de sorte que ceux-la tant seulement auxquels il donne seigneurie, ou bien la conferme & ratifie, sont vrayement seigneurs: & ceux auxquels il l'oste, en sont priuez à bon droit. Côme aussi quand l'Empire est vacant, il en est successeur: puis apres il le transfere par son ordonnance à qui luy plaist. Et tout Prince ou seigneur de quelque condition que on voudra, est obligé quand il va par deuers le saint Pere, de s'agenouiller deuant luy, baiser sa sainte pátoufle, & l'adorer: ainsi q̄ fit l'empereur Iustinian au pape Constantin premier, en la ville

Aux Clem.  
Rubr. De sententia & re iudic. chap. Pastoralis.

Au Decrét.  
De priuileg. cleric. ch. Cū olim: & aux Clem. De sēt. excom. chap. Si summus Pontifex,



de Constantinoble: & fut celuy qui mit en auant ceste louable coustume, de reuerer & honorer deuement le Pape en ceste façon: combien que les autres disent, que le Pape a pris ceste coustume de se faire baisser les pieds, des anciens rois de Perse. Mais si le commun populaire ne s'agenouilloit en la preséce du Pape, il seroit cōtraint de ce faire à grans coups de baston. ainsi que nous voyons qu'on a accoustumé de faire, quand on le voit aller publiquement. Dauantage tout Prince constitué par le Pape en seigneurie tēporelle ou spirituelle, & semblablement tout docteur est tenu & obligé de luy faire serment de fidelité, & promettre avec iurement, qu'il ne sera iamais contraire de faict ny de parole au sainct siege Romain: mais plustost de tout son pouuoir & sauoir luy aidera, le maintiendra & defendra contre les heretiques & tous autres ses aduersaires & ennemis. Outre plus, à cause que le Pape est iuge par dessus tous les iuges du monde, soit l'Empereur, ou qui qu'on voudra, il ne peut estre iugé de personne quelconque. Tout hōme qui se sent greué en quelque cause que ce soit, peut iuridiquement & doit se retirer & hardiment recourir à son siege iudicial, & en appeler à la Roue de Rome, là ou il ne soit pas moins tormenté qu'est le pource Ixion: & ce afin que les emolumens & profits des choses qui sont en litige & procès, voire des estrangers, reuiennent à Rome, & qu'ils y demeurent. Il est bien vray que quant à ce qui appartient particulièrement à la iurisdiction spirituelle, pource que ce seroit chose vile & par trop basse pour la grandeur du Pape de l'exercer & administrer, il en dō-

Aux Clemen.  
c. Significasti.

La forme &  
teneur du iu-  
rement des  
Euesques &  
docteurs est  
mise aux Dec.  
De iureiurā.  
do, cha. Ego.

Au Dec. Cau.  
2. cha. Ad Ro  
manā: & Cau  
9. Quest. 3. ch.  
Nemo, & cha.  
Aliorū, & ch.  
Cuncta per  
mundum: &  
à la Caus 17  
Quest. 4. cha.  
Nemini.

ne la charge aux Euesques, aux Suffragans, coadjuteurs, vicaires & autres officiers, deuant le siege desquels sont debatus & vuidez les procès des causes dites spirituelles, combien qu'elles soyent trescharnelles & mondaines: & des contrats aussi qui se font in forma Camerae. Tellement qu'on attrappe deniers par tous moyes qu'on peut, voire en condamnant & excommuniant les personnes, lesquelles y estas accusées n'ont pas le moye de payer leurs dettes. Dauantage il peut iustement imposer, mettre & exiger decimes, annates, manteaux, subsides, taxes, gabelles, peages, rongeries & larrecins de toutes sortes, tant ordinaires qu'extraordinaires sur tous homes & tous lieux & pais du mode. Il peut vedre cardinautez, patriarchats, archeueschez, eueschez, abbayes, prieurez, preuostez, couuets, auditoires, clericatures de la chambre, cheualleries & autres offices, benefices, administrations, comanderies, prebendes, pensions, resignations, vnions, incorporations, annexions, reserves, regressesions, renonciations, resignations, vacances, changes, spectatiues, reseruatiōs pectorales, mouuemens propres, dispenses, bulles, indults, cofessionaux, pardons, graces, priuileges, briefs, licences, immunitiez, exēptions, cas reseruez, interdits, correctiōs, suspensiōs, irregularitez, agrauations, reagrauatiōs, depositions, fulminatiōs, excōmunicatiōs & maledictiōs: il peut, dy ie, vendre toutes telles choses ou par soymesmes, ou par le moyen de son dataire, de ses penitēciers, de ses legats & ses autres ministres & officiers: & en peut donner aux homes & aux femmes, à grās & à petits, aux

Au Dec. De  
decim. prim.  
& oblationi.  
ch. Non est, &  
ch. Trāsmissa,  
& ch. A nouis  
& c. Pastoralis

Marchādise  
Romanisques

dignes & indignes, aux viuans & aux morts, comme il veut : afin qu'il puisse de tous costez & par tous moyens recueillir & attirer deniers, pour puis apres s'en seruir, & les despandre en bonnes œuures & pitoyables, & entreprises d'importance: comme on pourroit dire, faire semblant d'edifier la fabrique de saint Pierre, publier que ce est pour aller contre les Turcs, faire grans seigneurs ses parens, faire guerres continuelles pour maintenir le patrimoine de l'eglise, secretement fournir argent à tel & à tel Prince, pour les entretenir continuellement en guerre : afin que le discord & debat d'autrui soit l'establissement de son royaume. Vray est que de l'autre costé puis apres par priuileges speciaux il exempté & garantit mon seigneur le Reuerendiss. clergé avec toute sa sequelle, ensemble tous habitans de moines, des loix mondaines, des gabelles, des tribus & de toutes impositions des autres Princes: & les retire hors de l'obeissance de tous Magistrats seculiers : à ce qu'ils puissent viure meschamment en toute ordure & puantise, ainsi qu'il leur plaist, sans crainte d'estre punis par la seigneurie mondaine: pource que tous ceux-la sont tenus pour excommuniez, lesquels osent toucher ou mettre la main aux christes & oincts du Pape, soit de paroles ou de fait. Finalement, pour dire en vn mot tout ce qui en est, ces messieurs les Theologiens avec argumens plus certains que demonstrations mathematiques, firent euidemment apparoir que le Pape peut toutes choses & plusieurs autres en ce monde icy & en l'autre. Laquelle puissance fait qu'à bon droit il est craint, reueré, serui & adoré

Sex. Rubr. De  
immu. eccle.  
ch. Clericis.  
& chap. Quia  
nonnulli.

Au decr. Cau.  
17. Quest. 1.  
chap. Si quis  
suadente, &  
Sext. Rubr.  
De poenis, ch.  
Fœlicis re-  
cordationis.

Distin. Nulle,  
chap. N'en  
croyez rien.

○ chose mer-  
ueilleuse!

ré de tout le monde . Et ses commandemens sont gardez en tous lieux d'un chacun , ou par amour, ou par force. Et quiconque ne les obserueroit, seroit asprement & rigoureusement puni de luy . Et qui plus est , il n'y a personne en ce monde qui peust appaiser la seuerité & rigueur du Pape contre ceux qui trāsgressent & violent ses ordonnances & commandemens, sinon la roine Pecune, laquelle luy estant plus à cœur (attendu que c'est sa mere nourrice) que son ame propre , peut impetrer de luy ce qu'elle veut . De sorte qu'elle seulement, & non autre, est tout ainsi moyēne entre le Pape & les transgresseurs de ses commandemens, comme Iesus Christ est le seul moyen entre Dieu & les hommes. Mais pour maintenant il suffira d'auoir recité les choses susdites du Pape.

**DIACO.** Ce n'est donques point de merueilles, si les portes d'enfer (ainsi que dit l'escriture) ne peuuent rien contre la puissance du Pape, puis que nous voyons qu'elle est diuine & infinie . Mais quoy , seigneur Hermes , qu'est-ce que ces messieurs les Theologiens ont dit puis apres du roy Franc arbitre?

**HERM.** Certainement ils en ont deuisé brauement, & dit des choses bien excellentes: & specialement de sa race & commencement, de sa puissance, de ses forces & vertus.

**DIACO.** Je prendroye maintenant vn plaisir merueilleux d'entendre ce propos, apres les choses desia exposées: si ie ne craignoye de vous amuser icy trop plus qu'il n'est besoin.

**HERM.** Puis que j'ay entrepris de vous racōter pour le moins vne partie des propos qui ont esté



tenus auïourd'hui à table, ie ne veux faillir de vous reciter encores cecy, voire & en peu de paroles, pource qu'il est tantost temps que ie m'en aille. Parquoy quant à l'origine & race du roy Franc arbitre, il a esté dit & monstré clairement qu'il nasquit en Paradis terrestre du temps d'Adam & d'Eue. Auquel lieu sa naissance ne fut pas moins esmerueillable, que celle d'Adam & d'Eue. Car comme Adam nasquit de la terre sans pere ne mere, & comme aussi ladite Eue fut faite d'Adam sans mere: ainsi le roy Franc arbitre fut engendré de deux meres sans aucun pere, à sauoir de la dame Raison & de la dame Volonté. De l'une desquelles il fut nommé Arbitre, & de l'autre Franc: combien que puis apres quelques gens conioignans ces deux mots ensemble, en ayent forgé vn nom seul, & l'ayent appelé Franc arbitre. Apres cela il a esté monstré à l'œil, que luy estant depuis sorti hors du Paradis terrestre avec Adam & Eue, n'alla gueres loin que par les sages du monde il ne fust fait & constitué gouuerneur d'aucuns pais de bien grande estendue, appelez par leur nom OEuures humaines: dont il est encores à present vray possesseur. Mais comment par succession de temps il a puis apres par le moyen des theologiés Scholastiques obtenu du Pape le royaume tresheureux des bonnes oeuvres, il n'est ia besoin que ie m'arreste icy pour le vous raconter, tant pource que ie seroye par trop long, que aussi ie pense que vous en auez entiere cognoissance. Je viendray donques à sa puissance & à ses forces. Ce qui semble estre d'importance beaucoup plus grande que n'est tout le reste dont il

a esté



a esté parlé, touchant la couronne sacrée. Là dessus il a esté prouué par raisons fort subtiles, que le roy Franc arbitre sans estre incité, esmeu, ny poussé d'autrui, a bien la puissance de se mouuoir soy mesmes à choisir, vouloir & faire ce qui luy plaist, qu'il peut pecher & non pecher, comme il veut: de sorte que ses forces si puissantes surmontent de beaucoup l'outrecuidé pensément & presumptueuse entreprinse de ceux qui bastirent & edifierent la haute tour de Babel, pour monter au ciel. Elles surpassent semblablement la force & puissance de tous ces braues Geans iadis exterminiez, lesquels mettans plusieurs montagnes l'une sur l'autre, taschoyent pareillement de conquister le ciel. Car iamais ny les vns ny les autres ne peurent venir à bout de ce qu'ils desiroient, encores qu'ils fussent en grand nombre, & puissans à merueilles. mais le roy Franc arbitre accompagné seulement du seigneur Acte elicite son maistre d'hostel, & de sa femme & de sa fille, avec le thresor qui se tire de son royaume par le moyen de la gabelle royale appelée Merite, en accomplissant, ainsi qu'il le peut faire, les commandemens de Dieu, quant à la substance du faict, combien que non pas quant à l'intention de celuy qui les a baillez, gagne & conquiste aisément le ciel: & de sa liberalité le donne à celuy lequel ne mettant point d'empeschement fait tout ce qui est en luy pour le gagner. Et pour plus grâ de cōfirmatiō de cecy messieurs noz maistres ont allegué la sentence de S. Augustin, qui dit, Celuy qui t'a créé sans toy, ne te \*sauuera point sans

De verb Apo  
itoli Jerm. 17  
\*aucuns liées  
ne te iustice  
sans toy.

roy: c'est à dire, sans le roy Franc arbitre. Car ils l'ont ainsi exposée.

DIA C. Leur exposition me plaist bien. Toutefois j'ay souvenance d'avoir veu en la librairie du Pape, entre les œuvres de S. Augustin vn exemplaire antique escrit à la main, dedas lequel ceste sentence n'estoit pas ainsi couchée comme vous dites qu'ils l'ont alleguée, ny come elle est prinse communement de tous: mais il y auoit vn signe ou poinct interrogatif noté à la fin de la clausule, en ceste sorte, Celuy qui t'a créé sans toy, ne te sauvera-il pas sans toy? Comme si par ceste interrogation il vouloit reprendre nostre entendemēt, qui est tant rude & grossier, & dire ainsi, Celuy lequel a eu la puissance de te créer sans toy, c'est à dire, lors que tu n'estois point: comment est-ce qu'il n'aura le pouuoir de te sauuer sans toy? c'est à dire, sans l'aide & secours du roy Franc arbitre? & ainsi les Theologiens mesmes l'interpretent. Mais d'autant que si on le prenoit en vn tel sens, ce seroit diminuer ses forces & sa puissance, nous dirons que cest exemplaire-la n'est pas correct en ce passage.

HERM. Il est certain qu'il faut necessairement croire que tel liure est incorrect. Car autrement toutes les raisons de messieurs les Theologiens n'auroyent aucun lieu, & seroyent fausses. Mais seigneur Diaconat, pour ceste heure c'est assez parlé de ce propos. Il faut necessairement que ie m'en aille.

DIACO. Et bien seigneur Hermes, allez vous en quand il vous plaira: ie vous prie de m'excuser si ie vous ay icy entretenu plus que ie ne deuoye.

Tant

Tant y a que ie vous puis asseurer, qu'en ces propos de messieurs nosmaistres i'ay prins tel plaisir, que quant a moy, i'estime qu'un chacun d'eux est digne & merite tresbié d'estre nommé **MAGISTER NOSTER** en grosses lettres.

**HER.** Je voudroye que vous eussiez esté si heureux d'ouir tels propos de leurs propres bouches, ils vous sembleroyent bien d'autre efficace, qu'ils ont parauenture fait, cependant que ie les vous ay recitez ainsi à la haste.

**DIAC.** Je le croy bien : mais que voulez vous qu'on y face? La multitude des affaires tant diueres m'a tellement empesché, que tout aujourdhuy iusques à ceste heure ie n'ay peu encores retourner à la Cour.

**HERM.** Et quelles affaires particulieres, ie vous prie, auez-vous ce iourdhuy expediées avec le Thresorier? I'enten si c'est chose qu'on puisse savoir.

**DIAC.** Je vous diray, seigneur Hermes, il me semble qu'Augustin Guigi banquier, il y a desia quelques années passées, laissa par testament à mon seigneur le Reuerendiss. mon maistre certains laiz de grande valleur, afin qu'on celebrast force Messes, & qu'on fist des seruices pour sa pource ame. Mais le Thresorier auoit tousiours esté paresseux de les recouurer: & pource mondit seigneur m'a enuoyé vers luy, pour l'aduertir qu'il ne differe plus à les luy faire payer.

**HERM.** Ces messieurs les Banquiers, quoy que il en soit, pour la plus part ne sont qu'vsuriers. Et de là vient, qu'il faut apres leur mort qu'ils facent des donations pour la redemption de leurs ames.

**DIAC.** Cependant que quelcun est icy viuan entre nous, il peut desrober, piller & brigander Dieu & le monde, & faire toutes les melchancez qu'on peut faire en ceste vie, sans aucú esgard d'autant que mon seigneur mon maistre, ou par soy mesmes, ou par ses officiers le peut absoudre de tout peché, pourueu qu'il ait le moyen de payer l'absolution. Mais quand vn homme est prest à passer de ceste vie en l'autre, il luy est de besoin selon le conseil de mon seigneur mô maistre, faire quelques laiz, ou bien laisser quelque somme de deniers pour disposer & mettre ordre aux affaires de son ame, voire en l'autre vie, avec ceux qui sont en Purgatoire. Mais seigneur Hermes, allez vous en quand il vous plaira, de peur que vous n'arrestiez trop. Je veux dire vn mot à Felin le despensier, que ie voy venir là: puis ie m'en iray boire vn coup. Car afin que vous ne vous abusiez, ie n'ay encores d'aujourdhuý m'agé chose qui soit.

**HERM.** Il en est temps, seigneur Diaconat. Allez quand vous voudrez. Et ie m'en iray semblablement à mes affaires.

*La quatrieme Scene du premier Acte.*

**Diaconat, Felin despensier.**

**DIAC.** Ou vas tu Felin? N'ois tu goutte? Holà Felin, ou vas tu?

**FELIN.** Qui est cestuy la qui me crie ainsi à pleingofier? O seigneur Diaconat, ie m'en alloye vous chercher maintenât. Mon seigneur le Reuerendiss vous demande, & voudroit bien sauoir si vous a



expédié l'affaire, que vous sauez, avec mon-  
sieur le Thresorier.

A C. J'iray bien luy raconter comment tout  
va, combien que ce ne soit pas chose de grâde  
portance. Mais dy moy Felin, as tu point aidé  
ce matin à seruir à table, ainsi que souuent tu fais  
quand il ya icy des estrangers?

L. Ouy monsieur.

A C. Que te semble de ces gens de bien de  
là les monts, lesquels ont disné aueques mon  
seigneur mon maistre?

L. Ils me semblent gens de bõne vie: mais  
ils ne boient point bien d'autant.

A C. Tu n'oublies iamais tes petits mots de  
ceulle. Je ne parle pas de boire ny de manger:  
mais de leurs façons de faire, & des propos qu'ils  
tiennent.

L. Je ne sauroye nullement iuger de leurs de-  
sirs, à cause qu'ils ont tousiours parlé Latin. Or  
quant à ce langage là, ie n'y euten que le haut  
et le bas. Mais quant à leurs façons de faire, par  
la foy elles me semblent fort barbares.

A C. Qu'as tu veu en eux qui te fasche prin-  
cipalement?

L. Cela que ie vous ay desia dit, c'est qu'ils  
ne peuuent boire d'autant. Je croy fermement  
que Nouellius Tricongius, ce bon biberon Mi-  
nois, & Lucius Piso fait & créé par Tibere Ce-  
sar, curateur de Rome, à cause qu'il beuuoit &  
qu'il n'auoit fort bien le temps, le perdroyent tout  
tantost contre eux, s'ils auoyent gagé à qui beu-  
oit le mieux.



**DIA C.** Tu dis que tu n'entens point Latin: si-  
semble-il pourtant, que tu fais tresbien alleg  
à propos les histoires.

**FELIN.** Je ne say pas ces choses-la de moy n-  
mes, nō: mais i'en ay ouy deuïser à la Cour qu  
que fois à gens sauans & bien lettrez.

**DIA C.** Laissons cela, & passons outre. Tu c  
entendre que ceux-la pour la plus part sont A  
mans. Et pourtant ce n'est point merueilles  
boiuent bien.

**FELIN.** Vous est-il aduis que ce soit là vne l  
le coustume?

**DIA C.** Que veux-tu qu'on y face? Il faut l  
accorder & permettre quelque chose à la natr  
à la nourriture, à l'accoustumâce, au pais, & p  
l'amour de nostre maistre & seigneur auoir q  
que esgard à eux, & les supporter. Car afin qu  
l'entendes, ce sont Theologiens, lesquels de  
dent & maintiennent les affaires de nostre  
maistre avec vn grand courage & hardiesse, &  
uec raisons de merueilleuse efficace.

**FEL.** Dieu le veuille. Quant à moy, ie n'adio  
pas grand' foy à eux: pource que ie pèse qu'ils  
la caboche plus remplie de vin que de sel: o  
ce qu'ils ont les nez si rouges, qu'il semble qu  
foient escreuïsses cuites.

**DIA C.** Je croy plustost en cest endroit au iu  
ment du seigneur Hermes, qu'au tien: il m'a  
tous les biens du monde d'eux & de leurs faç

**FEL.** Cela ne me donne aucune fascherie, c  
ez-en ce qu'il vous plaira. Tant y a que vost  
croy ne se chante point en l'eglise. l'estime  
mon seigneur le reuerendiss. cardinal Sadole


el(ainsi que i'ay ouy dire)est tout Ciceronien,  
et trop mieux defédre les affaires de nostre mai-  
e, que ces Theologiens de delà les monts. Tou-  
fois ie m'en rapporte à ceux qui en fauent plus  
que moy, & à ce qui en est.

A C. C'est assez parlé pour ceste heure, en-  
tous là dedans. I'expedieray quelques besongnes  
de i'ay, & puis ie m'en iray tout incontinet par-  
tir à luy.

*La premiere Scene du second Acte.*

Le roy Franc arbitre, Discours humain,  
Acte elicite.

FRANC ARB.

 R peut-on bien voir maintenant,  
Secretaire, combié sont aveuglez  
les hommes en leurs iugemens.  
Qui eust iamaïs peu pèser ny son-  
ger, qu'on eust trouué en tout le  
monde gés à qui la seruitude fust  
plus agreable & plaisante que la liberté? Et tou-  
sfois nous voyons que plusieurs commencent à  
retirer de mon royaume, auquel ils peuuent  
iure libremét à leur plaisir, & s'en vont ailleurs  
pour estre esclaves & serfs à d'autres: côme nous  
pouvons aisément comprendre par les lettres du  
roy Ferdinand.

I S C. H V M. Ce n'est pas iugement, sire: mais  
une follie enragée qui transporte telles gens, &  
s induit à refuser leur bié, & à suyure leur mal.  
Les Grecs, pource qu'ils estoient sages & bien

adufiez , ne firent pas en cefte maniere , quar Quintius Flaminius leur offrit liberté lors qu'ils ne l'attendoyent point. Mais qu'en dites vous figneur Acte elicite?

ACT. Je fay bien qu'il y en a eu plufieurs , le quels ont trop mieux aimé perdre la vie que la liberté . Mais ie n'enten point de quelle feruitue ou liberté vous parlez icy principalement.

FRANCAR. Vous n'avez donques pas feul nouvelles que nous auons eu d'Alemagne.

ACT. Non fire.

Lettre du  
roy Ferdinand  
au roy Franc  
arbitre.

FRANCAR. Ces iours paffez quelques Theologiens de ce pais la font venus icy , lefquels n'ont apporté vne lettre du roy Ferdinand , par laquelle il m'aduertit d'une chofe laquelle n'eft point trop bonne pour nous. Mais quel befoin eft il que ie m'amufe à la vous raconter? Le Secrétaire vous peut lire ladite lettre , dont vous entendrez amplement comme toute la chofe va.

DISCOVRS. La lettre eft icy , il la peut prendre & la lire luy mefmes.

FR. AR. Prenez la donques , & la lizez qu'on l'entende.

ACT. Le deuoir que j'ay à vous & à vofre roy me, fire, me meut & incite à tenir conte de vos faires, non pas moins que des miennes propres Parquoy ayât efté pleinemēt aduerti par mes officiers, que tous les iours arriuent en Alemagne nouvelles cōpagnies de gens, qui s'en font enfuir hors de vos pais pour fe joindre aueques les Lutheriēs, lefquels femblablemēt fe font defia reuoltēz contre vous , il m'a semblé bon de vous adu

en diligence de cest affaire, afin que vous y  
puissiez pourvoir en telle sorte, que vous iugiez  
qu'il sera le meilleur & le plus expedient. Je me  
recommande tousiours à vostre bonne grace.

R. A R. Que vous semble de ces nouvelles la, sei-  
neur Acte elicite?

C T. Par ma foy sire, elles me semblent dignes  
estre bien considerées, & de pres.

R. A R. Voire, & d'autant plus que ces Theolo-  
giens m'ont dit de bouche, qu'entre ceux qui s'en  
oyent, il y a plusieurs grans personages & de  
reputation: specialement quelques vns de la pro-  
vince de la Moynerie, lesquels se declarent plus  
overtement nos ennemis que les autres.

C T. Selon mon iugement il faut prendre gar-  
de à cecy, & y pourvoir le plus tost qu'on pour-  
ra: depeur qu'on ne face quelque conspiration ou  
complot à l'encontre de vous.

R. A R. Ainsi me le conseille Discours nostre  
secretaire que voicy, & suis aussi bien deliberé  
de le faire: & sur tout voyant que les remedes  
qu'on y a mis desia par cy deuant, nous y seruent  
rien peu. Parquoy ie veux que tout maintenant  
vous vous en alliez trouver le chancelier Amon:  
qu'il vous baille les coppies des escritures que  
luy commanday l'autre iour qu'il me fist ex-  
traire & coppier à l'original authentique de mes  
enseignemens royaux, & que vous les portiez in-  
continent au sainct Pere: & que luy disiez que d'  
icy à vn peu ie m'en iray parler à luy avecques no-  
tre Secretaire: & vous, attendez moy là aussi.

C T. Tresuolontiers sire.

FRANC ARBIT. Prenez Berthaut avec vous,

& despêchez le tout diligemment.

ACTE. Bien sire, ie m'y en vay en diligence.

*La seconde Scene du second Acte.*

Bertaut barbier, Aste elicite, Amon  
chancelier, Trifon notaire.

BERTAUT. Combien que pour ceste heure i' n'ay  
roye bien autre chose à faire, comme ie vous  
dit: toutesfois puis que le Roy me le commande,  
i'iray volontiers avec vous, & feray tout ce que  
me commandez.

ACTE. Bertaut, tu as entendu comment l'affaire  
va: mais ou pourrons nous trouver le Chancelier?

BERT. Il sera par aventure en la maison. Vous  
plaist il que i'aille voir s'il y est?

ACT. Ce sera bien fait. Mais le voila qui sort  
à propos de sa maison: allons parler à luy. Dieu  
vous gard' de mal, seigneur Amon.

AMON. Vous soyez le bien venu, seigneur Aste  
elicite. Que vous plaist il de commander?

ACT. Le roy Franc Arbitre a commandé que vous  
me bailliez les escritures que vous devez au Roy  
fait copier, suyuant le commandement qu'il vous  
en auoit fait.

AMON. Ie m'en alloye tout expres à la chan-  
celerie pour cela. Les coppies sont faites, & les  
icy sur moy. Mais auant qu'elles sortent de mes  
mains, ie les veux collationner à l'original: afin  
que si d'aventure on auoit failli en les coppier,  
nous les puissions corriger.

ACT. C'est tresbien dit, faites en comme il vous  
plaira: mais despêchez diligemment. car il me s



faut incontinent porter là ou on m'a commandé.

AMON. Nous despecherôs le plus tost que nous pourrons. Toy Trifon pren cest original, & trouue le registre des prouinces, des villes, des gabelles & de toutes les autres choses d'importâce qui sont dedans le royaume des bonnes œuures.

TRIF. Le voicy mon seigneur.

AM. Voila qui va bien : baille ça le liure entre mes mains, & toy ly les coppies transcrites, & ie regarderay si elles se rapportent & accordét ensemble. Et premierement voyons si les prouinces sont bien coppiées.

TRIF. La coppie des prouinces est icy mise en ceste sorte, Le royaume des bonnes œuures donné par le sainct Pere souuerain seigneur de Rome; au trespuissant roy Frâc arbitre, auec promesse de le maintenir en possession d'iceluy, contient en soy les prouinces cy deffous escrites selon les noms propres de chacune. La premiere est appelée Moinerie : la seconde, Seruice des saincts : la troisieme, Fabrique ou bastimét des saincts lieux : la quatrieme, Penitence : la cinquieme, Iusne : la sixieme, Oraison : la septieme, Aumosne : l'huitieme est la Messe. Or la principale gouuernante de ce royaume est madame la regente Bonne intention, duchesse des trompeurs, ordonnée là de par le roy Franc arbitre dés le commencement mesmes qu'il a obtenu le royaume, iusques à present. Vray est que depuis madame la contesse de Guastalla, il n'y a pas long temps, a esté faite par vn priuilege du Pape Lieutenante de ladite duchesse, iusques à tant que par l'administation de ce

royaume, elle soit avec sa sequelle retournée & remise en telle pureté & innocence qu'estoyen Adam & Eue auant qu'ils eussent peché.

A M. Les noms des prouinces sont tresbien copiez. Vien maintenant aux citez.

T R. La coppie des citez est ainsi mise icy, La prouince de la Moinerie comprend sous soy vn grand nombre de citez, peuplées à merueilles, pleines de maisons bien appropriées & fort aisées, & de très beaux & magnifiques palais: & furent edifiées & basties en diuers téps & diuers lieux, & par diuers auteurs aussi & maistres: desquelles aucunes ont leur peuple d'une secte & d'un ordre seulement les autres l'ont diuisé en plusieurs sectes & ordres quasi cōme en lignées, ou bié en céturies. Et sont comprises sous les noms cy dessous escrits. La cité Basilianne, habitée d'un peuple Grec: La cité Hieronymienne: La cité Augustiniene diuisée en plusieurs sectes & ordres, à sauoir en Heremitaïns, Chanoines reguliers, Scopettins, ceux de Latraille, Premōstré, Bons hommes, & ceux de la croix noire, & de S. George d'Alega. La cité Benedictine, laquelle cōme beaucoup plus ample, est diuisée aussi en plus de sectes & ordres que pas vne de toutes les autres: c'est à sauoir en ceux de Clugny, Cambrulenses, Valleōbrofins, de Grāmōnt, de Cisteaux, des Humiliez, Celestins, Gilbertins, Melicenses, Castelléses, Burfeldéses, Montoliuetains, Heremitaïns & Cassinenses. La cité Chartreuse, la cité Carmelitaine, la cité Crucigere, la cité Dominicaine (ie vouloye dire Dominicaine) diuisée en deux sectes & en deux ordres, à sauoir en Conuentsuels

Scopettins  
moines cōme  
chanoines re  
guliers.

tue

tuels & Obseruâtins. La cité Franciscane diuisée en plusieurs sectes & ordres, à sauoir en Obseruâtins, Conuentuels, Poures, Penitens, Minimés & Capucins, Nouuelles creatures, ou plustost Auortons. La cité de la Trinité, la cité Seruitaine, la cité Brigidiane, & la cité Iesuitane. Il y a dedâs lesdites citez plusieurs autres sectes & ordres moindres, dont les noms n'ont point esté icy autremét enregistrez, tant pource qu'ils sont de basse condition & de peu d'estime, qu'à cause aussi que tous les iours (côme châpignôs du fumier & ordure) en prouiét quelcû de nouveau sous l'ombre de ceux qui ont desia esté nômez. La plus grâde partie des citez de ceste prouince Monacale sont tresriches & opulentes par la liberalité de ceux qui par successiô de tēps ont possédé la prouince d'Aumosne: desquels l'un par deuotion, l'autre pour descharger sa conscience, vn autre pour obtenir pardon de ses pechez, l'autre pour bien faire tant à son ame qu'à celle de ses amis trespassez: & cestuy cy pour vn certaïn esgard, cestuy la pour quelque autre, ont quelques fois desherité leurs propres enfans, & autres legitimes heritiers, & ont delaiissé leurs biens à ces lieux susdits, comme ils ont aussi fait à la cité de la Confrairie mentionnée cy apres. Or quant aux peuples & habitans d'icelles citez, ceux la ont le plus d'assœurâce de ce qui leur appartient, desquels les ordres & sectes ont esté confermées & establies par le Pape. Et n'est aucunement licite à personne quelconque de ladite prouince, d'aller demeurer d'une cité en l'autre, si d'auéture ce n'estoit en vne plus parfaite &

mieux reiglée que la sienne.

BERTAUT. Sainct Paul n'a pas peu supporter aucunes sectes tant petites fussent elles, qui commençoient à regner entre les Corinthiens, craignant que par tel moyen Iesus Christ fust diuisé. Et icy il y a des sectes à milliers, lesquelles non seulement diuisent Iesus Christ: mais aussi en font comme vne anatomie decouppée en petits morceaux & loppins.

ACT. Que grondes tu ainsi entre tes dens Bertaut?

BER. Non autre chose monsieur, sinon que ie prise & loue toutes ces belles sectes: non pas des anciens Philosophes, mais de ces bōs moines qui sont de nostre temps en ces citez, lesquelles ont esté icy nommées. Mais monsieur le Notaire pour-suyuez vostre entreprinse.

TRIF. A l'entrée de ceste prouince il y a vne forteresse inuincible appelée Professio des vœux monastiques, laquelle est faite en forme triangulaire, ayant trois bastions forts à merueilles, à sauoir vn pour chacun anglet: desquels le premier est appelé Obedience: le second, Poureté: le troisieme, Chasteté. Et ladite forteresse est tellement située & bastie, qu'elle defend toute la prouince également. Et n'est point permis à aucun estrangier d'aller pour demeurer en icelle prouince, & premierement il ne renonce à la vertu & efficacité du Baptisme, & le plus souuent encores à son propre nom: & que passant par ceste forteresse ne iure & face serment solennel de la garder ainsi qu'elle est, tout le temps de sa vie. Or comme

me me

nement tels compagnons y sont introduits & amenez par la conduitte du seigneur Erreur, ou bien du seigneur Desespoir. Car par autre moyen il y en a bien peu qui y entrent. Combien que quant aux femmes, pour la plus grand' part elles y sont mises par force de leurs parens, lesquels pour mieusement entretenir le reste de leur famille en reputation du monde, font de leurs filles tout ainsi qu'un sacrifice à Moloch, ou plustost au diable.

B E R. Seigneur Amon, dites moy vn peu, ie vous prie, d'ou c'est qu'ont esté prins & tirez les noms de ces bastions Obedience, Poureté & Chasteté? Pource qu'à la verité il me semble qu'ils sont contrefaits.

A M. Ie te le diray Bertaut mon amy. Ils ont esté forgez par vne figure & maniere de parler que les Grammariens appellent Antiphrasis, laquelle se fait quand ou par moquerie, ou pour quelque autre occasion semblable nous vsons d'un terme contraire à ce qui sonne, ainsi qu'on peut manifestement voir en cest endroit qu'on en vse. Mais poursuyuez Trifon.

T R I. Assez pres de ceste forteresse, ou bien de ce chasteau, il y a vne cité trespuissante, laquelle n'est point suiette, mais seulement alliée & confederée avec les autres de ceste prouince: & est appelée proprement, Confrairie, laquelle est aussi diuisée en diuerses sectes & plusieurs ordres: c'est à sauoir en soldats sacrez, lesquels sont distinguez en cheualliers de Rhodes, Templiers, qui ont esté destruits, cheualliers Alemans, cheualliers de saint Iaques, cheualliers Calatrauesiens, cheualliers de Iesus Christ, cheualliers Castellás,



cheualliers de sainte Marie de la mercy, cheualliers Montefians, diuisez l'un de l'autre par leurs habits de diuerses couleurs, & diuerses croix. Et outre ceux cy ladite cité Confrairie est aussi diuisée en escholes & sectes de Niniuites, ou bien de Battus, en sectes d'Antonians, qui portent sur leur poictrine la figure de la lettre T vn peu grande: & tracassent par le monde se donnans du bon temps, & faisans grand' chere pour l'amour & en l'honneur du bon saint Antoine, lesquels on appelle ordinairement Porteurs de rogatons: & en sectes de Cherretans & balsteleurs de toutes fortes.

ACT. Pour certain ceste prouince contient vne grande multitude de compagnies, & vous promets ma foy que ie ne pense point que le pais d'Egypte (lequel produit tous les fruiets sans pluye) ait iamais eu tant de grenouilles, ny tant de sauterelles du temps de Pharaon.

Apocal. 9. BERT. Mais plustost ceux cy qui l'habitent, sont eux mesmes autant de sauterelles. Et sont de celles que saint Iean en son Apocalypse vit sortir hors de l'abyssme. Mais poursuyuez, monsieur le Notaire.

TRIF. En ceste prouince les hommes n'espoussent point de femmes, ny les femmes ne se mariét point aussi: & neantmoins ils multiplient de sorte que souuentefois ils sont contraints, comme les mouches à miel, de faire nouueaux paniers pour receuoir les gettons. Il est vray qu'ils mènent & conduisent, & prennent à loage pour faire  
demeurer

meurer en leurs pais, certains freres laiz, & leurs layes du troisieme ordre, qui se peuuent marier: & les font iouir de leurs priuileges, & les ont participans de leurs merites: siest ce qu'ils ne peuuent pas pourtant multiplier par le moyen de telles gens, pourautant que leurs enfans, s'il n'en vient aucuns, ne sont point suiets à la iurisdiction de ladite prouince, encores qu'ils fussent enfans de quelcun des paisans, ainsi qu'il aduient ouuent qu'ils sont.

**ACT.** O que voila vne chose merueilleuse! Et vous prie, seigneur Amon, faites moy ce bien de me dire comment font ceux cy, qu'ils multiplient tellement sans se marier l'un avec l'autre?

**AMON.** Certainement, seigneur Acte elicite, je ne le vous fauoye dire, sinon que ie say bien une chose, que la plus grande partie d'entre eux seruertissant l'ordre de nature se seruent des males au lieu des femelles: tant y a neantmoins que par ce moyen ils ne peuuent pas multiplier. Que s'il se pouuoit faire, ie croy qu'ils auroient desia rempli toute ceste prouince de tant de gens, qu'il faudroit en enuoyer de grandes troupes & benignes au nouveau monde. Outreplus ie say bien encores pour vray, que plusieurs d'entre eux estans hors de leur prouince s'aident des femmes l'autrui. Si est ce que par ce moyen la ils ne multiplient point encores pour eux, à cause qu'ils mettent, côme fait le coucou, leurs oeufs dedàs le nid des autres oiseaux, & fôt que les hômes demeurent  
e. iiii.

*Carruca est  
vn petit oi-  
seau quinour-  
rit les petits  
du coucou.*

des curruques en nourrissant les petits d'autrui. Dauantage ie say aussi que plusieurs d'iceux se seruent à leur plaisir des femmes de leur prouince mesme, combien qu'elles facent d'elles mesmes vne seigneurie presques comme faisoÿét les Amazones. Si peut on voir toutesfois que par ce moyen aussi ils ne multiplient point pour eux. car quand ils ont ainsi des enfans, ou ils les tuent en cachettes, ou bien ils les enuoyent incontinent aux hospitaux des autres prouinces, ne voulans point endurer ny la fascherie, ny la honte de les esleuer, à cause qu'ils ne sont pas engendrez de legitime mariage. Pourroit bien estre par aduerture qu'ils multiplient par l'intercession & bonnes prieres de quelque sainct homme de leur ordre, comme firent les Myrmidons aux prieres de Eacus.

A C T. Quoy qu'il en soit, voila vn grand cas.

B E R. On pourroit aisément leuer & amasser de ceste prouince si bien peuplée vn grand nombre de gens, qui viendroyent bié à propos pour mettre sus les galleres du seigneur André Dore, pour aller contre Barberouffe: & par ce moyen la terre seroit purgée & nettoÿée d'vne telle ordure & puantise. Et bien heureux ceux la qui seroyét tuez en tel affaire & entreprinse. Car le Pape promet le royaume de Paradis à tous ceux qui meurent aux guerres qui se font contre les infideles & ceux qu'il tient pour ennemis.

A C T. Ton aduis est fort bon Bertaut, on en a assez d'vn petit: i'en veux parler au Roy & l'en aduertir. Mais passez outre Notaire.

T R I F. Les peuples & habitans de ceste prouin

*An Dec. Can.  
12. Quest 5. ch.  
Omnium.*

e, voire tous ensemble & chacune secte & ordre part, iouissent de priuileges, immunitéz & exemptions infinies, ainsi que plus à plein est contenu dedans leur Mare magnum.

ER. Il est ainsi à la verité. Car i'enten qu'ils ont exempts mesmes de Paradis.

RI. Bertaut, ne m'entreron point ceste lection, tu me romps la teste de ton caquet.

ER. Je le veux bien : lisez tousiours comme il vous plaira.

RI. Il n'est point licite de nostre temps aux hommes de ceste prouince, non plus qu'aux suiets & à ceux de la cour de mon seigneur le reuerendissime mon seigneur le Clergé, de traualler de leurs propres mains, tant pource qu'ils ont bien equoy viure commodement d'ailleurs, qu'aussi pour autant qu'ils ont le gouuernement de choses beaucoup plus grandes que n'est pas le traual des vains. Car aucuns d'eux sont dediez aux exercices spirituels, comme pour se leuer à matines, se tenir longuement au cœur de l'eglise, dire leurs offices, chanter pseumes, iouer des orgues, sonner les cloches ordonnées par le pape Sabinian, orner & parer les eglises, les autels & choses semblables qui sont fort spirituelles : les autres sont ouez & adonnez à l'estude de la sacrée theologie des Scholastiques, des venerables Canonistes, & des curieux & diligens Sommistes : mais non point de la Bible, pource qu'elle fait tomber quiconque la lit, en cent mille heresies dignes du feu éternel & éternel semblablement, ainsi que leurs inquisiteurs en determinét. Et de fait ils le font bien sentir à quiconque pour telle occasion tom-

be entre leurs mains. Aucuns autres sont deputez aux choses externes, à sauoir pour acheter, vendre, demener marchandise, cueillir & amasser les rentes & gros reuenus de leurs lieux & possessions, faire leur profit & gagner par tout moyen que ce soit, & fournir diligemment leurs palais, qu'on appelle Cloistres, non seulement de tout ce qu'il est de besoin, mais aussi de tout ce qui est plaisant & conuenable au corps & cupiditez de la chair.

BERT. Ceste canaille auroit bien besoin d'un Amasis roy d'Egypte, qui leur fist changer vn peu d'accoustumance. Le Seigneur Dieu n'a il pas commandé qu'un chacun viue de son propre labeur & trauail? Pour quelle raison donques ces faitneans icy veulent ils contre l'ordonnance & commandement de Dieu viure à leur aise & faire gode chere, comme des fressons, ou bourdons, de la peine & aux despens d'autrui, sous couleur & couuerture de sainteté & religiô? O les beaux religieux!

ACT. Qu'est ce que tu dis, Bertaut, parlant ainsi bas? Je ne te puis bien entendre.

BERT. Monsieur ie ne dy rien qui vous touche aucunement: i'auoye mon esprit ailleurs.

ACT. Je ne m'esbahy pas, veu que ceux cy viuent si parfaitement, si saint Thomas Taquin dit, que quiconque va demeurer & habiter en ceste province, & qui prend les habits de ceux lesquels y demeurent, promettant avec iurement & serment publicque de garder estroitement tout ce qui a esté cy dessus déclaré, n'est pas moins renouvelé,



ouuelé, ny moins mondé ou nettoyé de tout  
 éché & meschanceté, que quand il fut baptizé  
 tant petit.

BERTAULT. C'est bien à propos, mondé : mais  
 au contraire, attendu que ceux mesmes qui  
 en vont là demeurer, se vantent qu'ils s'en vont  
 hors du monde. Ou devons nous croire qu'ils  
 ont, se retirans hors du monde, sinon en vne vi-  
 nie & immondicité ? Dauantage n'avez vous  
 entendu cy dessus, que leurs palais sont nom-  
 mez Cloistres ? Qui peut donques douter que  
 ceux cy ne foyent meschans & infideles, quant  
 n'y auroit que le tesmoignage de Lucain, qui  
 dit qu'il n'y a ne foy ne crainte de Dieu en ceux  
 qui suyuent les cloistres ?

CLAUSTR. Tu monstres bien ton ignorance, Bertault :  
 le texte de Lucain ne dit pas Cloistres, mais Ca-  
 tra, c'est à dire les guerres, ou les camps.

BERTAULT. Ce n'est pas de merueille si vn hom-  
 me de ma qualité n'entend point si parfaitement  
 les lettres humaines : combien que depuis que ie  
 suis venu demeurer à la cour du roy, pour estre  
 son barbier, i'ay aucunement estudié aux lettres,  
 tant eu la commodité parce que la plus part du  
 temps ie suis de loisir. Quoy qu'il en soit, ie vous  
 sçay que le texte de mon Lucain a Claustre : &  
 voy que l'une & l'autre leçon est tresbonne.

CLAUSTR. Voila de tes sornettes accoustumées,  
 Bertault : tais toy, ie te prie, & me laisse pour-  
 suyre.

BERTAULT. La verité ne se doit iamais taire : mais  
 continuez tousiours.

Nulla fides  
 pietasque vi-  
 ris qui clau-  
 stra sequuntur

An Decr. De  
consec Dist. 5  
gha. Carnem.

Cau. 12. quest.  
8. cha. Duo.

**T R 1.** Chacune secte , ou bien chacune ordre de quelque cité que ce soit de ceste prouince , tient vne reigle, vne loy, vne maniere de viure & vn habit different & separé des autres: tellement qu'aucuns mangent de la chair quand il leur plaist , les autres n'en mangent que bien peu souuent, aucuns n'en mangent iamais : si est ce pourtant que tous vivent fort delicatement & friandement. Les vns se font raire la teste en vne sorte, les autres en vne autre: comme font aussi plusieurs courtisans Romanesques , pour demonstrier par leur couronne rasée & pellée, qu'ils sont Rois spirituels. Les vns sont vestus de laine, les autres de lin : aucuns de blanc, les autres de noir: les vns de gris, les autres de bleu: les autres de blanc & noir meslé, lesquels ressemblent aux filles d'Enippe , lesquelles furent transformées par les Muses . Aucuns portent des surpelis par dessus: les vns ont des cappuchons & autres vestemens à vne guise, les autres à vne autre. Aucuns ont ceintures de cuir, les autres de cordes entortillées . les vns portent les soulliers entiers, les autres fenestrez, ou lunatiques . Aucuns usent de galloches ou çabbots de bois, les autres cheminent à pieds nuds . aucuns cheuauchent de fort beaux coursiers , les autres demeurent beste à cheuaucher . Les vns sont appelez Moines , les autres, Freres mangeans(ie vouloye dire) mendi-ans , bons zelateurs & vaillans champions à defendre la monarchie Papistique . Et combien que tous ces chemins semblent differens les vns des autres , neantmoins tous conduisent & adreffer ces moines & freres frappez à vn mesme but , sauoir à la perfection, à sauuer leurs ames , à g-

gne

ner la vie eternelle, & meriter Paradis. Toutes  
 lesquelles choses beaucoup d'entre eux promet-  
 ent aussi bien à ceux lesquels ou viuans auront  
 porté les habits de mesme couleur qu'ils portent,  
 ou qui en mourant se feront fait reuestir de leurs  
 mesmes habits.

BER. Mon seigneur le Chancelier, i'ay ouy di-  
 re que Iesus Christ en son Euangile promet la vie  
 eternelle à qui croit en luy, & obserue les com-  
 mandemens de Dieu. Comment donques voulons  
 vous dire que ceux cy gagnent & meritent la vie  
 eternelle pour obseruer leurs reigles, & cheminer  
 par les voyes qu'ils ont trouuées d'eux mesmes?

AM. Bertaut, tu ne l'entens pas. Car ceux cy ou-  
 tre leurs reigles obseruent aussi les commande-  
 mens de Dieu, & les preceptes du saint Euangi-  
 le: & plus, d'abondant outre tous les preceptes sus-  
 dits, ils gardent semblablement les conseils qui  
 sont en l'Euangile.

BER. Or ie l'enten bien à ceste heure, seigneur  
 Amon. Mais ie voudroye bien sauoir de vous la  
 resolution d'une doute qui me trouble en cest en-  
 droit: à sauoir mon, si ceux qui gardent les com-  
 mandemens de Dieu vont en Paradis ou non.

AM. Ho, & quelles questions sont ce la? Qui dou-  
 te qu'ils n'y aillent?

BER. Si donques en obseruant les commande-  
 mens de Dieu on va en Paradis, ces maistres moi-  
 nes & freres mitouars qui gardent les comman-  
 demens de Dieu, obseruent les preceptes & con-  
 seils de l'Euangile, & puis apres d'abondant leurs  
 reigles, ou tous les diables est ce qu'ils iront? Il est  
 force bon gré maugré eux, qu'ils aillent pardela  
 Paradis.

AMON. Bertaut, Bertaut, tu ferois bien de t'empescher de ton art & de tes affaires, & ne t'empescher point de l'Euangile. Tu peux bien voir que la plus grande partie de ceux qui s'en empescher deuient Lutheriens. Mais poursuy Trifon.

TRIF. Le principal soin & charge de ceste prouince est entre les mains de madame Hypocrisie. Mais d'autant que pour quelques occasions tres bonnes elle ne sort iamais de la maison, & ne laisse point voir en public il a esté ordonné, que la dame Discorde, la dame Enuie & la dame Ambition seroyent ses compagnes, & l'aideroyent en ceste mesme charge, & se trouueroyent dehors en public pour manier & demener les affaires. Parquoy toutes ensemble suyuant ceste ordonnance gouernent tout l'estat de la prouince. Mais puis apres la dame Ambition distribue par les Magistrats, les dignitez & les offices par tous les lieux de ladite prouince, sous les titres & apres declarez: à sauoir, Generaux, Prouinciaux, Presidens, Ministres, Vicaires, Abbez, Prieurs, Grands, Archimandrites, Preuosts, Correcteurs, Sots prieurs, Procureurs des ordres, messieurs Maistres en theologie, Lecteurs, Bacheliers, Regens, Prescheurs, Curseurs, Estudians formes & non formes, Doyens, Celleriers & autres semblables degrez: & à ceux cy elle commet & donne la charge de toutes les affaires de ladite prouince, tant spirituelles que temporelles. Elle distribue semblablement les dignitez & offices aux femmes de ladite prouince, & fait qu'elles gouernent pas moins que les hommes, d'elles mesmes.

mesmes les lieux suiets à leur iurisdiction & puissance, combien que de leur nature elles demeurent volontiers sous les hommes. Finalement quant aux traffiques de ceste prouince avec les eltrangers, tout ainsi qu'une grande compagnie des autres prouinces du royaume traffique continuellement & hante avec ceste nation Monacale, aussi vn grand nombre de ceux cy conuerse ordinairement en la cour du Pape, en la prouince de la Messe, & aux autres lieux du royaume, pour en tirer & attrapper toutes telles dignitez, profits & emolumens qu'il est possible d'en gripper.

BERTAUT. Mais plustost il se trouue de ces ventres paresseux & meschans, comme de passes, par tout le monde. Il ne se fait quasi iamais traffison, ou bien autre malheureté execrable en lieu que ce soit, que quelcun d'entre eux ne mette la main à la paste, & ne soit coupable de telle affaire & entreprinse.

ACT. Bertaut, que barbottes tu ainsi bas à toy tout seul?

BERT. Rien monsieur, sinon tout bien.

CTE. Non sans cause nostre Roy doit estre si soigneux de maintenir son royaume, puis qu'en iceluy il possede des prouinces tant excellentes. Mais pour suy, Notaire.

RI. La seconde prouince, la prouince du serui-  
ce des saincts, contient en soy trois citez: l'une est  
appelée Adoration, l'autre Inuocation, la 3. Inter-  
cessiō, lesquelles sont en telle grādeur qu'elles cō-  
tiennent vn nombre de personnes presques in-  
fini. Le pourtraict & façon de leurs bastimens &



fabriques fut prins & tiré de Babylone Caldai-  
que, & d'autres citez des anciēns idolatres. Et de là  
est aduenu aussi qu'ils ont tousiours obserué les  
loix, les ceremonies, les coustumes & manieres  
de viure Payennes : comme nous voyons encore  
aujourd'hui que lesdites citez les obseruent dili-  
gemment. Au milieu de ceste prouince il y a deux  
montagnes qui touchent depuis la terre iusque  
au ciel, faites & dressées par les fantasies humai-  
nes de certains freres & moines: l'une desquelle  
môtagnes est nommée Dulie, & l'autre Hiperduli-  
BER Si Tiphéus & les autres Géans ses compa-  
gnons eussent eu la cognoissance de ces deux môt-  
agnes, iamaïs Iupiter ny les autres dieux n'eus-  
sent eschappé de leurs mains.

TRI. Outreplus tout le pais est plein de rich-  
eglises, de grasses chapelles & d'autels tresopu-  
lens, là ou avec fort grande reuerence, suietio  
& crainte sont adorez, inuoquez & nommez in-  
tercesseurs & aduocats, tous ceux qui par le Pape  
& par ses Conciles ont esté canonizez & mis  
ciel : & ausquels aussi ont esté edifiez, dediez  
consacrez les lieux susdits, pour les honorer  
conseruer leurs reliques du temps de Sauian,  
bien d'Higinus, Papes, ou pour le moins de l'e-  
pereur Constantin premier, lesquels encomme-  
cerent tels edifices, iusques à nostre temps. Cor-  
bienque quelques vns disent que Cletus & An-  
cletus papes de Rome ordonnerent les premiers  
lieux ausquels seroyent mises & honorées  
reliques des Martyrs. mais cecy fut vne chose par-  
ticuliere: & l'autre est generale. Et puis en ce  
prouince on iure par ces saincts canonizez du

ce, & quand on fait vn serment pour tesmoigner la verité, on prend leur nom cōme celuy de Dieu.

BER. Seigneur Acte elicite, les peuples de ceste prouince sont non seulement en erreur, croyans que Sauian ou Higinius Papes ayent commencé de bastir leurs temples, mais qui est de plus grande importance, ils sont aussi selon mô iugemēt, insupportables, non pas de Dieu, ny des sainctes: ains des diables deifiez & sãctifiez au paradis du Pape, ainsi que Pasquille mon parēt ces iours passez deuisant avec moy le me fist fort bien cognoistre.

ACT. Quelle parenté y a il entre toy & Pasquille, frater Eugino?

BER. Monsieur, il est mon cousin. Et vn petit au parauant qu'il fust changé en pierre, nous estions compagnons en vne mēme boutique de barbier.

ACT. I'ay entendu de mon seigneur le reuerendissime Euieti, que c'est vn meschāt paillard que ce Pasquille ton beau cousin, & qui cause à tort & à trauers du Pape, des Cardinaux & d'vn chacun, ainsi qu'il luy vient à la bouche: de sorte que ie te conseilleroye que tu te donnasses garde de luy, de peur que tu ne tombes en quelque excommunication, & par ce moyē que le Roy ne te chasse hors de la Cour.

BERTAVT. Je n'ay pas grand' crainte de cela, attendu que nous autres barbiers pouons lauer l'excommunication avec vn peu d'eau chaude. Mon cousin Pasquille ne m'a dit sinō choses vrayes, sainctes & bonnes. Et quant à moy, ie ne say que veut dire Euieti. Mais poursuyuez Notaire.

TRIF. Par tous les lieux de ceste prouince on trouue grande quãtité de tombes, de sepulchres,

de vaisseaux ou sôt les cédres des morts, d'ampoules & vaisseaux d'or, d'argent, de cristal, d'yvoire, d'alabaſtre, & de toute autre ſorte de matiere precieufe: dedans leſquels ſont conſeruez corps, mébres, teſtes, os, poudre, cédre, chapeaux, draps, veſtemens, voiles, ſang, laiſt, eſpines, cloux, bois, queues d'aſnes, & mille autres reliques tant des chriſts & des vierges maries, qu'auiſi des canoniſez du Pape ( ainſi que nous auons dit ) & mis au ciel: leſq̃lles ſôt viſitées, reuerées, baiſées & adorées cōtinuellemēt des peuples de ceſte prouince.

BERT. Pluſieurs corps, comme lon dit, ſont reueruez en terre, deſquels les ames ſont tormentées en enfer. Et bié encores que les reliques des vrais Saincts fuſſent enchaſſées là: ce n'eſt pas pourtant à dire, qu'elles doyuent eſtre adorées de perſonne quelconque. Et beaucoup moins tāt d'autres choſes qu'on raconte en ceſt endroit, & ſpecialémēt des beſtes & aſnes, doyuent eſtre en telle reputation. Et qui eſt celuy qui n'apperçoit vne ſtupidité plus que d'aſne & brutale en ceux qui adorent les queues d'aſnes? O poure monde aueuglé!

TRI. En ceſte prouince demeure grande multitude de peintres, tailleurs, ſculpteurs, ſtatuaireſ, faiſeurs d'images, & de ſemblables artiſans, leſquels ne ſont autre choſe tous les iours, ſinon parer & embellir tous les lieux de ladite prouince de peintures, ſculptures, ſtatues, images, figures idoles & ſimulachres de Dieu, de Chriſt, de la vierge Marie, des Anges & des ſaincts & ſainctes de Paradis: afin que telles choſes ſoyēt pour enſeigner & aider la memoire des habitas de la prouince.

BERT. Ceſte façō de forger des idoles & marmosets eſt directement cōtre l'expres cōmandemen

& ordonnance de Dieu: attédu qu'au 2. de ses dix cōmandemens, il defend estroittement que nul ne soit si osé, ne si hardi de faire, adorer ne reuerer aucune figure, marmouset ne remébrance, cōbié que nous voyons à l'œil cōment ce precepte par l'astuce du diable, & la ruze de ses supposts, a esté si long temps enseueli, & quasi du tout esteint. Or confiderez, ie vous prie, comment le monde va au rebours. Les peuples nōmez Seres, les Perfes, Numma Pōpilius secōd roy de Rome, & assez d'autres Payens & idolatres defendoyét bien estroittemēt, qu'en leurs pais on ne forgeast aucūs simulachres ne statues à leurs dieux. & ceux la qui ont le nom de Chrestiens font tout le contraire, faisans images & marmousets, voire aux faicts Papistiques, & contre le vouloir de Dieu.

TRI. Bertaut, ie te prie ne m'empesche point de lire par ton babil, tu ne fais que lanterner.

BER. Notaire, ie vous prie poursuyuez vostre entreprinse, & ne vous amusez point à moy, que ie ne suis pas pour vous donner empeschement.

TRI. Dauantage il y a là vn nombre innumerable de ministres, lesquels y ont charge & office: ils tiennent bien pollies, bien nettes & ornées les reliquès & images qu'on trouue là: ils les accoustrent d'or, d'argent, de pierreries excellentes, & de draps somptueux de toutes sortes, selon les reuenus qu'ils tirent & amassent des offrandes qui s'y font: afin que par tels ornemés & pareures ils allechét & incitét vn chacū à plus grāde deuotiō, & à faire tousiours plus de presens & aumosnes.

BER. On ne trouue poit que Iesus Christ ait iamais dit à ses disciples, que la souuenance & in-



struction des choses diuines soit mise aux reliques & simulacres d'aucune creature: mais trop bien en son saint Euangile. Et outre cela Iesus Christ mesmes, qui est la vraye image de Dieu, & le Saint des saints, souffre bien & endure en ses pources membres cent mille necessitez & disettes, qui est vne chose par trop inhumaine: & cependant on s'employe de bon cœur à parer richement & brauement les reliques & images contre le commandement de Dieu: & le tout pour gagner & attrapper deniers. O la belle souuenance, les belles instructions & les belles deuotions!

**T R I F.** Bertaut, ie te respon que tu es par trop faucheux & importun, gazouillant ainsi tout seul: laisse moy poursuyure si tu veux.

**B E R T.** Poursuyuez tousiours côme il vous plaira, & ne vous arrestez point à moy, ainsi que ie vous ay desia dit. Ie deuise icy à part moy, gouuernant mes pensées: mais ie le feray parlant si bas, que ie ne vous empeschera nullement de lire.

**T R I F.** Au deuant de ces saints, des reliques & de leurs images on allume cierges & lampes de nuict & de iour, on y chante louanges, on ioue d'instrumens de musique, on y brusle encens fort odoriferant, on s'y descouure la teste bien reueremment, on s'y prosterne & agenouille-on deuotement, on y fait des prieres & supplications fort deuotes, on y fait des vœuz bien humblement, on y demande des graces infinies, on cherche secours en maladies & en toutes autres affaires & necessitez. Brief on cherche, on espere, on se fie que par leur moyen & intercession on pourra eschapper tout mal, & acquerir tout bien en ceste vie & en l'autre.

**B E R.**



**B E R.** Vn tel seruice, quād il se fait de bon cœur, conuient à vn seul Dieu: & qui le fait aux creatures, comme font ceux cy, il n'y a nulle doute qu'il ne soit idolatre. Car si c'est idolatrie, ainsi que c'est à la verité, d'adorer & seruir Dieu autrement que luy mesmes ne nous a enseigne par ses saintes Escritures, comment ne fera ce point idolatrie d'adorer autres choses que Dieu, voire du seruice lequel appartient à luy seul, contre son commandement expres? Le diable par ce moyen ne cherche pas moins de se faire adorer en ces saints, en ces reliques & en ces images, qu'il a fait le temps passé aux idoles des Payens & infideles. O poure monde miserablement abusé! Qui est celuy qui ne voit bien que sous telles choses il cache finemēt les dieux Penates & domestiques, les Medioxinnes, les Fidiens qui furent conduits à Rome par les Sabins, & tous les autres dieux des Gentils & vieux Payens? La sainte Escriture ne nous constitue sinon vn seul Mediateur, lequel soit semblablement Sauueur, qui nous deliure de tout mal, & nous eslargisse tous biens, à sauoir nostre Seigneur Iesus Christ: & ne nous permet point aucunement iurer, sinō par le nom de Dieu, voire quand il en est de besoin seulement.

**A M O N.** Pursuy Trifon, à quoy t'amuses tu là?

**T R I.** Je repren vn peu mó alaine, i'estoye presque las. Là mesmes on voit vn nombre infiny de precieux dōs & presens faits avec vœuz, qui sont d'or, d'argent, & de toute sorte de vestemens, d'armures, de tableaux peincts, escripts au deffous, pēdus & attachez en diuers lieux, pour rendre tesmoignage des miracles qui s'y font continuelle-

ment, & des graces que plusieurs y reçoquent.

B E R. Mais plustost pour tesmoignage des erreurs & abus qui s'y commettét, pour signe de la repro-  
bation & condamnation de plusieurs: & pour vne  
declaration de l'auarice execrable des ministres,  
qui ont le soin de telles choses: lesq̃ls nō seulemēt  
feignent & sement tels miracles pour leur gain  
& profit detestable qu'ils en tirēt: mais souuente-  
fois deuiennent des Promethées, Telchiniens &  
Architiés forgeans statues & images de leurs pro-  
pres mains, & leur faisans puis apres faire mira-  
cles d'eux mesmes: afin qu'ils deçoquent & bri-  
gandent le monde par tous moyens.

T R I. Et afin qu'on ne face faute en demandant  
les graces aux saincts & aux saintes, la deuotion  
des hommes en a mis & constitué l'vn sur vne cho-  
se, & l'autre sur vne autre: & a donné le soin,  
charge & defense à l'vn du feu, à l'autre de l'air:  
à cestuy cy de la pluye, à cestuy la du beau tēps:  
à l'vn de la mer, à l'autre de la terre: & à cestuy cy  
d'un lieu particulier d'icelle, & à cestuy la d'un  
autre: à l'vn des corps humains, à l'autre d'un mē-  
bre particulier d'iceux, & à vn d'un autre. A ce-  
stuy ci du salut des ames raisonnables, & à cestuy  
la de celle des bestes brutes. Mais entre tous elle  
principalement mise la vierge Marie par dessus  
des choses infinies: & luy a donné la charge de d-  
istribuer toutes graces, afin de soulager son fils d'  
vn si grief & fascheux empeschement. Outre cel-  
en partie le concile de Lyon, en partie la mesme  
deuotion particuliere de plusieurs a deputé & or-  
donné à tous saincts & saintes son iour de fest-  
à part, pour estre celebré en l'honneur d'eux pa-  
chanfor

hançons oisives, sons de mulique, danses, ieux, bâquets, yurongneries & autres plaisantes & ioyeuses deuotions. dauantage a ordonné qu'en tels iours on aille gagner les pardons, stations & indulgences par les autels, par les chapelles & autres eglises qui sôt dediées aux saints cy dessus mentionez.

BER. Quelle differéce y a il entre ces saints icy, & les dieux des Gentils, sinon de noms? Ceux cy n'estoyent ils pas aussi bien mis & cōstituez l'un sur vne chose, & l'autre sur vne autre? Leurs festes & solennitez n'estoyent elles pas celebrées de la mesme sorte qu'on fait de ceux cy? O idolatrie detestable, & plus que Payenne!

TRI. Entre les peuples & habitans de ceste province il y a quelques compagnies, lesquelles ne se contentans point des saints, des reliques & des images qu'ils ont en leurs pais, abandonnēt & quittent là le soin de leurs propres femmes, de leurs propres enfans & de leurs autres affaires, & partent de leur maison, s'en vont avec grans fraiz & despēs en pelerinage, tournoyās & tracassans par le monde, pour visiter crucifix, vierges maries & autres saints esloignez, pour voir leurs reliques & simulachres, & principalement de ceux dont le bruit est qu'ils ont pleuré, ou sué, ou parlé, ou fait autres miracles semblables, & pour là gagner les pardons qu'on y trouue.

BER. Quelles follies & sortes fantasies viennent au cerueau de telles gēs, d'abandonner & ne se soucier des choses dont Dieu leur a donné estroitement la charge & gouvernement, & s'en aller ainsi solement & brutalemēt cōtre la volonté de Dieu, & cōme en despit de luy, pour chercher si loī

des tróperies miraculeuses, & des faux miracles. Comme si la statue d'Apollo en Hierapoli, l'image d'Orpheus en Pieria, le simulachre de Mámone en la ville de Thebes, qui est en Egypte, la statue de Fortune colloquée en la voye Latine au pres de Rome, briefles statues des dieux pilliez & desfrobez par Verres en l'isle de Delos, & autres idoles innombrables: comme (dy ie) s'ils n'auoyé pas fait plusieurs tels & semblables miracles, f on doit appeler Miracles les illusions & tromperies du diable: combien encores que ce fussent vrais miracles que ceux cy vont voir, si ne se roient ils pas pourtant faits sinó pour confirmer en erreur ceux la qui ne croient point à la simpli verité des sainctes Escritures. Mais il n'y a null doute que tels miracles ne soyent saints & controuuez, tant pource qu'ils ne se font point par aucune confirmation de la parole de Dieu, qu'au si principalement à cause qu'ils induisent à vn deuotion particuliere, & seruice de Dieu & de saincts contre l'Escriture saincte: qui est à la ver té vne chose du tout diabolique.

A M. Trifon, tu t'arrestes fort souuent, poursuis tu veux.

T R I. Il me tombe vn certain caterre dedans l' gosier, qui par fois m'engarde de parler. Si est ce que ie poursuyuray. Ceste prouince fut iadis bri uement & outrageusement assaillie par vn Vig lantius du pais de France. Mais trop plus aspre ment encores la partie d'icelle qui contient e foy les images, fut assaillie par Epiphanius eue que de Salamine, par l'empereur Leon Isauire, & par Constantin cinquieme son fils, & par le con ci



concile de Constantin assemblée par luy, & par le concile Elibertin, & par Cōstantin sixieme, & par Serenus euesque de Marseille, & finalement par plusieurs autres hōmes d'autorité ses ennemis mortels. Et cōbiē que puis apres ladite partie avec la puissance de Gregoire troisieme, de Paul premier, d'Estienne troisieme & d'autres papes de Rome, & avec l'aide & secours du concile d'Italie, & du concile second de Nicée, & du concile de Latran & de Francfort, & avec la faueur de l'empereur Theodosius Atramitenus, & de l'imperatrice Theodora Hirene femme de Leon quatrieme, & du roy de France, & avec la defense de Germain Patriarche, de Gregoire de Cypre, de Iean Damascene, & d'autres docteurs de ce temps la: comme on dy ie, que ceste partie qui contient les images, par le moyen de tous ces vaillans champions ausdits soit demeurée victorieuse: neantmoins la victoire ne fut pas sans grande effusion de sang, & attira avec soy vne merueilleuse ruine: d'autāt qu'à l'occasion de tels debats & discords l'empire Chrestien fut diuisé: & la partie de vers Occident par les menées du pape Gregoire cy dessus nommé se diuisa & rebella cōtre celle d'Orient avec vn tresgrand dommage de toute la Chrestienté.

3<sup>e</sup> ER. Voila comment il en aduiet souuent, que la plus grande partie surmonte la meilleure.

T R I F. La troisieme prouince. Apres ladite prouince s'ensuit celle de la fabrique des lieux saints & de deuotion: laquelle contient en soy cinq citez toutes appelées d'vn mesme nom, qui va deuant: mais puis distinguées l'vne de l'autre par leurs propres noms. La premiere d'icelles est ap-



pelée Fondation de monasteres: la seconde, Fondation d'eglises: la 3, Fondation de chapelles: la 4 Fondation d'anniuersaires: la 5, Fondation d'hospitaux. Toutes ces citez icy ont esté basties par les peuples & habitâs de la prouince qui leur est voisine, à fauoir du seruice des saincts: lesquels esmeuz & incitez de leur propre deuotion: l'un par vœu, l'autre pour obtenir remission de ses pechez vn autre pour quelque vision qu'il auoit eue, s'en vindrent en ce pais, & y bastirēt les lieux susdits ainsi qu'auiourd'hui mesmes il en vient encore d'autres qui font le semblable, augmentans tellement les fabriques continuellement. Et de là aduen que ces deux prouinces icy sont si estroittement confederées & alliées ensemble, qu'en plusieurs choses elles ne peuuent estre separées l'une de l'autre. Et pour ceste mesme raison aussi le roy Franc arbitre a mis sur toutes deux vne mesme gouuernante particuliere, appelée dame Superstition: laquelle avec ses comandemens spéciaux fait qu'en ces prouinces icy tous les saincts & sainctes du paradis Papistiq, ensemble les reliqs & leurs images & statues, soyēt avec grand' crainte & singuliere deuotion reuerrez, priez, inuoquez, adorez & reclamez pour patros & intercesseurs particuliers.

BERT. I'ay ouy dire que le poete Hesiode affirme en sa Thegonie, ou au liure de la Genealogie des dieux, qu'on trouue trēte mille dieux, lesquels ont esté adorez par les anciēns en diuers pais & contrées du monde: mais ie croy fermement que de nostre tēps il y a vn trop plus grand nombre de sainctes Papistiques, ou plustost de diables sous le nom de couverture des saincts, qui sont adorez par toutes ces prouinces, d'autant que Satan se transfigure en forme maintenāt d'un Ange de lumiere, mai

nant d'un crucifix, tantost d'une vierge marie, tantost d'un saint ou d'une sainte, & maintenant d'un autre: & apparoyssant à diuerses personnes en plusieurs sortes, ne brasse & ne desire pas moins pour le present de se faire edifier des temples, chapelles, autels & autres lieux, ausquels il se fait adorer, qu'il a fait le temps passé, se transformant aussi tantost en un dieu, tantost en une deesse: & ainsi il se represente en diuerses manieres, tantôt à l'un, puis à l'autre: cōme nous pouuons voir qu'il apparut à Stratonice femme du roy Seleucus, au premier Ptolomée roy d'Egypte, & à plusieurs autres personnes. Et pleust à Dieu q̄ ces peuples miserables qui se laissent si facilement trōper, mais qu'ils ne veulent point cognoistre la verité de telles choses par autre moyen, pour le moins fussent quelque Demogorgus, qui cōtraignist tels faux visages & masques à se descouvrir eux mesmes, & à monstrier les illusions & moqueries qu'ils font à ceux qui croient. Les vrais Saints ne demandent point de tels honneurs: & Dieu mesmes ne desire pas tels temples, luy qui veut que nous mesmes & noz cœurs soyons les temples ausquels il demeure & habite. Mais Bertaut, dōne toy garde d'irriter les mousches guespes ou frellons, parle bas si tu n'as rien de bon à dire, car si ces choses estoient oyees, & qu'on feust qu'elles fussent sorties de ta bouche, on ne lauerait bien la teste d'autre chose q̄ de l'exieue.

¶ M. Iusq̄s icy ces coppies se rapportēt & cōueniēt fort biē avec leur original. Or Notaire, pourquoy ce qui reste, afin que nous le despatchons.

¶ R. I. La 4. prouince, la prouince de Penitēce cōsistēt en soy 3. citez, dōt l'une est appelée Cōtritiō, l'autre Confession auriculaire, & la 4. Satisfaction, basties il n'y a pas long temps, en la forme

qu'elles se trouuent pour ceste heure, par les theologiens Scholaſtiques, & par les Canonistes: cō bien que les autres afferment que la cité de la Cōfession (touchant ce qu'il y appartient ſpecialement) a eſté edifiée premieremēt de Ieſus Chriſt par le moyen de ſes Apoſtres: & depuis miſe & redigée en la forme qu'elle eſt pour le iourdhuy par le pape Innocent troiſieme, avec l'aide du cōcile de Latran, par le moyen d'un excellent & ingenieux architecte, nommé monſieur Omnis vtriuſque ſexus, qui eſtoit Hermafrodite, c'eſt à dire maſle & femelle tout enſemble, lequel en ſeu trop mieux faire le proiect & deſein, que Democrites ne fiſt d'Alexandrie. Car elle eſt fort commode & bien à propos pour la traffique des marchandises de toutes ſortes, & principalement de conſciences: voire à cauſe que le meſme pape Innocent commanda expreſſement, que toutes perſonnes tant hommes que femmes, qui ſont ſous la monarchie Papiftique, eſtās paruenus en aage de diſcretion, ſoyent tenus & obligez de venir pour le moins vne fois l'an à ladite cité, & là rendre conte & raiſon de tous leurs faićts, tant occultes & cachez que manifeſtes, de toutes les paroles propos & penſées avec leurs circonſtances, qu'ils ont eues touchant le maniement deſdites conſciences, depuis la derniere fois qu'ils y ſont venus. Dont il reuiet un gain & profit inestimable à pluſieurs tant de la cour de mon ſeigneur le Clerge qu'à ceux de la prouince de la Moinerie: leſquels ſont ordonnez & deputez pour lier, deſſier & ſifiter les balles deſdites marchandises: & auxquels les clefs ſont données pour ouurir & fe

les douanes & lieux publics ou arriuent  
ont gardées leſdites marchandises, & deſquel  
ils ſe ſeruent auſſi à mille autres commoditez  
r leur profit.

R. Cela eſt trefueritable . Car par ce moyen  
ſauent tous les ſecrets & affaires des hommes  
les femmes qui arriuent en ladite cité. Et peu-  
t puis apres par telle voye venir à bout aisé-  
nt de mille trahiſons, commettre mille adulte-  
& paillardises, & faire cent mille autres meſ-  
ancetez execrables, ainſi qu'à la verité ils font  
inairement.

R. Seigneur Amon, dites moy vn peu, ie vous  
e, auant qu'on liſe plus outre, quelles choſes  
ſont que ces conſciences, deſquelles ſe fait vne  
grande marchandise en ceſte prouince?

R. Ie le vous diray, ſeigneur Acte elicite, ce ſõt  
taines peaux de beſtes, tachées & marquées  
couleurs trop plus diuerſes que n'eſt vne ouce,  
vn leopard: deſquelles ſera fait mention cy a-  
s. Et combien que de leur nature elles ſoyent  
es & aſpres, neâtmoins ceux cy qui les ont en  
rge, les ſauent ſi bien conroyer & amollir &  
pareiller, que puis apres ils les péuuēt enuelop-  
à leur plaſiſir, en toutes choſes tant petites  
ent elles qu'on voudra, & les ſerrer, eſtrein-  
, eſlargir & eſtendre tout ainſi que bon leur  
able. Dauantage ils font auſſi de ces peaux ha-  
emens & aux hommes & aux femmes, de la fa-  
qu'eſtoient ceux d'Adam & d'Eue, quand ils  
ent chaffeſz hors de Paradis terreſtre.

R. I'enten la choſe comme elle va: pour vray  
doit rapporter vn grand profit. Or pourſuy

toufiours Notaire.

TR I. Il se trouue en ceste prouince vn grád nób-  
bre de charpentiers & menuisiers, qui belongnent  
ordinairement à faire des aiz ou des plâches, qu'ils  
appellent entre eux, Secódes tables, pour deliurer  
& sauuer ceux qui sont naufrage, ou tombent en  
dâger apres le Baptisme, ainsi que Hierosme Dal-  
matian les a enseignez de faire.

BER. Helas que ceux la cognoissent mal & pri-  
sent peu le Baptisme & la mort de Iesus Christ,  
lesquels sont cas & ont en reputation telles secor-  
des tables!

TR I. La cinquieme prouince. La prouince du Ju-  
ne contient en soy six citez: desquelles la premie-  
re est appelée Carefme: la seconde, l'Aduent: la 3  
Quatre temps: la 4, Vigiles commandées: la 5, Al-  
stinance des Mecredis, Vendredis & Samedis: la 6  
Abstinence par deuotion particuliere. La cité de  
la Carefme fut edificée, selon l'opinion d'aucuns  
par les Apostres. Les autres disent que ce fut par  
Telephorus: les autres par Melchiades pape de  
Rome. Mais quoy qu'il en soit, il est certain que  
est vne cité tresnoble, attendu que de là est proc-  
dé & a eu son origine le seigneur Carefme pren-  
l'un des plus braues & magnifiques Barons qui  
soient en la monarchie Papistique. Lequel au-  
en signe de ce, habitât encores auiourdhuy deu-  
ladite cité, tient vne fois l'an Cour ouuerte par  
espace de quelques iours avec vne grande mag-  
ficence & vne despenſe incroyable. Auquel tem-  
aussi il donne à quiconque frequente, celebre  
solennize ses festes, tous les plaisirs & esbattem-  
de chansons, danses, musiques, viandes, yurôgr-  
ries, dissolutions & paillardises, qu'on pourr-



toir en tout autre lieu du monde. Là pareillemēt  
à a de coustume , apres q̄ tels iours de plaisir &  
liouiffāce sōt paracheuez, q̄ tous ceux presque  
ui ont fait grand' chere, & qui ont celebré la fe-  
e deuant la vigile, puis apres entrent en ladite ci-  
par vne porte Cendreuse, & y cōmencēt à faire  
eu à peu vn fort beau marché , & manier entre  
autres choses grande quātite d'aucunes peaux de  
uerfes couleurs, qu'on nōme Consciēces. Et cō-  
unement ledit marché ou foire dure 40. iours.  
Éblablement la cité de l'Aduent, selon l'opinion  
aucuns, fut edifiée des Apostres: cōbien qu'elle  
it beaucoup moindre que la cité de Carême, à  
ause qu'en icelle ne demeurent presque autres  
ens, que quelques compagnies de moines & moi-  
esses, lesquelles tous les ans, cōme font les Iuifs,  
tendēt la venue du Messias. Mais la cité des Qua-  
e temps fut bastie (ainsi q̄ veulēt aucūs) par Ca-  
te, ou selon les autres, par Urbain, Papes: & fut  
ermis à elle seule par priuilege special, que tous  
ux qui veulent demeurer en la Cour de mō sei-  
neur le Clergé, ne puissent estre promeuuz, ny re-  
uoir leurs ordres, sinon dedans les murailles d'i-  
elle, excepté le Samedi, qu'ils appellent In albis,  
est à dire en blanc. La cité des Vigiles comman-  
des & celle d'Abstinence des Mecredi, Vendre-  
s & Samedis ont esté edifiées par les Papes &  
onciles des sainct̄s Peres , pour les occasions qui  
ensuyuoient: c'est à sauoir , la cité des Vigiles,  
pour oster certaines coustumes vitieuses & fa-  
ns de faire meschantes d'aucuns brigandeaux,  
squels courās & pillās de nuit çà & là, endōma-  
oyent griuemēt le pais: quāt à l'autre, pour a-  
ir vn lieu cōuenable à représenter cōme dedās

vn theatre, & le iour que Iudas choisit pour trahir Iesus Christ, & le iour qu'il fut mis en croix. Il est bien vray que du commencement que ceste cité fut bastie & fabriquée, elle estoit vn peu plus petite, & l'appelloit on seulement Abstinence de Mecredis & Vendredis. Mais le pape Innocét premier l'augmenta depuis, & y adiousta le troisieme, pour y pouuoir commodement representer aussi le iour entier que Iesus Christ demeura dedans le sepulchre. La cité d'Abstinence par deuotion particuliere a esté edifiée de gens deuotieux, dont ceux qui en descendent encores aujourdhuy ne cessent point de l'augmenter, suyuant la coustume de leurs peres, pour meriter & afin q Dieu leur doye de retour.

B E R. La coustume qui n'est point fondée sur verité, n'est autre chose qu'un erreur enuieilli.

T R I. En ceste prouince il se fait grande marchandise & traffique d'huile, poissons, legumages, racines, herbes & fructs de toutes sortes, à cause que l'usage de manger chair, œufs & laitages est défendu à tous ceux qui n'achettent point dispense & congé d'en pouuoir manger.

B E R. D'autant qu'on doit faire moins d'estime des mensonges naguères déclarez, à sauoir que la cité de Careme, & celle de l'Aduent ont esté edificées par les Apostres, à raison que cela n'a aucune autorité de l'Escripture sainte : d'autant plus doit on se fâcher & lamenter de ce commandement plus que diabolique, lequel nous défend les viandes que le Seigneur Dieu a créées pour nostre usage : & veut qu'elles soyent receues & prises de main tant liberale, pour sustenter nostre vie, au

actio

ction de graces . Mais qu'elles soyent licites & permises puis apres à celuy qui achete le congé d'en vser, en cela ne pouuons nous pas voir apertement, que les loix du Pape ne sont autre chose que des rets & des lacs tissus & faits de peaux de Harpies, pour attrapper deniers?

TRI. Excusez moy, ie vous prie, si ie ne ly aussi ost comme vous voudriez bien . Car ie suis contraint par fois de reprendre vn peu mon halaine. Or passons outre. Sur ceste prouince a esté ordonné pour gouverneur particulier le seigneur Monanus heretique: combien qu'aucuns sophistes asserment, que le gouvernement de ceste prouince fut donné à Adam & Eue, mesmes dedans Paradis terrestre, lors que Dieu leur defendit qu'ils ne mangeassent point de la pomme & fruit de vie.

Hist. eccl. li. 5.  
chap. 28.

BERT. Ceste opinion icy est bien aussi belle & subtile, que pourroit estre celle d'un autre sophiste, touchant la cité de la Confession, lequel imagine, ou plustost songe & refue sous son chapeau fourré, que ladite cité a esté edifiée de Dieu, quand il dit à Adam, Oues tu Adam? O resueries plus qu'infemales!

TRI. La sixieme prouince. La prouince de l'Oraison contient en soy cinq citez : la premiere est nommée Heures canoniales : la secõde, Letanies : la troisieme, le Chapelet nostre dame : la quatrieme, le Rosier : la cinquieme, Prieres particulieres. La cité des Heures canoniales fut commencée par Hierome Dalmatian, qui fut battu & fouetté de l'Ange, à raison qu'il estoit trop Ciceronien : combien qu'à la verité il fut battu à grand tort pour cela, ainsi qu'on peut aisément voir . Car il n'est

point coupable d'un tel cas. Depuis elle fut entièrement fabriquée & paracheuée par Pelagius second, pape de Rome: & fut diuisée en sept especes ou quartiers, pour soutenir les sept cheutes ou achoppemens que fait le iuste chacun iour: & fut mise là dedans vne compagnie de nouueaux habitants, prinse & leuée en partie de la prouince de la Moinerie, en partie de la cour Romaine. Vray est que le pape Gregoire premier depuis ne voulut pas que ceste cite eust plus d'une porte, laquelle seruist pour entrer en toutes les parties susdites: & la fist appeler par son nom, Deus in adiutoriū meum intende. Là dedans habite vn grand nombre de chantres, lesquels y furent mis par le pape Vitalianus: lesquels avec voix & instrumens de musique iour & nuict en plusieurs lieux font leur office, & gringotent là comme rossignols.

B E R. Est ce là ie vous prie, la maniere de prier que Iesus Christ a enseignée, quand il a dit que son Pere, qui est esprit, veut estre adoré en esprit & verité?

T R I. A l'entour de ceste cité il y a plusieurs fort beaux & excellens chasteaux, desquels le premier & le plus gros de tous les autres, qui fut edifié par le pape Urbain second avec l'aide du concile de Clermont, est nommé Heures canoniques de nostre dame: l'autre est appelé, l'Office du saint esprit: l'autre, l'Office de la croix: l'autre, l'Office des trespassez: puis d'autres nommez autrement. Mais pource que tous sont sous le diocese de ladite cité, il ne se fait icy autre mention particuliere de leurs affaires.

B E R. On les peut bien tous laisser là pour chose qu'ils vaillent. Car ils n'apportent aucun profit mais grand dommage.

T R I



TRI. La cité des Letanies du commencement fut faite bien petite par Mamertus euesque de Vienne. Mais depuis fut agrandie, & fort embellie par le pape Gregoire premier, nommé cy dessus : & fut constituée comme vne ville de retraite & sauueté pour tous ceux lesquels endurent calamité ou aduersité de quelque maniere que ce soit. La cité du Chapelet nostre dame fut edifiée par Pierre l'Hermite d'Amiens, ainsi que celle du Rosier par les moines de la cité Iacopine, pour donner bonne adresse à ceux qui ont deuotion à la vierge marie. La derniere cité a esté edifiée par des personnes deuotes, & leurs successeurs l'augmentēt tous les iours : tellement qu'à la fin ils en ont fait vn tres-beau port, là ou continuellement arriue vn grand nombre de nauires & vaisseaux chargez de vains desirs & meschātes opiniōs, desq̃lles se fait là vne merueilleuse marchandise. Brief toute ceste prouince est pleine de bōs Aritmeticiēs & conteurs, lesquels avec vn nombre certain & arresté tiennent bon conte & raison de ce qu'ils baillent à Dieu, à la vierge marie & aux saincts & saintes du paradis Papistique, avec lesquels souuentefois ils ont affaire.

BERT. Comme si Dieu estoit pour les tromper, ou bien que leurs barbotages & singeries luy estoient agreables, & qu'il n'estimait point cela plustost vne pure moquerie que deuotion.

TRI. La 7. prouince. La prouince de l'Aumosne ne contiēt en soy aucune cité, mais seulemēt des laboureurs de la terre. Car en vne partie d'icelle y a vne cāpagne fort grāde & spacieuse, laq̃lle produit & rapporte en abondāce blez, vins, & autres



fruits de toutes fortes: dauantage elle nourrit des a-  
 nes, & assez d'autres bestes parmy les gras pastu-  
 rages qui se trouuēt là. En l'autre partie il y a des  
 môtagnes pleines de mines, d'ot on tire or & argēt  
 & toute autre sorte de metaux sans nombre. Or la  
 meilleure partie des rentes & reuenus qui sont a-  
 massiez & cueilliz de tels lieux, est conduite, ou  
 bien la font conduire les maistres & possesseurs  
 des lieux susdits en la prouince de la Moinerie, &  
 à la Cour de mon seigneur le Clergé: pourautant  
 que les habitans de ladite moinerie, & ceux de la  
 Cour dudit seigneur, donnent à ceux qui posse-  
 dent lesdits reuenus, fumées d'encens, sons de clo-  
 ches, chans & autres voix incogneues, melodies d'  
 instrumēs de musique, ombrages de ceremonies,  
 apparences de benedictions & iustifications avec  
 eau, crachat, sel, huile, lāpes, chandelles, cendres,  
 croix, calices, platenes, tabernacles, aubes, surpe-  
 lis, estoles, manipules, chasubles, tuniques, chap-  
 pes, sepultures, cemiteres, songes, visiōs, miracles  
 & autres choses infinies, qui ont moins de substan-  
 ce qu'une voix d'Echo, & qui est iettée en l'air: a-  
 fin qu'avec ceste monstre de leurs choses spiritu-  
 elles ils attirent en leurs pais telles rentes, comme  
 par contrechange: & qu'ainsi tousiours ils puis-  
 sent estre remplis & auoir en abondance toutes  
 choses qui sont necessaires pour faire grand' che-  
 re. Que si d'auenture ils ne peuuent par le moyen  
 susdit paruenir à leur intention & entreprinse, ils  
 se conuertissent & tournent en Prothées, Vertun-  
 nes & Acheloyens, il songent mille inuentions, &  
 se seruent de cent mille tromperies, pour faire  
 tousiours venir le plus qu'ils peuuent de ceste eau  
 à leu

leur moulin. L'autre partie desdites rentes est distribuée par la prouince des lieux saincts & deuots, ensemble aussi par les autres prouinces du royaume, ainsi qu'il semble plus expedient à ceuluy qui en a le gouuernement.

BER. Helas, que voila des biens mal distribuez! Car selon mon aduis, faire bien aux meschans vaut autant que faire mal aux bons.

FRIE. La huitieme prouince. La prouince de la Messe contient en soy trois citez tresnobles, trespuissantes & tresriches: desquelles l'une est appelée Sacrifice pour les pechez: l'autre, Oblation pour les viuans & pour les morts: la troisieme, Application vtile à toute chose. Elles ont esté basties en diuers temps par diuerses personnes de la monarchie Papistique, qui se sont efforcez de tout leur pouuoir à faire que ceste prouince soit la plus magnifique & plus excellente qui soit au monde: afin qu'elle soit vne demeure & habitation digne de Iesus Christ Dieu & homme, lequel descend par chacun iour du ciel en terre, pour venir demeurer dedans.

BERT. Pour le premier voila vne menterie par trop impudete. Car il y a vn des articles de nostre foy qui dit, que Iesus Christ est assis à la dextre de Dieu le Pere, iusques à tant qu'il viendra iuger les vifs & les morts.

FRIE. Et ainsi saint Pierre avec les autres Apôtres, & saint Iaques euesque de Hierusalem, & vn grand nombre de Papes avec plusieurs autres saintes personages habitans en ceste prouince par l'espace de long temps, l'ont celebrée, magnifiée, preschée & augmentée de reputation, d'hon

neur, de dignité, de gloire, de richesses & de facultez par diuerse succession de téps, & l'ont ornée & embellie de trois langues, à sauoir Latine, Greque & Hebraïque, en memoire du titre & escripteau qui fut attaché sur la croix de Iesus Christ, lequel aussi estoit escrit en ces trois langues: d'auantage ils l'ont parée d'habits excellés & pleins de mysteres & secrets, qui sont de lin, de laine, de foye, d'or, d'argent & pierreries (comme estoient ceux dont vsoyét les sacrificateurs Iudaïques) de vaisseaux tresprecieux de toutes sortes, accommodez & propres à diuers vsages: de chans & sons plaisans & delectables, d'encensemés & parfums de bonne odeur, de seruices estranges & ceremonies exterieures prinſes & tirées non seulement du vieil testament des Iuifs, mais aussi des sacrifices des Gentils & Payens.

BER. O singes pleins de vanité & badinages! Iesus Christ a fait vn nouueau Testamēt en sa mort pour oster celuy qui estoit vieil: & ceux cy maintenant veulent mettre le vieil dedans le nouueau & faire des deux vn meſlinge plus que ridicule. Voila vne belle conuenāce. Ils feroyēt beaucoup mieux s'ils distribuoyent aux pources toutes choses tant precieuses & somptueuses, qu'ils gaudent sans aucune vtilité.

TRI. Au milieu de ceste prouince il y a vn bois fort obscur & espez, qu'on appelle le sacré Can. Lequel a esté plāté par qlques vns des susdits personages: duquel le propre nom n'a iamais peu estre bien cogneu ny entēdu, à cause de l'obscurité du lieu. Dedās ce bois il y a certains loups pires qui enragez, qui ne font que guetter & voir ceux qui passent par là: tellemēt q' premier qu'on les vo

ls leur ostét la voix, de sorte qu'õ ne les peut plus  
ouyr, ou pour le moins les entendre quãd ils par-  
lent, voire cepédãt qu'ils demeurét dedãs ce bois.

BER. La forest Nemée ne fut iamais si dangereu-  
se qu'est ceste cy. Car en ceste là quelque fois les  
corps estoient occis : & en ceste cy les ames sont  
toufiours meurtries miserablement.

TRI. Les reuenus de ceste prouince ont esté par-  
ticulierement assignez à mon seigneur le Clergé  
ils du Pape. Et pource ayant cõduit de là & ame-  
né certains nouueaux habitans de l'ordre de ceux  
qui sont de sa Cour, nômez Prestres, enséble vne  
grande troupe de la prouince des Moines, que luy  
ortroya Innocent & Boniface papes, leur a donné  
pleine puiffance & autorité de leuer & amasser  
d'icelle toutes les rentes qu'ils en peuent tirer par  
quelq̃ moyen que ce soit. Et n'y a point de doute  
que tels reuenus ne soyent merueilleusemēt grãs :  
attendu q̃ nõ seulemēt de toutes les autres parties  
du royaume des Bõnes œuures, mais aussi de tou-  
te la monarchie du Pape cõtinuellement accourét  
& s'assemblent en ladite prouince plusieurs estrã-  
gers: qui fait q̃ tous ces lieux sont riches & opulés.  
Et ces assemblées se font là pour beaucoup de rai-  
õs. Premieremēt pour y voir Iesus Christ en chair  
& en os: puis aussi pour meriter grãdemēt enuers  
Dieu: dauãtage pour obtenir remissiõ des pechez:  
finalemēt pour impetrer grace de pouuoir fuir &  
euitier tout mal, & aq̃rir tout bié tãt en ce monde  
pour euxmesmes, qu'en l'autre aussi pour les ames  
de leurs amis trespasséz. Mais il faut noter icy  
que mô seigneur le Clergé adiouste souuēt quel-  
que nôbre de persõnes ausdits nouueaux citoyés,



afin qu'ils ne se diminuent par successiō de tēps, à cause de ceux qui menēt ordinairement. Et n'est possible de raconter quelle resiouissance & plaisir il y a, quand quelcun est nouuellement introduit & mené pour remplir le nombre desdits citoyens. Car lors on chante, on sonne, on balle, on saute, on boit, on mange, on fait grand' chere, on prend tous les esbats & passe temps qu'il est possible, & desquels on se peut aduiser pour satisfaire au ventre. Somme, lors se font toutes les pompes, triomphes & dissolutions qu'on sauroit trouuer au monde.

BERT. Qui ne le croit, il en peut aisément voir l'experience en l'euesque de Trente, lequel estat conduit nagueres pour demeurer en ladite prouince, s'est trouué qu'il a despendu en telles folies & badinages vne grande quantité d'or & d'argent: dont il pouuoit aider & suuenir à tous les pources qui sont en son euesché, ainsi qu'il est tenu & obligé de faire.

TRIF. Or afin que la meschante & malheureuse vie d'aucuns de ces prestres qui demeurent là ne donnast quelque empeschement à recouurer les rentes, reuenus & gaing qui se tire de l'abondance & amas de tant d'estrangers: mon seigneur le Clergé a mis & ordonné pour gouuerneur principal sur ceste prouince le seigneur Opus operatum: lequel est si habile & de si bon esprit pour conduire ses affaires, & bien venir à bout de sa charge, que combien que les prestres susdits fussent meschans, vilains, malheureux, infames, paillards, infideles, bourreaux & du tout abominables, ainsi qu'ils sont pour la plus grand' part, si est ce qu



par sa vertu singuliere & prudence admirable il pouruoit & dispose toutes les affaires de sorte, que pour cela neâtmoins il ne se perdrait pas vne eule maille.

PERT. Ne vous semble il point à voir que ceux y ont fort bien estudié les cautelles de Cepolla? O les fins & cauteleux brigandeaux!

TRI. Les habitans de ceste prouince pour leur iure mangent du pain sans leuain, & boyuét du vin trempé & melleé avec de l'eau, ainsi qu'il leur esté commadé de faire par le pape Alexádre premier, ou (comme aucuns disent) par Alexandre troisieme: ce qui est plus vray semblable. Combien toutesfois, selon leur opinion, qu'ils transmuent, changent & transsubstantient ce pain susdit en la chair, & le vin pareillement au sang de Iesus Christ par l'efficace & vertu de certaines paroles, lesquelles tout bas & de propos deliberé ils prononcent dessus, faisans que Iesus Christ soit tout entier dedans tout le pain, & tout entier en chacune partie ou morseau & miette dudit pain: insi qu'ils ont puissance de faire en vertu des ordes sacrez qu'ils ont receuz des Euesques, par lesquels ils deuient & sont faits trop plus diuins que la vierge Marie, attirans Iesus Christ du iulicy bas avec cinq petits mots, comme vn Iuliter Elicius. Puis quand ils ont fait cela, premier qu'ils le mangent ou auallent, eux mesmes l'adorent, & le font adorer à tous ceux qui se trouuent à presens. Apres le rompent en trois pieces, lesquelles signifient & representent le corps de Iesus Christ à trois formes, tout en la sorte que ce-

luy de Geriõ Espagnol, & Herilus Prenestín, cõme le pape Sergius second veut qu'il soit fait. Et le distribuent spirituellemēt aux viuās, aux trespassez & aux bien heureux, lesquels (ie dy les bien heureux) veulēt que leur part soit trempée & meslée dedās le vin, & faite cõme de la soupe. Outreplus pour la grāde charité qu'ils ont à leurs prochains, ils les conuient quelques fois à māger de ceste viāde: mais, qui plus est, commandent estroittement, que tous ceux qui sont en aage de discretion & capables, doyuent pour le moins vne fois l'an, ayās premieremēt passé par la cité de Confessiõ, venir & se presenter pour manger de telle viande, cõme l'a ordonné le concile de Latran: d'autāt que la reception de ceste viande confere & apporte grace à ceux qui la reçoieuēt: & en ce il ne luy est besoin d'autre foy, pourueu qu'ils n'y mettent point aucun empeschement de peché mortel. En ce banquet ils donnent à ceux qui en sont, du pain qu'il mangent eux mesmes: mais du vin qu'ils boyuent ils ne leur en donneroyēt pas pour grād' chose, cause q̄ cela leur a esté expressement defendu par le cõcile de Constāce, de peur qu'en ce faisant par quelque malencõtre il n'en tombast, voire vne petite goutte en terre, & par ce moyen se contaminast: qui seroit, selon leur opinion, vn forfait tres enorme. Dauantage ils ne permettent point auqu'un qu'aucun atouche nullement les vaisseaux auxquels ils mangent & boyuent, ny les accoustrements dont ils se seruent en telle affaire, & affectement que si cela se faisoit, Dieu y seroit grandement offensé.

B E R. Ceux cy, à ce que ie puis entendre, non seulement

ment transforment, à leur dire, les substances de  
 vne en l'autre, comme faisoient Circe, Medée  
 & Melisse: mais aussi transmuent & j'changent le  
 testament, l'alliance & les ordonnances que Je-  
 sus Christ a faites & instituées en sa sainte Ce-  
 ne. Car ayant ordonné que nul ne mangeast de  
 son pain, & ne beust de son vin tout seul & à part:  
 mais qu'il communiquast ensemble avec les au-  
 tres, & qu'on y donnaist d'un mesme pain & d'un  
 mesme vin à tous ceux qui desireroient d'en boi-  
 re & d'en manger: ceux cy font en tout cela le co-  
 ntraire, & veulent estre plus sages & aduisez que  
 Iesus Christ aux affaires de la religion. Il est cer-  
 tain comme nous auons bien dequoy nous fas-  
 cher & pleindre, voyans comme ces enchanteurs  
 & sorciers trompent & abusent malheureusemēt  
 le poure peuple, luy donnant à entendre que la  
 transsubstantiation du pain & du vin au corps &  
 sang de Iesus Christ, est certaine & veritable: ain-  
 si deuons nous beaucoup plus nous contrister en  
 cest endroit qu'en l'autre, d'autant que ce qu'ils  
 font contre l'ordonnance de Iesus Christ, est sans  
 comparaison trop plus enorme & detestable. Il y  
 a bien aussi encores dequoy se lamenter, à cause  
 de leur aueuglement miserable, quand ils disent  
 que nous pechons en touchant les choses nettes,  
 & n'estiment pas qu'eux mesmes pechent en ma-  
 niant les choses tant ordes & sales.

¶ R. I. Je ne puis tantost plus parler, tant ce cater  
 me donne d'ennuy. Si poursuyuray ie le mieux  
 que ie pourray. Ces peuples icy par chacū iour, &  
 aucū d'entre eux le plus souuēt deux & trois fois  
 le iour sacrifiet de ceste mesme viande, & en offret

à Dieu en la personne de l'église, & en mange maintenant pour vn, & maintenant pour l'autre & par tous leurs pais en font grosse marchandise laquelle non seulement ils debitent & vendent qui en veut acheter, mais aussi prient les asseblées qu'ils en achètent, & songent mille finesses & inuentions, pour en pouuoir védre par ce moyen à plusieurs personnes, les asseurant que ladite marchandise est bonne, profitable & fort propre pour meriter & secourir tant aux hommes, soy viuans ou morts, qu'aussi aux bestes brutes, & quelque affaire & besoin qui leur puisse aduenir. Comme pour exemple, en maladies, pour mariages, pour auoir des enfans; aucuns pour auoir des fils, ne se contentans point si Dieu leur donne des filles. A saint Antoine de Pade, pour les choses perdues, ou bien esgarées: pour les mulles, pour les cheuaux & autres bestes, pour voyager, pour edifier nouuelles maisons, pour les vignes & terres achetées, pour la tempeste, pour marchandes, pour estudes, pour voyages ou par mer ou par terre, pour guerres, pour combats, pour deffendre des ennemis, pour estre heureux à la chasse, & autres plus enormes & execrables meschancetés. Brief, que ladite marchandise est vallable pour toutes choses esquelles tu la voudras employer, voire mesmes pour enchanteries & forceleries, ainsi que plus à plein est contenu & déclaré de ses leurs liures, qu'ils nomment Messels, ausquels se tiennent les contes de telle marchandise: tellement qu'ils disent ouuertement, qu'il n'y a nul prince tout le monde, qui la puisse payer.

B E R. Je say fort bien pourquoy: c'est d'autant qu'il y a

u'elle ne vaut du tout rien, ie dy en foy. Car à  
 ux elle ne vaut que trop, à raison du gain incroy  
 ble qu'ils en tirent de tous costez & de toutes  
 ars: Ipeçialement de leurs hosties, desquelles ils  
 nt vne douzaine pour vn blanc, qu'ils reuendent  
 pres six blancs la piece: dont il leur reuiet de  
 ain franc & net, sans grâde peine, enuiron cinq  
 u six mille pour cent. Mais il y a bien de quoy se  
 ontrister à bon escient, & plorer à chaudes lar  
 mes: c'est que par ceste maudite & execrable mar  
 handise ils empeschent la predication de l'Euan  
 ile, esteignans & foullâs aux pieds toute la vraye  
 ieté & religion Chrestienne. voire & qui plus est,  
 s'estouffent & amortissent aussi la foy mesmes:  
 entant qu'en eux est rendent vaine & sans effi  
 ce la passion de Iesus Christ, attribuant la re  
 mission des pechez à autre chose qu'à sa mort,  
 onnans au signe ce qui appartient à la chose fi  
 nifiée.

M. Trifon, si i'eusse pensé que tu eusses deu a  
 uoir vne si meschâte voix pour lire, i'en eusse fait  
 venir vn autre: mais puis que la plus grande par  
 tie est desia despechée, continue iusques à la fin le  
 ieux que tu pourras.

RIF. De ceste mesme viande dont ils vsent, ils  
 n'enferment & gardent dedâs des vaisseaux fort  
 precieux, lesquels sont colloquez en certains pe  
 ds, mais bien beaux tabernacles, repositoires, ou  
 udis, avec les belles lampes allumées au deuât,  
 our en porter puis apres à leurs malades, quand  
 en demandent, ainsi que le pape Honorius troi  
 me leur a commandé qu'ils facent. Dauantage  
 en portét vne fois l'année par toutes leurs vil-

Au Dec. li. 3.  
 De cele. Miss.  
 & De consec.  
 distin. 7, cha.  
 Presbyter.



In Clem. dec.  
li. 3. ti. 16, cap.  
si dominium

les dedans des tabernacles tellement ornez & parez, qu'il n'y faut rien, sous des ciels ou courtines fort somptueuses, le iour, ou semblable que le pape Urbain quatrieme par le conseil de frere Thomas Taquin dedia, pour solennellemēt porter la-dite viande. Et alors non seulement ceux qui sont du pais, estans vestus d'habillemens pretieux: mais aussi plusieurs autres gens de tout le royaume des Bonnes œuures l'accompagnent en processio avec torches & cierges allumez, avec chās & sons d'instrumens de musique, avec encensemens, fleurs & chappeaux de bonnes senteurs, avec plusieurs representations, spectacles, ieux & esbattemens infinis de toutes sortes. Et ainsi l'ayans tous adoré, & remplis des graces de la bonne dame Indulgence, s'en retournēt à leurs maisons. Ils portent aussi de ceste mesme viande dessus vne fort belle haquenée, avec vne petite lanterne allumée, deuant le Pape, quand quelque fois estāt accompagné des Cardinaux vestus de rouge, & montez sur leurs mulets parez d'or & de pierres, & d'un nombre infini de ses autres creatures avec vne maiesté plus que de Monarque du monde, avec vne pompe plus que triomphante, & avec vn honneur de trompettes, haut-bois, fifres, tabourins, artilleries & mille autres gétilleffes: quand, dy ie, il sort de son palais pour s'esbatre à cheual, ou bien quand il se fait porter dedans vne chaire dorée sur les espauls des hommes.

B E R. O meschancetez abominables! vser, voire plustost profaner en telle sorte la viande que nostre Seigneur Iesus auoit instituée en sa saincte Cene, pour nous estre vn gage infallible q̄ la ver-

tu de sa mort & passion nous est imputée, comme si nous l'auions soufferte en noz propres personnes: attendu que quand il la donna à ses disciples, il ne leur dit point, Prenez ceste viande, & en faites sacrifice, ou foire & marchandise: ou bien portez la par les rues & chemins, ou mettez la reposer dedans des tabernacles, & l'adorez, & la faites adorer aux hommes: mais seulement il leur dit, Prenez, & la departez entre vous, & la mangez: voulant nous faire cognoistre à quelle fin il laissoit à tous ceste viande, c'est à sauoir qu'ils la mangeassent. Car qui ne la mange n'a point la vie en soy: encores qu'il ne fist iamais autre chose que sacrifier d'icelle & l'adorer. Mais à mon opinion, les gés de ceste prouince sôt de ceux qui disent, Voicy Iesus Christ en ce lieu, le voila en cestuy la. Or que dit Iesus Christ luy mesmes? Ne les croyez point. Car il ne veut plus estre cogneu de nous selon la chair, mais selon l'esprit.

T R. Pour vray ie ne puis pl<sup>9</sup> souffler, l'halaine me faut pour lire: si est ce pourtât que ie me recôforte de ce que nous ne sômes pas trop loin de la fin.

A M. Trifon, bon courage, croy que maintenant tu te fais vn lit en Paradis.

T R I. Depuis que les habitans de ceste prouince cômencerent à transsubstâtier leur pain en chair, & leur vin au sang de Iesus Christ, & en faire des accidens sans suiuet, ils ont enduré plusieurs guerres & cōbats de beaucoup de gens qui se sont declarez leurs ennemis, principalemēt d'vn nommé Bertrā, du pais de Frâce, de Ieā Philosophe, surnomé Lescot, & pour vn certain tēps aussi de Berenger, & de plusieurs autres personnages qui vou-

L'opinion & questiō de la Transsubstantiation cōmença enuiron l'an de nostre Seigneur 840, ainsi qu'on peut voir par les histoires.

loyent maintenir fort & ferme, que ceste façon de transsubstantier le pain en la chair, & le vin au sang de Iesus Christ, n'estoit point ordonnée de luy, ne mise en auant par longue espace de temps depuis sa mort. Combien que puis apres ceux cy estans aidez & secourus de Leon neuuiesme, de Victor, de Nicolas second, de Gregoire septieme, & d'Innocent troisieme tous papes de Rome: & puis

Tous ces Conciles furent faits principalement sur la difficulté de la Transsubstantiation, environ l'an de nostre Seigneur 1050, vn peu deuant & vn peu apres.

de leurs Conciles, à sauoir du concile Romain premier, de celuy de Verceil, de Florence, de Tours, du Romain second & de celuy de Latran. Dauantage de Paschasius, de Lanfrancus archeuesque de Cantorbie, de Roger, de Guimondus euesque d'Auers, de Vimbertus cardinal, de Pierre Lôbard euesque de Paris, autrement dit le Maistre des sentences, de Gratian Decretiste, & de plusieurs autres docteurs Scolastiques, Albertistes, Tomistes, Scotistes, Egidistes, Occamistes, Nominaux & Reaux habitans de la prouince de la Moinerie: combien, dy ie, qu'avec l'aide & confort de tous ceux cy en diuers temps ils ayent non seulement obtenu la victoire, mais aussi depuis ordonné & establi par le moyen du pape Innocent troisieme fuf dit, qu'vne telle Transsubstantiation approuuée par plusieurs miracles, fust adioustée aux articles de la foy Chrestienne pour le 13. article: de sorte que tous ceux la doyuent estre tenus pour excommuniiez & heretiques, lesquels ne la croyét point fermement. Ainsi ils ont en la fin subiugué & estreint, à leur dire, tous leurs aduersaires & ennemis mortels.

Dec. De sum.  
Trini. & fide  
catholica.

B E R. Dieu soit loué de ce qu'ils ne sont encore tous morts. Quant est de moy & de plusieurs au

tre:

tres de ce temps, graces à Dieu, nous ne consentons point à cest erreur damnable & pernicieux: mais nous sommes certains & bien persuadez, comme l'Esprit de nostre bon Pere celeste nous a reuelé, qu'en la Cene nous ne deuons point manger Iesus Christ sinon en esprit: qu'aussi la chair & le sang a reuelé à ceux cy qu'ils ne le mangent point sinon en chair & en sang. Et quant aux miracles qu'ils sement & afferment estre aduenus touchant ce poinct, sont autant d'illusions du diable, lequel s'efforce par tel moyé de nous destourner & diuertir de la sainte Escriture, & nous faire croire à autre qu'à vn seul Dieu.

AMON. Bertaut, tu as fait tout aujourd'hui vn long discours à toy tout seul, ie ne say pas que c'est qu'il te faut.

B. E. R. Monsieur, i'ay maintenant le cerueau vn peu embrouillé & diltrait ailleurs. Ie ne pensoye point me trouuer maintenant icy avec vous. Car il me faut faire expedier vne certaine bulle de grande importance, pour vn moine \*d'Araceli: & c'est ce que tout le iour ie rumine & deuise à part moy. Et pour ceste occasion aussi ie vous supplie me faire ce bien de paracheuer le plustost que vous pourrez de voir ces registres, & de collationner ces escritures.

\*Araceli est vne moinerie de Cordeliers qui portent les gabbors ou galoches, à Rome pres le palais S. Marco.

AMON. Ne t'ennuye point Bertaut, nous sommes tantost bien pres de la fin. Toy Trifon, poursuy le peu qui nous reste. Et puis que les noms des citez sont desia fort bien coppiez: trouue les gabelles du royaume. Car quant aux priuileges donnez par les souuerains prelatz de Rome au roy Franc arbitre, on ne me donna point commission



que i'en fisse faire aucune coppie.

TRIF. Les gabelles du royaume sont icy couchées en ceste maniere: Le royaume des Bônes œuvres a vn tribut royal sur toutes ses prouinces, sur toutes ses citez, & sur tous les autres lieux: le quel tribut est appelé la gabelle du Merite: du quel & le Roy & les gés de son royaume tirét vn gain & thresor infiny. Et puis outre ceste generale il y en a d'autres particulieres en diuers lieux, selon aussi les gouuernemens particuliers desdits lieux. Et specialement mon seigneur le Clergé avec tous les estats & ordres de sa Cour, & pareillement les peuples & habitâs de la Moinerie, ont sur le chemin qui va en Paradis, vn chasteau merueilleusemēt fort, nômé Purgatoire, qui est vn passage estroit & fascheux: duquel le tribut cōtinuel leur apporte vn si grand gain, qu'il n'y a lāgue humaine qui le peust exprimer: attendu que la plus grande partie de ceux qui veulent aller au ciel, sont contreints & forcez de passer par ce lieu la, & payer auant qu'ils en partent, l'imposition mise au passage. Et de là aussi, selon l'opinion d'aucûs, a esté appelé Purgatoire, quasi Pagatoire, qui est vn nom propre & conuenant à la chose, pour purger & vuidier les bourses des passans, comme à la verité il se fait.

ACT. Seigneur Amon, dites moy vn peu ie vous prie, i'enten si vous en auez la cognoissance, de qui c'est qu'a esté basti ce chasteau? l'ay lōg tēps desiré de le sauoir, & n'ay iamais trouué personne qui me l'ait peu dire à la verité.

AM. Je vous en diray bien volontiers si peu que i'en say de puis peu de temps ençà, Visitant les registres



gistrés de nostre chancellerie, entre les autres papiers fort antiques ie trouuay le testament d'une certaine bonne vieille & noble dame, nommée Verité, laquelle est morte en ceste ville de Rome il y a desia longue espace de temps. En ce testament il est fait mention de ce chasteau de Purgatoire, & semblablement de l'imposition qui s'y paye. Car ceste bonne dame par sa derniere volonté disposant de tous ses biens à ses heritiers, entre autres choses qui sont là contenues il y a un long recit & discours qu'elle fait pour la descharge de sa conscience, dont la substance & somme, pour la briuelement comprédré, est telle qui s'ensuit: Comme ainsi soit que le commun populaire ait ceste opinion, que i'ay fait edifier le chasteau & passage de Purgatoire, & que i'aye imposé le tribut que payent ceux qui passent par là, & que pour ceste cause i'en puisse, cōme de mes biés propres, disposer en mon testamēt selō mon plaisir: en cest endroit pour descharge de ma conscience, ie cōfesse publiquement & proteste que ce chasteau n'a point esté basti de moy, & qu'il n'est poit mié: d'autant que ie ne possède aucune chose qui me soit propre en tout le pais du roy Franc arbitre: ny aussi en celui de messire Clergé. Et afin qu'on puisse cognoistre la verité de cecy, ie dy que ce chasteau commença de se bastir enuiron deux cēs ans, ou un peu plus, depuis l'aduenement de Iesus Christ, par aucuns Peres de ce temps là: lesquels combié qu'ils l'eussent fondé sur quelques vaines resueries de leur cerueau, toutesfois ne l'amererent point à sa perfection. Mais long tēps apres

le pape Gregoire premier de ce nom, par certaines visions pleines d'illuſiõ & tróperie qu'il eut, non ſeulement le fonda beaucoup mieux qu'il n'eſtoit, mais auſſi l'augmenta grandement, & le bailla en charge à trente hommes de la prouince de la Meſſe: par le moyen deſquels vn chacun qui arriueroit là peult paſſer en diligence. Et ne fut pas choſe difficile à Gregoire de trouuer maniere de tirer incontinent les hõmes & les femmes hors du Purgatoire, puis qu'il peut tirer l'empereur Traian, voire hors de la maiſon de tous les diables. Finalement les autres Papes qui vindrent apres ce Gregoire, eſtãs ſecourus de Satan, moyénant les fauſſes apparitions des ames des treſpaſſez, & autres reuelations feintes & controuuées, acheuerent & parfirent tout le baſtiment dudit chasteau, & le donnerent à meſſire Clergé, & aux habitans de la Moinerie: leſquels depuis tous enſemble impoſerent ſur le paſſage d'iceluy la gabelle & tribut qui ſ'y paye encores à preſent, dõt ils amaſſent & font continuellement vn gain infiny. Et puis ils ordonnerent l'an 1002. que chacun an le ſecond iour de Nouembre là fuſt tenue vne belle foire, comme deſia auoit commencé de faire Odilus abbé en Sicile, afin q̃ de là pareillement ils euſſent vn grand profit, ainſi qu'à la verité ils ont. Item, ordonnerent que quiconque arriueroit en ce lieu, & n'auroit le moyen de payer le tribut fuſdit, eſtât endetté de tous coſtez, ceſtuy là y deuiroit eſtre arreſté, detenu & mis en vne priſon miſerable, ou il ſeroit contreint demeurer ſept ans pour chacune de ſes dettes, excepté que durant ce temps là quelque autre payaſt pour luy: & en ce

cas la ils voulurent que librement il peust sortir à son plaisir. Ité, & afin que nul n'y demeurast si long temps par faute de quelcun qui payast pour luy, outre les choses susdites ordonnerét encores que la dame Indulgence print ceste charge sur soy, à sauoir que comme elle s'en va pourmenât parmy le monde, cerchât de deliurer & absoudre les autres hommes de la peine & de la coulpe de tous leurs pechez passez, presens & à venir: ainsi qu'elle eust semblablement ce soin, & fist diligence de solliciter & admonester les parens & amis des pources miserables là detenus prisonniers, qu'il leur plaise les deliurer & rachetter des peines & tormens de ceste prison obscure, par le moyen de quelques deniers. Voila en peu de paroles la somme de ce long recit que faisoit ceste bonne dame Verité en son testament. Et est tout ce que ie vous sauroye raconter touchant le Purgatoire.

**A C T.** Seigneur Amon, ce que vous m'avez dit est bien assez: & croy que le tout est veritable, puis que le tesmoignage de la Verité y est. Mais pour ce que quelque fois vn propos attire l'autre, ie vous prie monsieur le Chancelier, me faire tant de bien, de me dire vn peu, Ceste dame Indulgence, de laquelle cy dessus vous avez fait mention, sauez vous point de qui elle est fille? l'ay assez souuent ouy parler d'elle & de ses affaires: tant y a que le tout est sans aucun fondement.

**A M.** Ie vous en raconteray aussi briueement le peu que i'en say.

**A C T.** Ouy ie vous en prie, à cause que i'ay haste de m'en aller.

**A M.** Ie dy donques, selon que m'ont recité gens

dignes de foy, & grans obferuateurs des hiftories antiques, qu'elle naquit en vne cité nommée Remiffion des peïnes Canonicales: laquelle anciennement auoit efté edifiée par certains Euefques en la prouince de Penitence, non pas de celle qui eft au royaume des Bonnes œuures, dont il a efté parlé cy deffus: mais en celle ou pour lors habitoient les Euefques fufdits, & laquelle pour le prefent eft avec la cité mefmes du tout ruinée & abolie. Et m'a efté dit pour chofe certaine, qu'elle naquit tout ainfi comme Hebe de Iuno, fans père: d'autât que le fainct fiegé Romain peu à peu l'engédra de foymefmes du fang de Iefus Chrift & de celuy des martyrs meflé avec les paffions & labours de tous les autres faincts, qui ont fouffert en ce monde plus qu'il ne leur eftoit neceffaire d'endurer pour eux mefmes: lesquels n'ayans point eu aucun befoin de dire en l'oraison Dominicale, Pardonne nous noz offenfes, avec leurs bônes œuures ont trop plus merité qu'il ne leur eftoit de mestier pour gagner Paradis: defquelles chofes les Papes, comme les chefs dudit fiegé, font les Threforiers & difpensateurs. Et combien qu'on ne puiſſe point fauoir du tout à la verité ny quād ny comment elle commença à fe monſtrer publiquement, ſi eſt ce que pluſieurs ont ceſte opinion, que le pape Gregoire premier cy deffus nommé, fut celuy qui donna le commencement de la conduire par les eglifes de Rome. Apres luy tous les autres Papes par ſucceſſion de temps la firēt plus manifeſtement apparoir en tous lieux, monſtrans qu'ils faiſoyent fort grande eſtime d'elle, à ce que les autres auſſi fiſſent le ſemblable. En la fin de  
puis



pûis qu'elle fut entierement descouuerte au mô-  
de, le pape Boniface huitieme, pour luy donner à  
entendre au vray combien il l'aimoit, & en quel-  
le reputation il l'auoit, la maria, & luy dōna pour  
son mary le seigneur An iubilé, homme tresexcel-  
lent & singulier, voire du nombre de ceux qu'on  
trouue peu souuent au monde. Or ne laissa il  
point de faire ceste alliance, encores que ledit sei-  
gneur fut Iuif de nation. Car ledit pape Bonifa-  
ce le baptiza de ses propres mains, & en fit d'un  
bon Iuif un mauuais Chrestien. Puis apres les fit  
habiter tous deux en la cité de Satisfaction, qui  
est en la prouince de Penitence: leur ottroyant  
toutesfois, que quand ils viendroyent à Rome, ils  
auroyent leurs demeurances dedans les magnifi-  
ques temples de saint Pierre & de saint Paul.  
Vray est que ledit seigneur mit ceste condition  
en faisant leur mariage, que pour certaines con-  
sideratiōs & bonnes causes ils ne deuoyent point  
demeurer ensemble, sinon que de cent ans l'un.  
Combien que puis apres le pape Clement fixie-  
me, iugeant qu'une telle separatiō d'entre le ma-  
ry & la femme estoit par trop longue, voulut qu'  
ils peussent de cinquante ans demeurer un ense-  
mble. Finalemēt le pape Sixte quatrieme, esmeu par  
iustes causes & bonnes raisons, ordonna que de  
vingt cinq ans l'un ils demeureroient ensemble.  
Et ainsi durant ceste ordonnance le pape Bonifa-  
ce 9. & les autres Papes qui vindrent quelque tēps  
apres luy, enuoyoyent ladite dame Indulgēce tou-  
tes ces années la qu'elle demouroit separée de son  
mary, l'enuoyoyent, dy ie, par le monde executer



ces affaires dont nous auons parlé cy dessus, iusques à tant que le pape Alexandre sixieme, estimant que ce n'estoit pas chose honneste, qu'une femme mariée rodant & tracassant çà & là continuellement par le monde, trauaillât à force pour le profit du saint siege Romain, cependât le marry demeurast par tant d'années ne rien faisant à la maison: fit vne eglise selon l'ordonnance du pape Sixte 4, l'exposant en ceste maniere, à sauoir que cela que le seigneur An iubilé & la dame Indulgence ne pouuoient demeurer ensemble, sinô de vingt cinq ans l'un, s'entendoit seulemēt quād ils estoient en la cité de Rome. Mais hors de ladicte cité, qu'ils peussent habiter ensemble toutes & quantes fois que bon sembleroit aux papes de Rome. Et de là vint qu'il commença d'enuoyer aussi le seigneur An iubilé avec sa femme par toutes les parties du monde, afin qu'aidant l'un l'autre, maintenant en compagnie & maintenât separez, comme font ces gros gueuz & belistres porteurs de rogatons, qui s'en vont maraudant pour saint Antoine, ils amassassent de toutes sortes de gens ce qu'il est possible d'amasser, & qu'ils enuoyassent le gain à Rome, se seruant d'eux en cest affaire, comme d'esponges, pour attraper deniers de tous costez. Vray est qu'il laissa en sa force & vigueur cecy, que l'an vingt cinqieme qu'ils auroient à demeurer ensemble dedâs Rome, iamais ne deuroient sortir de la cité: mais il voulut que quiconques desireroit d'auoir ceste année là grace & remission d'eux, fust contraint de venir, ou bien d'enuoyer à Rome: d'autant que toutes les graces qui se faisoient aussi ailleurs tout l'autre temps,

temps, s'entendoyent estre ceste année la suspendues & ne valoir rien qui soit. Voila tout ce que ie vous puis dire pour ceste heure de la dame Indulgence.

ACT. Seigneur Amon, ie vous puis asseurer que i'ay receu vn bien grand plaisir vous escoutant ainsi parler: & principalemēt de ce poinct, auquel vous auez monstré l'origine & commencemēt de ceste dame: pource qu'à la verité il me semble qu'elle nasquit miraculeusement sans aucun pere.

BERT. Mais plustost montrueusement, à cause que iamais il ne naquit Harpie au monde plus orde, plus vilaine, ny plus rauissante que ceste cy.

ACT. Mais ie croy que doreseuuant elle doit estre bien vieille, puis qu'il y a si long temps qu'elle est née.

AM. Il est ainsi. Car & elle & son mary semblablement sont desormais fort aagez, ne faisans plus que refuer, & sont tâtost sur le bord de leurs fosses. Mais Notaire, paracheue le peu qui nous reste.

TRIF. Les peuples de la Moinerie ont aussi à part vn tribut particulier pour eux, nommé dame Supererogatiō: de laquelle, pource qu'ils font du maniemēt & gouuernement d'icelle (comme les vallets du diable) plus qu'il ne leur est commandé, ils tirent & amassent vn puis d'or & d'argent: de sorte que s'estans enrichis premieremēt par ce moyen, puis apres vendēt aussi de tels biés à ceux qui ont deuotion à eux, ou bien quelque fois leur donnent, à cause q̄ la cherté en est par trop grāde.

BER. Ces Supererogatiōs dont ils se vantent, ne sont que menus fatras, lesquels Dieu n'a point cōmandez, & ne les approuue point: & quand ce

viendra à rendre conte, il ne les alouera nullemēt. Qui a requis ces choses de voz mains, dit le Prophete? Pourquoy deliurez vous vostre argent, & n'en achetez point de pain? Pourquoy prenez vous peine en choses qui ne vous peuuent rassasier? O pources bestes insensées!

A M. Or Dieu soit loué que nous sommes paruenus à la fin, & que nous n'auons point trouué de fautes. Parquoy, seigneur Acte elicite, prenez les coppies, & les portez maintenant ou il vous plaira.

A C T. Aussi feray ie: & à Dieu vous dy.

A M O N. Allez en paix, ie me recommande à vostre bonne grace.

*La troisieme Scene du second Acte.*

Acte elicite, Bertaut.

A C T. Bertaut, quelle Bulle est ce que tu as à faire expedier pour ce moine d'Araceli? & quelles choses d'importance sont ce?

B E R T. Monsieur, ie vous diray comment tout en va. Il me semble que ces moines d'Araceli ont vn maistre des nouices (ainsi qu'ils l'appellent) en leur couuent, lequel auant hier monstrât à vn de ses disciples la quadrature du cercle, comme quelq fois tels rustres ont accoustumé de faire, indiscretement & sans y penser fit vn peu de desplaisir à ce pource petit moineau. Et pource que ce maistre est vn homme fort scrupuleux, il imagine qu'il ne peut estre deslié ny absous de l'irregularité qu'il a encourue (à cause qu'il luy a fait vn peu de sâg) sinon par le Pape. Parquoy i'ay esté prié de par luy

luy, pour le secourir & luy faire obtenir vne Bulle qui le deliure de ceste irregularité.

A C T. O mon amy, c'est chose facile d'auoir vne telle Bulle. Car le Pape ne se soucie pas beaucoup de telles choses, d'autant qu'elles aduiennent souvent en la cour de mon seigneur le Clergé, & en la prouince de la Moinerie. Comme tu peus voir ausi qu'il a aisémēt deliuré & absouz le seigneur Pierre Louys son fils, auquel il n'y a pas long tēps est aduenu vn cas semblable à cestuy cy avec l'euesque de Fano. Mais Bertaut, va t'en quand tu voudras pour despescher tes affaires. Et i'entreray semblablement icy en la chambre du Pape, & feray tout ce qui m'a esté commandé par le Roy. A Dieu, Bertaut.

B E R T. Mon seigneur, ie vous supplie me cōmander en tout ce que ie pourray. Allez à Dieu.

*La premiere Scene du troisieme Acte.*

Discours humain, Orbile seruiteur,  
Messire Clergé, Diaconat.

DISCOVRS.



Eux qui sont excellens & bien experts medecins de playes, ont accoustumé quād ils voyēt que les remedes legers ne seruēt de riē pour gairir les mēbres pourris, de mettre la main & appliquer des medecines plus fortes, ou bien de cauterizer, decoupper & faire incisions aux mesmes membres, afin qu'à tout le moins par ce moyen ils conseruent les autres parties du



corps saines, entieres & sans danger de contagiō ne de pourriture. Ainsi maintenant nostre saint Pere & le roy Franc arbitre taschent de faire & se porter enuers ceux la qui se rebellent contre eux, comme s'ils auoyent affaire avec des membres pourris & corrompus. Car quand ils voyent que les aduertissemens doux & gracieux, ne les reprehensions aspres & aigres qu'on a fait à ces rebelles & mutins, ne seruent de rien, ils ont delibéré de passer outre, & vser de remedes beaucoup plus vehemens. Mais Orbile, regarde vn peu si mon seigneur le reuerendissime Clergé est leans en quelques vnes de ses chambres du palais, pource qu'il faut que ie l'aduertisse de ceste affaire.

ORBI. Monsieur, ie l'ay veu tout à ceste heure passer par là, & son maistre d'hostel avec luy, & s'en va deuers Beluedere.

DISC. Allons apres luy. Mais les voila qui sont encores bien pres d'icy. Mon seigneur, Dieu vous doint bonne vie & longue.

CLERGE. O seigneur Discours humain, vous soyez le bié venu. Quelles bōnes nouuelles nous apportez vous?

DISC. Mon seigneur, nostre saint Pere & le roy Franc arbitre mon maistre eussent esté bien fort aises que vous vous fussiez trouué present à certains propos qu'ils ont tenus nagueres ensemble: & sur tout à la conclusion d'iceux, de laquelle ils ont ordonné & veulent q vous soyez l'executeur.

CLER. Je n'ay iamais peu tout aujourd'hui sortir de la maison, iusques à ceste heure: car il m'a fallu necessairement faire expedier quelques Bulles d'aucuns Theologiens nos bons amis, lesquels son



sont prests à partir demain pour leur en aller. Neantmoins si i'eusse esté aduerti de tels propos, ie me fusse efforcé par tous moyens de donner ordre que i'eusse esté là present. Mais quoy qu'il en soit dites moy ie vous prie, quels ont esté leurs bons propos? & quelle est ceste conclusion, dont ie doy estre executeur?

**D I S C.** Monsieur, ie le vous diray d'autant plus volontiers, que ie suis enuoyé vers vous pour le vous declarer. c'est que le roy Franc arbitre a receu certaines nouuelles toutes fresches d'Alemaigne, pour lesquelles luy a semblé estre expedient de conferer avec le saint Pere, de ce que ie vous doy maintenant raconter.

**C L E R.** Parauenture que ce sont les mesmes nouuelles que m'ont aujourd'hui racôtées à table aucuns de ces Theologiens, dont ie vous parloye à ceste heure: à sauoir qu'il y a vn grand nombre de ses gens & suiets, qui semblent de iour en iour se reuolter contre luy, & chercher de s'accointer & joindre avec les Lutheriens, lesquels semblablement se sont rebequez contre sa maiesté.

**D I S.** Monsieur il est ainsi, voila les nouuelles voirement.

**C L E R.** Or bien donques, quels propos ont ils tenus ensemble touchât ceste affaire? Côtéz moy ie vous prie, le tout bien au long. Car i'ay fort grande enuie de le sauoir.

**D I S.** Aussi feray ie, d'autant que i'ay charge de cela. Parquoy monsieur, sachez que le roy Franc arbitre ayant esté aduerti de ce reuoltement, s'en est venu incontinct luy mesmes en parler avec le S. Pere: & apres qu'ils en ont eu lóguement deu-

fé ensemble, il a bien humblemēt supplié le sainct Pere, qu'il luy plaife & daigne le maintenir en l'ancienne possession de son royaume des Bonnes œuures, lequel luy a esté donné par ses deffuncts predecesseurs, ainsi que plus à plein est contenu en certaines coppies tirées de ses registres royaux authentiques, & qui luy ont esté presentées: qu'il ne permette point que l'outrecuidāce & temerité d'aucuns truādeaux & mutins, qui sont en petit nombre, ne soit cause de quelque grand desordre & ruine en son royaume: attendu qu'on voit souuent que de petit feu, s'il n'est esteint du commencement, prouient vne flamme qui fait vn tresgrand dommage.

C L E R. La demande du Roy a esté hōneste, & sa supplication bien raisonnable. Mais quelle respōse luy a faite mon seigneur mon Pere?

D I S. La respōse a esté, qu'il a sēblablement eu nouuelles que ceux la mesmes qui se rebellēt & mutinēt cōtre luy, se rebequēt aussi cōtre toute la monarchie Papistique, dont il dit qu'il luy desplaist grandement, & qu'il est cōtraint d'y pouruoir par tous moyens. Et pource qu'il est deliberé de trouuer & appliquer nouueaux remedes au dāger present, puis que les precedens n'y seruent de rien.

C L. La réponse pareillement n'a esté que bonne aussi. Mais il ne me souuient pas bonnement q̄ls furēt les premiers remedes qu'on y appliqua: en auez vous point souuenāce, seigneur Discours?

D I S. Ouy monsieur, i'en ay bonne souuenance.

C L. Et quels furent ils, ie vous prie?

D I S. Premièrement ce furent admonitiōs, reprehensiōs & correctiōs: depuis à cause que ceux cy n'ont rien, le tōnerre & foudre de l'exco

munication s'ensuiuit, lequel non seulement estoit adreſſé contre ces rebelles : mais auſſi cõtre tous ceux qui les fauoriſeroient, ou leur dõneroient aide & cõfort par quelque moyé que ce fuſt; & principalement par le moyen de certains liures, lesquels eſtans leuz & conſiderez incitent les hõmes à rebellion. En quoy facilement on a peu voir cõbié ceux cy ont le cõeur plus froid que glace: veu que ladite foudre & tonnerre a de couſtume d'eſpouuanter & effrayer tout le mõde par ſon feu & grande furie: & ces meſchans malheureux icy en ont ſi peu de crainte qu'ils dõnent à entendre que meſmes ils n'en ſentent nullement la chaleur. Apres tout cela on adiouſta vn grand nombre de Diomedes, Buſirides & Procuſtes de la province de Moinerie, nõmez Inquinateurs de la foy: lesquels trainaſſent en priſon, rauiſſent les biens & faiſſent mourir quiconque eſtant atteint & conueincu de tel crime, publiquement ne ſe deſdiroit & feroit amende honorable pour vn tel forfait. Tous ces remedes icy furent les premiers.

C L. Il me ſemble, ſeigneur Diſcours, qu'ils furent aſſez doux & gracieux. Mais ie vous prie, qui ſont ces Inquinateurs de la foy? ie n'en auoye encores iamais ouy parler.

D I S. Cõment auoye ie dit? Inquinateurs? helas i'ay failly, ie vouloye dire Inquiſiteurs de la foy, qui ſõt les officiers, ſergens & deſeſſeurs du royaume Papiſtique, voire à tort & à droit.

C L. O ie cognoy fort bien ces Inquiſiteurs la. car ce ſont les meſmes bourreaux & eſcorcheurs qui ſont vne boucherie & carnage, voire d'hõmes & de femmes, qu'ils accusent d'eſtre forciers & forcieres, leur faiſant confeſſer à forcè de gehennes

& tormés inhumains & cruels tout ce qu'ils veulent. afin qu'ou par la deliurance de l'infamie qu'ils leur ont mise à sus , ou par la mort à laquelle ils les ont fait condâner , ils gagnét pour le moins vne partie de leurs biens. Mais laissons cela, & retournós à nostre propos. Quels sont, seigneur Discours, ces nouueaux remedes qu'il faut maintenant appliquer à ceste maladie?

D I S C. Le sainct Pere a ordonné que vous mon seigneur, faciez & mettiez les reuerendissimes Cardinaux, monsieur le cardinal d'Angleterre, monsieur Burgos, monsieur Teatin, monsieur Parisio & monsieur Guidiccion pour nouueaux Inquisiteurs, outre les susdits: & que vous leur donniez toute autorité & puissance d'arracher & extirper par tout moyen & voye possible & impossible, ceste meschante & detestable racine de rebellion, mettans à mort & manifestemét & en cachettes ces malheureux rebelles & mutins, selon qu'ils iugeront estre plus expedient en ceste affaire. Or pource que quasi tous les ans quelques moines venans prescher en la cité de la Carésme, ont accoustumé d'esmouuoir & faire quelque tumulte, & d'inciter tousiours quelcun à se rebeller, le sainct Pere veut que vous enchargiez expressement ausdits Cardinaux, qu'ils ayent le soin principalement de ceste affaire, & qu'ils n'en laissent prescher aucun, que premieremét ou par eux mesmes, ou par le moyen des Legats, ou Euesques, ou Vicaires, ou autres Inquisiteurs de plus basse condition, ne les ayent bien embouchez de tout ce qu'ils deuront prescher: donnans ordre que toutes leurs predications soyent adressées & tendét seulement



lement à deux fins: c'est premierement à la conseruation de la monarchie Papistique, ensemble avec le royaume des Bonnes œuvres: & puis à la destruction & ruine de tous ceux lesquels sont rebelles à ces empires icy. Et quiconque puis apres sera trouué faire autrement, qu'il soit incontinct priué & demis de l'office de prescher, ou qu'il soit banny, ou mis en prison, ou enuoyé aux galieres, ou qu'il soit par quelque autre moyé mis à mort: ou bié qu'il soit enuoyé à Rome, là ou le Vulcain, ou le Tibre le puniront rigoreusement de son forfait. Et ainsi ie suis maintenant enuoyé du saint Pere, pour vous dire & aduertir que mettiez à execution ces choses susdites, voire le plustost que vous pourrez: afin que, s'il est possible, le mal ne passe point plus auant.

C L E R. Ie le feray bien volontiers, & ne doute point que messieurs les reuerendissimes ne facent toute diligence, & s'employent de tout leur pouuoir à ceste entreprinse: attendu qu'il est icy question aussi de leur bien & profit: & sur tous le reuerendissime Euieti nous y seruira fort bien, à cause qu'il est seruiteur tât affectiôné de ce saint siege Romain, qu'il donneroit & son corps & son ame au diable pour la Papauté.

D I S. Voila les remedes que le saint Pere veut estre adioustez pour ceste heure aux premiers. Puis apres on verra, encores que ceux cy ne seruißent de guerres, ce qu'il a deliberé avec le roy Franc arbitre: c'est de faire alliance & se confederer secrettement avec le grand Seigneur, & moyennât son aide & secours destruire & ruiner tous ceux cy, & ceux qui les fauorisent & secourent,



foyent Princes, ou autres qu'on voudra.

C L E R. Ceste conclusion derniere me plaist fort. Et à la verité voyant l'obstination endurcie d'aucuns de ceux qui se rebellent, ie pense qu'à la fin il sera force de la mettre à execution.

D I S. Cela est certain. Vous avez entendu comment le tout en va. Maintenant il faut que ie m'en retourne vers le Roy, qui m'attend pour faire response à la lettre du roy Ferdinád, pource que demain, ainsi mesmes que vous avez dit, ces messieurs noz maistres Alemans partent pour leur en retourner, lesquels ont apporté icy lesdites lettres. S'il vous plaist me commander autre chose que ie puisse pour vous, ie suis prest à vous obeir.

C L. Seigneur Discours, autre chose, sinon que ie vous prie presenter mes treshumbles recommandations à la bonne grace du Roy.

D I S C. Ie le feray. Allons nous en, Orbile.

O R B. Quand il vous plaira, monsieur.

*La seconde Scene du troisieme Acte.*

Messire Clergé, Diaconat, le Chapelain,  
Felin despensier.

C L E R. Seigneur Diaconat, i'estime que ces messieurs noz Theologiens, pour lesquels nous auons eu tant de peine aujourd'hui, s'en retourneront en leur pais tous bien contés & satisfaits, puis qu'ils ont obtenu & impetré de ce sainct Siege offices honorables, & de bons benefices: & dauantage qu'ils en ont eu les bulles expediees incontinent sans rien payer.

D I A. Mon seigneur, cela est fort aisé à croire: & à mon iugement cecy a esté bien fait, pource

que

que ce sera comme glu ou appas, pour engluer & amorser les autres hommes sauans, de vouloir par liures & escritures defendre & maintenir le saict siege Romain contre ses aduersaires, esperans par le moyen d'un tel labeur semblables recompenses & salaires. Car là ou il n'y a point d'esperance de gain & profit, les hommes ont accoustumé le plus souuēt d'vser de ce prouerbe ordinaire, Autant m'est le bien lequel ne me sert point, que le mal qui ne me nuist de rien.

CLER. Vous l'entendez fort bien. Aussi l'auons nous fait à ceste intention. Mais seigneur Diaconat, ie voudroye que vous vous en allissiez pour aduertir ces messieurs les Reuerendiss. lesquels doiuent estre constituez Inquisiteurs, qu'ils s'en viennent icy demain me trouuer au Palais, & tout incontinent qu'ils seront venus ie despecheray la commission qui m'a esté donnée.

DIA. Ie le feray tresvolontiers, monsieur.

CL. Prenez donques Felin avec vous, & allez quand vous voudrez. Ie m'en retourneray à la chambre, & mon chapelain avec moy, pour dire vn peu de seruice: à cause que tant d'affaires que nous auons eu tout aujourd'huy entre mains, m'ont engardé que ie n'ay pas encores peu dire seulement Matines.

LE CHAP. Allons nous en ie vous prie, mon seigneur, avant qu'autre empeschement vous vienne. Car vous sauez fort bien, que\* datur beneficiū propter officiū. Mais ie dy biē dauantage, que c'est vn grād peché de ne le dire pas, voire aux heures determinées pour cela, ainsi que nous en auōs tesmoignage de S. Gregoire: leq̃l vit vn poure moine

\*c'est à dire,  
qu'un beneficiū  
ce est donné  
à cause de l'  
office, ou ser-  
uice.

qui estoit grieuement puny en la prison du Purgatoire pour semblable cause.

CLER. Allons donques payer la dette à Dieu: combien que plusieurs de nostre Cour estiment bien peu vne telle dette. Vous, seigneur Diaconat, & toy Felin, allez vous en là ou ie vo' ay dit.

FELIN. Aussi ferons nous, mon seigneur le Reuerendissime.

*La troisieme Scene du troisieme Acte.*

Diaconat, Felin, Hermes.

DIACONAT. Felin, ie veux que nous allions pas à pas à nostre aise, & ainsi que le petit travail du chemin qu'auons à faire nous soit plus gracieux & leger en deuissant de choses diuerses. Et ne veux point prendre de monture, afin que ie face vn peu d'exercice.

FEL. Comme il vous plaira, seigneur Diaconat.

DIAC. Nous auons du temps assez, & pouuons despecher ceste affaire à nostre commodité. Or Felin mon amy, pour commécer icy à deuiser, dy moy vn peu si tu es encores de ceste opinion que tu me môstrois d'estre par cy deuant, à sauoir que ces messieurs noz theologiés d'Alemagne ne sont point de telle suffisance qu'on les estime? Pour le moins tu peux voir que le saint Pere les a fort bien salariez & recompensez de leurs peines, labours & vacations, leur donnât de si bons & gras benefices.

FEL. Aux hommes bien fortunez, peu de sens (comme lon dit) est assez & leur suffit. Ce qui me meut, seigneur Diaconat, plus que tout le reste à  
 penser

penſer qu'ils ne ſont pas de grande valeur, eſt que ce matin quand ils diſputoyent enſemble & s'interrogoyent l'un l'autre, le plus ſouuent ils ne ſe rendoyent, voire l'un à l'autre, ſinon vne meſme reſponſe: c'eſt à ſauoir, **Ego diſtingo**: Large, & ſtriète. De ſorte que ceſte reſponſe s'approprioit à toutes leurs queſtions, tout ainſi que ſont les brayes des eſtuues à toutes manieres de culs.

**DIAC.** Felin, il me ſemble que la comparaifon n'eſt pas trop honneſte, & que meſmes elle eſt ſcâdaleuſe en ce temps icy.

**FEL.** Il eſt bié vray que q̃lques fois auſſi ils faiſoyét de lógs diſcours. mais ie ne ſauroye reciter ce qu'ils s'entredifoyét. Car ie n'y entédoye rien. Seulement i'ay mis en ma memoire ces mots, Large & ſtriète: pour autāt que les ay ouy dire maintenant à l'un, maintenāt à l'autre plus de cēt fois.

**DIAC.** Les theologiens Scholaſtiques vſent de ſemblables mots en leurs diſputes. Mais qui eſt ceſtuy la qui deſcend là haut ſur les degrez de S. Pierre? Par ma foy c'eſt le ſeigneur Hermes noſtre amy, homme de bien, ſauant & vertueux: com bien que ſa poureté l'excuſe, à raiſon qu'il a vne meſchante belle mere. Car pour le téps qui court, la vertu ſans richesses eſt autāt priſée que la paille ſans le grain. Je veux que nous deuſiós vn peu avec luy, Felin: tu orras vn homme qui te plaira.

**FEL.** Ainſi que bon vous ſemblera, monſieur.

**DIA.** O ſeigneur Hermes, vn mot: ou allez vous ainſi ſongeant à part vous? Quoy? ny voz amis, ny voz parens?

**HERM.** O ſeigneur Diaconat, pardonnez moy s'il vous plaift, ie ne vous auoye point apperceu.

Je m'en alloye à la maison ainsi tout bellement.

**D I A C.** Auez vous expedié les affaires que vous deuiez nagueres despecher pour ces messieurs noz theologiens d'Alemagne?

**H E R.** Ouy monsieur, i'ay satisfait à tout, & presentemét ie vié de prédre cōgé d'eux en ce Palais.

**D I A C.** Vous auez bien fait. Or ie parloye tout maintenāt de leurs affaires avec Felin que voicy: lequel semble qu'il ne les estime pas vne figue: & m'est aduis selon mon iugemét qu'il a grand tort.

**H E R.** Il est certain: & ne faut point douter qu'il ne se trompe. Car en toutes choses ils sont tres-excellens. S'il auoit ouy & bien entédu leurs propos tant publiques que priuez, comme i'ay fait, ie suis certain qu'il seroit bié d'une autre opiniō.

**D I A.** O seigneur Hermes mon amy, puis que vous auez fait mention de voz propos priuez avec ces Theologiens, ie vous prie nous faire ce bien de nous en vouloir raconter quelcun à ceste heure que nous auons le téps & loisir. Car par aduenture que Felin les oyant se rauisera, & s'apperceura de sō erreur. Que s'il ne vous plaist de nous dire dauantage, pour le moins dites nous ce que mōsieur nostre maistre le docteur Eccius vous recita en particulier l'autre iour de ces heretiques, lesquels sont si hardis d'oser contredire à la puissance du Pape.

**H E R.** Puis que ie voy que vous en auez si grande enuie, ie le feray de bien bon cœur, & le vous raconteray en la mesme maniere que ledit nostre maistre me l'a affermé.

**D I A.** Ouy, seigneur Hermes, ie vous en prie.

**H E R.** Vous deuez donques sauoir, que quand  
ces



ces Theologiens passerent les Alpes Rhetiques, & les montagnes des Grisons, pour venir en Italie, voulâs aller à Milan premier qu'à Rome, pour quelques affaires qu'ils auoyent là, aduint qu'un soir ils arriuerent en un bourg, qui estoit au pied desdites montagnes: auquel on fait avec vne merueilleuse industrie certains vaisseaux de pierre, qui sont propres pour la cuisine, & autres vsages des homes. Or estâs là, apres qu'ils eurent fort bié souppé, ils voulurent aller voir l'artifice de mettre en oeuvre telle pierre. L'hoste, qui auoit assez d'autres choses à faire en la maison, ne pouuant les accompagner, pria un sien voisin, lequel estoit aduocat, qu'il luy pleust de leur faire compagnie. L'aduocat, qui est homme ciuil, & aimoit fort les estrangers, & principalement les gens de lettres, le fit bien volontiers, les conduisant par les boutiques, ou il leur fit voir le tout. Et apres auoir deuisé avec eux de beaucoup de choses, & s'estant apperceu en la fin que c'estoyent de noz maistres en theologie, commença à mouuoir & mettre en auât quelques doutes de la sainte Escriture, leur demandant en premier lieu, si la primauté du Pape est de droict Diuin, ou de droict humain, ou bien de droict diabolique. Apres il proposa quelques autres questions touchant les affaires du roy Franc arbitre, & de son royaume des Bonnes oeures: & specialement d'aucunes prouinces particulieres d'iceluy. Desquelles choses communement on deuise en ce temps icy, voire avec bien peu de regard, discretiō & peu de reuerēce, presques en tous lieux: & mesmes toutes sortes de gens en parlent à tort & à trauers.

**D I A.** Il est ainsi comme vous dites: & semble au-  
iourdhuy qu'il soit licite, voire iusques aux ça-  
uetiers & crocheteurs, de faire des questions, &  
douter de la primauté du Pape, & de sa puissan-  
ce. Si i'estoye que de luy, ie voudroye estre ou le  
Pape, ou la merde. Mais poursuyuez, seigneur  
Hermes.

**H E R.** Nostre maistre Eccius, lequel est du tout  
consumé & affiné aux sciences, luy respôdit quât  
à la primauté du Pape, qu'elle estoit de droict di-  
uin. Premièrement pource que Dieu au vieil Te-  
stament auoit constitué vn souuerain Sacrifica-  
teur, & luy auoit donné toute autorité de iuger  
de quelques causes & procès qui se pourroyét es-  
mouuoir: laquelle Sacrificature & iurisdiction au  
nouveau Testament auoit esté puis apres transfe-  
rée au Pape. Secondemét, pource que Iesus Christ  
l'auoit institué luy mesmes, disant, Tu es Pierre,  
& sur ceste pierre i'edifieray mon Eglise: & les  
portes d'enfer ne pourront rien à l'encontre d'elle.  
Et te dōneray les clefs du Royaume des cieux,  
& tout ce que tu lieras en terre sera lié és cieux:  
& tout ce que tu deslieras en terre, sera deslié és  
cieux. Dauantage il auoit encores dit à sainct Pier-  
re, Symon, i'ay prié pour toy, afin que ta foy ne  
deffaille. Et finalement luy auoit dit depuis, Pier-  
re, m'aimes tu? pay mes brebis. Tiercemét, pour-  
ce que les saincts Canons, qui ont la mesme au-  
thorité que la sainte Escriture, veulent & ordon-  
nēt qu'en effect il y ait Primauté, & l'establisent  
si fermement & si bien, qu'elle ne peut estre par  
moyen humain desracinée, ou arrachée de per-  
sonne qui soit.

**D I A C.**

**DIAC.** Ces sentences & authoritez (selon mon iugemēt) sont irrefragables, & telles qu'on ne les peut refuter.

**HER.** Vous auēz bien dit, selon vostre iugemēt. Car selon le iugement de l'aduocat il n'en est rié: pource q̄ cōtredisant en cest article à nostre maître Eccius, & se declarant tout ouuertemēt estre l'un de ceux qui se sont rebellez contre le Pape & contre le roy Franc arbitre, commēça de vouloir prouuer, par le moyen de quelques histoires & certains contes qu'il faisoit, que la Primauté, la puissance & la monarchie du Pape ont esté meschamment & malheureusemēt acquises par luy, ou plustost iniquement vsurpées: & qu'il n'est point constitué chef des autres par aucun droit diuin: attendu que Iesus Christ est vnique & seul chef de son Eglise: mais que le Pape s'est fait tel de soy mesmes par ses astuces malicieuses & trōperies pleines de fraudes. Il disoit dauātage, qu'il y a plusieurs choses au royaume des Bonnes œuvres, lesquelles à la verité vont bien autrement que n'est pas la commune opinion: & autrement aussi qu'il n'est contenu dedans les papiers & registres du roy Franc arbitre.

**DIAC.** On pourroit bien dire que ce sont Paradoxes: c'est à dire, opinions contre la commune opinion du peuple: d'autant qu'un chacun tient quasi tout le contraire de ce que cestuy cy veut prouuer en cest endroit, encores que ses probations ne soyent pas beaucoup à craindre: pource que faire & traiter des Paradoxes n'est pas vne entreprinse de toutes personnes: mais seulement de Cicerons & d'Hortenses. Or seigneur Hermes,

ne laissez de pourfuyure tousiours vostre propos ainsi qu'il vous plaira . Nous auons fort bien entendu le fuiet de leurs deuiles & propos.

H E R. Cest aduocat donques commença à parler premieremēt des affaires du Pape en ceste maniere: Si ceux lesquels il y a desia long tēps se laisserent esblouir la veue par les menfonges Papistiques, eussent bien leu, ou pour le moins eussent ouy les histoires qui font mention de la vie des Papes, & de leurs faits & gestes, ie suis trespertain qu'ils eussent peu cognoistre aisément d'eux mesmes les erreurs & vaines menteries, qu'ils se font iusques icy laissé faussement persuader, & qu'ils se reprendroyent eux mesmes de leur folle croyance, & fottise par trop brutale. Or d'autant que croire que la primauté du Pape soit de droict Diuin, est l'vn des plus pernicious & detestables erreurs qui puissent estre au monde, à cause de la grande consequēce qui s'ensuit de là: ie veux icy (dit il) recitant & faisant vn sommaire de ce que les histoires contiennent touchant ceste Primauté, vous monstrier d'ou elle est procedée, dont aussi vous pourrez comprendre de quel droit elle est: non pas selon les fausses opiniōs de voz theologies Scholastiques & Sorboniques, & raisons Canonistiques, qui ne sont que cigales pleines de vanité & grenouilles puantes: mais selō la verité, & les effects ou euenemens des choses passées.

D I A. Il m'est aduis que cestuy cy fit vn proeme fort audacieux & plein d'orgueil. Je croy moy qu'il auoit bonne opinion de sa personne, & qu'il s'en tenoit bien content. Il suffiroit bien qu'il fust quelque Nicolas delirans, ie vouloye dire, de Li-

Les historiens  
qui font men-  
tion de telles  
choses sont  
Eutrope,  
Paul Diacre,  
Bibliothecai-  
re, les Chron.  
d'Vspurgēse,  
Antoine Ar-  
cheuesque,  
Mondus, Fla-  
mina, Fneas  
Piccolhomi-  
ni, Raphael  
Volaterranus  
Marc Antoi-  
ne, Sabelli-  
que, Naucle-  
rus & assez d'  
autres.



ra, cinquieme docteur de l'eglise.

H E R. Vous l'entendez fort bien. Ordinairement ces aduocats & procureurs sont trop plus hardis, & pl<sup>s</sup> grâs bauars & causeurs qu'ils ne deuroyēt. Mais reuenons au propos. Je dy donques (disoit cest aduocat) pour commencer, que quand l'estat ancien de la Chrestienté fut venu à ce poinct, que la possession des Eueschez commença de n'estre plus vne entreprinse de charge, mais d'honneur, de pompe, de profit & de gloire, les euesques de Rome par l'ogue espace de temps eurent vn debat ambitieux, & vne question arrogāte & presomptueuse avec ceux de Constantinoble, taschant vn chacun d'eux de faire en sorte, que leur eglise fust la premiere de toutes les autres par le monde vniuersel. Ainsi donques au temps de l'empereur Maurice, Iean euesque de Constantinoble ayant assemblé vn Concile de Grecs, se fit declarer Patriarche vniuersel sur toutes les Eglises: & l'Empereur mesmes commāda à Gregoire premier, pour lors euesque de Rome, qu'il rendist obeissance au patriarche de Constantinoble. Ce que ledit Gregoire ne voulut point faire.

D I A. Gregoire fit tresbien de n'en vouloir rien faire, pource que les clefs furent données à Pierre icy à Rome, & non pas à Constantinoble.

H E R. Depuis Gregoire 1, Boniface 3, qui peu de temps apres luy succeda, par vn beau moyen & finesse cauteleuses impetra de l'empereur Phocas vn edict, ou bien vn rescrit, auquel & par lequel ledit Empereur commāda, que l'eglise de Rome fust appelée & tenue premiere de toutes les autres eglises, & que l'euesque de Rome fust chef de tous les Euesqs du monde: de sorte q̄ ce rescrit

Cecy aduint  
environ l'an  
de nostre Sei-  
gneur 616.  
Platina y en  
adiouste quel-  
que peu d'a-  
uantages



Imperial, & non pas Iefus Christ, a fait le Pape chef vniuerfel de l'eglise, & luy a fait peu à peu leuer tellemét les cornes, qu'à la fin il a eu la hardiesse de mettre la main & sa patte dessus les Empires & Royaumes de la terre, & disposer des affaires d'iceux comme il luy a semblé estre plus expedient, pour mieux establir sa Primauté. Vray est qu'aucuns autres ont dit icy, que la Primauté luy a esté conserée par l'empereur Constantin le Grand : mais pource qu'ils ne le prouuent point, sinon par vne fausse & vaine couuerture de leur Decret, nous disons que cela est faux : & combien encores que cela fust veritable, si est ce qu'il auroit eu la Primauté des hommes, & non pas de Dieu, comme il se vante faussement. Or que de là le Pape ait comméce à mettre la main sur les Empires terriens, on le peut voir aisémét. Car vn peu de temps depuis le pape Boniface troisieme, le pape Gregoire aussi troisieme ayant prins vne occasion contre Leon aussi troisieme, empereur de Constantinoble, pource que suyuant le commandement de Dieu il ne vouloit pas qu'il y eust des images dedás les eglises, premierement il l'excommunia : & puis par ses pratiques il brassa si bien que toute l'Italie se reuolta contre luy : & ledit Pape impudemment dispensa & donna congé aux Italiens de fausser la promesse & sermens qu'ils auoyent faits de garder fidelité audit Empereur. Apres ce reuoltement les Romains & ceux de Rauienne ayans commencé de créer & faire d'eux mesmes des Princes & gouuerneurs d'entre eux, aussi esmeurent les Lombars à haine contre eux. & furent ennemis les vns aux autres : tellement  
que

que \*Luitprandus roy des Lombars, ayant dressé vne armée s'en alla mettre le siege deuant Rome, & l'asiegea. Lors le pape Gregoire n'osant plus demâder secours à l'empereur de Cōstantinoble, recourut à Charles \* Martel roy de France: par le moyen duquel finalement il leua le siege de deuant Rome. Apres Grégoire troisieme Zacharie premier vint, lequel de son autorité, ou plustost temerité, sans raisō ny propos fit deux beaux coups tout à vne fois: premierement il priua & depōsa \*Childeric du royaume de France, & le fit moine: dispensant aussi les François du serment de fidelité qu'ils auoyent fait à leur Roy. Et puis au lieu de Childeric mit Pepin fils puisné dudit Charles, & le fit roy de France, mettant à iamais vne succession hereditaire en ce royaume: afin que par le moyen de cestuy cy, lequel estoit homme hardy & belliqueux, il se peust defendre contre les empereurs de Constantinoble. Depuis ce Zacharie le pape Estienne second vint, lequel en sa creation estant porté sur les espaules d'hommes au Patriarchat de Latran, donna commencement à ceste coutume pleine d'orgueil, laquelle puis apres ont tousiours gardée les autres papes de Rome, c'est de se faire porter quand il leur plaist par les hommes. Cestuy cy mena par deux fois le mesme roy Pepin en Italie contre Aistulfe roy des Lombars: lequel s'efforçant de faire que Rome luy fust tributaire, par guerres aspres & cruelles degastoit tout le pais Romain. Mais finalement ledit Pepin ayant veincu & desconfit brauement ce roy de Lombardie, & dechassé hors de l'Exarchat de Ravenne, qu'il auoit vsurpé durant ces guerres, le

\*aucū le nomment Liue, prandus.

\*ou Marcell, ainsi que les autres l'appellent.

\*aucū appelle ce Roy, Hilderic: les autres, Hilperic.

Cau. 15, cap. 7, canonc. Alius itom.

donna entierement avec toutes ses appartenâces, au siege Romain.

DIA. Je ne pense point que le peuple Romain en recognoissance de tels & si grans biens, n'enregistraist à ceste heure la ce Pape au rolle des peres du pais, & qu'ils ne fissent crier à haute voix par toute la ville, que Rome afranchie nomme le Pape, Pere du pais.

HER. Peu de temps apres, Charlemagne ayant succedé au royaume de France au lieu de son pere Pepin desia mort, le pape Adrian premier, voyant que les lieux & places données au siege Romain, estoient tormentées & molestées de guerres par vn Didier roy des Lombars, se retira pour auoir secours vers ledit Charlemagne, lequel estant venu en Italie avec vne fort belle armée, ruina finalement le royaume des Lombars. Apres ceste victoire tant magnifique il conferma non seulement la donation faite par Pepin son pere au siege Romain: mais aussi l'augmenta d'autres lieux, lesquels il y adiousta dauantage. Parquoy Adrian ayant assemblé vn Concile dedans Rome, en recognoissance de tât de benefices qu'il auoit receuz, conféra audit roy Charles l'autorité & puissance d'elire le pape de Rome, d'ordonner du siege Romain, de constituer les inuestitures des Euechez, & autres biens ecclesiastiques: laquelle autorité les empereurs de Constantinoble auoyent eu premierement, & les Exarches qu'ils auoyent en Italie: excommuniant puis apres quiconque auroit la hardiesse d'aller au contraire, ou de s'y opposer: combien qu'aucuns disent icy, que l'autorité d'elire les Papes, laquelle auoyent les empereurs

Cecy aduint  
environ l'an  
de nostre Sei-  
gneur 800.  
ou peu apres

Dec. disti. 63.  
e. Adrianus  
papa Rom.

pereurs de Constantinoble, auoit esté auparauant renoncée, & resignée par Constantin 4. à messire Clergé & au peuple Romain, du temps du pape Benoist 2. Quelque peu de temps depuis ces menées & pratiques, le pape Leon troisieme, lequel succeda à Adrian, tout incontinent apres sa creation enuoya audit roy Charles les clefs de saint Pierre, & l'enseigne ou banniere de Rome, & le fit supplier avec humbles prieres, qu'il luy pleust de donner ordre q̄ le peuple Romain fust suiet au Pape. Pour laquelle chose le roy Charles, depeur qu'on ne pensast qu'il fust ingrat de ce bon vouloir que luy auoit monstré Leon, luy ottroya liberalement sa demande. Si est ce pourtant que le tout n'alla pas loin, que ledit Leō, à cause de quelques tumultes & seditions fort dangereuses, estât chassé, ou bien fugitif de Rome, ne fust contreint de s'en aller en Frâce: là ou il fut receu par le roy Charles, non seulement avec grande humanité & reuerence, mais aussi fut en la fin restitué dedans Rome, au mesme lieu ou il auoit esté premierement. Et de là aduint que ledit Leon tant pour re compenser le Roy d'un tel benefice, qu'aussi pour n'auoir plus que faire avec les empereurs de Constantinoble: lesquels à raison de la defense & prohibition des images, estoient selon son dire, excommuniés: par son audace temeraire, & audacieuse temerité, crea le roy Charles Empereur Auguste: & l'ayant oinct d'huile sainte, le nomma Treschrestié. Et en ceste maniere il introduit & bailla au siege Romain la puissâce & l'autorité de créer les empereurs d'Occidēt. Et de là aussi est aduenū, q̄ les Princes ne sont point appelez Empereurs, iusq̄s à tāt qu'ils soyēt oints & cōfermez du Pape.



Et par ainsi au lieu que le Pape souloit au parauant estre confermé par les Empereurs, l'Empereur commença en son election d'auoir besoin de la confirmation du Pape. O tyrannies plus que Papistiques! Apres cela ledit pape Leon oignit & cōsacra ausi Pepin troisieme fils dudit Empereur, & le fit roy d'Italie. Outre plus il conferma encores audit Empereur tout ce qui luy auoit esté premierement ottroyé par le pape Adrian son predecesseur, ainsi que i'ay dit vn peu au parauant.

D I A C. O le grand courage de ce Leon! lequel n'a point eu de regard ny crainte aucune de faire contre les loix de Dieu & du monde ensemble, afin qu'il n'eust plus que faire avec ceux qui estoient excommuniez du sainct siege Romain. De là peut on bien voir de quelle importance est l'excommunication Papale, de laquelle à l'exemple de ce tressaïct & tresheureux Pere, on doit faire plus grand cas & plus d'estime que de Dieu mesmes. Qu'en dites vous, seigneur Hermes?

H E R. Ie dy que le Pape estant (comme ces theologiens ont quelque autre fois monstré) vn dieu terrestre, doit auoir trop plus de puïssance en terre qu'autre dieu, soit qui qu'on voudra: combien qu'il semble que ce maïstre aduocat, cōme vn heretique, ne s'en face que rire & moquer. Dōques pour retourner à son propos, ie dy qu'il passa plus outre, & poursuyuit en ceste maniere: A Leon troisieme succeda le pape Estienne quatrieme: lequel apres la mort de Charlemagne, s'en estant allé en France, & ayant là oinct & confirmé Empereur Louys dit le Pitoyable, fils dudit Charles, cognoissant la simple pieté dudit Empereur, luy dō



na faussement à entendre, que l'autorité d'elire le pape de Rome, d'ordonner du siege Romain, & de conferer les inuestitures des Eueschez & autres biens ecclesiastiques, ottroyée & donnée par le pape Adrian & Leon à Charles & à ses successeurs, attiroit avec soy beaucoup de maux: & seut si bien luy persuader ceste menterie, que le bon homme Empereur renonça à ladite autorité, & la remit entre les mains de messire Clergé, & du peuple Romain. Et lors cōmença le siege Romain d'vlsurper l'autorité de conferer les Eueschez & autres benefices de toutes sortes. Combié qu'aucuns disent que le pape Pasquier premier, lequel succeda audit Estienne, fut celuy qui tira hors des mains de Louys le Pitoyable, empereur, les puissances & autorité susdites: d'autant que ce Pasquier fut créé Pape sans aucune interposition de l'autorité Imperiale, ainsi qu'on auoit accoustumé de faire auparauant. C'est chose certaine qu'il y a en la librairie du Pape, au palais de saint Pierre, vn liure ancien de la dōnation de Louys le Pitoyable empereur, faite au pape Pasquier: en la quelle outre ce qu'il ottroye & confirme audit Pape la cité de Rome, & tout le reste qui auoit esté premierement donné par Pepin son grand pere & par Charles son pere au siege Romain, il renonce encores & se demet du tout à messire Clergé & au peuple de Rome, de l'autorité & puissance de créer les Papes: pourueu que lesdits Papes, apres leur consecration, enuoyent ambassades à l'Empereur, lesquels conferment la confederation, alliance & amitié entre l'vn & l'autre Siege: comme il est aussi contenu dedans le Decret.

k.

Di. Mn. 63. c.  
Ego Ludouicus,

Combien que selon les autres auteurs, on voit manifestement que l'autorité de confermer les papes de Rome, apres qu'ils estoient eleus, demoura tousiours à l'Empire iusques au temps de Henry 3, par lequel Gregoire septieme fut confirmé en la Papauté. Cest Empire fut depuis transporté & donné par plusieurs Papes en diuers tēps, maintenant à vn seigneur, maintenant à vn autre, iusques à tant que par le moyen (ainsi que veulēt aucū) du pape Jean troisieme il vint entre les mains d'Otho, surnommé le Grand, roy de la Germanie, auquel le Pape fist faire vn serment & promesse, de maintenir & exalter les choses appartenantes au siege Romain, en vne forme si deshoneste & vilaine, que i'ay honte pour luy, de m'amuser icy à le raconter. Finalement le pape Gregoire cinquieme, qui estoit de Saxe, fit vne loy, que l'election de l'Empereur seroit librement faite par les princes d'Alemagne (lesquels instituez de luy, pour semblable cause sont appelez Electeurs) sans aucun esgard de succession hereditaire, comme nous voyons encores iusques aujourdhuy qu'on a accoustume de faire. Et ordōna puis apres, que quiconque seroit eleu par ces Electeurs, fust appelé Cesar & roy des Romains: mais qu'il ne peult estre nommé Empereur Auguste, iusques à tant qu'il fust oinct, confirmé & couronné par le Pape. Et voila (disoit cest aduocat) les pratiques, menées & ruzes, & non pas la donation feinte & cōtrouuée de Cōstantin, par lesquelles les euesques de Rome se sont vsurpé petit à petit avec tromperies merueilleuses, la tyrannie & domination de tous les biens du monde, tant spirituels que temporels: & se sont avec vne ambition & arrogance

Deccr. dist. 63.

Les Electeurs  
sont ceux cy,  
l'archeuesque  
de Mayence,  
l'archeuesque  
de Treues, l'  
archeuesque  
de Cologne,  
le duc de Saxe,  
le marquis  
de Brandebourg,  
le comte Palatin du  
Rhin & le roy  
de Boheme,  
quand ces six  
s'indigne s'accorderoyent,  
l'an 1602.

diabolique d'eux mesmes faits de ministres maistres, de pasteurs imposteurs, de petits tresgrans, d'Euesques Monarques: somme, de Chrestiens non seulement antechrestiens ou ennemis des Chrestiens, mais les mesmes Antechrists. Or cōbien qu'en quelque partie des histoires que i'ay recitées, les auteurs varient & soyent de diuerses opiniōs l'un avec l'autre: neantmoins i'ay ensuyui en ce brief sommaire ce qui m'a semblé estre au plus pres de la verité. Et si ie pourroye bien encore monstrier (disoit il) par quelles brigues, meschantes pratiques & ruzes malheureuses depuis le pape Damasus premier, les loups rauissans & marchā execrables se sont ingerez en la Papauté: & commēt le pape Nicolas 1, & les autres Papes qui sont venus depuis luy, ont par succession de tēps tiré toute l'autorité des choses ecclesiastiques seulement à leur meslire Clergé: & ont fait q les Cardinaux se sont reseruez à eux l'autorité de créer les Papes, & qu'ils n'en puisēt créer sinō l'un de leur ordre: & en quelle maniere les autres Euesques ensemble avec les laiz ont esté deiettez & prinez de leur autorité d'elire & créer leurs pasteurs & ministres, & de leur confermer les benefices de leurs eglises: & cōment, pour le faire court, toute chose a esté transferée à la seule tyrannie du Pape. Mais à cause que cela seroit trop long à raconter: & d'autant aussi qu'il me semble que par ce brief recueil d'histoires que i'ay desia fait cy dessus, i'ay prouué & monstrier ce que i'auoye entrepris: c'est à sauoir que la primauté du Pape n'est point de droit Diuin, mais de droit imposé, ie ne poursuiray point plus outre à parler de ceste matiere.

**DIAC.** Cestuy là est vn meschant heretique. Mais comment est ce qu'il a peu respondre & sou dre l'autorité & les sentences du vieil & nou ueau Testament, alleguées par nostre maistre Eccius?

**HERM.** Quant au passage du vieil Testament, prins du Deuterõnome, il respondit que c'estoit vne menterie impudente & controuuée par mes chans paillars, de vouloir dire que la Sacrificatu re de l'ancien Testament soit transferée à la Pa pauté : attendu qu'un chacun peut voir aisément qu'elle est transferée seulemēt à Iesus Christ, du quel le souuerain Sacrificateur ancien estoit la fi gure. Et comme Iesus Christ est suffisant de soy mesmes, sans aucun vicaire ou successeur, d'exer cer l'office de Sacrificature: aussi ne veut il point donner l'honneur qui s'en ensuit à creature quel conque: attendu que l'office de ceste Sacrificatu re ne consiste point aussi seulement en la doctri ne, mais beaucoup plus en l'appointement & recõ ciliation faite entre Dieu & nous par la mort & passion de Iesus Christ, & en ceste intercession perpetuelle qu'il fait continuellement, & en la quelle il demeure à iamais deuant le Pere eternel pour nous. Quant aux sentences du nouveau Te stament, il dit qu'elles ne donnoient aucune pre eminēce à Pierre, laquelle fust separée des autres Apostres, sinon parauenture d'honneur & digni té, & non pas de puissance. Et quant à la premiere autorité, il dit que Iesus Christ auoit edifié son Eglise sur soy mesmes, & non point sur Pierre: at tendu que Iesus Christ mesmes est ceste pierre an gulaire, & ce vray fondemēt, outre lequel on n'en peut



peut mettre d'autre, ainsi que par les paroles mesmes de l'Euangile on peut manifestement comprendre. Car ayant demandé à tous ses Apostres ensemble, qui estoit le Christ, Pierre auoit pareillement confessé au nom de tous, que Christ estoit le Fils de Dieu vivant : & que dessus ceste pierre confessée par Pierre, Iesus Christ edifia son Eglise, & luy promit les clefs du Royaume des cieux, lesquelles ne sont autre chose, que la puissance de lier & deslier les pechez: c'est à dire, ou de les remettre, ou de les retenir avec le ministration de la predication Euangelique: cōme Iesus Christ mesmes monstra bien, quand apres sa resurrectiō voulant enuoyer ses Apostres & disciples pour prescher, leur dit, Comme mon Pere m'a enuoyé, ainsi ie vous enuoye aussi : & soufflant en eux, leur dit, Receuez le saint Esprit: A tous ceux ausquels vous remettrez les pechez, ils seront remis : & à tous ceux que vous les retiendrez, ils seront retenus. Desquelles paroles on entend aisément, que la promesse des clefs faite à Pierre seulemēt, lequel estoit la figure de l'vnité de l'Eglise, & la commissiō & charge de remettre & retenir les pechez donnée à toute l'Eglise ensemble, est vne mesme chose, de laquelle l'autorité & executiō (comme cy dessus a esté dit) gist & consiste au ministration de la parole de Dieu. Quiconque croit à la promesse que le Seigneur Dieu luy fait par le moyen de son messager & Ministre, assauoir qu'il est deliuré de ses pechez par les merites seulement de Iesus Christ, sans aucune doute il est absous & deliuré de ses pechez. Et quiconque ne le croit, il ne faut point aussi douter qu'il ne demeure.

k. iii.



re lié & garrotté en ses pechez, & en ferré és liens d'éternelle dānation: pource qu'il n'accepte point ny reçoit Iesus Christ pour son Sauueur & Redempteur. Dont euidemmēt on cognoist, que vous autres Papistes par trop sottement & sans aucū propos appropriiez & faites seruir ces clefs à beaucoup d'autres choses, comme à la Confession auriculaire, aux loix & ordonnances Papistiques, à voz excommunications detestables, à voz dispenses abominables des merites de Christ & des saincts meslez ensēble. Toutes lesq̃lles choses sōt forgées en voz cerueaux, & controuuées de vous mesmes, sās aucune authorité de la saīcte Escriture, ou plustost contre la mesme Escriture saīcte: & le tout pour establir seulemēt la monarchie du Pape vostre prīce: & pour attraper deniers de tous costez. A la 2. authorité il respōdit qu'elle n'estoit aucunement à propos pour prouuer aucune primauté ny posteriorité de Pierre: d'autant que Iesus Christ ne dit point ces paroles là, sinon pour l'admonnester qu'il n'eust à se desesperer, à cause du renoncement auquel il deuoit tomber. A la 3. authorité semblablement il respondit, que quand Iesus Christ disoit à Pierre, Pay mes brebis, il ne vouloit pas dire que paistre les brebis fust estre le chef vñique du monde: mais il vouloit seulement monstrer & à luy & aux autres par luy, q̃l est l'office & deuoir d'vn vray pasteur: qui n'est autre sinō repaistre le troupeau de Christ par la parole de Dieu, & par les autres secrets Euāgeliques, & nō pas le brigander & du tout escorcher & en corps & en ame, ainsi que font les loups rauissans sous

titre & couverture de pasteurs en ce temps icy. Et ne vous esmerueillez point si le Pape tiét du loup, veu qu'il est successeur de Romulus, qui fut nourri d'une louue. Finalement quant aux sacrez Canons, il dit en premier lieu, que c'estoit vn horrible blasphemé contre Dieu, & vne arrogâce detestable, d'oser dire que l'autorité des loix & decrets Papistiques est égale & en pareil degré que la sainte Escriture. Car cela seroit vouloir faire du diable Dieu. Apres il adiouta, que posséder vne telle Primauté que fait maintenant le Pape entre les Chrestiens, est vn orgueil & presôption de Lucifer, & vne tyrânie diabolique: affermant q' tous les passages des escritures Papistiques, lesquels donnent telle préeminence à l'euesque de Rome auant le rescrit de l'empereur Phocas ottroyé à Boniface 3, ont esté falsifiez par les flatteurs & mignons ambitieux du Pape, lesquels ont tasché tant qu'ils ont peu, de planter & imprimer ceste fausse opinion de la primauté Papale dedás le cœur des hommes. Comme ils ont aussi fait de la donation de Constantin, à ce que par tels moyens la monarchie du Pape semblast si ferme & stable, que iamais personne n'eust plus la hardiesse de luy contredire, ny mesmes ouurir la bouche au contraire. Et cōbien que par plusieurs bonnes & certaines cōiectures cela se pourroit aisémēt démonstrier, neantmoins afin qu'en choses si claires ie soye brief, i'en diray icy deux tant seulemēt. On trouue par escrit que le concile de Carthage troisieme, lequel fut fait enuiron le temps de Sericius pape, & le concile d'Afrique, & le Decret en la

k. iiii.

distinction 99, commanderent que l'Euesque du premier siege ne fust point appelé Prince des prestres, ou bien le souuerain Prestre, ou par autre semblable nom & titre: mais seulement Euesque du premier siege. Si donques le Concile ne voulut point endurer qu'aucun Euesque fust nommé Premier, ou Prince des autres, non pas mesmes de la seule voix: combien moins, ie vous prie, auroit il souffert ny permis que quelcun se fust constitué premier des autres en effect? Dont il est facile de iuger, que pour lors ceste primauté Papale n'estoit pas encores née au monde. Dauantage nous lisons que le pape Gregoire premier (depuis la mort duquel iusques à Boniface troisieme cy dessus mentionné il n'y eut que deux ans) afferme en beaucoup de passages de ses escrits, que ne luy ny aucun autre de ses predecesseurs n'a iamais voulu accepter ny vsurper ce mot profane, ambitieux, superbe, abominable & cōtraire à vn Chrestié: ce mot, dy ie, d'Euesque vniuersel, & premier chef des autres. Parquoy necessairement il faut conclure, ou que Gregoire soit menteur, niât qu'il y ait eu aucune Primauté entre les Euesques auant luy, & qu'il ait fait ensemble avec ses predecesseurs cōtre Dieu, n'acceptât point ceste Primauté, qui luy competoit de droit Diuin: ou bié que ces flageorneurs impudens ayent controuué & forgé mille mensonges, & falsifié en plusieurs lieux les escritures de ceux qui ont esté deuant ledit Gregoire, en adioustant, ou plustost diminuant d'icelles tout ce qu'ils iugeoyent estre expedient pour leur entreprinse, & qu'ils pensoyent faire pour eux: comme nous sauons qu'ils tasche-

rent

rent de faire aussi aux decrets & ordonnances du concile Mileuitain. & comme aussi le pape Zosimus entreprint de faire, voulant adiouster fausement vn Canon au concile de Nice premier, pour establir & confermer en vne partie sa malheureuse tyrannie: ainsi que recite Isidore au liure des anciens Conciles. Que si quelcun vouloit icy repliquer, que les autres Conciles tenus & faits depuis Gregoire premier ont ottroyé ceste Primauté au Pape, ie respon(disoit il) que cela ne s'est peu legitimement faire: veu que les propres canons des Papes mesmes veulent & ordonnent, que quand la plus grand' part des Conciles aura diuerses sentences d'une mesme chose, l'autorité du plus ancien l'emporte & soit preferée à tous autres. Outre plus (disoit cestuy cy) Iesus Christ estant vray Chef de son Eglise, si le Pape estoit aussi chef semblablement, il faudroit dire que l'Eglise auroit deux chefs, ainsi qu'auoit le chien de Gerion: & par ce moyen nous ferions de l'Eglise vn monstre merueilleux & estrange. Sainct Paul peignant aux Ephesiens vne image pure & viue de la vraye Eglise, non seulement ne fait aucune mention d'autre chef que de Iesus Christ: mais plus tost monstre que c'est vne chose du tout repugnante à l'institution de nostre Seigneur, d'y vouloir adiouster vn autre chef que Iesus Christ.

**D I A.** Pour vray ce rustre la estoit fort audacieux & mordant, quand il racontoit ainsi ses fantasies: ou (pour mieux dire) ses heresies. Ie m'estonne fort que nostre maistre Eccius ne le fit prendre & habiller de rouge tout sur l'heure.

**H E R M.** O qu'il l'eust fait bien volontiers, s'ils

eussent esté en lieu qu'on l'eust peu faire! Mais au pais de messieurs les Grisons les grenouilles ne peuuet mordre, à cause qu'elles n'ont poit de dés: mais qui plus est, elles ont là mesmes perdu la voix, tout ainsi qu'en l'isle de Seriphus. Si est ce que nostre Maistre protesta, qu'il auoit composé vn liure intitulé, Enchiridion contra Lutheranos, c'est à dire vn Manuel contre les Lutheriens, dedans lequel il refutoit & ceste cy & toutes les autres heresies qui ont esté suscitées de nostre réps: & que s'il le vouloit lire, peut estre qu'il se rauiferoit, & recognoistroit ses erreurs. A quoy l'aduocat luy respondit, Le manuel d'Eccius cõtre les Lutheriés? ie l'ay veu, ouy: mais ie ne sauoye poit encores q vous en fussiez l'auteur. Si ie vous eusse cogneu lors que vous le composastes, comme ie vous cognoy à ceste heure, ie vous eusse conseillé que pour vostre honneur vous eussiez laissé là du tout en quelque coing telles belistreries & lâterneries, où blasphemés insupportables & outrageux cõtre le Fils de Dieu nostre Seigneur Iesus Christ & sa sainte parole.

**D I A C.** O que si ce monsieur l'aduocat estoit vn peu icy dedans Rome! ô que nous en ferions vn beau sacrifice à Vulcain! Mais que dit il dauantage des affaires du Pape?

**H E R.** Il dit que ce n'estoit point merueilles, si le Pape vsoit de telle tyrannie tant sur les choses temporelles que sur les spirituelles des laiz, puis qu'il en vsoit aussi bien sur les choses de sa hierarchie ecclesiastique mesme. N'a il pas (disoit il) estroitement, afin que ie laisse là à part ses autres charges & fardeaux infinis, defédu aux Euesques,  
prestres,



prestres, diacres, sots diacres, qu'ils ne se marient point? n'ayât aucû esgard ny à la parole de Dieu, laquelle dit qu'il n'est pas bon que l'homme soit sans femme: ny au cōmandement de Iesus Christ, qui parlant par la bouche de saint Paul dit, que quiconque n'a point ceste grace & don de Dieu special de se contenir, se doit marier, sans exception de personne quelconque idoine & propre au mariage selon nature: ne finalement au concile de Nice premier, qui a determiné tout le contraire? Ne te semble il point que cela est vn fardeau importable? Et combien que les Grecs n'ayent jamais voulu soumettre le col à ce ioug insupportable, & que les Latins aussi s'en soyent defendus longuement, ne se voulans point laisser lier & assuiettir du tout, comme lon peut voir par les pratiques qu'ils ont faites touchât cecy avec Serici<sup>o</sup>, Calixte, ou bien Eugenius, Sergius 2, Gregoire 1, Nicolas premier, Gregoire 7, tous papes de Rome, avec le concile de Meaux, de Carthage, de Rome, & assez d'autres: neantmoins l'esprit diabolique du Pape a tellement fait par sa meschanceté & presomptiō, qu'en la fin il a gagné le cōbat, & obtenu la victoire.

DIA. C'est vne calomnie que cestuy cy impose en cest endroit & met à sus au Pape: veu qu'il n'a pas fait cela par tyrānie, mais par hōnesteté: pour ce qu'il est escrit aux saintes lettres, Soyez saints: car ie qui suis vostre Dieu & Seigneur, suis saint. HER. Vous dites vray. Et i'estime aussi q telle defense a esté tresbien faite: d'autant que les Gentils & Payens mesmes ont fort loué la chasteté aux prestres de Cibeles mere des dieux, lesquels estoient nommez Galli.

D I A. Si ne voudroye ie point auoir chasteté par vn tel moyen que ces prestres l'auoyent : pource que les choses faites sans tesmoins me desplaîsét, en la forte que fit Combabus, quand la femme du roy Seleucus luy fut baillée en garde.

H E R. C'est tresbien dit à vous. Car vous autres messieurs les gens d'eglise demeurans entiers, cō me nature vous a crééz, encores que vous ne vous pouuiez point marier, ce n'est pas pourtant à dire, que vous ne puissiez vous seruir des femmes d'autrui, ou bien d'autres femmes, & aussi de voz Ganimedes & petits mignons, sans aucune crainte qu'en cest endroit on vous rende la pareille, ou qu'on se venge de vous. Mais pour retourner au propos de nostre aduocat, il commença puis apres a deuiser aussi du roy Franc arbitre, monstrant que le Pape dès le commencement s'estoit porté laschement, & auoit fait vn tour de traistre & apostat de la religion Chrestienne, quand il laissa entrer ce Roy en la Chrestienté, lequel desia auparauant (du temps que le maistre moine Pelagius, & Celestius, ou Celestin, ainsi que tu le voudras nommer, l'auoyét voulu introduire) en auoit esté chassé dehors par le pape Innocent premier, & l'un de ses predecesseurs, & aussi par le concile Arausican. Et puis, qu'il s'estoit encores porté mal heureusement le faisant Roy, & luy donnant le royaume des Bonnes œuures. Car depuis qu'il auoit eu la couronne en teste, il s'estoit esleué en tel orgueil & fierté, qu'il imaginoit & donnoit à entendre aux autres, qu'il pouuoit elire, choisir, vouloir & faire toutes les choses du monde à son plaisir, & qu'il pouuoit faire le bien & le mal com

me bon luy sembloit, & qu'en la fin il pouuoit acquerir le ciel par le moyen des biens infinis lesquels, selon son dire, se trouuent en son royaume: ne s'aduifant point cependant qu'il n'est pas suffisant de soy mesme pour penser chose que ce soit, comme de soy mesme. Et ainsi cest aduocat ayant de là pris occasiõ de parler aussi du royaume des Bonnes œuures, entra dedans pour faire vne autre question à nostre maistre Eccius, qui fut, à sauoir si les Apostres auoyent iamais esté en la prouince de la Messe, cõme il semble q plusieurs l'affermét, & s'ils l'auoyent iamais sellée bridée, ie vouloye dire celebrée & magnifiée en la sorte qu'on a coustume maintenant de faire. Le docteur Eccius luy respondit qu'ouy, affirmant que saint Pierre, & semblablement les autres Apostres, & saint Iaqués euesque de Hierusalem, auoyent demeuré longuement en ladite prouince: combien que de leur temps elle ne fust pas si bien ornée ne parée comme elle est à present. Lors cest aduocat luy dit, Et vraiment ie vous veux monstrier & faire cognoistre par les histoires tout le contraire. Et quelle plus grande certitude ne meilleure probation voulez vous de cela, que du temps des Apostres ladite prouince n'estoit point encores, pour le moins en acte & effect, mais seulement en puissance, ainsi que vous autres Sorbonistes parlez? Ce que ie prouueray facilement: & monstreray par lesdites histoires qui ont esté ceux la qui l'ont reduite de puissance en acte, voire par chacune de ses parties. C'est vne chose toute manifeste entre les historiographes qui ont escrit de ces choses, que le pape Celestin a edifié l'Introite de la-

Au Decr. De  
consec. disti.  
1, c. Iacobus.

dite prouince de la Messe. Le pape Syluestre premier; ou bien cōme disent les autres, le pape Gregoire premier, y a mis le Kyrie eleison. Le pape Telesphore, ou bien ainsi que les autres veulent, le pape Simmacus y a adiousté l'hymne Gloria in excelsis Deo, composé en partie par les Anges, & en partie par saincts personnages. Le pape Gelasius & le pape Gregoire luy ont forgé les Collectes, les Graduels & les Prefaces. Le pape Damasus y a mis l'Alleluya prins de l'eglise de Hierusalem. Le pape Telesphore y a adiousté le Traict. Gothgere abbé de Sangale luy a assigné les Sequēces. Hierome Dalmatian, ou bien comme pensent les autres, le pape Damasus à la requeste dudit Hierome y a ordonné les Epistres & Euangiles. Pape Marc, ou plustost (ainsi qu'aucuns autres croient) le pape Damasus cy dessus nommé, y a mis le Symbole de Nice. Le pape Eutichian, ou bien Enthitian (comme les autres l'appellent) luy a basti l'Offertoire. Pape Sixte premier y a entrelardé le Sâctus. Pape Gelasius & le pape Gregoire, ensemble vn nommé Scholaistique, d'une commune opinion & consentement ont planté là dedans le Canon execrable. Pape Leon deuxieme institua le Pax Domini. Et pape Innocent premier, le baïser de la paix. Pape Pelagius y a mis la Commemoration des morts. Pape Sergius deuxieme y a mis l'Agnus dei. Pape Leon troisieme luy a donné l'encens. Pape Urbain premier luy a forgé les Calices d'or & d'argent. Pape Estiéne premier fit le patrō des habits & accoustremens, dont les habitans de ladite prouince deuoyent vser. Pape Gregoire 5. y ordonna le chant duquel ils vsent, nommé Gregoria. Voila q̄ls sōt les auteurs, architectes & bastif



seurs qui ont piece apres piece , ou lopin à lopin  
edifié ceste belle prouince de la Messé, si bien rap-  
petacée & entortillée comme elle est , voire long  
têps depuis la mort des Apostres, ainsi qu'on trou-  
ue dedàs voz histoires mesmes. Puis qu'ainsi est à  
la verité,cóment pouuez vous dire sans métir im-  
pudément, q̄ les Apostres ayent demeuré en ceste  
prouice, laq̄lle de leur téps n'estoit encores en na-  
ture ny au móde aucunemét? Et cóbien q̄ par bô-  
nes cōiectures nous pouuôs cōprendre que quel-  
ques parties de ladite prouice ont esté basties par  
autres maistres , ou bié autremét qu'il n'est icy cō-  
tenu & déclaré:si est ce toutesfois que nous som-  
mes certains & asseurez qu'elles sont venues en lu-  
miere, & ont esté mises en auât lōg téps apres les  
Apostres:& qu'elles ayét esté faites de qui on vou-  
dra. Mais ie vous veux bié dire dauátage (disoit l'  
aduocat)c'est que quand les Apostres mesmes re-  
tourneroyent en vie de ce téps icy,ie suis certain  
qu'ils fuiroyent trop plus ceste prouince , que la  
cour de Rome ne fuit vn Cócile general:d'autant  
qu'en tout le móde il ne se trouue point vne pro-  
uince,en laquelle tous les iours vn million de fois  
Iesus Christ soit trahi & védu,& son precieux sãg  
foullé aux pieds plus meschãment ne plus Iudai-  
mét,qu'il se fait là. Et ne se trouue en nulle partie  
du móde qui soit,aucú lieu ou les hōmes deuorét  
& gourmãdét plus vilainemét ce qui est à autruy,  
qu'en ceste prouince diaboliqū:de sorte qu'ils sōt cō-  
me des Vautours à l'étour du miserable Titius,cō-  
sumãs & aualans sans cesse tout ce qui chacun an  
croist & viét de nouueau au poure peuple. Là de-  
meurent des marchans,dont il est dit en l'Apoca-  
lypse de saint Iean, qu'ils peuuent eux seulemét



acheter ou vendre : pource qu'ils ont eu seulement aussi le caractere & le signe de la beste. Et vendás leurs sacrifices disent comme Iudas, Que me voulez vous donner, & ie le vous liureray?

D I A. Si en ce temps icy le taureau de Phalaris fait par Perillus se trouuoit au monde, ie diroy que ce malheureux detracteur, mesdisant Zoilus deuroit estre mis dedans, puis qu'il n'a aucun esgard de dire tât mal de la plus saincte, la plus paisée & la plus puissante prouince qui soit au monde: laquelle est côme vn tresfort rocher, qui soutient non seulement le royaume des Bonnes oeures: mais aussi semblablement toute la monarchie Papale.

H E R. Or vous l'entendez tresbien: voila ainqu'il en est. Après cela cest aduocat continua, & demanda à nostre maistre Eccius, s'il se persuadoit que Iesus Christ par le moyen des Apostres eust edifié la cité de la Confession, auriculaire & la prouince de Penitence, ainsi qu'estoit l'opinion commune du peuple: introduite toutesfois par les theologiens Scholastiques, ou bien Sorbonistes. A quoy nostre Maistre respondit qu'ouy, & prouua son intention par telles raisons: Iesus Christ dit à ses Apostres, A ceux auxquels vous remettre les pechez, ils seront remis: & à ceux à qui vous les retiendrez, ils seront retenus. Or est il ainque les Apostres & leurs successeurs ne pourroyent & ne sauroyent remettre ou retenir les pechez s'ils n'auoyent vne cognoissance d'iceux bien distinguée & nombrée par vne confession particuliere du pecheur. Dauantage S. Iaques dit en sa Canonique, Confessez l'un à l'autre voz fautes & pechez:

chez, & priez l'un pour l'autre mutuellement, afin que vous soyez gairis. Outre plus saint Luc aux Actes des Apostres dit, que plusieurs venoyent confessans & annonçans leurs forfaits.

DIA. Et qu'est ce qu'il peut respondre à ces belles authoritez?

HERM. Les responses ne luy faillirent point, non. Il dit en premier lieu que l'opinion des Theologiens estoit fausse en cela: d'autant qu'on ne trouue nulle part aux saintes Escritures, que Iesus Christ ait commandé que ladite cité fust bastie, ou habitée de personne. Mais bien que depuis elle a esté edifiée du pape Innocent troisieme, par le moyen du concile de Latran, en l'an de nostre Seigneur mille deux cens & quinze, comme on le peut voir par les loix & ordonnâces Papistiques: & puis il respondit aux authoritez alleguées par nostre maistre Eccius: c'est à sauoir, que les Apostres & leurs successeurs ont deux puissances, qui sont neâtmoins fondées toutes deux en la parole de Dieu: l'une est le ministère, par lequel ils preschent l'Euangile, administrent les Sacremens, & annoncent tant publiquement qu'en priué la remission des pechez, n'ayans autre commandement de cognoistre en particulier ou iuger les pechez de personne: mais seulement d'annoncer la remission de tous les pechez à quiconque croit vraiment & de cœur en Iesus Christ. L'autre puissance est la iurisdiction, laquelle est vn certain iugement exterieur de l'Eglise, qui appartient seulement aux pechez manifestes, pour excommunier, ou absoudre ceux qui les commettent. Icy on ne peut donner sentence sinon que la cognois-

fance du peché y soit: pource que nul ne doit estre nommément excommunié en la présence de l'Eglise, si son peché n'est manifesté. Et au contraire nul ne doit estre absoux ny deslié, si la chose n'est cogneue: c'est à dire, s'il n'appert qu'il ait changé en mieux ses façons de faire exterieures. Apres il respondit à ce que saint Iaques dit, c'est qu'il ne vouloit dire autre chose, sinon que nous consolions l'un l'autre aux infirmités, miseres, achoppemens, cheutes & offenses qui nous aduiennent, & où nous tombons tous les iours: & puis que nous prions Dieu en telles choses les uns pour les autres. Car s'il vouloit parler de la Confession, qui est vne cité bastie des Papistes, il faudroit q̄ ceux la qui sont deputez à lier & deslier les marchandises en ladite cité, deussent estre seuls habitans d'icelle. Ce qui n'est pas vray selon vous autres. Puis quant à ce qu'escriit saint Luc aux Actes des Apostres, il respondit que la confession de ceux qui croyoyent n'estoit point faite avec vn denombrement particulier de leurs pechez, & des circonstances d'iceux, ny en sautant de branche en branche, comme font les escureaux: mais seulement ils se confessoient estre pecheurs, ainsi que doit faire tout fidele Chrestien deuant Dieu, & à tout le monde ensemble.

**D I A C.** Seigneur Hermes, nostre maistre Eccius ne repliqua il rien qui soit aux responses de cestuy cy?

**H E R M.** Ouy monsieur: mais ce seroit chose trop longue, de vouloir maintenât reciter le tout.

**D I A C O.** Je vous prie, pour le moins racontez nous vne partie, & nous dites seulement ce que vous

vous pensez qui nous fera le plus agreable d'entendre.

HERM. Les replices de nostre Maistre furent tresbelles: mais ceste cy plus que toutes les autres me pleut, qu'il luy fit touchant les choses appartenantes à la puissance du Pape. Et pourtant i'ay intention ausi de la vous raconter tant seulemēt, me persuadant qu'elle vous doit estre trop plus agreable que toutes les autres.

DIACO. Seigneur Hermes, faites tout ainsi qu'il vous plaira.

HERM. Nostre maistre Eccius ayant ouy la response de l'aduocat, touchant la puissance du Pape, luy repliqua en ceste maniere: Vous ne me pourriez pas nier que Iesus Christ n'ait donné toute puissance à son Eglise, puis qu'il veut que quicōque ne l'escoute, soit tenu pour Ethnique & Publicain. Dauantage vous ne pourriez pas ausi nier, que les Conciles generaux ne soyent l'eglise representatiue, laquelle ne peut errer, ny faillir en cela qu'elle determine, approuue & expose tant aux choses humaines que Diuines, ayant le tesmoignage de Iesus Christ qui dit, En quelque lieu que deux ou trois seront assemblez en mon nom, ie suis au milieu d'eux. Ergo donques le Pape estant chef de l'eglise & des Conciles, a en soy mesmes la puissance & autorité tant de ladite eglise que des Conciles semblablement. Et quand l'Escriture sainte veut que nous obeissions à noz superieurs & prelates, nous sommes tenus & obligez d'obeir à luy, comme au Prelat des prelates, en tout ce qu'il nous commande.

DI A. Et que peut dire à cela ce maistre aduocat?



*\*c'est à dire,  
reuenir au  
point qui est  
en doute, &  
dont est que-  
stion.*

HER. Il dit premierement, que de vouloir affermer que le Pape est le chef de l'Eglise & des Conciles, estoit (selon que parlent les Sorbonistes & theologiens Scholastiques)\* vne petition de principe, qu'il auoit vn peu auparauant fort bien reietée. Puis il dit que toute l'autorité, dignité & puissance que Iesus Christ donne à son Eglise, & aux ministres d'icelle, à parler proprement, il ne la donne pas aux hommes, mais à sa sainte parole, de laquelle le ministere leur est commis: de sorte que quand l'Eglise constitue, ordonne & commande quelque chose suyuant la parole de Dieu, elle doit estre necessairement escoutée & obeye. Mais quand le Pape & ses Conciles pensent pouoir faire constitutions, ordonnances, commandemens, loix & nouveaux articles de foy sans la parole de Dieu, par l'autorité & puissance qu'ils ayent, voire sans ladite parole de Dieu, ie dy que ceste la n'est point l'Eglise qui soit escoliere ny espouse de Iesus Christ: d'autant qu'elle n'oit point la voix de son maistre & de son espoux: mais que c'est vne synagogue de Satan, de laquelle le Pape est le chef principal & vniuersel, ainsi qu'aujourd'hui nous le voyons au monde: attendu que le Pape & tous ses membres & supposts, sous le titre & couverture de l'Eglise, des Conciles & du saint Esprit, qu'ils disent presider en iceux, s'vsurpent avec vne tyrannie execrable la puissance & autorité non seulement de commander sans l'Ecriture sainte ce qu'ils veulent & qui leur plaist: mais aussi disent puis apres, voire d'une impudence desbordée, que la sainte Escriture n'est point certaine, arrestée ny ferme, si elle n'est approuuée

par



par eux, & exposée à leur fantasie : voulans que tout ce qu'ils constituent & ordonnent en leurs Decrets, soit exposition de la sainte Escriture. O quels outrages & blasphemés horribles & du tout intolerables ! de dire que la parole de Dieu soit soumise & suiète à la censure & iugement des hommes. Iesus Christ le Fils vnique de Dieu viuât n'a pas voulu prendre ne s'attribuer ceste autorité de nous commander aucune chose sans la doctrine de son Pere. Et les Apostres enuoyez par luy mesmes n'ont point eu la hardiesse de nous rien apporter, sinon cela tant seulement qui leur auoit esté commis & enchargé selon la mesme doctrine. Et toutesfois le Pape ensemble ses Conciles veulent auoir autorité & puissance, voire sans ceste doctrine celeste, de commander & defendre tout ce que bon leur semble, en la mesme maniere que fait le Seigneur Dieu tout puissant. Nous auons vn seul Legislatteur qui est nostre Dieu, lequel aussi seul nous peut sauuer & damner, & nō pas aucun homme mortel. Il veut & demande cest honneur pour soy seulement, & se reserue ceste autorité à soy tout seul, à sauoir que sa seule volonté nous soit vne reigle parfaite de toute iustice, & de toute sainteté : tellement qu'en la cognoissance d'icelle consiste & soit comprins l'entiere & parfaite sciēce de bien viure : & que Dieu seul soit estimé, creu & réputé auoir l'empire & domination sur noz ames : auquel nous soyons obligez & tenus d'obeir sans aucune exception ny reserue. Mais les Conciles, s'ils sont assemblez au nom de Iesus Christ, ont de luy ceste autorité, qu'ils peuuent faire des constitutions touchant la

discipline exterieure & les ceremonies aussi exterieures de l'Eglise, lesquelles neâtmoins soyent decentes & conuenables, selon la parole de Dieu, & non plus outre. Car quiconque passe ceste borne, il ne doit point estre escouté. Et voit on par experience que tous ceux qui l'ont voulu outrepasser, sont tombez en cent mille erreurs & meschancetez plus qu'abominables. Et de là aussi est aduenu, qu'on trouue tant de contradictions & repugnances dedás les Cóciles: ce que l'un cõmande, l'autre le defend: & ce que l'un defend, l'autre le commande: comme i'en pourroye amener icy plusieurs semblables si ie vouloye. Et pourquoy tout cela? & c'est d'autant qu'ils ne sont pas assemblez au nom de Iesus Christ, encores qu'ils se vantent assez d'auoir le sainct Esprit avec eux. Mais le sainct Esprit n'habite pas ou Iesus Christ n'est point, ny la parole de Dieu: qui sõt deux marques & signes certains & asseurez, pour discerner les bons Conciles des meschans, & la vraye Eglise de la fausse & desguisée synagogue des meschãs.

**D I A.** Ce maistre causeur d'aduocat feroit beaucoup mieux de s'empescher & meller de ses procès & brouilleries, que de telles questiõs, ou plutost de telles heresies. Mais seigneur Hermes, dites moy vn peu ie vous prie, n'a il point outre ce qu'il a desia dit, fait aucune mention en tous ses discours, de la prouince de Moinerie? I'ay desire longuement de sauoir & entendre au vray, qui ont esté les fondateurs des citez de ladite prouince, & en quel temps aussi les ordres, estats, ou plutost les sectes qui se trouuent dedans lescites citez, sont venues au mode: & si n'en ay iamais peu auoir entiere cognoissance. Que si cestuy cy auoi

parlé de ceste prouince, pourroit bien estre que parauenture il auroit aussi touché quelq chose de cela, & mis en auant quelques passages de ses histoires, qui declarast tout ce q ie desire en sauoir.

H E R. Ouy monsieur, ie vous respon qu'il en a parlé, non pas toutesfois trop amplement: mais il a dit qu'en cela les histoires qui en font mention en particulier sont aucunement confuses & embrouillées. Car telles choses, selon qu'elles sont de petite importance, ou elles n'ont point esté écrites par les auteurs, ou bien on ne s'est pas beaucoup soucié de les escrire entierement.

D I A. Hé seigneur Hermes, ie vous prie prendre ceste peine de nous vouloir aussi raconter si peu qu'en auez entendu, quoy que ce soit.

H E R M. Ie vous diray briuelement ce dont il me souuient. L'aduocat apres auoir longuement disputé, & fait plusieurs questions à nostre maistre Eccius de choses diuerses, touchant le royaume des Bonnes œuures, finalement en l'vn de ses propos il dit, que la prouince de Moinerie, cōme aussi bien toutes les autres prouinces dudit royaume, estoient maintenant bien changées & différentes de la bonne maniere, façon & saint estat qu'elles auoyent eu anciennement: & qu'à son iugement elles estoient du tout gastées & peruerties: attendu que la nature & condition des choses humaines est encline à plustost empirer, qu'à amender aucunemēt: & à tōber de l'apparence du biē en toute meschāceté desordōnée. La prouince de la Moinerie(disoit cest aduocat) de sō premier cōmécemēt estoit fort biē assuree, sās la forteref se nōmée Professiō des vœuz monastiqs: & les ci

tez d'icelle estoient cōme des retraites hōnestes, & sainctes escoles de gēs de bien qui se retiroyēt la. Aucūs pour euitier les cruantez enragées & tor mens incroyables des persecuteurs inhumains du nom de Iesus Christ: les autres pour fuir du tout & s'absenter des malheureuses conuersations, & meschantes compagnies du monde pollū & contaminé de tous vices. Les vns pour s'adonner & vaquer plus librement à l'estude des sainctes lettres, aux exercices spirituels, & à sainctes œuures de toute sorte. mais que depuis par succession de temps leldites citez endurerent vne metamorphose trop plus grieve & fascheuse, que ne sont toutes celles d'Ouide. Car au lieu que c'estoyent escoles de liberté, elles deuindrent prisons de seruitude: au lieu que c'estoyent retraites de gens de bien, elles furent faites cauernes de brigans: au lieu que c'estoyent exercices de sainctes œuures, elles sont deuenues boutiques de toute impieté & meschanceté. Mais pour venir à ce que vous demandez principalement, ie dy que par ses histoires il môstra comment depuis ce temps la ceste prouince commença d'estre habitée en Egypte & en la Palestine, par les Anacorites ou Hermites. La cité Basiliene fut edifiée par Basile euef que de Cesarée en Capadoce, enuiron l'an de nostre Seigneur trois cens & quatre vingts. Ce Basile icy fut aussi celuy qui commença de forger la forteresse qui est mise & bastie à l'entrée de ladite prouince, nommée, ainsi qu'il a esté dit cy dessus, Profession des vœuz Monastiques: combien que Thomas Taquin approuue sottement, & reçoit lourdement la fausse opinion d'aucuns autres, qui disent que les fondemēs de ladite forte-

Cela fut enu  
rō l'an de no  
stre Seigneur  
325.

En la 3e. & 4e.  
de sa 2e. & 3e.



resse ont esté mis par les Apostres depuis l'ascension du Seigneur sur le mont de Syon, lors que deliberans ensemble quelle maniere de vie ils deuoyent prédre, constituerét que toutes choses fussent cōmunes entre eux, & qu'ils firent trois vœux deuant Dieu. La cité Hieronymiane fut bastie par Hierome Stridonien aupres de Bethléem enuiron l'an de nostre Seigneur 390. La cité Augustiniane fut fondée par Augustin euesque d'Hypone enuiron l'an de nostre Seigneur quatre cēs & dix: & à ce qu'ō dit, elle fut faite seulemēt pour habitatiō de femmes: mais en quelle sorte & en quel temps elle a esté depuis occupée des hommes aussi, on n'en peut auoir certitude ferme & indubitable. La secte de Heremitains afferme qu'elle a esté la premiere qui entra en ladite cité: & la secte des Chanoines reguliers veut qu'on estime qu'elle y est entrée la premiere: & ainsi ils debaten ensemble de ceste laine de chieure, combien que les raisons de toutes deux ne valent pas vn clou. Je trouue qu'enuiron l'an de nostre Seigneur mille deux cens cinquante sept Richard conte de Cornuaille conduit & mena dedans Angleterre la secte des Bons hommes. Puis y fut cōduite la secte des moines de Premonstré par Nortbert Lorrain, & confirmée par le pape Calixte deuxieme. Celle des Schiopettins y fut depuis menée par Estienne & Iaques Sienois, & confirmée par le pape Gregoire onzieme. Laurent Iustinian gentilhomme de Venise y mena aussi puis apres la secte de saint Georges d'Alega. Depuis y est entrée semblablement la secte de Latran, ou bien Frisonnaire: laquelle fut fort augmētée par le pape Eugene quatrieme. Et la secte Crucigere noire qui porte sur



son estomac vne croix de deux couleurs, à sauoir blanc & rouge meslez ensemble. La cité Benedictine fut edificée par Benoist Norcin, enuiron l'an de nostre Seigneur cinq cens & trente. Et combien que pour lors elle fust bien fort peuplée, neantmoins depuis elle a creu tellement, à raison de nouuelles sectes, lesquelles par succession de tēps sont entrées en icelle, que desormais elle monstre plustost vne ruine prochaine, que plus grand accroissement. Le premier qui commença à y mettre dedans nouuelles sectes, fut vn Odo abbé, lequel par le moyen de Guillaume duc d'Aquitaine, enuiron l'an de nostre Seigneur 916. y mena l'ordre de ceux de Clugny. Depuis ce temps la mesmes Romoaldus de Rauenne y mena la secte de Camaldueneses. Apres luy enuiron l'an mille soixante, Iean Gualbert Florentin y mena la secte de Vallumbrosins, esmeu d'un faux miracle qu'il se estoit imaginé d'un crucifix, lequel luy auoit semblé à le voir, ployer la teste dedans le temple de saint Miniato pres de Florence. Puis y fut conduite la secte des Grandmōtois enuiron l'an mille quatre vingts & neuf, par vn Estienne fils d'une tresnoble maison d'Auuergne. En ces mesmes temps la Robert abbé Molismense y mena aussi la secte de ceux de Cisteaux: depuis l'entrée & venue desquels enuiron cent ans, sous Frideric Barberousse, ou bien, comme les autres veulent, sous l'empereur Henry, vne certaine multitude d'hommes, qui estoit passée de Lōbardie en Allemagne à cause des guerres: & depuis par le congé proutoyable dudit Empereur en brief s'en estoit retournée

tournée à la maison, y conduit & mena dedans la secte des Humiliez, qu'on appelle par vn autre nom, Syluestriens: laquelle fut confirmée par le pape Innocent troisieme, & par plusieurs autres papes de Rome. Depuis ces Humiliez, & non pas trop long temps, enuiró l'an mille deux cens soixáte & quinze, le pape Celestin cinquieme, lequel auoit esté premierement Anachorite, ou Hermitte, introduit dedans ladite cité la secte des Celestins ainsi appelez du nom dudit Empereur. Apres le pape Celestin Bernard Ptolemée Sienois, accompagné d'aucuns autres gentilshommes de Siene, enuiron l'an mille quatre cens & sept, y mena la secte des Montoliuetains. Enuiron ce temps la mesmes le pape Martin cinquieme adressa là dedans vne secte d'Heremitains, prinse & tirée hors de la cité Hieronymiane, en laquelle premiere-ment elle auoit esté conduite par Charles Granel Florentin, sur les montagnes de Fiesole: combien qu'aucuns disent icy autrement. Car ils affermént que ce ne fut point par Charles Granel, mais par vn certain Redon conte de Montgranel, que ladite secte a esté autrefois conduite, nó pas en la cité Hieronymiane, mais Augustiniane: & qu'elle auoit esté là confirmée du pape Grégoire douzieme. Finalement Lotys Barbo gentilhomme Venitien y a pareillement introduit la secte de sainte Iustine de Padoue: laquelle apres auoir esté fort augmentée par le pape Eugenius quatrieme, fut en la fin appelée Casinense. Là mesmes ont esté conduites en diuers téps (disoit cest aduocat) autres sectes de Gilbertins d'Angleterre, de Mellicenses, Castellenses & Burfeldeses d'Alemagne.

Mais pource que ie ne veux pas estre long à declarer toutes les particularitez , ie ne m'amuseray point icy à raconter ny quand ny par qui.

D I A C. Ceste cité Benedictine pour certain est fort ample. Ie pense que le grand Caire d'Egypte ne contient pas si grande multitude d'infideles, qu'elle en contient des siens. Mais seigneur Hermes, pourfuyez tousiours.

H E R M. La cité Chartroufine fut edifiée l'an de nostre Seigneur mille quatre vingts par vn Bruno de Coloigne, Professeur de philosophie à Paris. La cause qui l'esmeut à la bastir, fut vn sien amy, lequel ayant esté durant sa vie, selon le iugement humain, vn bon personnage & fort homme de bien, neantmoins de puis sa mort auant qu'il fust enterré sembla qu'il criaist, & dit, Ie suis damné par le iuste iugement de Dieu. De cela ledit Bruno esmeu, & estonné de la crainte des iugemens de Dieu, se mit à edifier ladite cité, pour faire là dedans avec les siens vne penitence de porceaux. La cité Carmelitaine fut encommencée enuiron l'an de nostre Seigneur mille cent soixante & dix, par Almeric euesque d'Antioche : puis elle fut faite beaucoup plus parfaite enuiron quarante ans apres, par Albert euesque de Hierusalem : & en la fin elle fut & d'habit & de nom grandement honorée par le pape Honorius troisieme. La cité Crucigere ( s'il est vray ce que songent les habitants d'icelle) eut son origine de Cletus disciple de saint Pierre Apostre: lequel estant aduertí par vn messager du ciel, qui tenoit vne croix en sa main qu'il deuoit edifier vne habitation à ceux qui par deuotion, & à cause de la religion venoyent à Ro

me en pelerinage, donna le commencement à ceste belle fabrique. Mais d'autant que telles choses ne sont que pures refueries & songes de malades & frenetiques, & folles ou fables de Româs, aucuns autres ont voulu dire que Ciriaque euesque de Hierusalem, ayant monstré à Helene mere de l'empereur Constantin le lieu ou la croix de Iesus Christ estoit cachée, edifia puis apres ceste cité: & voulut que tous ceux qui auroient à y demeurer, en memoire de cela portassent vne croix en la main. Les autres disent, que l'an mille deux cés & quinze le pape Innocent troisieme à l'occasion d'une victoire gagnée contre certains heretiques, l'edifia. Et depuis le pape Pius deuxieme donna aux habitans d'icelle l'habit bleu, & voulut qu'ils portassent neantmoins leur croix en la main: qui est vne chose, selon la sainteté Papale, qui emporte beaucoup plus que porter en son cœur ou sur les espaules celle de Iesus Christ. La cité Dominicane fut bastie par Dominique Calaguritain Espagnol, enuiron l'an mille deux cens & dix: lequel voulut que les habitans de ladite cité fussent appelez Freres prescheurs, & les fit cōfermer par le pape Honorius deuxieme. La cité Franciscane fut edifiée enuiron le mesme temps par François d'Afise: lequel voulut que les habitans d'icelle se nommassent Freres mineurs, & les fit confermer aussi par ledit pape Honorius deuxieme. Peu de temps apres les peuples de ces deux citez se diuiserent entre eux, vn chacun en deux sectes, à sçauoir en Conuentuels & Obseruantins. Enuiron le mesme temps la mesme fut introduite aussi en la cité Franciscane la secte des Pours de sainte Claire



d'Afsife: combien que la plus grande partie de ladite secte soit seulement de femmes. Depuis par succession de temps y sont entrées les sectes des Penitens, des Minimes & des Capucins, par le moyen & pratique que nous auons peu voir, pour le moins en partie, mesme de nostre temps. La cité de la Trinité fut bastie aussi bien enuiron le mesme temps par le pape Innocent troisieme, à l'appetit d'aucuns songes & visions d'un Iean Matta, & d'un Felix Anachorite. Et eut le peuple de ladite cité charge & commission de soigneusement retirer & deliurer par aumosnes les prisonniers d'entre les mains de leurs ennemis. La cité Seruitaine fut edificée l'an mille deux cens quatre vingts & cinq, par un Philippes medecin Florétin: lequel voulut que les citoyens de ladite ville fussent appelez Seruiteurs de la vierge Marie, & non pas de son fils. Et fut confirmée depuis par le pape Benoist onzieme. La cité Iesuitaine fut bastie l'an mille trois cens soixante & huit, par Iean Colombin Sienois: lequel ordonna que les habitans de ladite cité fussent nommez Iesuites, à cause qu'ils ont le nom de Iesus continuellement en la bouche: & fut depuis approuuée par le pape Urbain cinquieme. Durant le temps de ce mesme Pape la cité Brigidenſe fut aussi bastie par Brigide princesse de Suece, & confirmée par ledit Pape. Et voulut ceste bonne dame Brigide, que chacune maison de ceste cité fust habitée & d'hommes & de femmes, separez toutesfois l'une sorte de l'autre avec une muraille entre deux: ce qui est neantmoins contre la reigle & coustume des autres lieux de la Moinerie, auxquels les femmes ont leurs

eurs maisons séparées de celles des hommes, & es hommes de celles des femmes: combien que cela ne les empesche point qu'ils ne se facent l'amour ensemble plus vilainement & avec plus grande dissolution, que quelques courtisans ou rufains qu'on voudra, & que par fois ils ne se trouvent en compagnie les vns avec les autres, pour uiter & fuir les tentations charnelles. Mais pour maintenant il suffira d'auoir parlé des plus grandes & des plus principales citez de ceste province.

PIA. Pour vray elle est pleine de tresbelles citez: mais ce qui emporte beaucoup plus, est que les citoyens d'icelles gouernent leurs republiques, ainsi qu'on voit, avec loix tresbonnes, reigles tres parfaites & ordonnances tressingulieres: lesquelles rendent & font tous les habitans de ladite province bons, iustes & saints, qui les obseruent & gardent, voire autant que la fragilité humaine le permet.

ER. Mais plustost tout le contraire, selon le iurément de nostre aduocat, A cause (dit il) que si le peuple d'Israel cherchant de se faire iuste par les œuvres de la loy de Dieu, n'a peu paruenir à la justice de Dieu: beaucoup moins telles gens que sont ceux cy, pourront deuenir iustes deuant la face de Dieu par les œuvres de leurs loix, traditions humaines, & de leurs reigles forgées en leur creneau. Finalement cest aduocat raconta encores de qui & en quel temps furent aussi introduites les sectes en la cité de la Confrairie, laquelle est alliée & confederée avec ladite province. Mais pource que ce sont choses de petite

importance, nous n'en parlerons point icy pour ceste heure, à cause qu'il est temps deormais que ie m'en retourne à la maison, pour mettre ordre à quelques affaires de ma maison.

DI A. Ainsi qu'il vous plaira, seigneur Hermes allez vous en quand vous voudrez. Je vous remercie grandement des propos que vous nous avez recitez: d'autant qu'à la verité vous m'avez fait un plaisir singulier. Et vous prie de m'excuser, si ie vous ay detenu trop longuement.

HERM. Seigneur Diaconat, ce n'est pas à moy qui vous devez dire cela. Car vous saluez bien que ie suis entierement vostre. Je me recommande à vostre bonne grace.

*La quatrieme Scene du troisieme Acte.*

Diaconat, Felin.

DIAC. Felin, que dis tu à ceste heure de tant de beaux propos? Ne te semble il pas que ces mesieurs les theologiens sont de bon esprit, gens subtils & ingenieux?

FELIN. Je ne say que i'en doye dire. Je ne les sauroye louer, & si ie ne les veu point blasmer.

DIAC. Comment cela? que tu ne les sauroye louer? Je pèse que iamais François de Mairon, ny Alexandre de Hallis, ny Bricot, ny Ocham, ny Holchot ne furēt si suffisans en la theologie Scholastique & Sorboniste, que sont ceux cy: & principalement nostre maistre Eccius, lequel a composé tant de liures, & escrit tant de feuillets, qu'il y en auroit assez pour envelopper tous les poissons salez qui se vendent en la cité de Carefne tout au  
lor

long de l'année. T'est il aduis que telles choses ne sont pas dignes de louange?

FEL. Je ne parle pas de la composition de liures: mais de ces propos que j'ay ouy nagueres raconter au seigneur Hermes. Car quant à moy il me semble que les choses amenées par l'aduocat sôt trop plus certaines & asseurées, que celles des Theologiens.

DIA. Felin, quoy qu'il en soit, tu as peu de iugement en cest endroit. Je pensoye que tu fusses vn autre homme que tu n'es. Ne fais tu pas bien, que si on n'adioustoit foy aux diuins theologiens, ny aux sacrez Canonistes( lesquels par viues raisons maintiennent ferme la monarchie du Pape) il faudroit necessairement que la plus grande partie de nous autres prind en sa main la serpe, ou la houe, pour gagner de quoy viure? Au lieu que sans aucune peine ou fascherie, mais avec toutes delices, plaisirs & passetéps, nous viuôs à l'ombre des clochers aux despens d'autruy, & des biens qui sont deuz aux pources: tellemét, Felin mō ami, que ce n'est pas à toy de penser ne dire autrement, sinon que ces messieurs noz Maistres ont la meilleure raison du monde en ceste cause.

FEL. Maintenant ie m'apperçoy bien & recognoy ma faute, & confesse qu'il est vray ce que vous dites. Doresnauant vous ne me trouuerez point, sinon ayant fort bōne opinion de ceux qui maintiēnent la monarchie Papale. Mais seigneur Diaconat, parauenture qu'il ne seroit que bon de nous en aller à ceste heure, pour expedier la commission qui nous a esté donnée.

DIACO. Il est certain Felin, que ce seroit bien  
m.



fait, Allons nous y en tout maintenant.

ACTE IIII.

*La premiere Scene du quatrieme Acte.*

Bertaut, Paul Apostre, Pierre Apostre.

BERTAUT.



La verité il est aïsi. Ces messieurs de Cour sont si auaricieux, qu'ils desroberoyent volontiers sur les chemins les hommes, encores qu'ils fussét tous nuds. On ne sauroit impetrer aucune chose, tât petite soit elle, ou tant honnesté qu'on voudra, si on ne touche deniers: comme au contraire il n'y a chose si grande, ne si deshonesté, que semblablement on n'obtiène pour argét. Depuis que ces deux bös personnages, monsieur Gratis accepistis & monsieur Gratis date se partirent de Rome, & s'en allerent ailleurs, toutes choses furent incontinent exposées en vente. Je m'attendoye bien d'impetrer facilement la bulle de l'absolution de ce moine d'Araceli, par le moyen du grand Penitencier, maquignon & couratier du Pape: ainsi que m'auoit dit le seigneur Acte elicite: mais i'ay trouué que la facilité qu'il m'auoit dite, est seulement quant aux cas & aux pechez, & nō point quāt aux deniers. Car il n'y a aucune difficulté d'impetrer l'absolutiō de quelque enormité que ce soit, & de quelle importance qu'on voudra. Mais la difficulté est, qu'elle a cousté bien cher. Et comme ainsi soit que les taxes soyent constituez à tous pechez,

&c

& à tous ces cas qui communement & le plus souvent aduiennent, ou peuuent aduenir, on ne t'en rabatroit pas la maille desdits taxes, & ne t'en donneroit on pas seulement autāt, que tu en peusses faire dire vne seule chāson à vn aueugle. Toutesfois ie ne me soucie pas beaucoup de cela. Si monsieur le moine veut auoir sa bulle, il faudra qu'il scoue vn peu sa bourse. Mais qui sont ces pelerins qui passent là vers S. Pierre? Ils seront, cōme ie pense, de la prouince du seruice des saincts, qui viendront icy à Rome pour visiter les sept eglises. Si ie trouue qu'ils soyent de ceux là, & qu'ils viennent à ceste heure de leur maison, ie veux vn peu sauoir d'eux, si sainct Roch n'est point encores bien gairy de la bosse: pource que s'il ne s'estoit peu gairir luy mesmes, ce seroit vne grande follie d'aller à luy, pour le prier & demander qu'il luy pleust en gairir les autres. Dieu vous gard de mal, compagnons.

P A V L. Et vous aussi, frere mon amy.

B E R T. Et d'ou venez vous ie vous prie, vous autres?

P A V L. Nous venōs de Hierusalé du S. sepulchre.

B E R. Je pensoye que la lumiere & verité de l'Euangile fust aujourd'hui tellement publiée par le monde, qu'on feust par tout que ces pelerinages sont superflus & pleins de vanité: mais ie voy que l'erreur & abus ancien regne encores dedans le cœur de plusieurs par ce moyen, & par autres semblables.

P A V L. Peut on à seureté & sans danger tenir tels propos à Rome? Je croiroye aisémēt que le Pape ne laisseroit point viure vn qui parleroit de cela.

BERT. Ce que vous dites est veritable, pourueu qu'il le feult, & que tel personnage fust cogneu de luy. Mais le Seigneur Dieu tient maintenant ses fideles cachez en ce pais icy, comme il faisoit aussi iadis en Israel au temps du Prophete Helie.

PAUL. Qu'en dites vous Pierre? Il me semble que cestuy cy a quelque cognoissance de la parole de Dieu. le pense que nous pourrons seurement nous fier à luy.

PIERRE. Et moy aussi ie le pense semblablement, & croy qu'il sera bon que nous parlions à luy franchement.

PAUL. Puis que le saint Esprit parlant par vostre bouche, mon frere, mon amy, nous fait cognoistre que vous n'estes point vn chrestien Papiсте, mais l'un des membres de Iesus Christ: & nostre frere, nous auons delibere de vous declarer qui nous sommes, pour oster du tout ce qui vous donne occasiō de vous esmerueiller de nous. Parquoy sachez que nous ne sommes point autremēt pelerins, encores que nous ayons l'habit: mais cestuy cy que vous voyez, est Pierre l'Apostre, & ie suis Paul son compagnon, tous deux maintenant venus icy à Rome, pour voir & cognoistre la verité de quelque chose qu'on nous a rapportee, laquelle nous sembloit incroyable. Or pource que nous doutions qu'estans cogneuz on ne nous fit quelque desplaisir, nous nous sommes accoustrez en pelerins, sachans que telles gens sont les bien venues à Rome, à cause du gain & profit qu'ils y apportent.

BERT. Le mesme saint Esprit qui vous a fait  
cognoistre

cognoistre quel ie suis, me fait à ceste heure entendre semblablement, que sans aucune doute vous estes Apostres de Iesus Christ : & remercie treshumblement la bonté Diuine, qui a daigné ce iourd'huy me conduire & adresser en vostre presence. Car ce m'est vne chose trop plus agreable, de vous voir & pouuoir vn peu deuiser avec vous, que si i'estoye deuenu vn bien grád seigneur. Mais dites moy ie vous supplie, pourquoy vous doutez qu'on vous face desplaisir à Rome, là ou vous estes adorez du peuple avec vne souueraine reuerence, par la deuotion & le credit auquel vous a mis la cour Romaine.

P A V L. Mon frere, ne nous parlez point d'adoration. Vous sauez bien qu'il n'y a sinon vn seul Dieu qu'on doyue adorer. Parquoy ceux qui veulent donner ou à nous, ou aux autres Saincts ce qui conuient seulemēt à Dieu, ils nous font à tous ensemble vne iniure & outrage insupportable: & au souuerain Seigneur vn deshonneur par trop vilain & execrable. Or ceste cour Romaine, qui fait semblant d'auoir vn si grand zeile & affection de nous faire adorer, pour le gain & profit que par ce moyen elle en tire, voudroit en son secret que nostre doctrine (à parler particulieremēt de Pierre & de Paul) & nous mesmes pareillement fussions du tout esteints : & me doute fort que quelque fois ces courtisans ne facent à Rome avec les offemens qu'ils disent estre de Pierre & les miés, ainsi que iadis fut fait pareux mesmes des os de Wiclef d'Angleterre.

B E R T. Ie pense moy, que si n'estoit la honte & conuoitise de ce gain infame, que vous dites qui



les detient & engarde aucunement, qu'ils l'auroient desia fait: & principalement s'ils croyoyent qu'ils peussent par tel moyen oster de deuant les yeux des hommes vostre doctrine tant contraire à la leur. Car il n'y a meschanceté ny diablerie au monde tant enorme, qu'ils ne fissent bien volontiers, pour pouuoir mieux maintenir & defendre leur monarchie tyrannique. Mais quelle chose est ce, ie vous prie, (i'enten toutesfois s'il est licite de la demander) que vous dites qu'on vous a rapportée tât incroyable, qu'il vous a esté besoin venir icy à Rome, pour en voir la verité? Si c'est quelque ordure & vilenie detestable, vous ne pouuez estre trompez de la croire, & la tenir pour certaine: attendu que Rome est l'escole & la boutique ou se font toutes les meschancetez qu'on pourroit imaginer: laquelle aussi pour ceste occasion est trop plus puante deuant Dieu, que Sodome & Gomorre.

P A V L. Ie vous diray mon frere mon amy, comment tout en va. Il me semble que ces iours passez il vint en Paradis vn certain Pasquille, qui neantmoins estoit citoyen Romain, & donna à entendre à Pierre, comment icy dedans Rome le Pape s'vsurpoit la tyrânie de l'Empire celeste & terrien, sous ceste couuerture, qu'il se vante estre successeur dudit Pierre, & vicaire de Iesus Christ. Or mon compagnon Pierre que voicy, estimant que cela est hors de toute raison, qu'un se veuille vsurper sous le nom de Pierre ce que Pierre mesmes n'a iamais eu, & si ne songea aussi onques de l'auoir, il se delibera de voir de ses propres yeux si cela

cela estoit vray ou non. Et pource luy s'en voulant venir icy à Rome, & n'ayant aucune adresse ne cognoissance de la ville, à cause que iamais il n'y auoit encores esté, il me pria, d'autant que ie suis aussi citoyen Romain, & qu'autrefois i'auoye esté en ladite cité, que ie luy voulusse tenir compagnie, le guider & conduire en ce voyage. Ainsi donques ayans prins le chemin ensemble, nous en sommes venus à Rome: & nous estans bien informez de tout (ce qui me fasche fort à dire) nous auons trouué beaucoup pis encores que Pasquille ne nous auoit rapporté.

BERTAVT. Pasquille, afin que vous sachiez Paul, est secretaire de tout le monde, & fait fort bien ce qui se fait par tout. Dauantage il est si homme de bien, qu'il ne vous a iamais donné à entendre vne chose pour l'autre: tellement que ce n'est point merueilles si vous l'avez trouué veritable. Mais Paul, cela que vous auez dit vn peu au parauant me fait bien esmerueiller, à sauoir que Pierre n'auoit iamais esté à Rome que ceste seule fois. Car comment est ce que les Papes pourroyét succeder à Pierre, s'il n'auoit esté pape de Rome, ny mesmes iamais esté à Rome? Est il vray Pierre, & affermez vous cela estre ainsi que dit icy Paul?

PIER. Ouy mon frere mon amy, cela est veritable. Ie ne fu iamais à Rome sinon à ceste heure, & si suis bien marry & m'en repen de bon cœur d'y estre encores venu maintenât, pour tât de meschâcetez & abominations execrables qu'on y voit. Icy, selon que ie puis comprendre & que ie voy,

tout est licite, fors que d'estre homme de bien. Icy est vendu & achetté Iesus Christ & les choses qui luy appartiennét, en mille manieres & mille fois le iour: & de ce prix la & marchandise sont nourris & subſtentez & entretenus adulteres, paillars, bougres infames, ruffiens, maquereaux, putains, maquerelles, baſtars, ioueurs de paſſe-paſſe, baſteleurs, paleſreniers, halebardiers, archers de la garde, fauconniers, veneurs, muletiers, cuiſiniers, ſeruiteurs, vallets de chambre, mules, cheuaux, chiens, eſparuiers, faucons & autres monſtres innumerables, qui ſeroit choſe trop longue à raconter. Somme, icy n'habite point autre Dieu. Car les hommes d'eux meſmes ſe font dieux: & ceux la qui ſont les chefs & capitaines de telles meſchancetez & vilenies, veulent eſtre mes ſucceſſeurs, & vicaires de Iesus Christ. Iesus Christ n'a point beſoin de vicaire, pource que luy meſmes eſt toujours avec ſon Eglise iuſques à la conſommation du mode. Et quand il nous enuoya nous autres Apoltres, pour preſcher l'Euangile, & adminiſtrer ſes Sacremens, il ne m'aſſigna point Rome, là ou apres moy ſuccedaſt vn Monarque du monde, ny aux autres Apoltres vn autre lieu particulier: mais voulut & nous cōmanda d'aller par tout le monde preſcher les peuples & nations, les enſeignant d'oſeruer & garder tout ce qu'il nous auoit cōmandé & enſeigné. Et puis apres de conſtituer & ordonner des Paſteurs par les villes, qui repeuſſent & nourrissent de la parole de Dieu le troupeau acquis & gagné par le precieus ſang de Iesus Christ. Succeder donques à Pierre, n'eſt autre choſe qu'exercer le miniſtere de la predication

Euangelique,

Euangelique , & de l'adminiftration des Sacre-  
mens, lequel Pierre a exercé , & les autres Apo-  
ftres femblablement . Quiconque n'exerce point  
vn tel miniftre , il n'eft point fucceffeur de Pier-  
re, ny dedans Rome, ny ailleurs: mais il fe trompe  
foymefmes, & abuse les autres pareillement: ain-  
fi que font maintenant les papes Romanefques, &  
les autres Euefques leurs creatures , lesquels ne  
fauent faire autre chofe , que conferer & tenir  
leurs ordres, dedier temples, baptizer cloches, cō-  
facer autels & calices , benir veftemens & ima-  
ges, & autres œuures femblables qui font vaines  
& iniques: ou bien laiffans la charge de tout cela  
à leurs euefques portatifs , ou fuffragans , ils font  
ambaffadeurs des Princes , ou fuperintendens de  
leurs chapelles: ou ils accompagnent les Princef-  
fes & grandes dames, pour leur feruir de plaifans  
& badins . Or Paul noftre bon frere que voicy,  
fait fort bien que par l'efpace d'enuirō vingt ans  
depuis la mort de Iefus Chrift , eftant venu plu-  
fieurs fois en Hierufalem , ou ie demeuroye pour  
lors, à la fin par l'ordonnâce du faint Efprit nous  
nous touchafmes les mains , & accordafmes en-  
semble, qu'il iroit prefcher aux Gentils, & que ie  
demeureroye entre les Iuifs . Quelque temps a-  
pres depuis celt accord , nous nous trouuafmes  
encores vne fois enfemble en Antioche : mais nous  
ne nous fommes iamais rencontrés à Rome, pour  
ce que ie n'y auoye onques efté . Eft il pas vray,  
Paul, ce que ie dy?

P A V L. Il eft trefcertain, Pierre mon amy: vous  
affeurant que ie n'euffe point efté tant inciuil  
ny lourdaut, fi vous y euffiez efté, que dedans l'E-



pistre laquelle i'escruiy aux Romains, enuiro  
 quatre ans deuant que ie fusse enuoyé à Rome, ie  
 n'eusse fait mention de vous, comme chef de leur  
 eglise, ou bien pour le moins en la fin de ladite E  
 pistre saluant & me recommandant à tant d'au  
 tres personnes, ie ne vous eusse aussi bien salué  
 que les autres. Finalement apres que ie fu amene  
 icy dedans Rome, si vous y eussiez esté, ie suis cer  
 tain que vous estiez tant humain & debonnaire  
 que vous n'eussiez failly de venir au deuant de  
 moy iusques au marché d'Appius, & aux trois\* T  
 uernes, comme firent aussi les autres freres: ou  
 bien pour le moins, vous me fussiez venu voir  
 quelque fois au logis ou i'estoye gardé: & eussiez  
 tasché de m'aider & secourir de toute vostre pui  
 sance, comme c'estoit vostre deuoir: tellemét que  
 ie n'eusse point eu occasion de me lamenter &  
 pleindre à Timothée, de ce qu'en ma premiere de  
 fense nul ne m'auoit assisté: mais tous m'auoyent  
 abandonné. Car ie say que vous, pour la charité  
 Chrestienne que vous auez, ne m'eussiez point  
 delaisné pour lors. Mais mettons le cas encore  
 que vous y eussiez esté, voire que pour quelque  
 peu de temps vous eussiez esté Ministre de l'egli  
 se Romaine, qu'est ce qu'elle auroit de cela autre  
 chose pour se vanter, sinon la succession de vo  
 stre ministère? comme aussi toutes les Eglises  
 auxquelles les autres Apostres ont esté Ministres,  
 n'en peuuent prendre autre chose, sinon la succe  
 sion de leur ministère.

PIERRE. Il est ainsi que vous dites Paul: mai  
 que voulez vous qu'on y face? Je voy que le Pa

Actes 27.

\*ce sont lieux  
 enuiron à vne  
 journée de  
 Rome.

pe a vn visage de paillarde effrontée, & n'a point de honte d'estre trouué en mensonge, pourueu qu'il face bien ses affaires. Quant à moy, ie n'eu iamais de Iesus Christ aucun droict, ou aucun titre d'Empire, ou d'autre seigneurie: mais au contraire, il aduint vne fois qu'entre nous Apostres il y eut vn debat & contention, à sauoir lequel d'entre nous deuoit estre le plus grand. Iesus Christ mesmes dit, Vous sauez que les Princes des peuples dominant sur eux, & les grans exercent la puissance sur eux. Il ne sera pas ainsi entre vous: mais quiconque voudra deuenir grand entre vous, qu'il soit vostre ministre: & quiconque voudra estre premier d'entre vous, qu'il soit vostre seruiteur: comme le Fils de l'homme n'est pas venu pour estre seruy, mais pour servir, & donner son ame pour la redemption de plusieurs. Ie dy cecy volontiers, non pas à vous Paul qui le sauez: mais à mon frere que voicy, afin qu'il apprenne de mieux cognoistre les mensonges Papistiques.

BERT. Ie vous remercie bien humblement, Pierre: combien que (graces à Dieu) ie ne suis pas du tout ignorant de telles choses: pource que i'ay quelque fois leu la Bible, & principalement voz Epistres, Paul.

PAVL. La parole de Dieu sans doute est la lumiere des eleuz, sans laquelle toutes choses ne sont que tenebres & erreurs. Mais parlós maintenant de quelq autre chose. Dites moy vn peu, mó frere mó amy, cõment auez vous nom? & de quel

mestier vous meslez vous?

BERT. Je m'appelle Bertaut, & suis barbier en la cour du roy Franc arbitre.

PAUL. Bertaut mon amy, ie suis bien aise de ce que vous demenez vn mestier, par le moyen duquel vous pouuez gagner vostre vie de vostre labeur & trauail: mais il me desplaist bien aussi de ce que vous demeurez en la cour de ce malheureux & infidele tyran, duquel vous ne pouuez attendre ny esperer pour toutes voz peines aucun salaire assure, ny recompense certaine. Car les biens qu'il possede en son Royaume ne sont point choses vrayes ny solides: mais fausses & apparentes, comme il se fait en l'art d'Alchimie. Et quand vous penserez auoir gagné quelque chose, vous trouuerez moins que rien entre voz mains. Je suis certain que i'enten aussi bien ses pratiques & menées, qu'hôme que ie cognoisse point. Il veut que ceux de sa Cour deuiennēt des chameaux, c'est à dire, qu'ils se repaissent d'air, ou devēt, & qu'ils conformēt leur couleur au vouloir & fantasies du maistre: comme aujourd'hui il faut que la plus grāde partie des autres courtisans en facent aussi.

BER. Par ma foy Paul, il est vray ce que vous dites: & combien que depuis que Iesus Christ a commencé de m'illuminer, i'aye tousiours desiré de m'en aller hors de sa Cour, cognoissant bien que celuy qui demeure avec luy ne peut estre vray Chrestien comme il doit: si est ce qu'ayant aujourd'hui entendu, & ouy lire par aucuns autres, & raconter maintenant par vous en partie les malheureuses & execrables conditions des gens, des lieux & des biens suiets & appartenans

à son royaume, i'ay deliberé, quoy qu'il en soit, de m'en aller d'auec luy, & le laisser là du tout.

P A V L. Je croy moy que le lustre & grandeur de la dignité royale de cestuy cy, & la reputatiō aussi de son nom, à sauoir Frāc arbitre, dès le cōmencement vous a esblouy si fort la veue, qu'il vous a fait aisément à croire, que ses affaires sont correspondantes aux titres qu'il a : mais vous deuiez aussi sauoir, que tout ce qui reluit n'est pas or, & que ce nom Franc arbitre a esté trouué du diable, pour persuader au monde que sa puissance est trop plus grande que celle du Seigneur Dieu : attendu que cestuy la peut faire & le bien & le mal, comme il veut : & Dieu ne peut faire sinon le bien, & nul mal : combien que cela n'est point vne impuissance en Dieu, mais plustost vne perfection de toute puissance qu'il a . Mais Bertaut, sauez vous en quelle sorte cestuy cy est Roy ? Je le vous veux dire : c'est tout ne plus ne moins que sont les Rois dedās les Tragedies qu'on recite aux theatres, ou sur les schauffaux . Car bien souuent vn poure homme, ou petit compaignon comparoist là en habit & forme de Roy : & semble qu'il ait vne tresgrande puissance & seigneurie : & neantmoins tout cela n'est que fable, ou vne chose feinte & cōtrouuée. Parquoy Bertaut mon amy, estimez que ce monde est comme vn theatre , ou le diable fait iouer une farce ou Tragedie d'un royaume, qu'il appelle des Bonnes œuures : & sachez que celui qui se presente là sous l'habit & forme du roy Franc arbitre, est vn personnage feint & desguisé, lequel apparroist seulement, & n'est point : cōme sont aussi bien tous ceux de sa famille , & toutes les autres



choses dudit Royaume. Et cōbien que pour mon-  
strer clairement que cestuy cy n'est rien du tout,  
le prophete Hieremie cōfesse & die à Dieu, Je say  
bien Seigneur, que les voyes de l'homme ne sont  
point en sa faculté & puissance, & qu'il ne peut  
adresser ny conduire ses pieds à son plaisir. Et que  
Iesus Christ afferme que nul sans luy ne peut rien  
faire. Et qu'aussi moy escriuant aux Philippiens,  
par la bouche de Iesus Christ mesmes ie leur aye  
donné à entendre, que Dieu fait en vn chacun de  
nous & le vouloir & le faire selon son bon plaisir.

Philip. 2.

1. Corinth. 12.

Item aux Corinthiens, que c'est Dieu qui fait tout  
en toutes choses: tant y a que ce malheureux Roy  
masqué, & enflé d'orgueil & arrogance, s'efforce  
quelque fois de vouloir prouuer contre les senten-  
ces cy dessus alleguées, que c'est quelque chose  
que de luy mesmes & de ses affaires, par l'authori-  
té des sainctes Escritures, & par autres moyens  
aussi. Mais à la fin on voit que l'ignorance de ba-  
deuant ses yeux tellement, qu'il ne fait que c'est  
qu'il dit.

BERT. Et quelles authoritez peut il alleguer des  
sainctes Escritures, qui facent pour luy?

PAUL. Je vous diray Bertaut mon amy, comme  
en toutes autres affaires il se monstre par dehor-  
estre ce qu'il n'est point, & auoir ce qu'il n'a pas  
aussi pareillement en ses allegations des saincte  
Escritures il amene des choses qui semblent faire  
pour luy, lesquelles toutesfois ne font point pour  
luy. Il me souuient qu'une fois en deuisant avec  
vn euesque François ( lequel est vn vray Ministre  
de la parole de Dieu ) tant des Escritures que de  
autres

autres choses que ce Roy feint & masqué allegue & amene en sa faueur , ledit Euesque ne pouuant souffrir telle presomption & fierté diabolique en vne creature si vaine & malottrée, commença à respōdre fort bien à tous les poincts vn apres l'autre , que ie luy recitoye comme si ledit Roy eust esté là present, & qu'il eust disputé avec luy . Et là dessus ayant commencé à dire que ce Roy disoit ainsi , Dieu m'a créé dès le commencement , & m'a laissé es mains de mon conseil : & m'ayant mis deuant moy la vie & la mort, le bien & le mal, m'a donné franche faculté de prendre ce que ie voudroye , ainsi que tesmoigne l'Ecclesiastique. Au chap. 15. Je te respon(disoit l'Euesque) en premier lieu, que l'Ecclesiastique n'est pas escriture Diuine, à laquelle nous soyons obligez de croire , comme tu penses . Dauantage ie te dis que quand Dieu dès le commencement t'eut créée , tu as aussi peché dès le commencement, comme tu fais bien : & ce peché la te fit son serf & esclau en corps & en ame : de laquelle seruitude il n'est point possible que tu soyes deliuré, non par Iesus Christ. Et si tu ne saurois dire qu'il y ait aucune partie en toy , laquelle ne soit serue & captiue. Car s'il estoit ainsi, ceste partie qui seroit libre & frâche en toy, n'auroit point besoin que Iesus Christ fust son Sauueur & Rempeteur . Ce qui est tresfaux , & contre l'Escripture . Puis(disoit ce Roy ) Dieu me commande en beaucoup de passages de ses saintes Escriptures , que ie me conuertisse à luy , que i'observe sa Loy , & que ie perseuere en la grace receue

Si ie ne pouuoie faire toutes ces choses la, ce feroit en vain qu'il me les auroit commandées. Je t'ay respon(disoit l'Euesque) que toutes ces choses selon ta nature te sont impossibles du tout. Ce n'est pas pourtant à dire, que Dieu les ait commandées en vain: ny l'impuissance de les faire, qui est en toy, ne te desoblige point. Car il veut que par tel moyen tu viennes à cognoistre ton impuissance, & ainsi que tu recoures à sa grace, laquelle te fera en toy ce que ta nature ne peut faire de soy mesmes. Et aussi Dieu ne nous a point donné la force (entant que particulierement appartient à elle) pour ce principal obiet & fin, que nous l'ayons observer entierement de point en point, sachant fort bien que nous ne le pouuons faire: mais il nous a donnée, afin que par elle nous cognoissions & voyons comme dedans vn miroir, nostre peché & condamnation: & que nous recourions à Iesus Christ, qui est le parfait obseruateur de la Loi pour nous, & qui a effacé le peché pour nous: & qui seul vray Sauueur, & qui nous a deliurez de la condamnation que nous meritiōs par le peché. Tout ainsi que le Seigneur Dieu ne donna pas aussi le commandement à Abraham, de tuer & sacrifier Isac son fils, à ce qu'il eust à observer tel precepte: mais pour faire cognoistre qu'il craignoit Dieu. Or que l'observation des commandemens de Dieu nous soit impossible, nous le pouuons aussi voir aisément de la response que Iesus Christ fit à ses disciples, lors qu'estans tous esperdus & effrayez des propos qu'il auoit tenus avec ce ieune homme riche, touchant le point d'observer les commandemens de Dieu, luy dirent, Qui est ce docteur qu

ques qui pourra estre sauué? & il respondit, Quāt  
aux hōmes cela est impossible: mais quant à Dieu,  
toutes choses sont possibles. Outre cela (disoit ce  
Roy) Dieu me promet en plusieurs passages de ses  
Escritures, que si ie veux fuir le mal, & suyure le  
le bien, ie m'en trouueray bien: & au contraire si  
ie veux suyure le mal, & fuir le bien, ie m'en trou  
ueray mal. Si ie n'auoye la puissance de ce faire,  
il sembleroit que Dieu se moquast de moy, & qu'  
il s'en gaudist seulement. Je te respon (disoit l'E-  
uesque) que telles manieres de parler cōditionel-  
les, qui sont en la Loy, Si tu veux: item, Si tu fais,  
&c. ne concluent pas que tu ayes la puissance de  
toy mesmes de vouloir & de faire: attendu que  
par tes forces tu n'as non plus de puissance en ce-  
cy, que tu en as touchant les preceptes de la Loy.  
Mais le seigneur Dieu voulant que ses enfans fus-  
sent prompts & diligens à demander sa grace, ce  
ne luy a pas esté assez de les aduertir & admonne-  
ster par la rigueur des preceptes: mais encores il  
les a voulu attirer gracieusement par la douceur  
des promesses, & des offres qu'il y a adioustées.  
Outreplus (disoit ce Roy) Dieu me menace & re-  
proche en diuers lieux de ses Escritures, comme  
à vne personne ingrate & mesconnoissante le biē  
qu'il m'a fait, que ie n'ay pas voulu receuoir de  
sa main tant liberale & benigne, ses graces & be-  
nefices qu'il m'a presentez, ny euit ma ruine.  
Comment conuiendra ceste reproche & menace,  
si de moy mesmes ie n'ay peu faire ny l'un ny l'au-  
tre? Je te respon (disoit l'Euesque) d'autant que ta  
volonté, qui est peruerse & corrompue de nature,  
est cause de ceste contumace & rebellion, que c'



est legitiment & à bon droit que Dieu luy reproche ceste peruersité & corruption, laquelle aussi est l'occasion que tu n'as peu receuoir ses benefices, ny euites tes ruines & malheurs: afin que tu ne reiettes point la coulpe de cela sur luy.

B E R. A la verité ie cognoy d'heure à autre plus clairement que mon maistre trompe vilainement le monde, & m'apperceoy bien que les façons de faire des peuples & suiets dependent de celles de leurs Princes & superieurs.

P A V L. Ce gentil Roy masqué, ô Bertaut mon amy, ne se contente point des autoritez cy dessus alleguées & rabattues: mais il amene encore quelques inconueniens & absurditez en ceste maniere: Si ie pechoye par necessité, desia mō peché ne seroit point peché, & ne me deuroit point estre imputé en sorte que ce soit. Que si ie peche par volonté, il s'ensuit donc que ie puis euites le peché. Ie te respon(disoit l'Euesque) quant au premier, que le peché ne laisse pas d'estre peché, & de deuoir estre imputé, encores qu'il soit necessaire. Car c'est autre chose que necessité, & autre chose contrainte. Dieu est bon par necessité: & toutesfois il ne l'est pas par contrainte. Le diable est mauuais & meschant par necessité: & neantmoins le peché ne laisse pas pourtant de luy estre imputé. Ta volonté depuis le peché d'Adam est venue en ceste necessité de pecher: si est ce pourtant qu'elle peche volontairement, & non pas par contrainte: de sorte que sans doute elle a sa perdition & ruine de soy mesmes, & son salut de Dieu seulement. Quant au second, ie dy que ceste proposition ne vaut rien, pource qu'elle fait vne de  
duction

duction de ce qui est volôtaire à ce qui est franc.  
Or il a esté desia dit, qu'il y a d'aucunes chose<sup>s</sup>  
qui se font volontairement, lesquelles toutesfoi<sup>s</sup>  
sont necessaires en elles mesmes. Outreplus (di-  
soit ce Roy) si les vertus & les vices ne procedent  
point de ma franche election, il n'est pas conue-  
nable, ou que quelque salaire me soit payé, ny re-  
compense donnée, ou que i'endure aucune peine  
que ce soit. Je te respon (disoit l'Euesque) quant à  
tes vertus, qu'il n'y a point d'inconuenient si elles  
n'ont aucun loyer ny salaire: pource que quand  
Dieu salarie & recompense les vertus, il salarie  
ses dons & graces. Car tout tant que tu fais de  
bien est entierement à luy. Quant à la peine de  
tes vices, ie dy que iustement elle t'est donnée, à  
cause que la coulpe de tes vices depend de toy seu-  
lement. Dauantage (disoit ce Roy) s'il n'est point  
en l'arbitre de ma volonté, d'elire & choisir le  
bien ou le mal, il faut dire que nous sommes tous  
ou d'une mesme nature bons, ou d'une mesme na-  
ture mauuais. Et puis, que toutes exhortations,  
admonitions, aduertissemens & reprehensions  
me sont faites & adressées en vain, d'autant qu'il  
n'est pas en ma liberté d'obeir. Je t'accorde bien  
(disoit l'Euesque) & confesse volontiers que nous  
sommes tous peruers & meschans de nature: mais  
la misericorde de Dieu fait puis apres que nous ne  
demeurons pas tous en ceste peruersité & corru-  
ptiō. Nous sommes tous naturellemēt malades d'  
une mesme maladie, de laquelle ne gairissent sinō  
ceux ausquels il plaist à Dieu de dōner santé: tous  
les autres perisēt. Quāt aux exhortatiōs, admoni-  
tiōs & reprehēsiōs, ie respō que si ton dire est oit

vallable, Iesus Christ mesmes deuroit estre repris, lequel afferme que sans luy tu ne peux riéfaire: & neátmoins il t'admoneste que tu faces bien, & te menace si tu ne le fais. On en pourroit autant dire des Apostres, qui font tout le semblable. Et pourtant il nous faut sauoir touchant ce point icy, que Dieu besongne en ses eleuz en deux sortes: c'est à sauoir, interieurement, par le saint Esprit, & exterieurement, par sa sainte parole. Par son saint Esprit illuminant les esprits, & formant les cœurs à l'amour, à la charité & affection entiere à iustice, il renouuelle les hommes, & les fait nouuelles creatures. Par sa parole il les pousse & incite à desirer, cercher & obtenir le mesme renouvellemēt, mettant sa main avec efficace à ces deux choses icy, suyuant l'ordonnance de son eternelle disposition. Finalement (disoit ce Roy) Dieu demeure à ma porte, il la frappe & y heurte, & me donne sa grace, si ie veux ouurir & la receuoir. Ie te respon (disoit l'Euesque) que le mesme Dieu qui frappe & buque, est celuy ausi qui ouure, non pas toy de ta nature. Car nul autre n'a la clef de Dauid, pour ouurir & pour fermer, sinon luy seul. Qu'il te donne puis apres sa grace, si tu la veux receuoir, ie te dy qu'il te la donne, si tu la cerches & la demandes de bon cœur. Mais cela mesmes que tu la cerches & demandes de cœur, il le fait en toy, & non pas toy de ta nature. Car tu ne peux vouloir autre chose de toymesmes, sinon que de ne la cercher point, & ne la demáder iamais. Cest orgueilleux & outrecuidé Roy a de coustume encores de dire quelques autres petites choses, voire pour maintenir & defendre qu'il est quelque chose

se : mais pource qu'elles sont de petite importance, ie ne veux point m'amuser icy à les raconter autrement.

B E R. Vous en auez assez dit Paul mon amy, & en auez tant dit, que ie veux dès demain prendre congé de luy : & si n'y aura iamais personne qui me voye en sa Cour. Parauenture que puis apres i'aduiferay à l'aduenir de me renger & mettre au seruice de ma dame la duchesse Bonne intention, laquelle est Lieutenant generale de ce Roy par tout le royaume des Bonnes œuvres.

P A V L. Bertaut mon amy, ie vous veux donner vn bon conseil, c'est que vous abandonniez desormais les Cours de ces meschans & iniques Pharaons, & que vous suyuez le seul Iesus Christ: lequel sans doute vous aidera & icy & ailleurs, & ne vous laissera point auoir faute ny besoin d'aucune chose necessaire, ou par le moyen de vostre mestier, ou par autre voye, cōme trop mieux il fait faire ainsi qu'il luy plaist. Ceste dame Bonne intention, afin que vous l'entendiez, n'est pas moins vuide de tout bien, & pleine d'orgueil & presumption qu'est son Roy mesmes. Le Seigneur Dieu luy a commandé de chercher le vray seruice Diuin, qu'elle ne face aucune chose selon son aduis & fantasie, ny de son cerueau: mais seulement selon qu'enseignent & monstrent les saintes Escriptions, & quelle n'adioulte ne diminue non pas vn petit trait à la Loy & aux commandemens de Dieu: qu'elle ne se destourne point à senestre hors d'iceux : mais que renonçant à soy mesmes elle le suyue & sa parole, luy seruant selon icelle en tout & par tout. Et neantmoins ma dame l'esceruelée



1. Rois. cha. 15.

& estourdie fait tout le contraire. Elle ne se soucie point de faire ce que Dieu luy commande: & toutesfois cependant elle fait semblant de vouloir seruir à Dieu en l'administration & gouuernement du royaume des Bonnes, ou plustost meschâtes œuures, selon son propre sens, aduis & ses fantasies execrables. Elle veut honnorer Dieu par tel seruice qu'il luy plaist, selô ses folles opinions & frenesies: & non point par celuy dont il veut estre honoré selon sa sainte doctrine. Si au vieil Testament il condamnoit ceux qui l'honoroyent, voire par les sacrifices qu'il auoit instituez, quand ils ne les offroyent pas comme il le vouloit & qu'il auoit commandé, combien plus grieuement cōdamnera il ceste bonne dame icy, laquelle ne luy offre chose qui soit instituée de luy, ne comme il veut: mais seulement des folles & vaines inuentions forgées en son cerueau? La desobeissance & contumace de ceste impudente & effrontée n'est pas moins desplaisante à Dieu, que le faict de Saul luy desplaist, quand il n'obeit point à la voix du Seigneur contre les Amalechites, laquelle chose le prophete Samuel dit & prononça que c'estoit vne idolatrie. C'en est pas assez d'auoir le zeile de Dieu: mais il le faut auoir selon science. Et moy-mesmes autrefois que i'estoye obseruateur de la loy Iudaïque, transporté & enforcélé par ceste cy, ie persecutoye les membres de Iesus Christ, & si ie me persuadoye cependant de faire vn sacrifice à Dieu. Mais depuis quand i'eu cogneu par sa grace mon ignorance pleine d'impieté, ie m'apperceu quant & quant de l'iniquité enragée

ragée que ie commettoye, sous couuerture de zele spirituel: mais en effect de zele diabolique. Car il n'estoit point selon la science de Dieu, laquelle ne veut pas qu'on persecute personne. Ce que ie vous dy pour ceste heure de moy, ie le pourroye aussi bien dire de plusieurs autres, si ie vouloye: & mesmes ie pourroye parler encores de beaucoup d'autres choses. Mais qu'un exemple vous fustise pour mille.

BERTAUT. O comment, tressaincts Apostres, Dieu nous augmente de plus en plus iournellement la cognoissance de soy mesmes, par le moyen de ses Ministres! I'ay maintenant plus cogneu & entendu par voz propos, encores qu'ils ayent esté courts, que ie n'auoye fait par cy deuant en plusieurs années de moy mesmes. Et vous supplie pour l'amour de Iesus Christ, qu'il vous plaise me monstrier & faire entendre, si vous auez la commodité, en quelle maniere les choses appartenantes au royaume de cestuy la qui estoit mon maistre, n'ont aucune subsistence, mais qu'elles sont toutes seulement apparentes, comme est l'alchimie, ainsi que vous Paul auez dit nagueres. Vray est qu'il me faut premierement aller iusques à Araceli, pour bailler là vne Bulle à vn certain moine: mais ie n'y demoureray comme point, ie seray incontinent icy de retour vers vous.

PAUL. Bertaut, allez y quād il vous plaira: & vous de retour, nous satisferés bien volôtiers à ce que vo' desirez. Et pour l'amour de Dieu ne vo' empes-

chez plus de Bulles. Vous pouuez aisément voir que les Bulles sont choses pleines de vent, & de nulle valeur: lesquelles portent avec soy l'effect de leur nom. En vous attendant nous nous en irôs voir ceste grande Fabrique: mais plustost ceste grande ruine de fabrique, qu'ils disent auoir esté dediée à Pierre Apostre que voicy.

BERT. Bien de par Dieu: ie retourneray tantost vers vous.

PAYL. Or va t'en en paix.

*La seconde Scene du quatrieme Acte.*

Bertaut, Diaconat, Felin.

BERT. Je remercie treshumblement le souverain Seigneur Dieu, lequel a bien daigné me faire voir & cognoistre en la fin, que toutes ces Cours qui ont leur origine du Pape, ensemble tout le reste de sa Cour, ne sôt autres choses que bordeaux diaboliques & detestables, là ou continuellemēt avec meschantes & malheureuses opinions, & faicts abominables, Iesus Christ est renoncé sous ombre & couleur de religion Chrestienne & service de Dieu. Autrement il y auoit grand danger que iamais ie ne m'en peusse retirer ny eschapper. O plantes lesquelles non seulement ne furent onques plantées du Pere celeste, mais plustost contraires au Pere & au Fils & au saint Esprit! quand fera ce que ie vous verray destracinées & arrachées entierement? Mais qui sont ces deux là qui sortent de la Cour, & viennent deçà? Par ma foy c'est le seigneur Diaconat, & Felin le despensier.

Si

Si est ce que ie leur veux dire vn mot auant qu'ils aillent plus outre.

DIAC. Felin, cependant que nous nous sommes arrestez pour aduertir les Cardinaux, suyuant la commission de mon seigneur le Reuerendiss. nostre bon seigneur & maistre, le domine bis de Chapelain a fourré en la teste de mondit seigneur vne fantasie de mesme, à sauoir, qu'il sera fort bien fait qu'il parle aussi & communique de cest affaire touchant les Lutheriens, avec les Generaux & Prouinciaux des ordres Monachales, & qu'il leur donne à entendre, que s'ils ont enuie & qu'ils taschent de gagner des chapeaux rouges, ils procurent & mettent ordre que leurs suiets non seulement ne consentent point à la doctrine Lutherienne: mais que pour iamais ils la combattent encores plus vaillamment: & qu'ils maintiennent à tort & à trauers le saint siege Romain, chastians bien asprement par prisons, bannissemens & galeres quiconque sera si osé ne si hardy de faire le contraire. Parquoy pensant que c'est vn bon aduertissement, il m'a commandé que nous allions trouuer aussi bien ces Generaux en leurs conués, & que nous leur signifions que demain au matin ils se trouuent semblablement au Palais, pour la mesme occasion. Si nous l'eussions seu plustost, nous eussions peu tout d'vn voyage faire ces deux messages. Toutesfois nous ferons ce chemin comme nous auons fait l'autre, par esbat & plaisir, & pour paracheuer l'exercice encommencé. Le conseil du Chapelain de soy n'est pas mauuais, selon mon iugement: mais de l'autre costé son inconstance & legierté me desplaist: attendu qu'en ceste



mesme affaire il conseille maintenant vne chose, & maintenant vne autre.

FELIN. Ne sauez vous pas bien seigneur Diaconat, que le Chapelain n'a rié eu de l'heritage de son pere, sinon les biens meubles ? C'est vn sot, vn Ioannes, vn beneft, & de paroles & de mines & de faict, ne vous en apperceuez vous point ? Tant y a puis qu'il plaist à nostre maistre que nous facions ainsi, allons nous y en. Mais qui est cestuy cy qui vient apres nous ainsi à la haste ? Seroit ce point bien Bertaut le barbier ? Hé, par ma foy c'est luy mesmes en personne. Et ou t'en vastu Bertaut, ainsi hasté ?

BERT. Je m'en vien vers vous, pour vous voir, comme mes bons amis. Je croy seigneur Diaconat, que iamais vous n'avez cessé ny repos. Je vous trouue tousiours que vous avez quelque entreprinse en main. Ou est ce que vous voulez aller maintenant ?

DIACONAT. Bertaut, mon office requiert que i'aye tousiours quelques affaires. Nous nous en allons en quelques conuens, pour aduertir aucuns Generaux des ordres Monastiques, de leur trouuer à la Cour de mon seigneur le Reuerendissime nostre maistre. Et sur ce propos ie me pleignoye à ceste heure icy avec Felin, que nous ayans esté nagueres aussi en aduertir quelques reuerédissimes Cadinaux, n'auyons pas feu qu'il falloit semblablement le signifier à ces autres Generaux : à cause que nous eussions expédié le tout en vn voyage.

BERT. Qui sont ces Cardinaux la que vous avez aduertis de leur trouuer au Palais ?

DIAC.

**DIACONAT.** Ce sont les cinq qui doyuent estre Inquisiteurs contre ceste nouvelle heresie des Lutheriens, pour la destruire & ruiner totalement, comme nous esperons qu'en brief cela se fera, & principalement par le reuerendissime Euieti. Car luy qui est tressainct, & grand ennemy des Lutheriens, ne laissera point ceste entreprise, iusques à ce qu'il les ait destruits.

**BERTAUT.** Si le Pape & le roy Franc arbitre, avec tous leurs complices & adherans suyuoient en ceste cause, qu'ils appellent entre eux Lutherienne, la sentence de Gamaliel, qui est aux Actes des Apostres, ils feroient, selon mon iugement, beaucoup mieux qu'ils ne font pas, & ne se souciroyent point tant de la prendre ainsi avec les dens. Mais quant à ce que vous dites specialement du cardinal Euieti, qu'il est homme tressainct, ie vous respon que vous vous trompez bien lourdement: mais plustost ie te dy que deuions prier tous ensemble deuotement (si nous le cognoissions bien tel qu'il est) A Euietina sanctitate libera nos Domine. Le cardinal Euieti est la facture de la dame hypocrisie: laquelle l'a doué & enrichy de saincteté plus qu'infemale.

**DIAC.** Et comment fais tu cela Bertaut?

**BERT.** Ie le say par plusieurs moyens: mais sur tout par quelques paroles qu'il dit lors qu'il demeureoit en la ville de Venise.

**DIACO.** Et quelles furent les paroles, ie vous prie?

**BER.** Ie les vous diray, seigneur Diaconat. Il me semble que le cardinal Euieti demeurant autre

fois, & n'y a pas long temps à Venise, auoit en sa maison vn des enfans du seigneur Discours humain, qui luy seruoit de secretaire fort fidele, avec lequel deuissant vn iour librement de l'ambitieuse volôté & desir meschant qu'il auoit d'estre fait Cardinal, fut tout incontinent & sans y penser, d'autant que cela ne venoit pas si tost à effect comme il eust bien voulu, il fut (dy ie) surprins & veincu d'vn si grand deuil & fascherie, qu'il commença à s'escrier, Iamais poure esclauue n'attendit liberté, ny nauire ne souhaita d'estre au port avec vn tel desir, que i'ay tousiours attendu vn chapeau rouge. Alors son Secretaire le voulant recomforter & soulager de ce torment & angoisse, luy dit, Je vous supplie mon seigneur, par la chaire de saint Pierre, à laquelle ie say que vous auez vne singuliere deuotion, qu'il vous plaise ne tomber point en si grande melancolie pour ce chapeau: ayez patience ie vous prie, & appeaisez vostre esprit. Car ie ne doute point qu'il ne vous soit vn iour enuoyé que vous n'y penserez pas. O poure malheureux que ie suis (respondit le cardinal Euieti) si cela doit estre vray que vous me dites à ceste heure! pource que si le chapeau me doit estre vn iour enuoyé que ie n'y penseray point, il ne me sera iamais enuoyé. Car ie ne pèse iamais à autre chose qu'à cela. Or maintenant vous pouuez aisément voir quelle est la sainteté Euietina, & à quelle fin il en vse. Je croy certainement que pour ceste heure il ne desire pas moins de paruenir à la mitre Papale, qu'il desiroit pour lors d'acquiescer le chapeau de Cardinal.

**DIA C.** Bertaut, assure toy qu'il n'y a pas en cest

cest endroit vn si grand mal comme tu penſes: attendu que deſirer & cercher vne cardinauté, voire la Papauté par le moyen de la dame hypocrisie, ou bien par necromatie, n'est point mal ſeant à celuy qui n'a pas moyen de l'acquérir par autre pratique: & ſi ie te dy que c'est bien fait d'en faire ainſi. Car deſirer vne Eueſché, ainſi qu'aſſerme l'Eſcriture, eſt vne bonne œuvre: par plus forte raiſon donques deſirer vne cardinauté ſera beaucoup meilleure, & la Papauté tresbonne.

BERT. Ne m'amenez point telles comparaifons: car ie vous puis aſſeurer qu'aujourdhuy on ne deſire point les Eueſchez, ny les Cardinautez, ny les Papautez pour autre bonté ny eſgard, que pour les delices & voluptez, pour les richelſſes, pour les pompes & parades, pour les dignitez & ſeigneuries, pour les Empires & Monarchies qui ſont en ces eſtats icy. Mais pour ceſte heure laiſſons ces choſes qui ſont tant deſbordées en toute vilenie: Dieu y pouruoirra & mettra ordre quand le temps en ſera venu. Dites moy vn peu ſeigneur Diacanat, eſtes vous homme pour aller au conuent d'Araceli?

DI A. Ouy bien, il faudra que nous y allions, pour aduertir le General des Sabottiers, qu'il ſe trouue auſſi bien au Palais.

BERT. Ie voudroye bien qu'il vous pleuſt me faire vn plaifir là dedans, c'eſt que vous baillifſiez de par moy ceſte Bulle à frere Ciboulle, qui eſt maiftre des nouices, & que vous diſſiez que ie m'en iray le trouuer puis apres, quand ie ſeray plus à loiſir.

DI A C O. Cela eſt bien peu de choſe: nous le



ferons de bon cœur.

B E R. Et ie vous en remercie bien fort, & me recommande à vostre bonne grace . Car il me faut retourner à saint Pierre , pour despescher quelque affaire que i'ay, laquelle est d'importance, avec quelques vns de mes amys qui m'y attendent.

D I A C O. Va y Bertaut, à la bonne heure: & nous en irons semblablement ainsi pas à pas expédier noz affaires.

*La troisieme Scene du quatrieme Acte.*

Pierre Apostre, Paul Apostre, Bertaut.

P I E R R E. Paul , ie ne me puis garder que ie ne m'esmerueille grandement de la sottise tant loude, & bestise si brutale de ceux qui bastissent ces temples icy : veu que Dieu tout puissant ne veut point que tels lieux soyent faits pour luy, qui n'habite pas és temples faits par les mains des hommes, & beaucoup moins veut il qu'ils soyent edifiez pour nous autres qui sommes ses saints.

P A U L. Il est vray ce que vous dites Pierre. Mais puis que Rome doit estre le chef de toutes les abominations execrables du monde, ce n'est point de merueilles si elle a donné aussi le commencement à cest erreur: combien, quant au bastiment de ce temple icy, que le Pape fait semblant de faire bastir en l'honneur de vous, sous vostre nom, on ne cherche pas tant qu'il s'y face quelque edifice cōme on tasche que sous ceste couverture & pretexte on puisse atrapper deniers de toutes les parties du monde. Je croy fermement que qui mettroit ensemble tout l'or & l'argent, lequel a cest

arraché

arraché par les Papes d'entre les mains des pures simples personnes, il y a desia si long temps par le moyé de ceste tromperie & vraye piperie, que c'est pour vous edifier vn temple, qu'il feroit vn bastiment tout d'or, qui ne feroit pas moindre que cestuy cy. Mais Pierre, voila Bertaut nostre amy, qui s'en reuiet icy vers nous.

BERT. Me voicy de retour, tressaincts Apostres de nostre Seigneur: ie remercie Dieu de ce que i'ay depesché si tost mon affaire, sans aller autrement à la moinerie d'Araceli. Au reste ie vous prie pour l'amour de nostre Seigneur Iesus Christ, qu'il vous plaise auoir souuenance & me tenir la promesse que vous m'avez faite: & me rendre si bon orfeure, que ie puisse cognoistre à l'aduenir le bon metal d'entre le mauuais, & que ie ne me laisse plus tromper par la belle alchimie de personne quelconque.

PAVL. Nous le ferons ainsi Bertaut, n'en doutez point. Pierre, voulez vous entreprendre d'enseigner & instruire cestuy cy, ou bien si vous voulez que ie le face?

PIER. Je seray bien aise que vous le faciez Paul. Car vous avez la langue plus à deliure que ie n'ay pas.

PAVL. Je le feray volontiers. Et pource Bertaut mon amy, vous deuez sauoir comme ce royaume vulgairement appelé des Bonnes œuures, est vne farce inuentée & composée du diable, pour entretenir ses supposts par tels menus fatras & fabiboles: qu'aussi les personnages qui la iouent, & les choses qui sont traitées & deménées là delà, sont toutes cōtrouuées, feintes & masquées. Et les theologiens Scholastiques ou Sorbonistes,

ensemble les Decretistes pour la plus grandepartie sont ceux lesquels , comme vallets du diable aident à vestir & accoustrer tels personnages , & les enuoyent dehors , pour iouer les Actes & le Scenes de ceste farce , ainsi qu'ils veulent qu'on les ioue : de sorte que vous ne deuez icy attendre ny esperer sinon choses ( comme ie vous ay desdit souuent ) apparêtes & vaines , qui ne sont point . Et afin que vous puissiez mieux cognoistre tout l'affaire comme elle va , ie commenceray mon discours vn peu de plus loin . Et pourtant ie veux qu vous entendiez , que quand le diable dès le commencement s'enorgueillit & eleua soy mesmes , & tascha de se faire egal , ou bien semblable au souuerain Seigneur Dieu , ne pouuant ( à raison qu son entreprise ne luy venoit pas à point ny souhait ) paruenir à tel degré , il deuint comme v singe de Dieu . Car depuis ce temps la iusques présent il s'est tousiours efforcé en mille sortes non seulement de se vouloir faire adorer comme Dieu , mais aussi de vouloir faire tout ce qu'il voit faire à Dieu : & toutesfois d'vn autre courage & intention que Dieu ne fait pas . Et pource voyant que Dieu a constitué & estably vn royaume de Bonnes œuures , distingué en deux prouinces nommées l'vne Amour de Dieu , l'autre Amour du prochain : auquel il a mis & ordonné pour Roy son propre Fils , & par le moyen du saint Esprit luy a donné pour espouse la sainte Foy , dont puis apres a esté engédrée la sainte Charité . Aussi luy pareillement en a forgé vn autre , qui est distingué non pas en deux , mais en plusieurs prouinces , pour agrandir sa religion : auquel avec l'aide du Pape

mis & eleué pour Roy, le Franc arbitre, & par le moyen d'Acte elicite luy a donné pour espouse grace de Congruo, dont puis apres en a esté engédree grace de Condigno, se seruât & aidât de ces personnages masquez & feints, pour seulement venir à bout de sa meschanceté & malheureuse entreprinse.

BERT. O comment ces personnages sont contraires aux Silenes d'Alcibiades! Et vous supplie Paul, me pardonner en cest endroit, si ie vous ron vn peu voz paroles. Ie veux seulement vous conter ce qui m'est aduenu ce iourdhuy, à propos de ce que vous dites. Estant avec ce pource gueux malottru & coquin d'Acte elicite (ie ne le veux plus appeler Seigneur ne monsieur, cognoissant à ceste heure sa belistrerie) i'ay ouy lire par le Chancelier vne coppie des noms & titres des prouinces, des villes & des gabelles & impositions de ce regne diabolique des Bonnes œuvres, & de plusieurs coustumes & diuerses loix, statuts & ordonnances, qui sont obseruées & gardées estroittement en iceluy: & si i'ay veu manifestement que leurs Magistrats, gouuerneurs & leurs peuples sont si pleins de toutes meschancetez, vilenies, iniquitez & impietez contre Dieu & le prochain, que ie ne les pourroye exprimer ne dire si i'auoye cent mille langues. Ie me suis bien efforcé, selon mon pouuoir, d'en reprendre quelques vnes, voire que les afsistens en partie m'entendoyent, & en partie ne m'entendoyent point: mais ne sachant pas encores bien leur origine, ne leur peruersité, comme ie l'ay maintenant entendue par vous, ie n'ay pas fait mon plein deuoir, ainsi que i'estoye



tenu: mais voyant que pour auoir quelque fois amené & allegué quelque autorité de l'Euangile, pour prouuer ce que ie disoye, le Chancelier me notoit & tenoit pour suspect d'heresie, ie suis party de là tout despité & en colere.

P I E R. Pour donques amener l'autorité de l'Euangile, l'homme est il réputé & tenu pour heretique icy dedans Rome?

B E R T. Ce seroit bien peu d'estre réputé heretique. Ceux qui veulent parler de l'Euangile y sont bien bruslez, ou par autre moyen mis à mort meschamment.

P I E R. Paul, que vous semble de telles choses? En Turquie mesmes vne telle impieté ne se trouueroit point: & à la verité elle n'y est pas. Car le Grand seigneur permet liberalemét que les Chrestiens puissent parler & deuiser de l'Euangile de Iesus Christ comme il leur plaist.

P A V L. Pierre, que voulez vous qu'on y face? Icy le Pape se fait par fausses paroles & mengeries impudentes, Vicaire de Iesus Christ: & cependant de faict & par ses actes il est le vray vicaire du diable: & pourtant ce n'est pas de merueilles s'il vse & se sert des armes de son maistre, qui sont le feu, les sagots & bourrées. Mais pour reuenir au propos dont nous parlions, ie dy, Bertaut mon amy, que comme le diable est menteur, ou plustost le pere de mensonge: ainsi luy mesmes ayant constitué ce royaume feint & controuué, le nomma faussement le royaume des Bonnes œuures: d'autant qu'en iceluy il n'y a pas vne seule bonne pensée, ny vn bon vouloir, ny aucune bonne œuvre: mais

mais il y a tant seulement des noms & couuertures de Bonnes œuvres. Ce que vous pourrez aisément cōprendre de vous mesmes, si vous cōsiderez diligemment quelle est l'origine & commencement, la propriété, les rétes & reuenuz, & la fin du royaume des Bonnes œuvres de Dieu: & si vous le cōparez avec l'origine, propriété, rentes & fin du royaume des Bonnes œuvres du diable. Je dy en premier lieu que l'origine du royaume des Bonnes œuvres de Dieu, est la seule volonté & le bon plaisir de Dieu: lequel seul estant tout bon, fait & est cause de la bonté en icelles, qu'il veut qu'elles soyent bōnes, & les manifeste puis apres aux peuples & suiets dudit royaume, en sa sainte Escriture (en laquelle sont comprinses & declarées toutes les ordonnances infallibles) afin que continuellement ils s'exercēt en icelles: de sorte que hors les saintes Escritures ne se peut trouver aucune œuvre, qui soit vraiment bōne. Car comme ces œuvres la seulement sont mauuaises, lesquelles sont defendues par les saintes Escritures: ainsi pour vray celles la seules sont bonnes, lesquelles sont commandées par les mesmes Escritures. Je dy en second lieu que la propriété du royaume des Bonnes œuvres de Dieu est telle, qu'il ne peut estre habité sinon des bons & des gens fideles. Car il n'y a que les bons arbres qui puissent porter bon fruit. Je dy pour le troisieme, que ledit royaume n'a aucunes rentes ne reuenuz de soy: mais seulement en a par les merites de son Roy, lequel benignemēt & gratuitement dōne la bonté, l'innocence, la sainteté, la iustice & salut,

& toutes les autres rentes & reuenus à tous fideles habitans de sondit royaume: & prend & reçoit sur soy toutes les iniquitez, toutes les iniustices, & toutes les damnatiōs d'iceux. Ie dy pour le dernier, que la fin d'un tel royaume ne tend ailleurs qu'à seruir librement à Dieu & au prochain, sans esgard d'aucun salaire ny recompense: mais seulement pour monstrier quelque vray fruit de sa fidelité & loyauté. Or maintenant ie dy au contraire, que l'origine du royaume des Bonnes œuvres du diable, est semblablemēt la volonté du diable: lequel estant de sa nature meschant & peruers, ne peut vouloir de fait sinon meschantes œuvres: combien que par les traditions humaines, & par les loix du Pape son vicaire il les manifeste sous le nom de Bonnes, & faussement les nomme ce qu'elles ne sont point: afin que sous couleur de bonté elles soyent plus aisément embrassées & receues des hommes. Ie dy puis apres que la propriété d'un tel royaume est, qu'il peut estre habité des adulteres, homicides, meurtriers & de tous autres iniques, desbauchez, & les plus meschans qui soyent au monde: comme il est aussi vrayement habité de telles gens. Ie dy outreplus que le diable mesmes enforcelle & fait à croire aux hommes, que d'un tel royaume se tirent de grans reuenus, & de grosses rentes, par le moyen de la gabelle du Merite, & par les autres astuces iniques & meschantes: qui est vne chose pour certain trop plus fausse, que n'est poit la fausseté mesme. Brief ie dy que la fin de ce royaume malheureux est de seruir à soy mesmes, pour gagner & acquerir Paradis, & pour sauuer son ame. Et ceste seruitude  
la

la qu'est ce autre chose que se forger & faire vn veau de fonte, comme firent les Iuifs, & adorer les œuvres de ses propres mains, se faisant d'icelles vn sauueur hors de Iesus Christ? qui est vne chose si pleine d'ingratitude & d'impieté, que si le diable ne la couuroit de ceste ombre & apparence de bien, elle seroit veue & reprise, voire des Payés & infideles mesmes. Je pèse Bertaut, que de formais vous deuez cōmēcer aucunemēt à cognoistre cōment ce faux metal est meslé en apparence avec le vray: mais ie croy que vous le cognoistrez encores beaucoup mieux, quand ie vous declareray les cōditiōs particulieres d'aucunes des prouīces, desquelles il a tiré les noms des sainctes Escritures, pour mieux farder & blāchir son alchimie.

B E R. Tant plus ie vous escoute Paul mon amy, & tant plus ie desire de vous ouir: pource que (graces à Dieu) i'en sen & reçoÿ vn singulier profit.

P A V L. Que le tout soit au nom de Dieu: & ie pourfuyuray bien volontiers ce qui me reste à vous dire. Je ne doute point Bertaut, que vous ne sachiez bien par les sainctes Escritures comment Dieu dès le commencement crea l'homme à son image & semblāce: c'est à dire, bon, iuste, sainct, veritable & du tout innocent, afin qu'il entendist, cogneust, aimast, possedast & iouist du souuerain bien: & comment aussi l'homme veincu du desir de vouloir sauoir le bien & le mal, par l'instigation du diable māgea de la pomme que Dieu luy auoit defendue: par la desobeissance duquel commandement il perdit ceste image & semblance Diuine, & deuint semblable au diable qui l'auoit seduit & trōpé: c'est à dire, inique, iniuste & men-



teur, & fut remply de toute misere & poureté, tant corporelle que spirituelle, tant temporelle qu'eternelle aussi: & puis laissa ces mesmes choses comme vn heritage à tous ses successeurs qui sont venus apres luy. Mais pource que Dieu ayât preueu cela de toute eternité, auoit aussi ordonné de vouloir renouueler & restaurer vne partie du genre humain: quand la plenitude du temps fut venue il enuoya en ce monde nostre Seigneur Iesus Christ son Fils bien aimé, & sa vraye image, par laquelle seule Dieu-mesmes est cogneu, & le gouuernement des œuures d'iceluy: afin qu'il reformast en ses eleuz l'image & semblance de Dieu, qu'ils auoyent perdue en Adam. Ce que Iesus Christ voulant mettre à executiō, prescha luy mesmes, & commanda aux siens qu'ils preschassent semblablement aux hommes la repentāce & remission des pechez, qui contiennent en soy la regeneration & renouuellement de l'esprit, par laquelle peu à peu est recouuerte la vraye image de Dieu en Iesus Christ: & par le sainct Esprit qu'il donne, on vit puis apres non pas en soy-mesmes, mais en Iesus Christ: non pas à soy, mais au prochain. En quoy le diable ne pouuant souffrir que son image fust perdue en aucun homme, pour se faire aussi semblable à Dieu en cest endroit, enuoya le Pape son fils & sa vraye image, en sēble ses autres supposts & membres de theologiens Scolastiques, Sorbonistes & Decretistes, pour constituer, establir, ou plustost pour forger vne prouince en son royaume diabolique & detestable, non pas des Bonnes, mais des mauuaises œuures, laquelle fust appelée Penitence: là ou seroyent ces trois citez que vous sauez: c'est à sauoir, Contritiō, Cō

fession auriculaire, & Satisfaction. Car l'impieté  
 est tousiours plus fertile aux choses externes, que  
 la vraye pieté & religion n'est pas, & voulut qu'  
 elle fust cachée & couuerte sous ce nom de Peni-  
 tence, conforme & correspondant à celuy de la  
 sainte Escriture, afin que nul ne s'apperceust de  
 la tromperie. Or comme Iesus Christ veut qu'en  
 la repentance Euangelique les hommes avec vne  
 pure, syncere & cordiale crainte de Dieu chāgent  
 vrayement & conuertissent leur vie au Seigneur  
 Dieu, en la mortification de la chair & viuifica-  
 tion de l'esprit: & que par le moyen de l'oblation  
 & sacrifice que Iesus Christ souuerain & eternal  
 Sacrificateur selon l'ordonnāce de Dieu, fit de soy  
 mesmes vne fois pour iamais au Pere eternal, ac-  
 quierent & obtiennent la remission de leurs pe-  
 chez: ainsi pareillement en la Penitence trouuée  
 & forgée par astuce & finesse diabolique, le Pa-  
 pe veut que les hommes monstrent & facent sem-  
 blant avec vne crainte forcée & masquée des pei-  
 nes & tormens, de changer & conuertir leur vie  
 à Dieu, & de pleurer leurs fautes desia passées, &  
 ne commettre plus de pechez qui doyuent estre  
 pleurez: & que par le moyen de la puissance que  
 le Pape souuerain Sacrificateur selon l'ordon-  
 nance du diable, donne au seigneur an Iubi-  
 lé & à la dame Indulgence ses creatures faites  
 & forgées de luy, & à ses autres supposts d'enfer,  
 gagnent & impetrēt la remissiō de leurs pechez.  
 Vous semble il Bertaut, que le diable peust mieux  
 ny plus finement obscurcir & aneantir (entant  
 qu'en luy est) la somme principale de l'Euangile,  
 qui est la Repentance, & la remission des pechez,

Descriptiō de  
 la repenāce  
 Chrestienne.

Descriptiō de  
 la penitence  
 Papistique.

que par ceste astuce & ce moyen-la? Combien que Dieu pourtant ne laisse pas tousiours ses eleuz en erreur: mais quand il est temps il leur reuele & descouure les ruzes & cautelles de Satan, & les retire hors des filets qui leur sont tendus.

BERT. I'esprouue & sen bien en moymesmes, que cela est veritable que vous dites Paul. Je remercie treshumblement le Seigneur Dieu, qui a daigné m'ouurir les yeux & me faire cognoistre & fuir les fallaces & tromperies diaboliques qui ont la vogue par tout.

P A V L. Le diable fait aussi bien le semblable du iufne, de l'oraison & de l'aumosne: qui sont fruiçts, lesquels par succession de temps ont esté produits de la repentance, selon les necefsitez qui luy suruenoyent. Car Satan se sert de ces noms qu'on trouue és saintes Escritures, & d'iceux il orne & embellit tellement aucunes des prouinces de son royaume, desia souuentes fois cy dessus nommé, qu'elles semblent estre quelques femmes d'honneur, combien qu'à la verité ce ne soyent que paillardes du tout fardées & masquées. Le Le vray iufne. vray iufne approuué aux saintes Escritures, se fait pour assuiettir & domter la chair, ou pour estre mieux disposé aux meditations & prieres qu'on offre & presente à Dieu: ou pour vn tesmoignage d'humilité, quand on recognoit & confesse ses fautes & pechez deuât Dieu. L'oraisõ pure, vraye & ordonnée de Dieu, se fait pour enflammer le cœur de l'homme d'un ardent desir de tousiours chercher Dieu avec vne vraye & ferme foy: afin que les hommes s'accoustument de recourir à luy seul en toutes leurs affaires & necefsitez. Et puis  
pour

pour receuoir les benefices & graces d'un cœur  
& esprit mieux recognoissant tels biens, d'autant  
que l'homme est aduertie par l'oraison, que tous  
ces benefices la viennent de sa main liberale: fina-  
lement pour confermer les cœurs imbecilles, qu'  
ils ne doutent point de la prouidence de Dieu,  
puis qu'ils voyent que c'est Dieu mesmes qui les  
pousse & incite, ou plustost qui leur cōmande que  
par Iesus Christ ils l'inuoquent luy seul en leurs  
necessitez, & qui leur promet que par iceluy Je-  
sus Christ il exaucera leurs prieres, quand il sera  
inuoqué & requis: afin qu'ils ayent à luy en ren-  
dre graces, & glorifier son saint nom. Et si le Sei-  
gneur Dieu ne veut point qu'il soit licite de faire  
raison hors de son temple, qui est Iesus Christ  
son Fils nostre Seigneur, auquel habite toute ple-  
nitude de Diuinité essentiellement. Car tout ain-  
si qu'il nous a donné par le moyen de son Fils no-  
stre Seigneur & l'estre & la cognoissance de soy-  
mesmes: aussi par ce mesme moyen, & non point  
par d'autres, il nous veut donner cela que nous  
luy demandons. Et pourtant quiconque fait orai-  
son, & adresse ses prieres & requestes à autres  
qu'au seul Dieu: ou bien les adressant à Dieu cer-  
che autre mediateur & aduocat que Iesus, il n'y  
a point de doute qu'un tel ne face contre le com-  
mandement expres & contre la promesse de Dieu,  
& qu'il ne peche grieuement cōtre luy. La vraye La vraye au-  
mosne. aumosne dont il est parlé aux saintes Escritures,  
est ordonnée de Dieu pour secourir & aider le  
prochain, soit amy ou ennemy en quelque neces-  
sité qu'il ait, seulement pour l'amour de Dieu. Et  
toutefois Satan meslant son faux metal avec ce

Le faux iufne

Fausse oraison.

Fausse au-  
moine.

bon & fin argent, fait que le Pape son Lieutenant le vende tout sous le nom & couuerture de bon & commande qu'on iufne pour faire seruice Dieu & aux Saincts, & pour meriter salaire & recompense enuers eux. Il commande qu'on prie Dieu, la vierge Marie & les Saincts, pour impetrer d'eux la grace de pouuoir viure selon les appetits, concupiscences & commoditez de la chair & en la fin il commande qu'on donne pour l'amour de Dieu & des Saincts, pour satisfaire aux pechez, & pour gagner Paradis. Toutes lesquelle choses avec vne infinité d'autres semblables sont tant plus iniques, desraisonnables & pleines d'impieté & blasphemies, qu'en rauissant le propre honneur à Dieu, & le propre office à Iesus Christ, ils le font sous ombre de religion & de sainteté Chrestienne. Touchant les autres meschantes & abominables prouinces de ce royaume tant execrable, & les gabelles, impositions, vilenies & malheureuses extorsions qui sont là mises & faites ordinairement, & sur tout le passage nommé Purgatoire, ie n'en veux point icy parler autrement. Car puis qu'elles n'ont aucune subsistence, fondement, apparence, ny mesmes seulement le nom prins des saintes Escritures, elles deuoyent ce me semble, bien aisément estre cogneues & iugées d'un chacun pour fausses & de meschant alioy. Combien que le diable d'autant plus qu'il voit qu'elles sont nues & descouuertes: & comme la lie, ou chiasse pourrie de son faux metal, tant plus il s'efforce de les mieux couvrir, desguiser & leur donner couleur plus viue, & plus beau lustre, afin que non seulement leur fausseté, & la

tromperie



tromperie qui y est cachée ne soit point comprin  
se ny entendue : mais plustost que par la bonté ap  
parente elles soyent estimées trop meilleures que  
les autres.

B E R. O que vous dites bien la verité Paul amy !  
Car qui est cestuy la qui ne pense que la Moine-  
rie detestable, le seruice superstitieux des saincts  
Papistiques, la Messe detestable & pleine d'idola-  
trie & sacrilege diabolique, & autres semblables  
abominations ne soyent choses les plus parfaites  
& sainctes qu'on puisse trouuer en tout le mon-  
de ? O pources miserables gens plus aueugles que  
taulpes !

P A V L. Il reste encores vne autre chose de gran  
de importance qu'il faut icy bien noter, touchant  
l'estat vniuersel de tout ce royaume infernal : c'est  
à sauoir, que le diable ayant dressé & establi son  
dit royaume par le moyen du Pape & des Papi-  
stes, & le gouernant par eux mesmes, non point  
à autre fin que pour conduire avec luy les pources  
gens à damnation eternelle : neâtmoins fait acroi-  
re faussement au monde, que par les voyes & sen-  
tiers d'iceluy on paruient au port de la iustifica-  
tion, à la remissio des pechez, & au Royaume des  
cieux : qui est vn mensonge si plein d'impieté, &  
vn blaspheme tant horrible, que les oreilles hu-  
maines ne le deuoyent point endurer, ne l'ouir  
seulement. Car si Dieu n'a point voulu qu'on  
puisse paruenir en tels lieux par les chemins  
de son sainct royaume des oeures vrayement  
Bonnes, sachant bien qu'on ne peut passer  
par iceux, sans faillir à faire ce qu'on est tenu  
& obligé : combien moins voudra il qu'on

y peusse aller par les voyes du royaume feint & masqué des fausses Bonnes œuvres de Satan? les quelles ne sont rien autre que meschans fruiçts de mauuais arbres. Il n'y a qu'un seul chemin pour y aller, c'est son propre Fils Iesus Christ: & si un tel chemin n'est pas ouuert à tous: mais seulement ceux qu'il a eleuz en son Fils, voire auant la constitution du monde. Tellement Bertaut, que ie pense que tu peux à ceste heure cognoistre pleinement l'alchimie feinte & apparente du diable

BERT. Il me semble que ie l'ay desia cognue en sorte que Satan ne pourra plus en cest endroit me tromper ny abuser si vilainement, quand encore il auroit donné l'anneau de Gigès à ses ministres & supposts. Mais il faut Paul mon amy, que ie vous die qu'il m'est icy tombé en l'esprit ie ne say quoy, qui me fait aucunement douter de vostre dernier propos, auquel vous auez dit, q Dieu ne veut point qu'on puisse arriuer au port de la iustification, à la remission des pechez & au Royaume des cieux par le chemin de son saint royaume des œuvres vraiment bones: mais seulement par Iesus Christ son Fils. Et ne nous montre il pas luy mesmes, qui est la bouche de Dieu & la verité infallible, qu'on y peut fort bien aller, quand il dit qu'au iour du iugement il dira aux bienheureux de son Pere, qu'ils possèdent le Royaume qui leur a esté préparé dès la constitution du monde: pource qu'ils ont cheminé par les voyes de cest autre sien royaume des Bonnes œuvres? Et puis vous mesmes Paul, n'avez vous pas dit aussi en escriuant à nous autres Romains, que Dieu rendra à vn chacun selon ses œuvres? Et que ceux la qui

font

Matth. 25.

Rom. 2

font la Loy & l'exprimét par effect, soyent iustificiez? Et qui plus est, ne trouués nous pas aux saintes Escriptions outre celavne autre voye encores pour y aller, à sauoir la sainte Foy espouse de Iesus Christ? Vn chacun de nous peut fort aisément voir, que Iesus Christ mesmes a dit mille fois en l'Euangile, que la Foy est celle qui nous sauue. Dauantage Pierre que voicy, n'a il pas dit semblablement que c'est la Foy qui purifie noz cœurs? Finalement vous mesmes Paul, en cent passages de voz Epistres vous auez escrit q' c'est la Foy qui nous iustifie. Cóment donques pourra demeurer ferme cela que vous auez dit nagueres, qu'il n'y a point d'autre chemin que le seul Iesus Christ, si & par vous mesmes & par Iesus Christ aussi nous en trouuons icy desia deux autres?

P A V L. Ie suis tresaise Bertaut, & me plaist bié que vous cherchez d'estre resolu de cela dont vous doutez: & vous prie qu'encores à l'aduenir vous en faciez ainsi. Or combien que ie pourroye en cest endroit respondre & satisfaire à vne telle doute en plusieurs manieres: neátmoins ie veux briuement vous reciter ce qu'une fois en respondit vn citoyen de Venise à quelques siens amis, lesquels estans en féblable doute touchât ce poinct, l'en interroguerent. Car ie suis certain que vous ferez entierement satisfait & contenté de telle response.

B E R T. Ouy Paul mon amy, ie vous en prie bié fort, voire d'autant plus que vous mesmes voyez que ceste doute semble aujourdhuy tomber en l'esprit de plusieurs.

P A V L. Soyez certain que vous entendrez ai-

fémét le tout. Ie dy dóc qu'au téps que le cardin  
Euieti demeuroit à Venise, avec sa troupe & e  
colé de petis vilains & difformes hypocrites, ta  
chant de pescher & acquerir credit enuers le Pa  
pe, comme à la fin aussi il fit, lors ie me del  
beray apres auoir entendu quelques nouuelles d  
ce nouveau Pharisaïsme qu'il auoit là institué, &  
vouloir voir si les tromperies & menées qu'il fa  
soit, & dont il se seruoit en ceste hypocrisie, e  
stoyent point semblables aux abus & finesses ca  
teleuses des Pharisiens, du nombre desquels i'a  
uoye esté autrefois, & ainsi m'en estat allé à Ve  
nise, ie trouuay & cogneu qu'ils estoyent tro  
plus meschans & plus desbordez en toute impie  
té, que n'auoyent iamais esté ceux du temps pa  
sé qui estoyent entre les Iuifs. Mais laissons-la ce  
ste vilaine & puante ordure, & venons à nostr  
propos. Ie dy qu'apres que i'eue demeuré quelqu  
téps en ladite ville de Venise, ie m'en allay en l  
maison d'un de mes amis & familiers, qui est v  
homme vraiment Chrestien, simple, entier, &  
blanc comme vn lis: & là dedans ie trouuay quel  
ques autres fideles & gens de bien, qui deuisoient  
avec luy des poincts de la religion. Et ayant esté  
là receu treshumainement de tous, ie les priay qu  
ils ne rompissent point leurs propos à cause de m  
venue: d'autant qu'il n'y a chose en tout le mon  
de que i'escoute plus volontiers, que quand on  
deuise & parle de Iesus Christ. Parquoy con  
tinuans leur propos entamé, il aduint qu'entre  
tant de diuerses choses dont ils conferoyent en  
semble

semble, quelques vns de la compagnie proposerent & remirent en auant ceste mesme question & doute, que maintenant vous proposez Bertaut. Là ce mien amy vouloit à toute force que ie fusse celuy qui en deust donner vne claire & certaine resolution: mais ne voulant point accepter ceste charge pour plusieurs occasions honnestes, il fut contraint par tous les autres, voire honnestement & avec modestie, de l'accepter. Vray est qu'il s'efforça premiere-ment par plusieurs raisons de s'en excuser: mais à la fin voyant que ses excuses ne luy ser-uoient de rien, il commença à parler en ceste sorte: Puis qu'ainsi vous plaist à tous, que ie donne la resolution de ceste question & doute, encores que ie soye beaucoup moins instruit aux saintes Escritures, que vous autres, ie feray briefuement ce discours, & vous diray en peu de paroles quelle est mon opinion touchant ceste difficulté icy. Je ne doute point que Iesus Christ seul ne soit la seule voye & chemin pour aller au royaume celeste: & si suis tres-certain & asseuré que iamais il n'y en eut d'autre, & n'y en aura iamais au monde, que luy seul. Et ce qui me fait croire indubitablement cela, est que luy mesme qui ne peut mentir, le tesmoigne disant, Je suis la voye, la verité, & la vie. Nul ne vient au Pere sinon par moy. Iean 14 Dauantage saint Pierre dit, qu'il n'y a point Act 2 d'autre nom sous le ciel donné aux hommes, que celuy de Iesus Christ, pour nous sauuer.



Ephes.

2. Corinth.

Après (disoit il) nostre bon amy Paul que voicy  
 escrit aussi aux Ephesiens, que nous sommes  
 leuz & choisis de Dieu eternellement en Iesu  
 Christ. Et à ceux de Corinthe il dit, que Iesu  
 Christ nous est fait par le mesme Dieu iustice, sa  
 ctification & redemptiō. Ce seroit vne chose fort  
 longue de vouloir icy reciter (disoit cestuy la)  
 tous les passages de la sainte Escriture, qui  
 pourroyent alleguer, & qui sont à ce propos: d'a  
 tant que quasi toute la sainte Escriture en diuer  
 ses manieres contient cecy mesme, & semble  
 voir qu'elle ait esté donnée de Dieu principale  
 ment pour nous le tesmoigner. Et de faict s'il y a  
 uoit vne autre voye pour nous sauuer que cest  
 cy, Iesus Christ mesmes seroit mort pour neant.  
 Or quant à ce qui vous esmeut & incite vous au  
 tres de penser autrement, pource que la mesme  
 Escriture sainte afferme aussi que nous auons  
 encores deux autres voyes qui nous guident &  
 adressent au salut eternal, à sauoir la sainte Foy  
 & le royaume des vrayement Bonnes œuures, i  
 dy en premier lieu, que tout ce qu'affirme la sai  
 nte Escriture est tresvray & certain: & n'y a en  
 celle & si ne peut y auoir aucune contradiction  
 moyennant que nous entendions bien les choses  
 qui y sont contenues, comme elles doyuent estre  
 entendues. Et puis ie dy dauantage, que ces affir  
 mations qu'elle fait, qui vous semblent estre con  
 trairees, vous verrez à la fin, selon mon opiniō, qu  
 elles ne sont point contraires, quand ie vous expo  
 seray la façon de parler du saint Esprit en cho  
 ses semblables: c'est à sauoir, que la sainte Escri  
 ture en d'aucuns lieux parle proprement, & au  
 autres

autres improprement: tant y a neantmoins qu'en tous elle parle tresveritablement. La sainte Es-  
criture parle proprement ( afin que ie vous alle-  
gue quelques exemples , pour vous mieux esclar-  
cir le tout)quád elle dit que Dieu est Esprit, pour- Ican 4.  
ce qu'il est tel selon sa nature. Improprement,  
quand elle luy attribue vn corps, des membres &  
l'usage d'iceux à la façon de l'homme: ainsi qu'on Ioel 3.  
voit qu'elle fait en plusieurs passages. Elle parle  
proprement, quand elle dit que le Seigneur Dieu Rom. 11.  
est immuable, pourautant qu'il est tel de sa natu-  
re: improprement, quád il nous semble qu'elle fait  
que Dieu soit muable : comme quád elle dit, qu'il  
se repétit d'auoir fait l'hóme: & en vn autre lieu, Genese. 6.  
qu'il se repentit d'auoir constitué Saul pour Roy. 1. Rois 15.  
Elle parle proprement aussi, quand elle dit que  
Dieu est en tous lieux, à cause que cela est conue-  
nable à sa nature, pour la conseruation & entre-  
tenement de toutes les choses creées: combié que  
puis apres il soit particulièrement aux cœurs de  
ses fideles par vn effect special de sanctification.  
Improprement, quand elle dit, que Dieu descen-  
dit pour voir la tour de Babel.

BERTAVT. Paul, il me vient de souuenir  
maintenant d'une autre chose que ie vous veux  
demander: mais ie ne veux pas pour cela inter-  
rompre à ceste heure vostre propos: quand vous  
aurez paracheué ce que vous auez encommencé,  
ie vous en pourray paraduventure bien dire quel-  
que mot.

PAVL. C'est tresbien dit, si vous m'en parlez  
ie vous respondray bien volontiers. Or pour  
retourner à nostre propos, ces façons de parler

impropres(disoit ce mien amy)& autres sembla-  
bles,comme on en trouue plusieurs és sainctes Es-  
critures, ne sont point cōtraires à celles qui sont  
propres:& sont encores beaucoup moins fausses  
en soy mesmes,mais plustost elles sont tresvrayes  
& certaines. Or il a ainsi pleu au Pere eternel &  
celeste, d'accommoder son parler à nostre intelli-  
gence & capacité, afin qu'en cest endroit aussi  
nous recognoissions & rendions graces à sa bōté  
infinie, laquelle ne dedaigne point de parler de  
soy mesmes & des choses qui luy appartiennent,  
en s'abbaisant iusques tant & plus. Car elle fait  
tresbien que nostre nature n'est pas capable de  
les entendre autrement. En ceste sorte ie dy aussi  
touchant la voye pour aller au Royaume celeste:  
quand l'Escripture saincte dit que Iesus Christ est  
la voye pour y aller, elle vse de son parler qui est  
propre. Puis apres quand elle dit, que la saincte  
foy aussi & le royaume des vrayement Bonnes  
œuvres sont voyes pour y aller, il n'y a point de  
doute qu'elle n' vse de son parler impropre. La  
saincte foy que Dieu par sa seule bonté nous en-  
uoye, illumine noz cœurs, nous donne ferme &  
entieré cognoissance du bon vouloir & affection  
singuliere de Dieu enuers nous:elle mesmes nous  
conduit à son espoux Iesus Christ:& nous fait em-  
brasser la misericorde de Dieu en son espoux;  
nous montrant par les promesses de Dieu, que c'  
est luy seul qui est la voye par laquelle nous al-  
lons en Paradis, que c'est luy seul qui est la veri-  
té, à laquelle nous devons croire indubitable-  
ment: que c'est luy seul qui est la vie, à laquelle  
par la seule grace de Dieu nous sommes eleuz &  
choisis

choisis eternellement , pour viure estans les bien aimez à iamais. Le royaume des vrayement Bonnes œuures est vn lieu que nostre Seigneur par sa misericorde nous a deputé & ordonné, ou la sainte foy mesme (puis q par son moyē nous sommes arriuez à Iesus Christ) nous conduit & guide, afin qu'estans audit lieu nous nous exercions à faire bien à noz prochains, & à combatre & mortifier les concupiscences de nostre chair : & ainsi que nous monstriers au monde que ceste mesme foy, laquelle nous fait besongner à la gloire de Dieu, est celle semblablement qui nous rend certains & assurez que Iesus Christ seul est nostre salut. De là ie conclu, puis qu'il est ainsi que ce n'est point le propre office de la foy ny des bonnes œuures de iustifier, de remettre le peché & de sauuer, mais seulement appartient à Iesus Christ ie conclu & dy, que quand la sainte Escriture attribue tels effects à la foy, ou bien aux bonnes œuures susdites, elle parle improprement, donnant aux signes, qui sont purs dons & graces de Dieu, ce qui est proprement de la chose signifiée : pource que la sainte foy embrassant la promesse de Dieu en Iesus Christ, seulement nous signifie, nous remonstre, & avec l'arre & gage du saint Esprit nous fait certains, comme nous sommes eleuz & choisis de Dieu eternellement en Iesus Christ, qu'aussi nous deuons estre sauuez eternellement par Iesus Christ. Puis les bonnes œuures par lesquelles nous cheminons, doyuent rendre tesmoignage au monde, que nous ensuyuons ceste sainte foy, laquelle



nous guide & amene à Iesus Christ. Mais le mesme Iesus Christ est cestuy la seul , lequel proprement nous sauue . Alors l'vn des freres qui estoient là presens, se tournant vers moy me dit, Si cela est vray Paul , que nous soyons eleuz & aimez en Iesus Christ dès deuant la constitution du monde, comment demeurera ferme cela que vous dites , que nous sômes tous de nature enfâs d'ire? & que sans foy il est impossible de plaire à Dieu? Ie luy respondy, qu'il n'y auoit aucune contradiction en cest endroit : d'autant que combien que nous , selon la nature peruerse & corrompue en Adam, soyons enfans d'ire : neantmoins selon la grace de la predestination & ordonnance Diuine, nous estions tousiours agreables & aimez de Dieu en Iesus Christ : comme i'ay dit escriuant à vous autres Romains, que Dieu monstre & desploye sa charité enuers nous, à cause que lors que nous estions encores pecheurs , Iesus Christ est mort pour nous. Ceste charité de Dieu est la charité de son election: tellemēt que l'ire de Dieu est contre le vice de la nature , & non pas contre la personne des eleuz. De ce nous auons l'exemple en Adam, en Dauid, en S. Pierre, en moy : brief en tous ceux qui sont escrits au liure de vie, dont les pechez & les fautes & iniquitez de leur vieil hōme ont esté desplaisantes & hayes de Dieu : mais leurs personnes ont esté aimées en Iesus Christ deuant la constitution du mode. Puis apres ie luy dy, que là ou il est escrit que sans Foy il est impossible de plaire à Dieu , ne s'entend autre chose, sinon qu'on ne peut sauoir ny estre certain & asseuré de plaire à Dieu par Iesus Christ , sans la foy:  
attendu



attendu que le premier & principal office de la foy est de donner la cognoissance & certitude de ce à quoy elle est donnée de Dieu: & le second, de manifester au monde telle cognoissance & certitude par les bonnes œuvres, qui sont les fruits & effets de ladite foy. Je luy dy dauantage, qu'ain si deuoyent semblablement estre entendus plusieurs autres passages en mes Epistres, ou ie parle de la sainte foy. Quand cestuy cy fut satisfait; ce mien amy adiousta briuelement quelques autres paroles, disant qu'une semblable façon de parler, propre & impropre, se trouuoit aussi bien souuent aux propos de Iesus Christ, comme quād il dit, Je suis la clarté du monde: c'est vne façon de parler qui est propre. Car de faict il est ainsi que Iesus Christ est le seul soleil de iustice, lequel illumine vrayement le monde. Puis quand il dit à ses disciples, Vous estes la clarté du monde: c'est vne maniere de parler impropre, d'autant qu'ils ne sont point la clarté d'eux mesmes, mais en nostre Seigneur. Et puis quand il dit à ses Apostres, Preschez la repentance & la remission des pechez en mon nom, il parle fort proprement. Car c'est luy seul, auquel tous les Prophetes rendent témoignage, que quiconque croira en luy, receura par son nom la remission des pechez. Outreplus quand il dit aux Apostres mesmes, A tous ceux que vous remettrez les pechez, ils leur seront remis: il parle improprement, attribuāt aux Apostres ce qui luy est propre: d'autant que les Apostres ne sont que Ministres & messagers de la remission des pechez, laquelle se fait proprement par Iesus Christ seul à ceux qui croient en luy. Et icy ce

Ican 8.

Matth 51

Luc 24.

Actes 10.

Ican 20.

mien amy paracheua & mit fin à ce propos tant gracieux : & lors vn chacun demeura content & satisfait d'une telle resolution & si excellente & parfaite: comme ie pense que vous aussi Bertaut, maintenant en deuez estre content & satisfait.

BERTAUT. Ouy Paul, ie vous respon que i'en suis bien fort content & satisfait : & croy que ce Venitien la est vn homme qui entend bien la verité.

PAUL. Il est ainsi Bertaut mon amy: vous pouuez iuger du lion par les ongles, comme on dit. Mais qu'est ce que vous disiez nagueres que vous me vouliez demander?

BERTAUT. Je le vous diray Paul, i'ay souuent ouy dire à plusieurs Papistes, que nous sommes tenus & obligez d'observer les statuts & ordonnances, selon lesquelles leur royaume des Bonnes œuvres est gouuerné, & pour plusieurs esgards & raisons: mais principalement de peur de donner scandale au prochain: ce qui se fait sans doute, quand nous ne les observons pas. Je n'enten point bien comment ils entendent ce scandale. Puis que nous sommes obligez de seruir à nostre prochain en tout ce que nous pouuons, ie ne le voudroye point quelque fois offenser en cela, voire ne le sachant point, & sans y penser. Qu'en dites vous Paul?

PAUL. Je dy Bertaut mon amy, que tout ce que les Papistes ont dit & iasé, touchant le scandale, ne conuient gueres bien avec le scandale duquel il est parlé en la sainte Escriture. Et afin que vous puissiez mieux entendre ce que ie veux dire de cecy, ie vous ameneray icy premièrement

ment & toucheray en brief quelques choses de la liberté Chrestienne: puis apres ie vous declareray quelle est mon opinion, non pas quant à tout scandale: mais touchant ceste premiere & principale espece, laquelle aduient és choses appartenantes à la foy Chrestienne. Pensez doncques diligemment à mon dire. Entre les dons, graces & benefices infinis & incompréhensibles conferez par Iesus Christ à ses fideles, cestuy là sans doute est l'un des plus singuliers, à sauoir qu'il a deliuré leurs consciences du ioug & seruitude de la Loy: tellement que comme ils ne cherchent point la fiance & asseurance de leur iustification & salut deuant Dieu par les œuvres de la Loy: aussi semblablement ne craignent ils point d'estre condamnez de ladite Loy, pour ne l'auoir pas entierement obseruée: mais plustost estans deliurez & affranchis d'icelle, volontairement & de leur bon gré obeissent au vouloir de Dieu, estans certains & asseurez aussi, que leurs œuvres, quelques imparfaites qu'elles soyent, sont plaisantes à Dieu par Iesus Christ: lequel non seulement a obserué parfaitement la Loy pour ses fideles, mais il a aussi merité qu'ils soyent faits enfans adoptifs du Pere eternel: & faits ses freres bié aimez, & coheritiers de tous les biés eternels, ils ne craignēt plus d'vser libremēt & indifferement des viâdes, habillemēs, iours, ceremonies & de toutes les autres creatures de Dieu, cōme vrais dōs d'iceluy, avec vne attrēpance moderée, & avec action de graces, en la maniere qu'il veut & commande qu'on en vse: ou bien qu'on n'en vse pas, quād on iugera qu'il est expediēt d'ainsi faire

à cause du prochain. Toutesfois d'autant que tous ceux qui sont tirez de Dieu ne cognoissent pas du premier coup ce benefice spirituel, à sauoir qu'ils sont en tout & par tout deliurez de la Loy: nostre Seigneur IesusChrist veut que ceux la ausquels la pleine cognoissance & entiere de telle chose est donnée, ayent vn grád esgard à ceux qui sont encores infirmes & foibles en la foy, qu'ils ne les scandalisent point par l'abus de leur liberté, la tirans & destournans de l'esprit à la chair: ou bien du regne interieur des consciences (dedans lesquelles seules elle doit regner) au regne exterieur des corps, avec lesquels elle ne se doit aucunement empescher: pustoit elle les doit laisser du tout suiets à la police mondaine & gouuernement exterieur. Mais pource que i'ay amplement parlé de cecy en plusieurs passages de mes Epistres, ie ne veux point icy estre plus long sur ce propos. Je diray seulement selon ce que i'en puis iuger, que vous pouuez à ceste heure cognoistre de vous mesmes, que c'est de scandale, lequel n'est autre chose qu'une offense dont l'esprit & entendement du frere infirme est troublé, iugeât qu'on a dit ou fait quelque chose cõtre la Loy, de laquelle il ne se cognoist point encores deliuré. Je ne dy mot icy de la distinction qu'on fait du scandale actif, & du scandale passif: ou bien du scandale donné, & du scandale prins. Car ie ne veux point estre long en choses communes & manifestes à vn chacun: mais ie veux seulement que nous voyons quelle cõparaison & cõformité il y a entre le scádale Papistiq, & celui de la S,Escriture.

Ie dy

Ie dy en premier lieu que le scandale duquel il est parlé és sainctes Escritures, ne veut poit que nous offensions les infirmes qui sont fideles, comme Iesus Christ nous enseigne quand il dit, Quiconques scandalisera l'un de ces petits qui croient en moy. Apres il ne veut point aussi que nous les offensions par la transgression des commandemens qui sont en la Loy de Dieu. Car il n'y a point de doute que Iesus Christ & les Apostres ne parlassent des transgressions de la Loy qui estoit de leur temps. Mais le scandale Papistique veut que nous n'offensions point les Chrestiens Papistes, lesquels non seulement ne sont pas fideles, mais aussi ne sauent point que c'est de la foy de Iesus Christ. Puis il ne veut point que nous les offensions par la transgression de ces commandemens, qui sont en la loy du Pape, de laquelle dependent les statuts de son royaume des Bonnes œuvres. Vous pouuez facilement voir comment ces choses conuiennent fort bien ensemble. En sōme ie veux dire que les choses desquelles la transgression de nostre temps donnoit scandale aux infirmes en la foy, auoyent eu par commandement ou par defense la parole de Dieu pour leur confirmation. Or celles qui semblent maintenant dōner scandale, non seulement iamais n'ont eu la parole de Dieu pour leur confirmation, mais plustost ont esté tousiours en foy mesme contraires à la parole de Dieu, & sont trop plus meschantes que n'estoyent les traditions Pharisaïques. Et pourautant ie dy, puis qu'il a esté licite par la concession & permission de Iesus Christ, de transgresser & enfreindre lescdites traditions Pharisaï-



ques sans aucun esgard de scandale quelconque, qu'il seroit beaucoup plus loisible pour le presët de transgresser & violer les constitutions diaboliques & infernales du Pape, sans esgard d'aucun scâdale. Mais ie diray encore plus, que tout aîsi q̃ là ou le precepte Diuin commâde quelque chose, nous ne deuons point laisser de le faire, pour occasion ny crainte de quelque scâdale qu'on voudra, à cause que la charité n'est pas moins subiette à la foy, qu'est la liberté à la charité: qu'aussi semblablement là ou le precepte diabolique commande quelque chose contre Dieu, nous ne la deuons point faire pour euitier le scandale: d'autant qu'on doit fuir & euitier le scandale en choses indifferentes. Ce qui ne peut auoir lieu és preceptes & ordonnances du Pape, qui veut q̃ ses loix & statuts soyent necessaires. Finalemēt quât aux autres manieres de scandale qui peuuent aduenir en la vraye Chrestienté, non seulement touchant les choses indifferentes telles qu'on voudra, mais aussi touchant les choses faictes legerement, ou avec dissolution, ou temerairement, ou desordonnement, ie dy que la liberté du frere Chrestien est obligée & redeuable de seruir à la charité, & n'offenser point son frere infirme, pour lequel Iesus Christ est mort: mais de condescendre à l'infirmité & foiblesse d'iceluy, iusques à tant qu'il ait aussi gagné ce poinct, de cognoistre le don & biē excellent de la liberté Chrestienne.

BERT. Vous auez icy Paul, assez parlé de scandale. Et ie cōmence semblablement en cest endroit à voir plus clair que par cy deuant ie ne faisoie. Mais il y a vne autre doute qui me reste encores  
en

en l'esprit, de ce q̄ nostre Venitié parlât de la foy  
dict, que c'est elle qui nous donne ferme certitu  
le & assurance, que nous sommes eleus de Dieu  
ternellemēt en Iesus Christ, pour estre à iamais  
auuez en luy, & bien-heureux. S'il est ainsi, com  
ment demeurera ferme ce que dit l'Ecclesiaste, q̄  
nul ne fait s'il est digne de hayne ou d'amour?

A V L. Je vous respon Bertaut, en premier lieu  
que cela est tresueritable, que l'election eternelle  
le Dieu en Iesus Christ est la cause vnique & seu  
e de salut aux pures & miserables hommes mor  
els, & que la foy est celle laquelle embrassant la  
misericorde de Dieu en Iesus Christ, avec le tes  
noignage du S. Esprit en leurs cœurs, les red cer  
ains, & les assure qu'il est ainsi: & vous dy enco  
e plus, que si quelcun vouloit vous oster, & arra  
her ceste certitude la, & vous faire douter de vo  
tre salut, ce seroit autāt q̄ s'il taschoit de vous fai  
e infidele, & vous destourner de croire en Iesus  
Christ. Et mesme il feroit (entāt qu'en luy feroit)  
Dieu menteur & trompeur, auquel & non pas en  
vous est fondée l'assurāce & certitude de vostre  
oy. Dauantage, quant à ce qui est escrit en l'Ec  
lesiaste, ie dy qu'ayant esté mal traduit, & beau  
oup pirement entendu de plusieurs, ce n'est point  
e merueilles s'il a quant & quant engendré er  
eur en leurs esprits, & s'ils se sont si lourdemēt a  
usez. La vraye traduction de l'Hebrieu dés le  
commencement du chapitre, est telle: l'ay re  
uiēt & rapporté toutes ces choses au iuge  
ment de mon esprit, & afin que ie discernasse  
lairement toutes ces choses, que les iustes

& les sages, & leurs seruiteurs sont en la main de Dieu : & pareillement que l'homme ne fait pas l'amour & la hayne : mais que toute chose est mise deuant Dieu. Icy est la fin du passage que vous auez allegué fort different & dissemblable, comme vous voyez, de la vieille traduction. Or d'autant qu'en ce passage il est parlé des choses qui sont sous le Soleil, le sens est tel pour certain, auoir premierement que tous les hommes sont en la main de Dieu, c'est à dire en la charge, soing, & gouuernement d'iceluy : apres que ce n'est pas l'homme, mais Dieu mesmes qui fait quelles choses doyuent estre aymées comme bonnes: ou bie qui doyuent estre hayes comme meschantes: afin que nous soubmettions en tout & par tout nostre iugement à la sagesse de Dieu, tellemēt que vous pouuez aisément voir, qu'icy il n'est fait aucune mention de sauoir ou non sauoir la hayne & l'amour de Dieu enuers nous : & puis vous pouuez aussi cognoistre combié de mal apporte auue soy l'ignorance des saintes Escritures.

BERT. Le Seigneur Dieu soit loué, de ce qu'une fois i'ay entendu la vraye traduction & exposition de ce passage de l'Escriture, duquel le diable & ses membres & supposts se seruent pour faire desesperer les pources & miserables personnes, & pour leur faire perdre & arracher du cœur la foy de Iesus Christ. Mais pour oster & deliurer en cest endroit mon esprit de tous empeschemens trouble & different, ie voudroye bien volontier sauoir encores de vous Paul, quelle est la cause de ceste election, & comme elle estant de toute eternité cachée en Dieu, ne venos à la cognoistre

z auoir ceste certitude d'estre des esleus de Dieu.  
PAUL. Bertault, Je le vous exposeray briue-  
ment. Je dy donc en premier lieu que le seul bon  
laisir de la volonté & misericorde gratuite de  
Dieu par Iesus Christ, sans aucun esgard ny consi-  
deration d'œuvres quelconques ny presentes ny  
venir, est cause de l'election diuine, comme en  
beaucoup de lieux de mes Epistres i'ay apertemēt  
scrit: & puis ie dy que nous ne pouuons cognoi-  
re ceste election dedans le profond abyssme de  
la sagesse de Dieu: mais que le moyen de la co-  
gnostre nous est ordinairement donné de Dieu en  
ses saintes Escritures: comme i'ay desia escrit  
autresfois à vous autres Romains, que les esleus  
predestinez, ou bien ordonnez au parauant de  
Dieu à salut en Iesus Christ (qui est tout vn) sont  
appelez de luy par la vocatiō interieure du saint  
Esprit, & par l'exterieure de sa sainte parole: &  
ceux qui sont appelez, sont aussi iustifiez, &  
ceux qui sont iustifiez, seront semblablement glo-  
rifiez: de sorte que quiconque se sent & interieu-  
remēt & exterieuremēt estre appelé de Dieu, &  
croit fermemēt qu'il est deliuré de la dānatiō eter-  
nelle, & iustifié deuāt Dieu par Iesus Christ seul,  
a en soy mesmes des signes trescertains par les-  
quels il peut cognoistre qu'il est esleu & choisi de  
Dieu à l'eternelle glorificatiō en Iesus Christ: n'e-  
st point en soy-mesmes capable d'une si grāde ex-  
cellence. Et ainsi il tient Iesus Christ comme vn  
uiroir deuant ses yeux: dedans lequel il voit con-  
tinuellement sa propre election.

ERT. Paul, ce que vous dites me plaist bien  
fort, & croy fermement que cest chose tresueri-



table. Mais en quelle forte puis apres deuons nous entendre cela que dit Iesus Christ, que plusieurs sont appelez, & peu eleus?

P A V L. Voila Bertaut, commét il se doit entendre. Dieu appelle les personnes en deux manieres. Il y a vne vocation vniuerselle ou generale, par laquelle le Seigneur Dieu moyennant la predication exterieure de sa parole conuie à foy vn chacun, voire mesme ceux auxquels il l'a proposée pour leur condamnation. Il y en a puis apres vne autre speciale, nommée Vocation selonc le propos de Dieu par laquelle moyennant l'illumination interieure de son Esprit, il fait que la parole preschée s'arreste & demeure dedans le cœur, & qu'elle est clairement entendue & fidelement receue: tout ainsi que nous voyons semblablement deux sortes de volonté en Dieu, l'une preschée & reuelée en l'Escripture sainte, l'autre qui ne peut estre entendue ny cogneue de nous, par laquelle il fait ce qu'il veut & au ciel & en la terre.

B E R T. On ne pourroit dire quel plaisir j'en prens de ce que mes doutes me sont esclarcies, que j'ay cogneu le vray fondement de mon salut.

P A V L. Ce n'est pas assez de le cognoistre: mais il faut tascher d'estre edifié & basti dessus, & croistre en augmentant tousiours à Dieu. Ce qui ne pouuant estre fait aux enfers & abysses demeurez, ie vous exhorte de vous en depestrer, & sortir dehors plustost aujourd'hui que demain: autāt qu'en la fin tous ceux là se trouuent abusés & deceus, lesquels pensēt auoir là vn Iesus Christ mondain, ou vn monde Chrestien.

B E R T. Ie m'en veux aller tout à ceste heure à la Cour, & là prendre les instrumens de mon a-



& ne me verra-on iamais en semblables lieux.

PAUL. Faites-le Bertaut mon amy . Renoncez, & vous desprifez vous mesmes : & prenez vostre croix, & suyuez en tout & par tout Iesus Christ, là ou vous estes asseuré de ne pouuoir errer . & ne deuez point craindre qu'en le suyuant vous ayez iamais faute de rien qui soit.

BERT. Mais ou vous pourray retrouver? Car ie delibere de sortir avec vous de Rome, & m'en aller ou vous me conseillerez.

PAUL. Nous ne partirós point d'icy pres, & ne bougerons d'icy à l'entour: mais en attendât que vous reueniez, nous nous en irons veoir le palais du Pape, lequel nous n'auons point encores veu sinon par dehors.

BERT. Or bien, de par Dieu soit. Je ne demureray point.

## ACTE V.

### *La premiere Scene.*

Grace iustificante, l'Ange Raphael.

GRACE IUST.

**D**Vis q̄ nous auós si heureusement expédié l'vne des commissiós & charges q̄ nous a baillées & enioinctes nostre Seigneur Dieu, auât que nous mettions la main à l'autre, vous pouuez Raphael, s'il vous plaist, voir si vous trouuerez point Pierre & Paul Apostres, lesquels sont pour ceste heure (comme vous sauez) icy dedans Rome: afin qu'incontinent apres ceste cômision qui sera despeschée en moins de rien, nous puissions partir d'icy de compagnie, suyuant la charge & commandement

qui nous a esté donné.

R A P H A E L. Si le grand tumulte, & effroy, qui s'est eleué maintenant en plusieurs endroits de la ville, à cause de la iuste mort des iniques & cruels Tyrás que vous auez descófitz ne les a fait retirer en quelque lieu secret, il n'y aura point de faute que ie ne les aye bien tost trouuez.

G R A C. Allez donc & le cherchez: & ce pendant que vous ferez là. Ie vous attendray en la maison de nostre bonne amie madame Faustine, qui est icy aupres, comme vous sauez.

R A P H. Ce sera fort bien fait, que vous vous reposiez là quelque peu, ie ne demeureray pas long temps (comme i'espere) sans retourner.

G R A C. Or allez à Dieu.

R A P H A. Il est tout certain que c'a esté vne belle entreprise, d'auoir enuelpé en vne seule rets ou fillé, quatre bestes sauuages si fieres & orgueilleuses. O la sagesse tresparfaite & accóplie & le tresiuste iugement du Seigneur nostre Dieu & comment il fait bien resister aux superbes presomptueux, & outrecuidez! Ceste puâte Vescie & enflée de roy Frác arbitre, qui creuoit d'arrogance diabolique, enséble sa famille, cuidoit bien & ta choit de toucher le ciel avec le doigt: & le voilà maïtenãt descófit & esté du tout mort en terre, comme vn tróc de bois sans teste. Qui est vne punition à la verité cõuenable à son peché & forfait trop plus graue & enorme que celuy du premier Adã. Car Adã voulut pouuoir seulement sauoir le bien & le mal: & cestuy vouloit pouuoir aussi faire & l'vn & l'autre à son plaisir. O presumption & fierté desesperée! ô l'outrecuidance incroyable! Si le  
vou

vouloir de fauoir le bien & le mal de soy estoit  
vouloir se faire egal à Dieu, le vouloir aussi de  
faire de soy le bien & le mal, n'est-ce pas vou-  
loir se faire supérieur à Dieu? Ce fier & pre-  
somp tueux pensément, & ceste volonté tant su-  
perbe est trop plus desplaisante à Dieu tout-puif-  
sant, que toutes les autres iniquitez & meschan-  
chetes du monde: d'autant qu'elle raut, & arra-  
che(autant qu'en elle est) la souveraine, & entie-  
re puissance, la prudence, la bôté & toutes les au-  
tres vertus qui conuiennent & sont propres à  
luy seul. Mais qui sont ceux la qui sortent la  
haut du palais du Pape? Si ie ne me trompe il  
me semble que cesont les Apostres q̃ ie doy cer-  
cher. Sont eux mesmes, il n'y a point de faute. Ie  
les veux attendre icy, puis que ie voy qu'ils s'en  
viennent assez bon train du costé de deçà. Et suis  
tresaise de ce qu'il ne me les faudra poit aller cer-  
cher ailleurs.

*La seconde Scene du cinquieme acte.*

Pierre Apostre, Paul Apostre, l'An-  
ge Raphael.

PIER. Il me souuient Paul, que quand nostre  
maistre Iesus Christ estoit en ce monde, il n'auoit  
point ou reposer son chef: & le Pape demeure icy  
dedans le plus superbe, le plus pompeux, le plus  
propre & aisé palais, que Prince tât mōdain soit-  
il, puisse auoir pour sa demeure. Nostre bon  
maistre en toute humilité & modestie a despri-  
sé les honneurs, les richesses, & le royaume qui

luy fut vne fois présenté: & le Pape en toute hautesse & arrogance possède icy tous les honneurs, toutes les richesses & tous les royaumes du monde qu'il peut subiuguer & mettre sous sa griffe par forces humaines, & en a la possessiō & iouissance soustitre & couverture de mon patrimoine: moy qui iamais n'ay eu autre patrimoine, qu'une petite nacelle & vne rets toute rompue. Nostre Seigneur & maistre cheminoit ordinairement à pieds, allant repaistre çà & là en plusieurs lieux ses brebis de la parole de Dieu: & le Pape se fait icy porter par les hommes dedans vne chaire dorée, non pas pour aller paistre ses brebis, mais pour les aller escorcher toutes viues & deuorer entierement. Nostre Seigneur l'aua les pieds à ses disciples, afin qu'ils apprinsent de luy charité & humilité aussi. Et le Pape se fait baiser icy les pieds, voire sa pantoufle à tous, mesmes iusques aux Princes, Rois & Empereurs, afin qu'ils apprennent de luy toute cruauté & orgueil tout ensemble. Nostre maistre & Seigneur fut couronné d'espines en vitupere & moquerie: & le Pape est icy couronné d'or & de pierres precieuses en gloire mondaine & maiesté de Monarque. Finalement nostre Seigneur & maistre porta la croix tout le temps de sa vie sur ses espaules: & le Pape faisant icy grand' chere vit tresdelicatement, & met la croix sur les espaules d'autrui, ne la voulant toucher luy mesme, non pas seulement du petit doigt. Vous semble-il point aduis que cela soit estre vicaire de Iesus Christ, ainsi que le Pape veut estre

stre tenu & réputé de tous?

PAUL. Pierre mon amy, vous ne deuez point vous esmerueiller de cela. Car comme Iesus Christ a fait en l'autre vie vn paradis celeste pour soy & pour ses esleus, lesquels ont esté conformes à luy aux passions & afflictions de ce monde: auf si le Pape s'est fait en ceste vie vn paradis terrestre pour soy & pour ses creatures, qui sont semblables & conformes à luy aux recreations & plaisirs de ce monde, sachant bien qu'il n'est pas homme pour auoir part ny portion aucune en celuy de Iesus Christ. Mais Pierre, ie vous prie que nous partiós d'icy le plustost que nous pourrons. Vous auez bien entendu la rage & furie qui s'est nagueres esleuée: ie me doute fort qu'il ne soit aduenu quelque grand tumulte & horrible sedition en ceste ville.

PIER. Il fera bon d'attendre nostre frere Ber-  
taut, & puis incontinent qu'il sera arriué, de s'en  
aller tous ensemble. Mais Paul, qui est cestuy-la  
qui s'est ainsi arresté là debout sur ses pieds? Il me  
semble à voir son visage & son accoustrement,  
que c'est vn de nos Citoyens du ciel. Il est ainsi  
pour certain: c'est l'ange Raphael. Il y a quelque  
chose de nouveau.

RAPH. La paix de nostre Dieu soit avec vous  
tressaincts Apostres. I'estoye icy tout prest pour  
vous aller chercher: mais Dieu soit loué de ce que  
ie vous ay maintenant trouuez.

PIER. La paix aussi soit avec vous, Ange de  
Dieu tresheureux. Et quelles bonnes nouuelles  
ie vous prie, nous apportez-vous?



R A P H. Nulles pour ceste heure, sinon que le Seigneur nostre Dieu m'enuoye pour vous dire que vous partiez de ce lieu, pour euites les dangers prochains qui s'apprestent, à cause des grans troubles & tumultes qui se sont eleuez en ceste ville.

P I E R. O bonté de Dieu infinie, & quel soing elle a de nous ! Paul que vous voyez icy, & moy parlions tout à ceste heure de nous en aller de ceste ville pour la mesme cause. Nous attendons seulement quelque homme de bien nostre frere, pour le conduire hors d'icy avec nous. Mais Raphael, ne sauez-vous point quelle est l'occasion de tels troubles & seditions ? Je vous prie nous faire ce bien de le nous raconter si vous le sauez, cependant que nostre frere viendra.

R A P H. Je le vous diray en vn mot, Sachez que tout ce feu, lequel brusle par aduventure plus que vous ne pensez, s'est allumé pour vn cas qui est aduenu au roy Franc arbitre.

P I E R. Et qu'est ce, ie vous prie Raphael, qui luy est aduenu ? Afin que vous l'entendiez, cestuy-la que nous attendons maintenant estoit son seruiteur, combien que nostre amy Paul que voicy, l'a depuis fait seruiteur de Iesus Christ, & s'en est allé à ceste heure au palais dudit Roy pour prendre quelques besognes & hardes qu'il auoit là, & nous a promis de retourner tout incontinent icy à nous.

R A P H. Il pourra donc, quand il sera retourné, vous raconter le cas bien amplement. Mais outre cecy, il y a autre chose qui est d'une grâde importance, pour laquelle le Seigneur Dieu veut q  
vous

vo<sup>r</sup> sortiez hors de ceste malheureuse & abominable cité: assauoir la persecutiō qui se fait maintenant par l'Antechrist, lequel en ce temps regne & domine au mōde plus puissant qu'il ne fut iamais.

PIER. Il n'y a encore gueres que j'y suis entré avec nostre ami Paul: mais il vaudroit beaucoup mieux que ie n'y fusse iamais venu, puis que iē voy que d'icy procede & aduient la ruine de toute la Chrestienté. Mais dites-moy ie vous prie Raphael, par quel moyen vous autres auez entendu & seu au ciel que l'Antechrist regne à ceste heure au monde.

RAPH. Nostre Seigneur Iesus Christ nous l'a manifesté à nous autres ses Anges, & puis il a dit comme il y a desia plusieurs années que cestuy-cy regne au monde: combien que par cy deuant il n'ait point esté cogneu, sinon de bien peu de gens. Or Dieu tout-puissant le veut reueler & decouvrir à plusieurs, & puis apres par l'esprit de sa bouche ainsi peu à peu le tuer & desconfire totalement.

PIER. Et ie vous prie Raphael, nous faire tant de bien, que de nous le donner aussi à cognoistre par quelques signes & marques exterieures qui luy appartiennent: & spécialement nous dire s'il a point d'autre nom que l'Antechrist: pourautant que de là nous pourrons parauenture plus aisément le cognoistre.

RAPH. Je le feray bien volontiers: & pour commencer par son nom, ie dy qu'il est appelé par vn autre nom, qui est le Pape: mais qu'il vous faut entendre que ce nom d'Antechrist ou de Pape, ainsi que vous le voudrez nommer (qui est vne mes-

me chose) n'est pas le nom d'un seul homme particulier : mais qu'il est commun par succession à plusieurs hommes: lesquels l'un apres l'autre sous ce mesme nom suyuent & succedent en un estat, & occupent une seigneurie, de laquelle les loix & ordonnances, le gouvernement & les œuvres, encores qu'elles semblent au monde bien saintes & agreables deuant Dieu : neantmoins sont si meschantes, execrables & pleines d'impieté, qu'elles sont du tout contraires à Iesus Christ en dictes & faicts, & y font aussi repugner & contreuenir tous ceux qui sont suiets à ces hommes la. Et cest Antechrist qui gouerne telle seigneurie, est vicaire & lieutenant du diable en ce monde.

PIER. Le Pape donc, qui est icy dedans Rome, est l'Antechrist.

RAPH. Vous l'entendez fort bien: ainsi nous a-il esté dit au ciel.

PIER. Qui est-ce qui iamais l'eut pensé? Je me persuadoye aisément que le Pape, attendu son orgueil & arrogance diabolique & sa vie abominable, estoit le plus meschant, le plus detestable & le plus malheureux homme qui soit sous le ciel, & qui marche auiourd'hui sus la terre: mais que ce fut l'Antechrist vicaire du diable, ie ne l'eusse iamais creu.

RAPHAEL. On le peut facilement croire, si on considere quel il se fait soy-mesme. C'est une chose certaine qu'il se fait vicaire du Prince du monde. Mais dites moy vous autres Apostres, n'est-il pas escrit en l'Euangile que le diable est le Prince du monde? Qui est ce donc qui peut douter que le Pape estant vicaire du Prince du monde,  
ne

ne soit vicaire du diable? Dauantage, tout ainsi que Iesus Christ est apparu & venu en ce monde pour deslier & destruire les œuvres du diable: aussi le diable mesme a fait apparoir le Pape son vicaire en ce monde, pour deffaire & briser les œuvres de Iesus Christ. Parquoy le Pape cherchant avec grande diligence de pleinement satisfaire aux affections & fantasies de son Prince, ne cesse point continuellement d'estre contraire en tout & par tout à Iesus Christ. Et qu'est-ce autre chose cela sinon estre l'Antechrist?

P I E R. Vous dites la verité Raphael: mais en quel temps commença la seigneurie & domination de cest Antechrist au monde? Le sauez-vous point Ange treffainct?

R A P H A . Quand Satan mit en teste au Pape, & luy donna ce courage & hardiesse de se faire dieu en terre, constituant & forgeant nouveaux articles de foy, nouveaux sacremens, & nouvelles loix, desquelles l'obeissance dône le ciel, & la desobeissance l'enfer, & que ledit Pape moyennant l'aide de Sathan, seut si bien persuader au monde ceste fausseté & menterie, qu'un chacun la creut & receut pour verité & chose certaine: alors l'Antechrist cōmença interieurement de regner aux cœurs des hommes: & exterieurement en la Papauté, qui est son siege fort propre. Mais qui est cestuy-la qui s'en vient à si grand'haste?

P I E R. Si ie ne me trôpe, c'est Bertaut, que nous attendons. C'est luy mesmes, il n'y a point de faute.

R A P H. Or bié au nom de Dieu soit. Vo' autres demeurez icy tous enséble, ie m'en iray vistement



appeler madame Grace iustificante, laquelle m'attend icy pres en la maison d'une femme qui estoit paillarde, & maintenant s'est conuertie & venue à vne vraye repentance & puis nous partirons en bonne compagnie, & sortirons hors de ceste puante Sodome & abominable Gomorre.

P A V L. Raphael, madame Grace iustificante est elle pour ceste heure icy dedans Rome? Et que fait ceste bonne dame en ceste Babylone si confuse & horrible? Il ne m'est point aduis que ce lieu icy soit propre pour elle, & pense à la verité, qu'il y a fort long temps qu'elle n'y fut.

R A P H. Paul, ce que vous pensez est veritable. Mais quand elle sera icy, lors elle vous pourra raconter elle mesme la cause pourquoy elle y est venue.

P A V L. Allez vous en donc Raphael pour luy faire cōpagnie. Nous autres vous attédrons tous deux icy: comme vous avez dit, quil soit fait.

*La troisieme Scene du cinquieme acte*

Bertaut, Paul, Pierre Apostres.

B E R. O comment ce que Dieu enuoye est incōtinent venu! Cependant q'ie me suis seulement nagueres arresté icy à deuiser avec Pierre & Paul Apostres, le roy Frac Arbitre est arriué à vn mauuais port. O combien sont debiles les fondemens des choses humaines. Et ou est maintenant, ie vous prie, la puissance tant desbordée de cest orgueilleux & abominable Tyran? lequel creuoit de fierté & arrogāce diabolique, & se persuadoit d'estre plus que Dieu au monde, disant &

se van.



se vantant avec vne outrecuidance intolerable, qu'il estoit en luy d'accepter & receuoir ou non la grace de Dieu, comme bon luy sembloit, & à son appetit. La grande puissance & infinie de Dieu a neantmoins mis bas & dechassé en la fin ce puissant du siege, comme la bienheureuse mere de Iesus Christ dit en son Cantique. Mais voila les saints Apostres qui m'attendent.

P A V L. Auez vous bien depesché voz affaires Bertaut?

B E R T. I'ay fort bien depesché le tout, graces à Dieu.

P A V L. Nous craignons qu'il ne vous fust aduenu quelque destourbier & empeschement, à cause de ces troubles & tumultes que nous auons entendu estre maintenant en la Cour de celuy qui estoit vostre maistre.

B E R T. Les tumultes sans aucune doute y sont bié fort grans : mais pour cela ie n'ay eu empeschement quelconque.

P A V L. Et qui est la cause de laquelle ces tumultes sont sortis & procédez ? la sauez vous point Bertaut ?

B E R T. Je vous diray la verité. Je me suis entièrement arresté à faire mes besoignes, pour me tât plustost depescher : & ne me suis point soucié beaucoup de chercher autrement l'occasion de ces troubles & fascheries. Vray est qu'en partant de à vn mien amy m'a bien dit, que le Pape avec sa Cour, & messire Clergé avec toute sa Clericature, & spécialement avec l'vniuersité des theologiens Scolastiques & Sorbonistes, des Decretistes ou Canonistes, & des Sophistes ou Sommistes en-

semble auoyent esmeu ce tumulte, & fait cest mutinerie & sedition, pour vn cas aduenu au Roy Franc arbitre, par lequel il doit estre priué & de chassé de sa seigneurie & de son royaume. Mais quoy ny comment cela soit aduenu particuliere ment, ie ne le vous sauroye dire: pource que ie n'ay pas voulu m'amuser pour le demander.

P A V L. Ce sera quelque iugement de Dieu, lequel veut oster ceste masqué & faux visage à ce Roy feint & contrefait, & le punir rigoureusement de ses abus & tromperies, dont il a si long temps enforcélé, voire enyuré le poure & miserable monde. Quoy qu'il en soit, les choses masquées & feintes ne sont point de longue durée. Mais Bertaut mon amy, ne vous souciez: car madame Grace iustificante sera tantost icy avec l'Ange Raphael, puis tout incontinent nous partirons & sortirons hors de ce lieu si abominable & pestilentieux: & laisserons là les morts, afin qu'ils enseuelissent leurs morts. Mais, comme on dit, quand on parle du loup on enuoit la queue: voila là haut ceux dont nous parlions à ceste heure, qui s'en viennent bien à propos. Nous les attendrons icy, comme l'Ange nous a donné charge que nous facions.

*La quatrieme Scene du cinquieme Acte.*

Grace iustificante, l'Ange Raphael.

G R A C E. On peut icy bien aisément voir, Raphael, que la sentence de nostre Seigneur Iesus Christ est tresveritable, c'est que les publicains ou Peagers

Peagers, & les paillardes precedent les Phari-  
 siens au Royaume des cieux. Ceste femme, en la  
 maison de laquelle vous m'avez maintenât trou-  
 uée, estoit la plus abandonnée à tout mal qui fut  
 au monde: mais le Seigneur Dieu luy ayant mon-  
 stré par le moyen de sa Loy, & descouuert ses pe-  
 chez enormes & sa condamnation horrible, elle  
 estoit tellement esperdue & accablée, que si on ne  
 luy eust donné quelque secours d'ailleurs, elle se  
 fust du tout desesperée. Mais ie m'en suis allée  
 vers elle, puis ie luy ay fait cognoistre Iesus  
 Christ son vray Sauueur, & qu'il deliure les hom-  
 mes de leurs pechez, & de leur condamnation auf-  
 si: de sorte qu'elle ayant prinse en soy ceste fiance  
 & certitude assurée, que Iesus Christ est mort  
 pour elle, & que la mort d'iceluy est l'vnique &  
 perpetuelle satisfaction pour ses pechez, & la seu-  
 le reconciliation entre Dieu & elle, maintenant  
 a vne telle paix & contentement en sa conscience  
 enuers le mesme Dieu, qu'elle en iouit continuel-  
 lement, & est toute remplie de liesse & resiouis-  
 sance en nostre Seigneur. Au contraire les Phari-  
 siens, qui ne voyét point leurs pechez ny leur con-  
 dānation, ne veulent aussi voir autre Iesus Christ  
 qui satisface pour eux: & cuidans, voire se persua-  
 dāns estre sains d'eux mesmes, ne cherchent point  
 autre medecin, pour receuoir gairison.

R A P H A. Vous dites la verité ma dame. Et nous  
 autres Anges pareillement sommes trop plus res-  
 iouis d'un pecheur qui par vostre moyen & fa-  
 ueur se conuertit à Dieu, que nous ne sommes pas  
 de nonāteneuf de tels iustes Pharisiens, Mais voila

les saints Apostres qui nous attendent : allons nous en à eux, afin que puis après ie vous puisse conduire & guider tous ensemble, comme Loth hors de Sodome.

*La cinquieme Scene du cinquieme Acte.*

Pierre Apostre, Grace iustificante, Bertaut  
Paul Apostre, l'Ange Raphael.

PIERRE. Dieu soit avec vous, ma dame, & vous maintienne à iamais.

GRACE. Et vous saints Apostres, soyez les bien trouvez. Mais qui est cest autre bon personnage que voilà avec vous?

PIERRE. C'est vn qui suyuoit la cour du roy Franc arbitre, & estoit de ses gens: mais ayant esté depuis bien enseigné & fidelement instruit aux points de la religion Chrestienne, maintenant il ne desire autre chose que d'estre enrollé par vostre moyen avec ceux qui suyuent la Cour de Iesus Christ, & qui sont ses loyaux seruiteurs. N'est il pas ainsi Bertaut?

BERT. Il est ainsi à la verité. Et si ie ne doute point ma dame, que si vous me faites tant de bien que de m'estre le moyen & accès, Iesus Christ ne m'accepte & reçoive des siens.

GRA. C'est mon office de conduire & guider les eleuz de Dieu à Iesus Christ : & pource reposez vous de cela sur moy mô frere, que ie vous respõde & assure que nostre Seigneur Iesus Christ vous accepte & reçoit volontiers au nombre des siens. Et que vous estes heureux d'auoir abandonné la  
Cour

Cour du plus fier, presomptueux, inique & meschant homme de tout le monde: cōbien que pour ceste heure il n'est plus homme, pourautant que Dieu l'a puny comme il merite, & comme il aduiuent à la plus part de ces tyrans malheureux & detestables qui luy ressemblent.

PIER. Et quelle punition ma dame, le Seigneur Dieu a il enuoyé à ce miserable orgueilleux?

GRA. Il luy a enuoyé vne mort conuenante à luy & à ses semblables & complices.

PIERRE. Il est donques mort cest outrecuidé tyran?

GRA. Ouy certainement il est mort, voire aux yeulx de Dieu: encores qu'il semble à voir que par l'astuce & finesse du diable, il soit encores viuāt aux reprocuez.

PIER. Ce n'est donques point de merueilles si pour ceste heure on oyt icy tant de troubles & tumultes. Il n'y a point de doute que la mort de cestuy cy n'en soit cause. Mais dites moy vn peu ma dame, ie vous supplie, par la main de qui est ce qu'il a esté desconfit & mis à mort?

GRA. C'a esté par mes mains. Dieu a voulu qu'insi fust fait. Car il n'y auoit aucune creature en ce monde qui me fust plus contraire ny ennemie que luy & tout son royaume.

PIER. Or le tout soit à l'honneur & louange de nostre Seigneur, lequel fait fort bien en temps & en lieu opportun abbaïsser les orgueilleux & outrecuidez. Mais dites moy, ie vous prie ma dame, comment auez vous fait pour mettre à execution une telle entreprinse?

GRA. Je le vous diray Pierre. Apres que le Sei-



gneur Dieu tout puissant a longuement supporté l'arrogante presumption & fierté de ce malheureux, inique & cruel tyran, lequel sans se corriger aucunement de sa temerité insupportable, parforçoit tous les iours de paroistre & se faire plus grâd, en la fin il m'a enuoyée du ciel en terre me donnant la commission & charge de luy aller baïsser ses crestes, & abbatre ses cornes tant qu'il ie pourroye. Or ce iourd'huy me voyant auoir commodité de ce faire, d'autant que i'ay trouué ce Tyran avec sa femme & sa fille & son maistre d'hostel dedans vne chambre, qui parloyent secrettement entre eux seulement, ie suis entrée en cachettes, & si ay fait avec eux tout ce que fit Iudith avec Holofernes: & puis ie m'en suis diléguement, sans faire bruit, retirée, de sorte que n'ay esté veue de personne quelconque.

PIERRE. O Diuine sagesse! comment elle s'est bien & à bon droict surprendre & tromper les trompeurs, & ceux qui prennent plaisir de faire fraude & circonuenir autrui, ainsi que faisoit ce malheureux trompeur, ce cauteleux abuseur & desguisé pipeur: lequel promettoit de parole franchise & liberté à ses suiets, & puis en effect les faisoit esclaves du diable. Et à la verité madame, vous auez prudemment executé la commission que Dieu vous auoit baillée. Maintenant Bertaut, vous pouuez voir comment nostre amy Paul que voicy a bien predict, que cecy deuoit estre quelque iugement de Dieu.

BERTAUT. Je remercie treshumblement, votre cent millions de fois le Seigneur Dieu, qui m'a deliuré

deliuré des abus & tróperies de ce pipeur. Et pour  
vray ma dame que voicy merite vne couróne hon  
norable, vn triomphe excellent & vne statue im  
mortelle, de ce qu'elle a desconfit & mis à mort  
ce bourreau de tyran.

GRACE. Tout honneur, toute louange & gloi  
re appartient & doit estre rendue au seul Dieu: d'  
autant que luy seul aussi est l'autheur & celuy  
qui fait toutes bonnes œuures. Et devez sauoir  
dauantage Bertaut mon amy, ( puis que i'enten  
qu'on vous appelle ainsi ) que la mort de ce cruel  
tyran aux eleuz de Dieu apporte aussi quant &  
quant avec soy la ruine de son royaume des Bõ  
nes œuures, & de toutes les impositions, gabel  
les & exactions qui estoient mises & imposées  
en iceluy: combien que l'Antechrist cherche par  
tout moyen & industrie, & tasche de tout son  
pouuoir, que toutes ces choses icy qu'il a forgées  
& tirées de la boutique de Satan, soyent con  
seruées & maintenues aux reprouuez, tant qu'il  
regnera en ce monde. Mais quelles besongnes  
ont ce mon frere, que vous auez icy sur voz  
espaules?

BERTAUT. Ce sont les instrumens de mon  
ort: ie les ay tout à ceste heure apportez hors de  
ma maison de ce meschant & abominable tyran  
que i'ay seruy.

GRACE. Ce vous est vne grande peine & fasche  
ie de soustenir ce fardeau sur vostre dos: il vau  
roit mieux, ce me sēble, q̃ vous vous en allissiez  
la porte du peuple, & là descharger dehors ce  
poids, & vous reposer, & nous attendre là nous au-

tres. Car tout incontinent nous nous y en iron apres vous.

PIERRE. Bertaut, le conseil que ma dame vous donne est fort bon. Vous pouuez, s'il vous plaist vous en aller: nous ne demeurerons gueres à vous suyure.

BER. Je feray tout ce qu'il vous plaira me commander, & en cecy & en toute autre chose: d'autant que c'est plus mon profit que le vostre. Je me recommande bien humblement à voz bonnes graces, iusques à ce que vous veniez.

GRA. Allez vous en mō frere: Dieu vous veuille conduire. Au reste, tressaincts Apostres, auant que nous partiōs hors de ceste ville abominable, il faut que i'execute vne autre commision que Dieu m'a baillée: c'est à sauoir que ie face publier icy dedans Rome ceste sentēce qui est dōnée, prononcée & publiée au ciel contre l'Antechrist. Et pourtant ce me feroit vn grād plaisir, si nous aduisiōs ensemble quel moyen sera bon de tenir pour la publier. I'estoye d'opinion, quant à moy, de trouuer vn heraut ou crieur public, & à son drompe de la faire publier au beau milieu de la place: & puis de faire mettre & attacher ces copies de la sentence & arrest par tous les carrefours & lieux publiques de la ville, afin qu'un chacun en fust bien & deuement aduertie. Qu'en dites vous Pierre?

PIER. Je diray franchement mon opinion. En premier lieu ie confesse que c'est bien raison que la volonté & cōmision de nostre Seigneur Dieu soit executée en tout & par tout: & principalement veu que c'est vne sentence donnée contre  
l'Antechrist

l'Antechrist, qui est l'ennemy mortel de Dieu: mais ma dame, quant à ce que vous la voulez faire publier par le moyen d'un heraut ou crieur public, ie pense qu'on n'en trouuera pas un qui vous veuille seruir en cela, pour la crainte du Pape: tellement que selon mon aduis, il seroit meilleur que Raphael que voicy, s'en allast par la ville, & que luy mesme attachast ces coppies par tous les lieux & coins de Rome les plus hantez & publiques: ce qu'il pourra faire bien seurement & vistement.

GRA. Et vous Paul, que vous semble de cela?

PAVL. L'opinion de Pierre me plaist bien fort. Car encores que vous eussiez trouué qui la voulust publier, si est ce que iamais le Pape ne le permettroit: mais il seroit mourir cruellement quiconque s'en mesleroit ou s'en empescheroit: voire d'autant plus que maintenant il est comme un chien enragé, à cause de la mort du roy Franc arbitre sa creature, & de la destruction & ruine du royaume d'iceluy.

GRA. Et vous Raphael, qu'en dites vous?

RAPH. Il n'y a point de doute que la chose s'expediera beaucoup plustost, & sera plus seure y allant moy mesmes, que de s'arrester pour chercher autres moyens: & si le feray bien volontiers, s'il vous plaist ma dame, qu'ainsi soit fait.

GRACE. Puis qu'ainsi vous me le conseillez, qu'ainsi soit fait. Prenez donques Raphael ces coppies, & en toute diligence depeschez ceste affaire, comme ie say que vous saurez fort bien faire. Nous attendrons icy tant que vous soyez retourné, afin que puis apres nous sortions tous ensemble.

ble hors de Rome.

R A P H. Je n'y feray faute, & si ne demeureray pas beaucoup à reuenir.

P A V L. Nous auons laissé partir d'icy Raphael avec les coppies de la sentence, sans en auoir leu vne seule: comme nous auons esté peu aduisez, Pierre!

P I E R R E. Ouy certainement Paul: mais ma dame que voicy nous racontera de bouche, s'il luy plaist, aussi bien toute la substance de l'arrest, pourueu que cela ne luy soit point ennuyeux.

G R A C E. Mais au contraire ce m'est vn fort grand plaisir de vous faire plaisir en tout ce que ie pourray faire. La sentence ou l'arrest en somme contient cecy, à sauoir que l'Antechrist execrable & plein d'impieté, ayant desia esté absis par plusieurs années au temple de Dieu, & s'estant eleué & fait grand, sous ombre & couuerture de religion & sainteté, par dessus tout ce qui est nommé & adoré pour Dieu, côme vous Paul auez predict qu'il feroit: Iesus Christ nostre Seigneur estant constitué de son Pere eternal, Iuge de toutes creatures tant au ciel qu'en la terre, à ceste heure, qui est le temps prefix & ordonné du Pere, a donné & prononcé sentence de mort contre ledit Antechrist en telle sorte: c'est qu'il sera petit à petit par le glaiue de l'Esprit, qui est la parole de Dieu, desconfit & mis à mort. Qui est vne chose pour allumer vn si grand feu de persecutiō du costé de ce maudit Antechrist, que la flamme en ira iusques au ciel.

P I E R R E. O que ce sera vne chose sainte & bier



bien faite, de chasser hors du monde & abolir ceste impieté de l'Antechrist, si detestable que rien plus. Raphael auoit commencé de nous declarer quelques choses de cest Antechrist: mais la venue de Bertaut luy a rompu son propos: tellement que nous n'auons entendu autre chose de luy, si non que le Pape regnant icy dedans Rome est l'Antechrist mesmes. Tant y a ma dame, que ce nous seroit vn bien grand plaisir, s'il vous plaisoit vn peu raconter de quel pere & de quelle mere il a esté engendré, & nous monstrier quant & quant quelque signe & marque exterieure, dont nous puissions plus aisément venir à la cognoissance que le Pape est vrayement l'Antechrist.

GRACE. Pierre mon amy, ie le vous declareray bien volontiers. Et pour commencer à sa race: sachez qu'il est fils d'vn meschant paillard, nommé proprement Peché, & d'vne meschante & malheureuse femme nommée Perdition, qui l'ont fait nourrir & eleuer par vne vilaine & effrontée nourrice, appelée sœur Menterie fille de Satan. Or la personne de l'Antechrist, afin que vous l'entendiez, n'est pas simple, mais composée de deux natures, c'est à sauoir de nature diabolique & de nature humaine: comme Iesus Christ est semblablement composé de la nature Diuine & humaine. Car tout ainsi que de Dieu & d'homme a esté fait vn Iesus Christ, aussi du diable & du Pape a esté fait vn Antechrist. Et comme Iesus Christ est le chef de l'Eglise & assemblée des fideles & croyans, laquelle est son corps: aussi l'Antechrist est le chef de l'eglise

des malins , laquelle pareillement est son corps, qui reçoit dudit chef influence de toutes meschantes humeurs . Et d'autant qu'il a esté mis en ce monde seulement pour estre cõtraire & ennemy mortel de Iesus Christ, tous ses pensemens, toutes ses menées, volonteze & fantasies , toutes ses œuvres, toute sa doctrine: brief, toute sa vie est contraire à Iesus Christ, & combat mortellement cõtre luy : combien qu'il veut faire accroire qu'il fait cela , pour mieux servir à la religion Chrestienne.

PIERRE. C'est donques icy le premier mystere & secret de l'Antechrist. Et de faict, quant à sa vie, j'ay veu de mes propres yeux icy dedans Rome cela que vous dites estre veritable . Mais quãt à sa doctrine, ie voudroyẽ entendre de vous , comment elle est repugnante à nostre maistre Iesus Christ : & seroye tresaise à la verité de l'ouyr maintenant.

GRACE. Vous mesmes Pierre, en beaucoup de lieux de voz Epistres , comme prophetisant auez monstrez, pour le moins en partie, quelle deuoit estre la doctrine de l'Antechrist, & à ceste heure il semble qu'il ne vous en souuiet plus . Plusieurs autres poincts aussi de ladite doctrine ont esté monstrez par nostre amy Paul que voicy , en ses Epistres tant excellentes & pleines de sainte doctrine. Parquoy il pourra facilement vous faire voir & cognoistre tout ce que vous desirez en cest endroit.

PAUL. En cecy ma dame, ie ne say autre chose, sinon que le mesme pour vray m'aduiet, que vous auez dit nagueres aduenir à Pierre: à sauoir,  
que

que si i'ay dit quelque chose, il ne m'en souuient quasi plus. Et ne devez point ma dame, vous esmerueiller de cela. Car n'ayant pas esté present, Pierre ny moy aussi, quand les choses que nous auons prédites sont adu. nues en ce monde, ce n'est point de merueilles si nous en auons bien peu de cognoissance. Parquoy ma dame, ie vous supplie treshumblement qu'il vous plaise prendre la peine de poursuyure comme vous auez commencé, puis que nous en auons la commodité si bien à propos, iusques à ce que Raphael nostre amy soit retourné.

GRACE. Puis que ie voy tressaincts Apostres, que vous prenez plaisir que ce soit moy qui deuisse & parle de ceste matiere, ie suis bien cõtente d'en faire cõme vous le desirez. Pour continuer dõc le propos que nous auons entamé, ie dy que la nature diabolique de l'Antechrist ne se mõstre point si bien en autre chose qu'en la doctrine, par laquelle, selon son dire, il se fait & constitue egal à Dieu, voulant que son droit Canon adiousté à la parole Diuine contre le commandement expres de Dieu, ait la puissance de sauuer quiconque l'observe, & de damner tous ceux qui ne l'observent point: combien qu'il ne contient en soy que debats, noises, differens, procès, pompes, arrogances presomptueuses, marchádises, traffiques, menées & rapines Papistiques, & qu'il soit quasi du tout le plus grand aduersaire & ennemy capital qui soit, des saintes Escritures. Et encores que nostre Seigneur Iesus Christ soit constitué & estably par l'ordonnance souueraine de son Pere eternal, seul Maistre & Seigneur des hommes mor-

tels : si est ce pourtant que l'Antechrist ne cesse point de vouloir estre aussi bien maistre & reigle de la foy à tous Chrestiens avec son droict Canon execrable, voulant estre ouy & obey d'un chacun, sous peine de damnation temporelle & eternelle aussi. Et qui plus est, combien que vous Paul, ayez dit que si un Ange du ciel preschoit un autre Euangile que celuy que vous avez presché, soit maudit & en execration : & vous Pierre, disiez que l'escriture des Prophetes n'est point de propre interpretation : tant y a que le Pape veut que son Decret & droict Canon soit comme un autre Euangile : il veut pouuoir faire nouveaux articles de foy, ainsi qu'il luy plaist : & veut qu'il soit licite à luy seul d'interpreter & exposer la sainte Escriture à sa fantaisie, disant qu'il ne peut errer ny faillir : combien que toutes les choses qui procedent de luy, ne soyent que pures tromperies & erreurs manifestes, loix & ordonnances iniustes, & expositions si desraisonnables & meschantes que rien plus. Ce qui ne sera pas difficile à comprendre, si vous regardez de pres à l'antithese & comparaison contraire que ie veux faire icy de quelques poincts de la doctrine Chrestienne, & de celle de l'Antechrist semblablement. Je dy donques pour commencer aux commandemens qui sont en la loy de Dieu, que nostre Seigneur, tout ainsi qu'il est vnique & seul Dieu, veut aussi pareillement estre cogneu pour vnique & seul Pere tout puissant & tresbon : pour la seule & souueraine fontaine de tous biens : veut estre seul adoré & seul inuoqué des siens, selon la maniere & forme prescrite & declairée

en



en la saincte parole: & non pas aux temples faits de main d'homme, ny par ceremonies exterieures, mais seulement en esprit & verité: veut luy seul donner & ottroyer telles graces qu'il luy plaist, pour puis apres en estre seul loué & remercié de celuy qui les reçoit: finalement il veut que les hommes en tout se renoncent eux mesmes, remettans en luy tout leur pensément, tout leur vouloir, tout leur desir & souhait, tout le soin & sollicitude d'eux mesmes: & ainsi qu'ils offrent à luy seul vne hostie viuante & raisonnable de leurs propres personnes. Et ce diable encharné de Pape veut que Dieu soit adoré selon son seruice Papal, c'est à dire infernal, en chair & vanité, dedans les temples consacrez par luy. Il veut aussi que les saincts qu'il a forgez, & leurs reliques aussi soyét inuoquez & adorez: il veut que les saincts pareillemēt puissent dōner graces à qui bon leur semble, & comme il leur plaist, & qu'ils en soyét louez & remerciez puis apres de ceux qui les reçoient: ne se souciant point si on renonce autrement à soy mesmes ou non, pourueu qu'on viue selon ses loix & ordonnances pleines d'impiété. Le Seigneur Dieu a mis & ordonné vn seul Mediateur, Intercesseur & Aduocat entre soy & les hommes, qui est son Fils bien aimé nostre Seigneur Iesus Christ, ainsi que vous Paul escriuez en plusieurs passages de vos Epistres. Et cest outrecuidé Pape veut q̄ ses saincts faits à la haste soyét aussi intercesseurs, moyēneurs & aduocats sēblablement. Le Seigneur Dieu defend biē estroitement qu'on ne face des marmousets, statues, peintures

Act. 7, &amp; 17.

Matth. 18.

1. Timoth. 2.

Exode 18.



ny autres images de quelques creatures qu'o vous  
dra, pour leur faire honneur ny hommage, ou ser  
uice quelconque. Et cest orgueilleux vilain de Pa  
pe commande que toutes ces choses soyent fai  
tes, honorées avec reuerence & adorées des hô  
mes: d'autant qu'à son dire, ce sont les liures des  
ignorâs. Le Seigneur Dieu cōmande que les iure  
més faits en son nom soyent sainctemēt & reuerē  
ment obseruez d'un chacun. Et ce glorieux co  
quard de Pape deslie, absout & dispense vn cha  
cun de tels iuremens, comme il luy plaist, & selon  
que cela reuiet à son profit & gain plein de sa  
crilege. Iesus Christ, qui est la fin & accomplisse  
ment de la loy de Dieu, deliure vn chacun de l'ob  
servation exterieure de la feste du Sabbat institué  
de Dieu. Et cest audacieux Pape commande mille  
festes sur peine de peché mortel, lesquelles rui  
nent l'ame & le corps des pources personnes mise  
rables. Le Seigneur Dieu commande que les en  
fans soyent obeissans à leur pere & à leur mere.  
Et cest effronté de Pape dit, qu'estre desobeissant  
au pere & à la mere, pour s'en aller demeurer en  
la prouïce de la Moinerie, c'est vne chose digne de  
grande louange, d'autant qu'à son dire, cela est al  
ler à vn estat de perfection: combien qu'il diroit  
beaucoup mieux s'il disoit de perdition. Et mesmes  
il arme souuēt & suscite les enfans cōtre les peres  
qui d'auenture ne veulent pas estre du tout obeis  
sans à ses appetits peruers, cōme il en fit à Héry 4.  
Empereur, & à plusieurs autres. Le Seigneur Dieu  
ne veut point qu'il soit licite de tuer personne, si  
nō au Magistrat. Et ce bourreau de Pape salarie &  
recōpense ceux qui tuēt les ennemis de sō S. & sa  
cré (c'est à dire execrable) siege. Le Seigneur Dieu

defend toute paillardise, permettant le mariage legitime. Et ce puant & infect de Pape & ses supposts, permet d'auoir des putains & concubines pour argent. Dieu commande qu'on ne desrobe point ce qui est d'autrui : & cest impudent Pape permet que cela se face, pourueu qu'il en ait aussi sa part, & butine comme les autres. Le Seigneur Dieu ne veut point qu'on die faux tesmoignage cōtre personne. Et ce vilain pariure de Pape veut qu'on ne garde point la foy publique ne priuée aux heretiques & infideles. Le Seigneur Dieu cōmande que les hommes n'ayent en eux aucune meschante ny desordonnée concupiscence, de laquelle comme vne tresmauuaise racine procedēt & naissent en eux toutes les autres qualitez de peché. Et cest effronté de Pape dit q̄ telles concupiscēces maudites ne sont pas pechez, mais seulement peines du premier peché d'Adā: & par ainsi il fait & rend vaine & nulle par ses traditions & ordonnāces, la saincte & parfaicte Loy de Dieu. Outre tous ces cōmandemens icy, le Seigneur Dieu veut que les hommes mettent toute leur fiance & assurence en luy seul, & non point en aucune creature du mōde. Et ce badin de Pape veut qu'ils la mettent aussi bien en leurs propres œuures, aux absolutions, bulles & pardons qu'il leur vend à beaux deniers contās luy mesme, & semblablement aux merites de ses Saincts qu'il a canonisez. Le Seigneur Dieu veut qu'on espere en luy seul, & ceste esperance n'est autre chose qu'une certaine & assurée attente de ce bien infini, lequel comme Pere de toute misericorde, par sa seule grace il dōne à ses eleus. Et ce sacrilege de Pape veut qu'on

mette aufsi bien fon eſperâce en la vierge marie. & dit que l'eſperance eſt vne attente du bien aduenir, laquelle procede & vient de la grace de Dieu, & des merites ou bien-faiçts des hommes. S. Iean en fon Apocalypſe dit, que les hômes ſont lauez & nettoyez de leurs pechez au ſang de Ieſus Chriſt, qui eſt l'Agneau pur & ſans macule. & vous Pierre auez dit aufsi que tous les Prophe-tes rendent teſmoignage à Ieſus Chriſt, que qui-conque croit en luy, reçoit la remiſſion des pechez par le nom d'iceluy. Et ce pipeur infernal de Pape dit q̃ les hômes ſont lauez & nettoyez de leurs pechez par les indulgences & pardons de peine & de coulpe que luy meſme leur vend. Et puis il dit que les ſainctes Eſcritures entendues à ſa poſte & façon, voire tirées par force pour les faire ſeruir à ſa cruauté & tyrannie, luy rendent teſmoignage qu'il a puiffance de remettre & pardonner les pechez. Il eſt eſcrit en l'Epître aux Hebreux, que Ieſus Chriſt eſt celuy ſeul qui fait la purgatiō des pechez. Et ceſt enchâteur ou forcien de Pape dit, que hors de Ieſus Chriſt il y a vn lieu en l'autre vie pour purger les pechez. tellement que ſelon l'opinion du Pape & de ſes adherens & ſuppoſts, & de tous les docteurs Sorboniſtes, Ieſus Chriſt a enduré mort & paſſion en vain.

P A V L. O Antechriſt, docteur plein de fauſſeté & menſonge, qui es aſſis en la chaire des moqueurs cōme le maïſtre d'erreurs & heresies ſous fauſſes couuertures de religion! d'ou eſt-ce que tu as peu recueillir tant de blaſphemes & outrages contre Dieu & contre Ieſus Chriſt: & principalement ceſtuy-la que tu dis, que hors de Ieſus Chriſt il y a vn lieu pour purger les pechez?

GRAC. Il dit & se vante qu'il l'a prins de vous Paul, qui escriuant à vos Corinthiens, semble que vous asseuriez que si aucun edifie sus le fondement de Iesus Christ, or, argent, pierres precieuses, bois, foin, paille, l'œuvre de chacū sera manifestée par le iour du Seigneur, d'autāt qu'il sera reuelé en feu, & le feu discernera quelle sera l'œuvre d'un chacun. Si l'œuvre de quelcun brusle, il en fera perte: quant à luy, il sera sauvé toutesfois par le feu. De là il cōclud q̄ vous asseurez q̄ le passage de son purgatoire en l'autre vie purge les pechez par le feu: outre cela il allegue aussi q̄lques autres lieux des saintes Escritures à tel propos.

PAUL. D'icy on peut aisément cognoistre combien ce malheureux Antechrist est ignorāt, & inique expositeur des saintes Escritures, puis qu'il expose si mal & peruertit entierement ce lieu de mon Epistre. Mon intétion, quāt i'escrivy cela aux Corinth. estoit d'vser en cest endroit de metaphore ou similitude, en appelāt les doctrines forgées au cerueau des hōmes, Foin & bois & chaume. Car comme le bois, incontīnēt qu'on l'approche du feu, est consumé: ainsi telles doctrines humaines ne pourront consister nullement, quand elles viendront en examen. Or c'est chose nōtoire que l'examen se fait par le sainēt Esprit. Afin donc de poursuyure ceste similitude, & approprier vne partie à l'autre, i'appeloye l'examen du S. Esprit, au feu. Car tout ainsi que l'or & l'argent, d'autant plus qu'on les approche du feu sont plus certainement esprouuez, à ce qu'on puisse cognoistre leur pureté: en telle sorte la verité de Dieu, d'autant qu'elle est plus diligēment conderée par examen spirituel, est par cela mieux



confermée en son autorité : comme le bois, chaume & le foin, quand on les met au feu sont incontinent espris pour estre redigez en cendre : ainsi toutes inuentions humaines, qui sont establies par la parole de Dieu, ne peuuent passer l'examen de l'Esprit, qu'elles ne soyent destruites & aneanties. En somme, si les doctrines controuuées sont à comparer au bois, au chaume & au foin, d'autant qu'il y a de bois, de chaume & de foin, les sont brullées par le feu & reduictes à neant : qu'il soit ainsi qu'elles ne sont destruites & dissipées sinon par l'esprit de Dieu, il s'ensuit donc que l'Esprit est le feu par lequel elles sont espreuées. J'appeloye ceste espreuue, Jour du Seigneur selon l'usage de l'Escripture, laquelle parle ainsi toutes fois & quâtes que le Seigneur en quelque maniere que ce soit manifeste aux hommes sa presence. Or principalement sa face reluist sur les hommes, quand sa verité leur est esclaircie. Parquoy ie ne vouloye signifier autre chose par le feu, que l'examen du saint Esprit. Or n'estoit-il point difficile d'entendre comment seront sauuez par feu ceux qui feront la perte de leur ouurage, si on en a considéré de quel genre d'homme ie parloie là. Car ie faisoie mention de ceux qui en voulant edificier l'Eglise retiennent le bon fondement, mais y adioustent matiere diuerse, & laquelle ne respondent point : c'est à dire, qu'ils ne se destournent point des principaux & necessaires articles de la foy : neâtmoins en d'aucunes choses s'abusent en meslant les songes humains parmi la verité de Dieu. Il faut donc que telle maniere de gens face la perte de leur ouurage, c'est à dire, que c'est

qu'il



qu'ils ont adiousté du leur parmi la parole de Dieu, perisse & soit mis sous le pied. Cependant leur personne sera sauuée, c'est à dire, non point que leur erreur & ignorance soit approuuée de Dieu: mais que nostre Seigneur par la grace de son saint Esprit les en retire & deliure. Parquoy tous ceux qui ont contaminé la sacrée pureté des Escriptions par ceste fiente & ordure de Purgatoire, il faut qu'ils laissent perir leur ouurage. Et afin qu'on ne peust iamais repliquer que ceste malheureuse opinion de l'Antechrist qui deuoit aduenir, n'auroit esté tenue de toute ancienneté en l'Eglise: ie donnoye resolution cōprenant mon temps mesme en ceste sentence, denonçant que tous ceux qui auront adiousté quelque chose en l'edifice de l'Eglise, qui ne sera point correspondant au fondement, auront trauaillé en vain & aurōt perdu leur peine. Mais ie puis bien & doy penser sans aucune doute, que tout ainsi que cest Antechrist detestable a corrompu iniquement ce passage, aufin qu'il en corrompt & peruertit beaucoup d'autres saintes Escriptions, pour les faire seruir à ses affectations meschantes & desordonnées, & à ses mauuaités concupiscences. Parquoy s'il allegue & amene à ce propos d'autres lieux tirez de la doctrine de salut, ie dy qu'ils sont semblablement corrompus & destournez de leur vray sens naturel, & mal entendus de luy: car il n'y a autre purgation des pechez ny en ceste vie ny en l'autre, sinon le seul Iesus Christ, qui est le seul sacrifice & entiere satisfaction à iamais pour tous les pechez de tous les eleus du monde.

R A C. Ie croy fort bien Paul qu'il est ainsi cō-

me vous dictes. Mais que voulez vous qu'o y fa  
c'est le propre naturel de ce miserable Antechri  
de renuerfer, corrompre & polluer toutes cho  
sous vmbre de religion, & d'estre puissant en a  
parence exterieure sous couuerture & espece  
pieté, pour induire & enuelopper en erreur, voi  
s'il estoit possible, les eleus de Dieu mesme par  
moyen des sectes de perdition qu'il introduit  
met en auant cōme faux docteur qu'il est: par le  
quelles sectes les ames puis apres reniēt & renē  
gent le Seigneur qui les a rachetées bien cher  
mēt par son precieux sang, ainsi que vous Pier  
auez escrit semblablement.

P I E R. Il me souuient tresbien ma dame, qu  
ie l'ay escrit, mais ie ne sauoye point pour lo  
que le Pape deut estre principal executeur de c  
malheureux office. Toutesfois puis qu'il plai  
ainsi à Dieu, c'est bien raison qu'ainsi soit fait. E  
continuez ie vous supplie de nous dire de cest A  
techrist execrable, ce qui reste encore de dire.

G R A C. Pierre mon amy, qui voudroit dire tou  
ce qui resteroit bien à declarer de l'Antechrist  
nous aurions bien à faire, & si aurions assez d  
matiere taillée. Car les choses esquelles il est tot  
lement contraire à Iesus Christ, sont en trop plu  
grād nōbre que ne sont point les relatiōs des Sc  
ristes & les realitez des Tomistes. Si est-ce qu  
nous en dirons encore quelques vnes pour satisf  
re à vostre desir & requeste, & de Paul sembla  
blement. Iesus Christ dit que le sainct Esprit est  
celuy qui sanctifie les hommes, & qui leur donn  
pleine & entiere certitude & assurance de leur  
salut. Et ce menteur impudent de Pape dit que se  
bulle

bulles & ses canonizations sont celles qui sanctifient les hommes, & qu'en ceste vie nul ne peut estre certain ny asseuré de son salut. Qui est vne destruction euidente, & aneantissement de la foy Chrestienne. Dauid prie le Seigneur Dieu qu'il n'entre point en conte avec luy en son iugement. Car nulle creature viuante ne sera iustificée deuât la face d'iceluy, attendu qu'en ce monde il ne se trouue personne qui obserue entierement, ne qui de foy mesme puisse obseruer la Loy de Dieu: combien encores, quand il y auroit quelcun qui la peut obseruer, que toutesfois il ne seroit pas iustifié pour telle obseruation. Et nonobstât tout cela, cest Antechrist outrecuidé prononce que ses saincts qu'il a canonisez, estans en ceste vie n'ont seulement satisfait à la loy de Dieu, & par ce moyé qu'ils se sont iustifiez: mais aussi qu'ils ont encores merité dauantage que la seule conqueste de leur propre iustification ne monte, tellement que de leurs merites superabondans, il en a depuis fait sourdre & naistre au monde ceste infame & puante paillarde nommée Indulgence: laquelle comme vous fauez, m'est du tout contraire & ennemie mortelle pour iamais. Iesus Christ veut que quiconque n'escoute point son Eglise, soit tenu & réputé pour Payen & publicain. Et le Pape enflé d'orgueil veut estre escouté luy & son Eglise (qui est l'assemblée de Satan) sous peine de son excommunication & malediction eternele. Nostre Seigneur Iesus Christ veut que les enfans & eleus obtiennent la remission de leurs pechez seulement par son nom. Et ce trompeur de Pape veut que les hommes se fassent à croi

re qu'ils ont la remissiō des pechez, voire par l'observation des loix & ordonnances Papistiques, & par leurs œuures semblablement. Iesus Christ veut que ses eleus soyent certains & assurez de resusciter apres ceste vie corporelle, & d'auoir la iouissance en corps & en ame d'une vie bien heureuse & perpetuelle avec luy, comme membres d'un mesme corps. Et ce Pape desloyal determine en vn conciliabule Romain & conueniculaire infernal, que l'ame est immortelle. Je vous prie, quelle foy est-ce q̄ montrent auoir les Papistes, s'il est besoī de determiner entre eux de l'immortalité de l'ame? Iesus Christ a ordonné que ses fideles ayēt seulement deux Sacremēs, le saint Baptisme & la sainte Cene, qui ne sont autre chose qu'un tesmoignage de la grace diuine que leur a esté promise de Dieu, confirmée & ratifiée avec vn signe exterieur & vne testification publique correspondante faite par eux de la reuerence & pieté qu'ils ont enuers Dieu, de sorte qu'ils ont la forme & sont semblables à des seaux qui sōt adioustez & attachez aux promesses Diuines. Lesquelles leur sont faictes & passées aux saintes Escriptions, afin que leur nature debile & incertaine de foy mesme, soit mieux confirmée & appuyée en la foy, d'autāt que le S. Baptisme est un tesmoignage visible de ceste promesse que Iesus Christ a faicte, assauoir que quiconque croira en luy sera sauué: & la sainte Cene aussi est vn tesmoignage visible de ceste autre promesse q̄ Iesus Christ a faicte, q̄ quiconque mangera son corps & beuura son sang, aura la vie eternelle. Et toutescesce sacrilege de Pape non seulement a corrompu  
profan



profané ces deux Sacremens: mais il y en a adiousté & forgé de son cerueau temeraire, ou plu-  
 stost diabolique, cinq autres. Vous orrez en  
 premier lieu comment & en quelle maniere il a  
 pollué les deux Sacremens qui doyuent estre seuls  
 en l'Eglise Chrestienne: puis vous verrez de quel-  
 le façon & audace il a adiousté & controuué les  
 siens, combien que ce blasphemateur du beau com-  
 mencement desgorge de sa puante gueule, parlât  
 de tous ensemble, vn blasphème horrible: c'est as-  
 sauoir, quand les sacremens sont administrez, qu'  
 ils iustifient les hommes, & que par le moyen de  
 ce braue monsieur, Opus operatum, c'est à di-  
 re, vne œuvre faicte ou vn ouurage fait, qu'il a  
 seinct, forgé & mis en auant, ils conferent la gra-  
 ce de Dieu à ceux qui n'y mettent point d'obsta-  
 cle ou empeschement de peché mortel: quoy que  
 la sainte Escriture cependant prononce & affer-  
 me, que les hommes par mon moyen sont guidez  
 & conduicts à Iesus Christ, qui a satisfait luy  
 seul pour les pechez du monde: & puis apres, qu'il  
 veille qu'ils soyent administrez en langue Lati-  
 ne, laquelle pour le present est entendue de bien  
 peu de personnes: combien que vous Paul ayez or-  
 donné qu'en l'Eglise, c'est à dire en l'assemblée  
 des fideles, on parle en langue qui soit entendue  
 d'un chacun. Mais laissant là ces opinions de l'An-  
 techrist, ie dy suyuant nostre propos, que nostre  
 Seigneur Iesus Christ commande que ceux la qui  
 croyent en luy soyent baptisez d'eau simple & na-  
 turelle \* au nom du Pere, & du Fils, & du  
 saint Esprit. Et ce badin de Pape y adiousté  
 de l'huile & de la gresse, du sel, du crachat puant

1. Cor. 14. 2

au nom du  
 Pere comme  
 cause, au  
 nom du Fils  
 comme ma-  
 tiere, au nom  
 du saint Es-  
 prit comme  
 effect de la  
 purgation



des accoustremés, chādelles, benediçtiōs, exorcismes ou charmes, enchantemés & forcelleries, & mille autres badinages & inuentiōs friuoles, voulat en cecy estre pl<sup>r</sup> sage & aduisé q̄ Iesus Christ, lequel voulut estre baptizé d'eau simple, & voulut pareillement que les siens fussent ainsi baptizez. Outreplus, nostre Seigneur Iesus Christ estant vestu de ses habillemens accoustumez, institua & ordonna vne Cene, ou ses fideles mangent & communiquent ensemble le pain & le vin, cōme figures & signes visibles de son corps & de son sang, en memoire de la mort & passion qu'il a endurée pour leur redéptiō, salut & deliurāce. Et cest enchanteur & forcier malheureux de Pape, fait de ceste sainte Cene vn sacrifice, auquel son prestre ou sacrificateur avec gestes, mines & habits de basteleur, ou d'un iour de gobelets trāsfubstātie le pain & le vin au corps charnel & au sang corporel de Iesus Christ, & puis qu'il le māge à part luy seulement en memoire de son gain abominable, & de la perdition ou cōdamnation du peuple & de ses suiets. Nostre Seigneur Iesus Christ par sa charité incomprehensible enuers les hommes, leur donne & delaisse par testament, & veut qu'ils reçoyuēt de luy son corps & son sang, & qu'ils le mangent en telle sorte qu'ils se trāsmuent & chāgent en luy. Et ce miserable charmeur de Pape par erreur infini de son aueuglement, veut que ses prestres donnent & offrent en sacrifice à Dieu le mesme corps & sang de Iesus Christ, cōme si le Seigneur Dieu auoit besoin ou necessité des offrandes & oblatiōs des hommes: & par ainsi entant qu'en luy est, il falsifie & corrompt le testament de Iesus Christ. Il est

dit que Iesus Christ s'offrant soy-mesmes à Dieu comme agneau sans macule, a pour iamaïs effacé & aboly vne fois pour toutes les iniquitez & pechez de ses esleus, & que pleinement en tout & par tout il a satisfait pour eux à Dieu son Pere. Et ce Pape qui creue d'orgueil & arrogance, dit, que ces sacrificateurs & prestres malheureux, qu'il a forgez & engressez, ostent & effacent les fautes & iniquitez des hommes par leurs sacrifices detestables & que tant plus souuent que sont faits lesdits Sacrifices, & achetez de ses mains ou de sa prestraille, d'autant plus effacent-ils les pechez, secourent-ils aux viuâs & aux morts, & subuiennent à toute infirmité & maladie. Car ces truâs de messotiers ont l'autorite d'appliquer ces sacrifices à toute chose qu'il leur plaist, soit bonne ou mauuaise. Nostre Seigneur Iesus Christ en sa derniere Cene communiquant avec ses disciples (comme vous Pierre en pouuez auoir bonne souuenance) leur donna le pain & le vin pour erres & gages de son corps & de son sang, & leur dit qu'ils mangeassent de ce pain & beussent de ce vin tous ensemble: laissant puis apres & remettât en leur fraîche liberté qu'ils fissent le mesme toutes les fois qu'il leur plairoit, en memoire de luy: cōbien q̄ ceux qui ne sont poit ingrats d'un tel benefice, doyuēt estre bien aises & prendre vn singulier plaisir d'en vser souuēt. Et neâtmoins cest impudent menteur de Pape afferme hardiment, qu'en la cōmunion & Cene que font les Chrestiens, il n'y a ny pain ny vin: mais seulement les accidés de pain & vin sans aucū subiet: & qui plus est, il priue tyranniquement vne bon-

ne part de la Chrestienté, de l'espece du vin sacramental, ne la permettât sinô à ses prestres tódus & rafez. Iesus Christ cômmande expressement q' to' en boyuét: & ce glorieux de Pape commande bië estroitement q' nul n'en boiue, sinô ses puâtes creatures: & crie à plein gosier, que c'est vne heresie tref grâde & insupportable q' faire autrement. Et d'auantage il cômmande qu'un chacun estant venu en aage de discretion, vueille il ou non, maugré ses dens & en despit de luy, qu'il cômunique à ceste table diabolique pour le moins vne fois l'année, sus peine de peché mortel & de son excommunication. O Sataniques & abominables commandemens de l'Antechrist! Vous Paul auez escrit en vos Epistres, que Iesus Christ est assis à la dextre de Dieu son Pere au ciel, & que de là il doit venir iuger les viuans & les morts. Item le iour de l'Ascension les Anges dirent de luy à ceux de Galilée, qu'il viendrait comme ils l'auoyent veu monter au ciel visible & corporel. Item Iesus Christ mesme dit à ses disciples, qu'ils ne l'auoyent pas tousiours avec eux. Et toutesfois ce maistre ioueur de passe passe, & affronteur infame de Pape dit, que Iesus Christ descend du ciel corporellement en terre vn million de fois le iour, & en vn milliô de lieux tout à vn coup: & qui pl<sup>2</sup> est prononce qu'il est aussi pareillement aux hosties, & qu'il demeure dedâs les ciboires, tabernacles ou armoires continuellement en chair & en os, là ou il doit estre deuotement adoré de tous: affermant outre cela qu'en tout lieu ou est Iesus Christ là aussi est quant & quant toute la cour celeste avec luy: qui n'est autre chose à la verité  
sinon

A 2. p.

Iean 12.

finó vouloir faire des creatures des dieux. \*S. Ieā dit que Dieu a tant aimé le monde, qu'il a donné son feul Fils, afin que quiconque croit en luy ne perisse point, mais qu'il ait la vie eternelle: & que luy mesme a escrit son Euāgile, afin qu'on croye que Iesus Christ est le fils de Dieu, & en le croyant qu'on ait la vie au nom d'iceluy. Et ce malheureux Pape veut qu'on ne puisse auoir la vie, si on ne croit aussi bien en luy: & en y croyant, ses preceptes & ordonnances soyent gardées & observées estroitement. Vous Paul avez dit que Iesus Christ, comme fondement du salut humain, a esté fait de Dieu iustice, sanctification & redemption aux hommes, en les recōciliant à Dieu: non point par or ny par argēt, mais par sa mort tresprecieuse. Et ce hardi menteur de Pape dit que les hommes s'acquierent toutes ces choses voire d'eux mesmes par leurs œuvres, par les merites des Saīcts, par l'absolutiō de ses prestres pelez, & par l'or & l'argent qu'ils luy donnent. Iesus Christ afferme qu'il est la porte, par laquelle qui entrera fera sauué, voulant conclure que quiconque n'entrera par icelle, ne pourra auoir salut: & qu'il est la vie, qui dōne la vie à vn chacū. Et neātmoīs ce nigaut de Pape fait chanter, hurler & gringoter en son bordeau, que la vierge Marie est aussi la porte du ciel & de Paradis, qu'elle est la vie, la douceur & esperance des hommes. \*

P A V L. O menfonge vrayement Papistique! Ne voyōs nous pas no<sup>r</sup> autres qui demeūrōs en Paradis, que Iesus Christ y est, & demeure continuellement en chair & en os? Comment donc ce Pape forcené, est-il si osé ne si hardi de maintenir si

Ce d'entre  
ees deux\*\*  
doit estre en  
la page 266  
apres bien  
faits des  
hommes

Salve regina



impudemment que Iesus Christ descend du ciel en terre, voire en chair & en os?

GRACE. Ce n'est poit de merueilles Paul, que l'Antechrist soit menteur, attendu que cela conuient fort bien à toutes ses deux natures. Car selon l'humaine tout homme est menteur: & selon la diabolique, le diable n'est point menteur seulement, mais aussi il est le pere & autheur de mensonge. Or desormais parlons vn peu aussi de ces cinq sacremens, qui ont esté adioustez par cest audacieux Pape à ces deux desquels nous auons deuisé iusques icy: & vous verrez combien ceste beste enragée d'Antechrist leue les cornes, & se magnifie aussi en cest endroit. Vous deuez doncques sauoir, tout ainsi q le Pape par son outrecuidance & fierté a pris ceste hardiesse de vouloir faire, selon qu'il dit, nouueaux articles de la foy Chrestienne, qu'aussi pareillement il s'est vsurpé ceste autorité audacieuse & temeraire, de vouloir semblablement faire nouueaux Sacremens en l'Eglise: tout ne plus ne moins que s'il estoit luy mesme vn autre Dieu sur la terre. O fureur & rage diabolique! O sacrilege & impieté infernale! Le Seigneur Dieu tout-puissant est cestuy-la seul auquel appartient de monstrier & enseigner aux hommes comment ils doiuent croire en luy, & ce qu'ils doyuent croire de luy, & de leur promettre sa sainte grace & leur salut, en testifiant ceste promesse avec tels signes extérieurs qu'il luy plait, pour la confirmation de leur foy, tout ainsi que parfaictement il l'a faict en ses saintes Escritures: iamais aussi ne fut, & si onques ne fera possible, que ny ce malheureux  
Pape



Pape ny autre creature qu'on voudra , puisse faire telles promesses & testifications vallables aux hommes avec signes extérieurs : à cause que nul de ce monde ne peut sauoir le vouloir & propos de Dieu en cest endroit , sinon d'autant que par le moyen de son Fils il a dagné le reueler. Puis qu'ainsi est , en quelle sorte ie vous prie , ce singe pelé & contrefaict vouldra-il pouuoir faire & forger nouueaux sacremens outre ceux qui sont instituez de Dieu par Iesus Christ ? Mais puis que l'Antechrist a esté destiné pour corrompre & gaster toutes les œuures de Iesus Christ : nous ne nous deuôs point esmerueiller , si en cest endroit il y a aussi de ses ruses accoustumées . Et neâtmoins pour les couvrir & cacher sous quelque couleur & apparence de religion , il a fait semblant de prendre les fondemens de ses sacremens controuuez , dedans les saintes Escritures : prenant & rauissant d'icelles les noms d'aucunes ceremonies , & les appropriant à ces singeries & badinages qu'il a nommé Sacremens . Et de là est aduenü qu'on appelle sacrement de Confirmation , sacrement de Penitence , sacrement d'Extreme onction , sacremēt de l'Ordre sacré , & sacrement de Mariage . Toutes lesquelles choses pour vray n'estoyent que ceremonies , desquelles anciennement on vsoit en l'Eglise . Et pleust à Dieu que le bon & legitime vsage d'icelles s'observast encores aujourd'hui ! Si est-ce qu'elles ne doyuent pas estre appelées pour ceste occasion Sacremens . Car elles n'ont point les promesses de Dieu adioustées quant & quant , qui certifient les hommes de la grace & bonne

f. iiii.

volonté de Dieu enuers eux:lesquelles promesses sont necessaires à l'institution des Sacremens:attédu qu'icelles adioustées aux elemēs font les Sacremens: & receues en foy par les hommes leur donnent salut eternel . Mais ceste beste insensée de Pape,non content d'auoir corrompu & pollué en cest endroit la doctrine de salut,faisant de simples & pures ceremonies des Sacremens,profane puis apres & corrompt tellement les ceremonies mesmes, qu'elles sont maintenāt plus farcies d'abus del'Antechrist, que pleines du vray vsage Chrestien. La Cōfirmation qui estoit vne ceremonie dont vous autres Apostres vsiez, imposant les mains sur ceux qui receuoient le sainct Esprit apres qu'ils auoyent esté baptisez par vous : & laquelle depuis fut ordonnée des Peres anciés , à ce qu'ils en vsassent sus les petits enfans baptisez dès leur enfance:& puis quand ils estoient paruenus à l'aage de ieunesse , instruits de nouueau & enseignez en la Chrestienté, afin qu'ils approuuassent, voire par leur propre voix,& qu'ils fisisēt publiquement confession de leur foy : ce basteleur de Pape l'a faicte l'un de ses Sacremens : auquel les Euesques cornus , gressans les petits enfans avec leur Chresme puāt, disent ces paroles, Je te marque par le signe de la sainte croix, & conferme par l'onction de salut au nom du Pere , & du Fils,& du saint Esprit : & puis leur ayant donné vne petite iouée, les enuoyent à l'esbat, & affermet que par ce sot badinage & ieu d'enfans ils cōferent le saint Esprit à augmentation de grace, qui auroit desia esté donné au Baptisme à innocence : & conferment au combat ceux qui au

Baptisme

La confirmation.

Baptême auroyent esté regenez à vie: de sorte qu'ils ne peuuent estre pleinement Chrestiens, s'ils ne sont consermez du chresme Episcopal: laquelle confirmation pour beaucoup de raisons doit estre tenue, selon qu'il dit, en plus grande reuerence que le Baptême. Premièrement pource qu'elle est conserée seulement par les mains de l'Euesque, & non pas de quelque prestre mallostru, comme est le Baptême: & puis d'autant qu'elle est conserée sur le front, qui est vne partie du corps plus digne que l'os de la teste sur lequel est conseré le Baptême. Tiercement à cause qu'elle confere plus grande augmentation de vertu, que ne fait pas le Baptême. O doctrine diabolique! dire que nul ne peut estre Chrestien pleinement s'il n'est engraislé & frotté de ceste graisse puante & chresme Episcopal! Comme si au Baptême il ne se vestoit pas de Iesus Christ avec tous ses dons & graces entierement. Puis oser dire que ce chresme soit à salut! côme si nostre salut n'estoit point tout en Iesus Christ, sans ceste huile puante & infectée! Et ou sont icy les promesses de la grace Diuine adioustées par la parole de Dieu à ce signe exterior? Mais il suffit à ce presomptueux Antechrist de dire en vn mot qu'il est ainsi. Car le tout est incontinent creu & approuué des siens. La province de Penitence, ie ne dy pas celle qui est au royaume des bonnes oeures Papistiques: mais l'anciéne, en laquelle regnoyét les vrais Euesques, & qui est maintenant ruinée, auoit de son temps ceste ceremonie, que les pecheurs publiques, qui auoyent paracheué les satisfactions à eux enioindres & enchargées par l'Euesque, estoient recon-

De cōse. dist.  
5. chap. & c. V.  
aciuni. & en  
4. des Senten  
dist. 7.

Penitence

ciliez à l'Eglise avec vne imposition solennelle des mains de l'Euesque : qui estoit comme vn signe & marque de l'absolution, de laquelle & les pecheurs prenoient plus grande fiance de pardon deuant Dieu, & l'Eglise estoit aduertie de les recevoir deuement en grace, ne se souuenant plus de leur offenses & fautes passées. De ceste ceremonie ce brigand de Pape en a premierement fait vn sacrement, & puis vne prouince particuliere au royaume de ses Bonnes œuvres, avec trois citez, comme trois boutiques pour remettre les pechez: qui est vne chose trop plus contraire à Iesus Christ, que n'est pas mèsire Clergé à la vraye pieté & à toutes les autres vertus ensemble. Et combien que ce sien sacrement soit vne ceremonie humaine, sans aucune promesse particuliere de Dieu : tant y a qu'ils en ont fait vne seconde table depuis le Baptisme, par laquelle si aucū en pechant corrompt & gaste la robbe de l'innocence receue au Baptisme, il puisse aisément quād il luy plaist, la raccoustrer: comme si par le peché le Baptisme estoit aneanty & du tout effacé. O iniquité plus que Papistique! Mais plustost toutes fois & quantes que le pecheur se sent chargé, voire presques accablé de la souuenance de son peché, qu'il luy souuiēne du Baptisme, & qu'il ne doute point que la promesse laquelle luy a esté faite au Baptisme, de la remission de son peché par Iesus Christ, ne soit tousiours ferme & arrestée, & qu'elle ne peut iamais faillir: & ainsi croyant de cœur n'aura aucun besoin ny de tables, ny de planches, ou d'ais. L'extreme Onction (ainsi qu'ils l'appellent maintenant) est la ceremonie de laquelle vous au-

4. des Sent.  
dist. 14. & De  
peniten. dist.  
1. ch. Secunda  
tabula.



tres Apostres vsiez quelques fois, quand vous gairissiez les malades, les oignans d'huile, cōme vous sauez. Car tout ainsi q̄ quand vous baptiziez quelcun, vous mettiez les mains dessus, en luy donnāt visiblement le saint Esprit: aussi pareillemēt quād vous gairissiez quelque malade, vous l'oigniez quelque fois d'huile, pour luy monstrer & faire entendre dont procedoit le dō de sa santé, à fauoir du S. Esprit: depeur qu'il ne vous en attribuaist la louāge. Or cela est ordinaire & tout accoustumē en l'Escriture, que le S. Esprit & ses dons soyēt signifiez par l'huile. Mais à ceste heure, que telle grace de gairir les malades est passée, comme les autres miracles aussi lesq̄ls Dieu a voulu estre faits pour vn temps, afin de rendre la nouuelle predication de l'Euangile admirable pour iamais, de vouloir vser & se seruir de telles ceremonies, qu'est ce autre chose sinon faire des singes, & contrefaire les Apostres, les voulant ensuyure en cest endroit sans propos ne raison, voire sans profit? Et toutes fois ce vilain singe emmaillotté de Pape dit, que c'est vn sacrement, lequel ne se doit donner que par ses prestres pelez & maistres engraisseurs, voire en extremité de maladie, avec l'huile cōsacré par l'Euesque: consacré, dy ie, avec vne si grāde reuerence, qu'il s'agenouille par neuf fois, saluāt trois fois le chresne, trois fois le baume & trois fois l'huile. Et veut que ce sacrement soit conseré par telle forme de paroles: Dieu par ceste Onction & par sa misericorde trespitoyable te pardōne tout ce que tu as offensé par l'ouye, la veue, le flerer, l'attouchement & le goust. Et fait accroire qu'il y a deux vertus de ce sacrement: l'vne de remettre

4. Sentē. dilu  
ri, au dernier  
chapitre.



les pechez, l'autre de dōner allegemēt de la maladie corporelle, s'il est expediēt pour le malade, ou autrement de donner la santē de l'ame. Or voyō vn peu ie vous prie, quelle cōformitē ou cōuenance il y a entre l'vsage de ces choses, & les paroles de S. Iaques, duquel il se vante hardiment auoir prins l'institution de ce beau sacrement : & nous cognoistrōns au vray, que comme cestuy cy n'est point vn Sacrement, à cause qu'il n'a point la promesse de Dieu appartenante aux hommes depuis nostre temps, ny aucun signe particulier ordonné & institué de Dieu à cela, ne qui leur ait esté donné du Seigneur, toutes lesquelles choses sont la vraye substance des Sacremens : aussi le pur & vray vsage de ceste ceremonie est si corrompu & peruersty, voire pollué parce puant infame de Pape, qu'il ne luy reste plus aucune forme de l'ancien. Sainct Iaques veut que quand quelcun est malade, il soit oint tout à l'heure. Le Pape dit que les malades ne soyent pas oints, iusques à ce qu'ils veulent rendre l'esprit : & ainsi il veut que des corps à demy morts soyent souillez de sa graisse. Sainct Iaques dit que les Anciens de l'Eglise soyent appelez pour l'oindre : & le Pape dit que ses prestres ou sacrificateurs sauans en matiere de graisser & frotter, soyent introduits, affermant que ceux là sont les Anciens de l'Eglise : comme si de vostre temps vne telle canaille, ordure, vermine & racaille de prestres Papistes eust peu estre trouuée en quelque anglet du monde, pour porter & conduire leur boîte d'huile çà & là avec longues processions. Sainct Iaques veut qu'on prenne de l'huile commune & ordinaire, &

n'est

n'est point fait mention d'autre huile en tout ce que recite saint Marc l'Evangéliste . Et ce triacleur de Pape ne tient conte d'huile , si elle n'est consacrée par Euesque: c'est à dire eschauffée de son halaine, charmée en borbottant, & neuf fois saluée à genoux, comme i'ay dit. Et de qui a il pris telles coniurations? Saint Iaques dit, que quand le malade aura esté oint d'huile, & qu'on aura prié sur luy, s'il est en pechez, ils luy seront pardonnez: n'entendant pas que les pechez soyent effacez par graisse: mais que les oraisons des fideles, par lesquelles le frere affligé & malade aura esté recommandé à Dieu, ne seront pas vaines. Et ce badaut de Pape dit & fait accroire meschamment, que par ceste sacrée (c'est à dire execrable) Onction les pechez sont remis: & que la santé, ou bien le salut y est conferé . O les belles conuenances que voila ! Mais passons outre, & venôs maintenant à ce qui nous reste de dire . L'ordre sacré (qu'ils appellent) est mis en leur rolle au quatrieme lieu: & est si fertile qu'il enfante de soy sept petits sacrementaux: lequel n'est autre chose qu'une ceremonie dont vsent les Eglises en ordonnant leurs Ministres: le Pape en fait aussi bien vn sacrement que des autres, voire si sottement que c'est vn horreur d'y penser seulement, sans qu'on-en parle. Premièrement les Papistes ne s'accordent pas entre eux au nombre de ces ordres. Car quand ils ont proposé qu'il en y a sept, en les voulant nombrer ils en content beaucoup dauantage. Ceux qui en mettent sept le font pour figurer les sept dons du saint Esprit, desquels doivent estre ornez & vestus tous ceux qui sont de l'

ordre : c'est à sauoir Huissiers, Lecteurs, Exorcistes, Acolytes, Soudiacres, Diacres & Prestre. Les autres en font neuf à la similitude des neuf ordres des Anges en l'Eglise triomphante, y adioustant la premiere tonsure ou pellure d'un costé, & de l'autre les Euesques. Vn autre y adiouste les Psalmistes, & puis les Huissiers, & en la fin les Euesques. Or en cest endroit peut on facilement voir leur folie & bestise: c'est qu'en baillant à chacun son signe & marque separée l'un de l'autre, comme ils font, ne s'apperçoient qu'il forgé autant de sacremens qu'ils constituent d'ordres. Vray est que puis apres d'autant moins qu'ils s'accordent au nombre des ordres, d'autant plus s'accordent ils en d'autres meschantes opinions par eux controuuées, & en cela ils ont tous ensemble les queues liées, cōme les renards de Samson & sont celles cy, à sauoir qu'ils disent que les ordres ne sont pas seulement signes, mais aussi causes de la grace de Dieu en ceux qui sont promeuus à ces ordres. Et puis, qu'ils disent que Iesus Christ a usé de ces ordres cependant qu'il viuoit en ce monde: & qu'il les a laissez & comme resignez son eglise, afin qu'elle les obseruast. Ce qui surmōte tellemēt toute folie, que c'est vne rage desesperée. Car en chacū de leurs ordres ils font Iesus Christ leur compagnon. De sorte qu'ils osent bien desgorger ces blasphemes execrables, disant que nostre Seigneur Iesus Christ a exercé l'office d'Huissier quand il a chassé du tēple les vendeurs & acheteurs: & monstre qu'il est Huissier en ce qu'il dit, Je suis l'huis, ou la porte: qu'il a prins l'estat de Lecteur, quand au milieu de la synagoge

4. Sentēt. dist.  
24. & au Dec.  
dist. 23.

il a leu Iſaie le Prophete: qu'il s'eſt meſſé de l'eſtat  
d'Exorcifte, quand en touchât de ſa ſaliue les au-  
reilles & la langue du ſourd & muet, il luy rendiMarc 7, iei 8,  
13, mat. 26, 27.  
l'ouye & le parler: qu'il a teſmoigné qu'il eſtoit  
Acolythe par ces paroles, Je ſuis la lumiere du mō  
de: quiconque me ſuit ne chemine point en tene-  
bres: qu'il a fait l'office de Soudiacre, quand eſtât  
ceint d'un linceul il a laué les pieds de ſes Apo-  
ſtres: qu'il a fait l'eſtat de Diacre, diſtribuant ſon  
corps & ſon ſang aux Apoſtres en la Cene, & reſ-  
veillant ſes diſciples qui dormoyent, leur diſant,  
Veillez & priez, de peur que vous n'entriez en ten-  
tation: qu'il a accompli ce qui eſt d'un Preſtre,  
quand il s'eſt offert en la croix luy meſmes ſacrifi-  
ce au Pere, ſe faiſant Sacrificateur & ſacrifice en-  
ſemble: & quand apres la Cene il changea le pain  
& le vin en ſon corps & en ſon ſang. Outreplus  
ils diſent que la tōſure clericale, ou raſure du ſom-  
met de la teſte, eſt vn ſigne ou marque cōmune à  
tous ces ordres, laquelle ſignifie que ceux qui ſont  
prêtre, ſont Rois qui doyuēt gouuerner & eux  
meſmes & les autres. Ces choſes tellement ne ſe  
peuent ouyr ſans rire, que c'eſt merueilles ſi el-  
les ont eſté eſcrites ſans riſée, à tout le moins ſi  
ceux qui les eſcriuoyent eſtoient hōmes. Mais ſur-  
tout la ſubtilité eſt digne d'eſtre cōſiderée, en la-  
quelle ils s'arraiſonnent au nom d'Acolythe, l'ex-  
poſans Ceroſeraire, d'un mot ce ſemble du tout  
magicien, certes qui n'eſt cogneu de lāgue ou na-  
tion aucune. Comme ainſi ſoit qu'Acoluthe ſigni-  
fie aux Grecs celuy qui ſuit & accōpagne: & par  
ce Ceroſeraire ils entendent dire vn Porte-cier  
c. Combien que ſi ie me vouloye arreſter à vous



raconter & reciter ces folies à bon escient, ie meriteroye aussi bien d'estre moquée. Toutefois afin qu'ils ne puissent plus tromper mesmes les fêmes, il est bõ de descourir leurs mēsonges. Or tout ainsi que ceux qui sont de ces ordres se vantent d'estre Rois: aussi ce miserable tyran de Pape s'est vsurpé ce que vous avez dit Pierre, Vous estes vn genre eleu, sacrificature royale & gent sainte, & le peuple d'acquisition.

Pierre 2.

PIERRE. Voyez, voyez quel sacrilege c'est là. Ils veulent tirer à eux particulièrement ce que i'ay dit & donné à toute l'Eglise, & avec vne arrogance & fierté diabolique se glorifier de ce titre de prééminence qu'ils ont desrobé aux fideles.

GRACE. Pierre mon amy, c'est ainsi qu'en fait l'Antechrist. Ils disent puis apres que ceste belle couronne pelée & raclée qu'ils ont, signifie beau coup d'autres choses, lesquelles neantmoins d'autant qu'elles sont toutes ridicules & friuoles, ie les laisseray là, & passant plus outre ie vous monstreyray quelle conuenance & conformité y il y a entre l'ordonnance & institution de voz Ministres, & celle des clerics Papistiques. Iedy donc que la ceremonie que vous autres gardiez en ordonnant l'Euesque, ou le Prestre, ou le Pasteur, ou le Ministre (qui sont mots lesquels sont prins souuent en la sainte Escriture pour vne mesme chose) & en ordonnant aussi le Docteur & le Diacre en l'Eglise, estoit l'imposition de mains que vous autres Apostres faissiez, ou bien les autres Pasteurs ecclesiastiques, sur ceux qui deuoyent estre ordonnez à quelcun de ces degres susdits: d'autant qu'il n'y en a plus de stables & permanen



permanens en l'Eglise, comme vous sauez : laquelle ceremonie & façon de faire, peut estre, auoit esté prise de la coustume de Iuifs, qui presentoyent à Dieu par l'imposition des mains tout ce qu'ils vouloyent benir & cōsacrer. En ceste maniere Jacob voulāt benir Effraim & Manassé, mit ses mains sur leurs testes. Et les Iuifs par ordonnance de la Loy mettoient les mains sur les sacrifices qu'ils offroyent à Dieu. Pourtant vous autres, par l'imposition des mains vous signifiez & donniez à entendre que vous offriez à Dieu celuy que vous introduisiez au ministere : combien que vous en ayez aussi vsé sur ceux auxquels vous distribuez les dons visibles du saint Esprit. Quoy qu'il en soit, vous auez vsé de ceste solennité toutes fois & quantes qu'auez ordonné quelcun au ministere de l'Eglise. Tant y a qu'il suffit, que les Ministres auez ceste ceremonie estoyent ordōnez pour prescher l'Euangile, pour repaistre de la parole de Dieu le troupeau de Iesus Christ, qui leur estoit commis & baillé en charge, pour administrer legitiment les saints Sacremens instituez de Iesus Christ, pour corriger les vices du peuple par la police & discipline Ecclesiastiq, & pour auoir les pources en singuliere recommandation. Ces Docteurs estoyent ordonnez pour interpreter sainement & exposer sincerement & fidelement les saintes Escritures. Les Diacres estoyent choisis pour receuoir tāt les aumosnes qui se faisoient chacun iour par les fideles, que les rentes annuelles, pour les reseruer à leur vray vsage: c'est à dire, pour les dispēser, distribuer & administrer aux pources, qui estoit l'intétion des fideles qui les don-

Genese 48.  
Autant en fit  
n. stre Sei-  
gneur Iesus  
sur les enfans  
pour lesquels  
il prioit,  
Matth. 9.

noyent . Or maintenant voyons au contraire de  
 quelles ceremonies les Papistes vsent en ordon-  
 nant leurs Clercs . Ils créent avec grande pompe  
 & solennité leurs Lecteurs, Psalmistes, Huissiers  
 & Acolytes, pour s'entremesler de faire les offi-  
 ces ausquels ils employent & commettent les pe-  
 tits enfans, ou ceux qu'ils appellent Laiz. Premie-  
 rement ils baillent aux Huissiers en leur conse-  
 cration les clefs du temple en leur main, en signe  
 qu'ils en doyuent estre gardiens. Aux Lecteurs ils  
 baillent la Bible: aux Exorcistes, le formulaire ou  
 registre des coniurations, pour leur en seruir sur  
 les demoniaques, enragez & infideles. Aux Aco-  
 lythes ils baillent vn chandelier avec vne chan-  
 delle de cire qu'ils mettent dessus: puis vne petite  
 bouteille vuide. Aux Soudiacres ils baillent la pla-  
 tene & le calice vuide, & les burettes avec l'eau,  
 & vne seruiette pour essuyer les mains. Aux Dia-  
 cres ils mettent vne estole sur l'espaule gauche,  
 & le texte de l'Euangile en la main. Aux Prestres,  
 ou bien Sacrificateurs ( car entre eux ces deux  
 mots signifient vne mesme chose ) ils oignent &  
 engraisent les mains de leur saint chresme, pour  
 leur donner à cognoistre qu'ils ont la puissance,  
 & qu'ils ont receu la grace de consacrer: & leur  
 imprimant en l'ame (selon qu'ils disent) par ceste  
 sacrée huile vn caractere qui ne se peut effacer,  
 & qu'ils appellent Indelebile: par lequel ils sont  
 promueuz à la puissance spirituelle. Combien qu'-  
 à la verité vn tel caractere ne soit autre chose que  
 le signe & marque de la beste que décrit saint  
 Iean en son Apocalypse: laquelle beste sans dou-  
 te

te est l'Antechrist. Puis ils leur mettent vne esto-  
le sur les deux espaules: outreplus ils leur baillent  
vn calice avec du vin dedans, couuert d'une pla-  
tene, dessus laquelle il y a des hosties, afin qu'ils  
sachent qu'ils ont la puissance, comme ils disent,  
de faire en l'autel le sacrifice du corps & du sang  
de Iesus Christ, dire des oraisons, benir les dons  
de Dieu: brief, d'offrir à Dieu les hosties paci-  
fiques, ainsi qu'ils parlent. Et à la fin ils soufflent  
sur eux, disans que par telle voye ils leur donnent  
le sainct Esprit, comme fit Iesus Christ à ses disci-  
ples: combien qu'ils veulent en cela donner aux  
autres ce qu'ils n'ont pas pour eux mesmes: com-  
me font ceux la qui donnent les ambles aux mu-  
les. Et ainsi avec leurs façons & manieres de fai-  
re si vaines, sottes & pleines de badinages, prin-  
ses & tirées pour la plus part, comme eux mes-  
mes le confessent, des Iuifs, ils ordonnent leurs  
Clercs. Et de faict, quant est de leurs quatre pre-  
miers degrez, qu'ils nomment Les quatre ordres  
moindres, il les ordonnent à faire des choses que  
iamais ils ne font. Car qui allumie pour le plus  
souuent les cierges, ou qui verse l'eau & le vin,  
sinon quelque enfant, ou quelque pource homme  
lay qui gagne sa vie à le faire? Ceux la mesmes  
ne chantent ils pas? n'ouurent ils pas & ferment  
les portes des eglises? Car qui est ce qui a iamais  
veu en leurs téples vn Acolythe, ou Huissier faisa-  
nt son mestier? Mais plustost celuy qui du téps de son  
enfance faisoit office d'Acolythe, depuis qu'il est  
ordonné en cest estat, cesse d'estre ce qu'il est appe-  
lé: tellement qu'il seble aduis que de propos deli-

beré ils se demettent de ce qui appartient à leur charge, quand ils en reçoivent le titre. Et encores quand ils feroient les choses auxquelles ils sont ordonnez, ce ne feroient que toutes badineries & fatras. Puis apres quât aux autres trois degrez, qu'ils appellent Les trois ordres plus grans, ils les ordonnent non seulement à choses vaines, mais aussi meschantes, iniques & execrables: c'est à dire, non pas pour prescher l'Euangile, mais pour celebrer des Messes, Matines, Vespres, & faire autres telles abominations qu'ils n'entendent nullement: non point pour administrer les Sacremens de Iesus Christ, selon leur vsage legitime & institué de luy, mais pour sacrifier Iesus Christ en chair & en os, & offrir pour argent & gain plein de sacrilege, des hosties pour les viuans & pour les morts: non pas pour corriger leurs troupeaux, mais pour les brigander & despouiller de leurs biens en toutes sortes: non point pour exposer fidelement les sainctes Escritures, mais pour les gaster, corrompre & renuerser du tout, pour flatter cest Antechrist de Pape, & tascher tât qu'ils peuvent par tels moyens de faire leur profit, & deuenir grans: non point pour administrer & distribuer aux pources les aumosnes des fideles, mais pour viure en oisiveté & malheureusement despédre & faire grand' chere des biens des pources sous ombre de chanter l'Euāgile, lequel Iesus Christ a voulu estre presché, & non pas chanté. De sorte qu'ils laissent ce qu'ils deuoyent faire, ordonné de Iesus Christ: & font ce qu'ils deuoyent laisser, constitué par eux mesmes. Or ie ne veux point que nous



nous nous amusions icy à reciter combien miserablement sont corrompues, peruerties & gastées aussi les autres parties de la vocation extérieure du ministère Ecclesiastique. Car pour vray nous n'auiôs que trop à dire, ou plustost dequoy nous laméter & pleindre, voyans comme ces clercs Papistiques & gens d'eglise (ainsi se font ils appeler des autres) par mille meschantes pratiques & ruzes insupportables cherchent & s'efforcêt sans aucune honte de paruenir & entrer aux lieux du ministère: nô pas pour administrer, mais pour se donner du bon temps, iouir des grosses & grasses rentes: & couroyent d'eux mesmes sans estre appelez ny enuoyez de Dieu: voire nonobstât que Iesus Christ mesmes qui est le chef, & lequel institue les Ministres, n'ait point voulu prendre le ministère de son autorité propre, sans la commission & charge de son Pere. Et puis aussi voyans cômme sans aucun examen ny approbatiô de bonne doctrine, de bonne vie, de bonne reputation, & de toutes telles autres qualitez & conditions, que vous mesmes Paul auez dit deuoir estre aux Ministres, on dône les lieux du ministère avec les gros reuenus par faueur, par parétage, par accointance, par le credit des parens, par vilaines paillardises & Sodomies, pour recompenses des seruices agreables de ceux qui seruent telles canailles, comme de barbiers, cuisiniers & muletiers, & par vn million d'autres moyens execrables: on dône, dy ie, les lieux du ministère à des petits enfans, qui les ont souuent de leurs oncles, ou cousins, cômme de succesiô, quelque fois mesme les bastards de leurs peres: à des ignorâs & gros asniers, à des

i. Tim. 3.



vilaîs maquereaux, ruffiés, traistres & desloyaux pendars: lesquels non seulement n'exercent point leur ministère, mais ils ne sauent, ils ne peuuent & s'ils ne veulent point l'exercer. Est-ce vne chose à supporter, ie vous prie, qu'un homme soit appelé Pasteur d'une Eglise qu'il aura occupée, comme si c'estoit un pais de conquette? ou laquelle il aura obtenue par procès, ou qu'il aura achetée à prix fait, ou laquelle il aura obtenue pour salaire de ses seruices deshonestes & vilains? Mais c'est encores un monstre plus horrible, qu'un seul homme, ie ne dy pas quel, mais un homme qui ne se peut pas gouverner soy mesmes, ait cinq ou six eglises à gouverner. On verra auiourdhuy des ieunes mignôs follets aux Cours des Princes, qui auront un Archeuesché, deux Eueschez & trois Abbayes. C'est chose commune que ces porceaux de Chanoines soyent chargez de six ou sept benefices, desquels toutesfois ils n'ont nul soin, sinon d'en receuoir le reuenue. Et ne sont ce poît là deux choses tant vilaines & detestables, repugnantes à Dieu, à nature & au regime de l'Eglise, qu'un brigand, ou voleur occupe seul plusieurs eglises? & qu'un homme soit nommé Pasteur, lequel ne peut estre aupres de son troupeau, mesme quand il le voudroit? Si est-ce pourtant que ces pources miserables sont si effrontez, qu'ils couurent sous l'ombre de l'Eglise ces ordures & puantises, afin qu'on ne les reprenne point. Dauantage voyans qu'ils ne sont eleuz, confermez & approuuez ny de Dieu ny des hommes, auxquels par droict & raison appartient de faire semblables offices: mais seulement de ce sacrilege & brigand de Pape, comme

comme d'un mauuais corbeau sont faits de mes-  
chans œufs (ainſi qu'on dit communemēt) lequel  
auec vne tyrannie desbordée s'vſurpe audacieu-  
ſement ce qui appartient à l'aſſemblée des fide-  
les tant ſeulement. O Antechriſt plus qu'Ante-  
chriſt & abominable! à cauſe duquel ny l'eueſque  
de Rome, ny les autres Eueſques pour le preſent  
ne ſont plus Eueſques: ny les autres Miniſtres ne  
ſont plus Miniſtres, ſinon de titre & nom tant ſeu-  
lement: attendu que ceux cy n'eſtans point appe-  
lez ny eleuz ny ordonnez de qui ne comment ſe-  
lon les ſainctes Eſcritures, ou à tout le moins ſe-  
lon les anciens Canons ſe deuroit faire: & n'exer-  
çans point leurs offices comme il appartient,  
mais au contraire vſans de choſes vaines & ini-  
ques au lieu des ſuſdites charges, on peut vraye-  
ment dire & affermer que ceux cy ne ſont point  
miniſtres de Ieſus Chriſt: mais ſeulement ſerui-  
teurs de ceſt Antechriſt ſi deteſtable. Or qu'il ſuf-  
fiſe pour ceſte heure de ce q̄ nous auons dit de ces  
teſtes raſées & tondues en badins. Reſte le Mari-  
age, lequel tout ainſi que c'eſt vne bonne & ſain-  
cte ordonnance de Dieu: auſſi ne faut il pas dire  
que ce ſoit vn Sacrement, n'ayant ny promeſſe  
particuliere de la grace Diuine & du ſalut hu-  
maĩ, ny aucune ceremonie exterieure inſtituée de  
Dieu, pour cōfermer ſpecialemēt quelq̄ promeſ-  
ſe, cōme il eſt requis à vn vray Sacremēt. Toutef-  
ſois le Pape l'a voulu faire ſacremēt, pour attirer  
à ſa iuriſdictiō la cognoiſſance & procès des cau-  
ſes matrimoniales, d'autāt q̄ par ce moyē c'eſtoit  
choſe ſacrée, à laq̄lle ne doyuent toucher les Iuges  
laiz: cōme auſſi par les obligatiōs faites en forme

de la Châbre, ainsi qu'ils les appelét, trouuées & mises en auât par sa malice Papale, c'est à dire infernale, il a tiré par deuers luy presq's tout le reste des procès & causes ciuiles qui suruiennent entre les Chrestiens. Or combien malheureusemēt cest Antechrist de Pape a aussi corrompu & peruertie ceste ordonnance de Dieu, on le peut voir en ses loix pleines d'impieté: lesquelles defendēt ce que Dieu permet, & permettent ce que Dieu defend. Elles defendent ce que Dieu commande, & commandē ce que Dieu defend. Dieu souuerain & tout puissant veut & permet que tout homme, qui que ce soit, estant propre au mariage par voye naturelle, puisse prendre & espouser pour sa femme telle qu'il voudra, pourueu qu'elle veuille l'accepter pour son mary, sans excepter ny exclure de ceste sienne permission, sinon douze manieres de personnes, ainsi qu'il est contenu en sa Loy: c'est à sauoir la mere, la belle mere, la sœur naturelle, la sœur legitime de pere & de mere, la fille du fils, la fille de la fille, qui sont comprinses toutes deux sous le nom de nepueu: la sœur du pere, la sœur de la mere, la bru, la fēme du frere, la sœur de la femme, la belle fille, & la femme de ton oncle frere de tō pere. Et nonobstāt tout cela ce cruel tyrā de Pape defend le mariage à vn nōbre infiny de persōnes, lesq'lles ne sont point cōtées entre celles qui sont defendues de Dieu. Et là dessus il a fait & ordōné des loix, pour cōfermer & establis sa tyrānie: mais lesq'lles sont en partie meschātes cōtre Dieu, en partie iniustes cōtre les hōmes, cōme sōt celles qui s'ēsuyuēt: Premieremēt il defēd à tous Chrestiens le mariage iusq's au 7. degré, forgeāt de son cerueau 6. degrez de parétage, ausq'ls

l'affinité du lignage soit finie, comme la generatiō & l'estat de l'homme sont accōplis selon son dire en six aages du mōde. Cōbien que puis apres il a reduit le tout à quatre degrez, par les quatre humeurs, cōme il dit, qui sont au corps humain, lequel est composé de quatre elemens. O les belles raisons & vrayement Papistiques & magistrales! Puis il le defend à tous ceux qui sont parens spirituels ensemble, comme comperes & commeres: ayant aussi trouué par son esprit de Satan, & par ses loix diaboliques cest autre filet de parentage spirituel, pour s'en servir à tirer & attraper deniers, comme le sang est tiré par vne san-sue & saignée. Et puis il ne veut point qu'un hōme baptizé puisse retenir pour sa femme vne qui ne fera point baptizée, combien que vous Paul pensiez que si vn mari fidele a sa femme infidele, ou bien contraire, & qu'ils soyent contents de demeurer ensemble, ils ne se doyuent point separer l'un de l'autre. Outreplus il defend à tous les ordres, qu'il nomme les plus grans de ses Clercs, qu'il ne leur soit licite de contracter mariage. Et puis aprouue quant & quant, & conferme la defense du mariage, que ces peures miserables & malheureuses creatures font à eux mesmes avec vœuz solennels, tant hommes que femme qui veulent habiter en la province de la Moynerie. On ne pourroit point exprimer par paroles de combien grans pechez, enormes, puans & infectez de Sodomie, sont occasion & cause de toutes telles ordōnances. Et encores que le monde soit auiourdhuy si plein & farci des abominations horribles & execrables

au 4. des Sen.  
dist. 42. & 50.  
Quest. 1.  
Chap. de con



qui prouiennent de là, qu'il ne les peut comprendre ny plus souffrir, toutesfois eſtât vaincu & abruty de l'apparence exterieure des religiôs feintes & controuuées par les Papistes, non ſeulement ne cognoiſt point vn ſi grand mal: mais pluſtoſt il cuide que c'eſt vn eſtat de perfection & de ſalut. Ce ſeroit vne choſe par trop longue de vouloir icy raconter toutes les ruſes & moyens par leſquels ceſt Antechriſt deteſtable empêche & defend le mariage tant aux perſonnes qu'en certain temps auſſi. Mais ce peu qui a eſté deſia dit ſuffira pour ceſte heure, afin ſeulement de vous faire entendre que la doctrine du Pape en ceſt endroit eſt vne doctrine de l'Antechriſt & diabolique: & que le Pape eſt le vray Antechriſt, lequel eſtant forti & venu en auant depuis le reuoltement de l'empire Romain, eſt auſſi cauſe & autheur entât qu'en luy eſt. du reuoltemēt & renôcemēt des ſainctes Eſcritures & de la foy de Ieſus Chriſt, voire en tous ceux qui croyēt à ſes menſonges, comme vous Paul auez eſcrit en pluſieurs paſſages. Pour retourner donc à ſes loix & ordonnances tyranniques, ie dy que d'autre coſté il accorde & permet par argent, non ſeulement ce qu'il a defendu luy meſme, mais auſſi ce que le Seigneur Dieu a defendu. Dieu ne veut point qu'il ſoit licite à perſonne de ſeparer ceux qui ont eſté conioincts par luy en mariage, excepté en aucuns cas contenus és ſainctes Eſcritures: Et toutesfois le Pape a forgé mille cas outre ceux-la qui ſont en l'Eſcriture, auſquels par le moyé de la roine Pecune il ſepare les mariages ainſi qu'il veut. Dieu ne defend point q̄ celuy qui trouue ſa femme en adultere, & qui la repudie, n'en puiſſe prédre vne autre, & pa



reillement la femme vn autre maris s'il leur plaist:  
 & neâtmoins le Pape ne veut point qu'ils se puis-  
 sent remarier, sinon quand l'vn demeure libre  
 par la mort de l'autre: voulant que celuy qui est  
 innocent porte la peine du malfaieteur tant qu'  
 il viura. O iustice Papale & pleine de toute cruau-  
 té! de laquelle semblablement sont sorties ces  
 belles ordonnances touchant la defense des ma-  
 riages en certain temps, comme de ne point cele-  
 brer aucunes nopces depuis la Septuagesime, qu'  
 ils appellent, iusques aux octaues de Pasques: ne  
 trois sepmaines deuant la natiuité de saint Iean,  
 pour lesquelles maintenât ils prennent celles de la  
 Pêtecoste & les deux precedentes: ne depuis l'Ad-  
 uent iusques aux Rois, & autres semblables infi-  
 nies. Mais ce sera assez pour maintenant d'auoir  
 dit si peu de ces cinq non pas sacremens de gra-  
 ce, mais en sacquemens ou emboursemens de de-  
 niers, que ce voleur de Pape saccage & brigande  
 aux pources Chrestsiés. Vous semble il tressaincts  
 Apostres, que ceste doctrine du Pape laquelle  
 vous auez entendue iusques icy, soit conforme  
 & conuenante à celle de Iesus Christ?

P I E R. Autant ma dame, comme est la lumiere  
 aux tenebres: & croy qu'ainsi en semble à nostre  
 ami Paul que voicy.

P A V L. Pierre mó amy vo' croyez ce qui en est  
 le fait. Or si est-ce que ie desire bié fort que nous  
 ayons encores quelque autre chose de cest Ante-  
 christ, en attédant que Raphael retournera: con-  
 uien que i'estime qu'il ne demeurera plus gueres  
 reuenir. Parquoy ie vous supplie ma dame, qu'il  
 vous plaise prédre la peine de nous faire encores  
 et de bié, que de nous racôter quelque chose da

uantage de ce malheureux Pape.

GRA. Puis qu'ainsi vous le voulez, i'en suis content. Car pour vray ie pren plaisir de faire chose qui vous soit agreable. Mais sans mêtir, ie ne say par quel bout ie doy commencer ce propos: d'autât que de quelque part q' ie me tourne, ie trouue vne forest espeüe à merueilles de contrarietes entre le Pape & Iesus Christ. Nostre Seigneur veut que ses fideles menent vne vie sobre, modeste & attrempée, sur tout au manger & au boire: afin que leurs cœurs ne soyent point greuez de gourmandise & yurongnerie: mais il ne veut pas pourtât que ce soit peché de manger plustost d'une viande que d'autre: car ce qui entre par la bouche ne souille poit l'ame: ne plustost en vn iour qu'en l'autre, à cause que ces obseruations de iours appartenoyêt à la Loy de Moyse, de laquelle Iesus Christ (côme vo' Paul auez dit) est la fin & accomplissement à iustice de tous croyans. Et toutesfois le Pape commande sous peine de peché mortel, qu'on ne mange point de chair vn tel iour & vn tel, ne se souciant point au demeurant que l'homme se remplisse & fourre son ventre de quelques autres viâdes qu'on voudra, voire des meilleures & des plus delicates qu'il pourra trouuer à sō appetit. N'auiez vous pas dit Paul vous mesmes, parlant de cest orgueilleux vilain Antechrist, qu'aux derniers temps aucuns defaibliront de la foy, s'amusans aux esprits abuseurs & aux doctrines des diables, enseignans menfonges en hypocrisies, ayâs leurs consciences cauterisées, defendans de se marier, commandans de s'abstenir des viandes que Dieu a creées pour en vser avec actions de graces aux fideles & à ceux

qui ont cogneu la verité ? Car toute creature de Dieu est bonne, & rien n'est à reietter quand il est pris avec action de graces. Si donques on voit clairement que ce malheureux Pape fait toutes ces choses par sa doctrine, qui sera ie vous prie si aueugle, qui ne voye bien que ceste doctrine du Pape est diabolique, & qu'il est luy mesmes le vray Antechrist? Dauantage Iesus Christ dit que son royaume Euangelique est vn royaume spirituel & interieur, auquel les hommes renaissēt & sont reformez par la semence incomprehensible de la parole de Dieu, & reçoient par sa grace le saint Esprit, duquel la vertu tout ainsi qu'elle astringēt & oblige à la charité du prochain : aussi semblablement elle deliure du ioug & fardeau importable de la Loy, attachāt en la croix l'obligation d'icelle, qui estoit contre nous en decretz : en la croix, dy-ie, de son Fils : de sorte que nul ne les peut plus accuser, aīsi que vous Paul auez dit, ny au māger, ny au boire, ny en vne partie d'un iour de feste, ny en aucune autre chose exterieure q̄ ce soit. Neātmoīs cest outrecuidé tyrā de Pape constitue & establit de soy-mesme vn regne charnel & exterieur, auquel les hōmes sans aucune regeneration & reformatiō d'esprit s'acquierēt iustice par les obseruatiōs de ses loix & traditions humaines, ou plustost inhumaines & diaboliques, nises & imposées sur lieux, personnes, viādes, accoustremēs, iours & autres sēblables choses exterieures: voulāt q̄ faire prieres & oraisōs dedās les ēples cōsacrez par luy ou par les siēs, voulāt aussi qu'estre l'un de ses clerics & enrollez en son registre, ne māger point des viandes qu'il a defendues, vestir les habillemens de ses religieux, iuf-

Colo. 2.

ner les iours commandez de luy : brief, faire autres semblables symagrées & badinages, rendent l'homme iuste deuant Dieu. & au contraire ne faire point telles choses, le constituent pecheur. O regne diabolique de l'Antechrist! Dieu dôques par Iesus Christ aura-il deliuré les Chrestiens de sa propre Loy mesmes: laquelle comme elle n'a point la force & puissance de les sauuer, aussi pareillemēt n'a elle de les condamner: afin que ce maudit Pape vint mettre sur eux la seruitude de sa loy nouuelle, qui les puisse ou sauuer ou damner? O poure mōde aucuglé! & comment tu as bon besoin du poisson de Thobie, lequel t'ouure les yeux, & de la grace de Dieu qui t'ouure le cœur, à ce que tu puisses voir & cognoistre le royaume de l'Antechrist, & ses abominations enormes qui sont auiourdhuy espanduës par toute la terre. Mais que dirons nous aussi de la cruelle tyrānie temporelle qu'il s'vsurpat iniquemēt cōtre les saintes Escritures? Iesus Christ, qui est le Fils de Dieu eternal, s'est soumis luy mesmes à la puissance mondaine, & a commandé à ses disciples qu'ils fissent le semblable & leur a dit que quiconques voudroit estre le plus grād entre eux, il fut le plus petit. Et nonobstant cest orgueilleux Pape dit & se vante qu'il a la puissance de l'un & de l'autre glaue au ciel & en la terre, & qu'il est par dessus l'Empereur mondain, & qu'il succede à l'Empire quād il est vaquant. Et veut estre exempt avec toute sa famille Papistique, de toute charge & imposition que sauroit mettre en auant Prince qui soit au monde. Mais au contraire il veut imposer les ex-

ction



Etions & pilleries des decimes, & autres semblables choses sur les Princes & tous les peuples qui leur sont subiets contre tout droit, toute raison & equité, & contre tout deuoir. Mais voila l'Ange Raphael qui s'en reuiet vers nous. Il est fort aise & bien ioyeux à le voir à sa mine. Je pense qu'il aura paracheué son entreprinse heureusement. Or pource que desormais il est temps que nous partions d'icy, ie veux conclure mon propos touchât ce detestable Antechrist, vous asseurant que quand nous n'aurions autre marque & moyen pour cognoistre que le Pape est l'Antechrist, cecy ne nous seroit que trop suffisant, c'est assauoir qu'estât assis au tēple de Dieu, il se declare au mōde cōme s'il estoit Dieu (voire aīsi q̄ vous Paul auez touché en quelque lieu) & s'eleue sur tout ce qui est dit Dieu, ou qu'on adore, voulant que les transgresseurs de tous ses commandemens soyent punis trop plus asprement que ceux qui transgressent & violent les commandemens de Dieu: comme nous voyons ordinairement qu'on estime que ceux la pechent plus grieuemēt sans comparaison, & aussi sont beaucoup plus rigoreusement punis, lesquels mangēt de la chair le iour du Vendredi & Samedi, ou qui ne se confessent à tout le moins vne fois l'an, suyuant la forme Papistique, que ne sont ceux qui continuellemēt blasphemēt le nom de Dieu, ou qui sont publiques & manifestes paillards & adulteres: combien que les premiers contreuient seulement aux ordonnances Papales, & les autres transgressent les commandemens de Dieu. Apres il s'eleue encores par dessus nostre Seigneur Iesus Crist, affermāt que la mort &

2. Theſſ. 2.



passion d'iceluy n'a point la puissance de remettre sinon la coulpe des pechez : mais que sa puissance peut remettre & pardonner la coulpe & la peine des pechez en ce monde & en l'autre.

2. Theſſ. 2.

Cap. 7.

P A V L. Il me souuient tresbien ma dame, qu'escruiant aux Theſſalonicieſ, ie les aſſeuroye voirement que l'Antechriſt ſeroit aſſis au temple de Dieu, ſuyuant ce que le ſainct Eſprit en auoit deſia teſmoigné ailleurs, aſſauoir que le regne d'iceluy ſeroit en haut parler & en blaſphemes contre Dieu. Dont il eſt facile de conclure premierement que c'eſt pluſtoſt vne tyrannie ſur les ames que ſur les corps, laquelle eſt dreſſée contre le regne ſpirituel de Ieſus Chriſt. Seconde-  
mēt q̄ ceste tyrānie eſt telle, qu'elle n'abolit poit le nom de Ieſus Chriſt ny de ſon Eglife: mais pluſtoſt qu'elle eſt cachée ſous l'ombre de Ieſus Chriſt & ſous couleur de ſon Eglife, comme ſous vn maſque ou faux viſage. Or comme ainſi ſoit que toutes les hereſies & ſectes qui ont eſté depuis le commencement du monde, & ſeront iuſques en la fin, appartiennent au regne de l'Antechriſt: ſi eſt-ce quand ie prediſoye qu'une apoſtaſie aduiendroit, ou vn reuoltement, par ceste deſcription ie denotoye que le ſiege d'abominatiō, dont ie parloye, ſeroit lors eleué, quād il y auroit comme vn reuoltement vniuerſel en l'Eglife: combien que cependant pluſieurs membres particuliers, eſtans diſperſez çà & là ne laiſſeront point de perſeuerer en l'vnité de foy. Quand i'adiouſtoye que de mon temps l'Antechriſt auoit commencé à baſtir l'œuure d'iniquité en ſecret,

pour

pour le consommer puis apres ouuertement, par cela i'entendoye que ceste calamité ne deuoit point proceder d'un seul homme, ne prendre fin avec la vie d'un homme. Dauantage, quád ie mettoye ceste marque pour donner à cognoistre l'Antechrist, assauoir qu'il rauiroit à Dieu son honneur, pour le tirer à luy: c'estoit bien le principal indice qu'il falloit ensuyure pour trouuer l'Antechrist: principalement si on voyoit que cest orgueil vint iusques là, de faire vne dissipation publique en l'Eglise.

GRACE. Puis donques maintenant Paul, que c'est vne chose notoire que cest effronté de Pape a transferé impudemment à sa personne ce qui estoit propre à un seul Dieu & à Iesus Christ, il ne faut point douter qu'il ne soit Capitaine de ce regne d'iniquité & abomination. Or comme vous uiez peu entendre, il y a assez d'autres marques pour le cognoistre tel qu'il est: & principalement sa vie meschante & detestable coniointe avec sa doctrine si pernicieuse que rien plus, par laquelle il peruertit & renuerse le pur seruice de Dieu, se monstre de faict ennemy mortel de Iesus Christ, aduersaire de l'Euangile iusques au bout, anneãssant la cognoissance du salut humain, entant qu'en luy est: & corrompant les saincts Sacrements de Iesus Christ, se declare extreme dissipateur & destructeur de l'Eglise, bourreau & meurrier trescruel de tous les saincts, renuersant tout le gouuernement Ecclesiastique: esquelles choses consiste la somme de toute la Chrestienté. Voila ce qui est propre au Pape en general. Que si on vient aux personnes, quel espouantement sera ce?

Nul de cerueau rassis ne pensera que Iules, & Leon, & Clement, & Paul, n'y tous les autres pareillement, n'ayent esté les plus abominables creatures de sur la terre. Ces quatre principalement n'ont iamais rien tenu de Iesus Christ, si non ce qu'ils auoyent appris en l'escole de Lucien. Mais qu'est-ce que ie nomme trois ou quatre Papes, comme s'il n'estoit point tout euidét, quelle est la Chrestienté dont les Papes avec tout le college des Cardinaux ont fait professiõ desia par longues années, & font encores à present? Le premier article de leur theologie laquelle ils ont entre eux, est qu'il n'y a point de Dieu. Le second, que tout ce qui est escrit, & tout ce qu'on presche de Iesus Christ, n'est que mensonge & abus. Le troisieme, que tout ce qui est contenu en l'Escripture, touchant la vie eternelle & la resurrection de la chair, ne sont que fables.

PIER. O blasphemes intolerables, & pleins d'impieté horrible!

GRAC. Si est-ce que nonobstant tout cela que nous auons dit, ie commence d'auoir bonne esperance, puis que la sentence de Dieu contre ce malheureux desesperé est publiée, que de iour en iour il ira tellement en decadence, qu'en la fin estant vaincu du tout par la parole de Dieu, mourra miserablemēt ainsi qu'il le merite. Et ainsi chacun fidele Chrestien doit humblemēt prier Dieu, qu'il luy plaise & daigne deliurer entiere-ment son Eglise de ce malheureux Antechrist, Amen.

PIER. Ce seroit tresbien faict de prier Dieu  
pour

pour cause semblable, afin que ceste fierté & orgueil diabolique de l'Antechrist ne s'vsurpast plus l'honneur & gloire de Dieu: & que sa faulſſe & pernicieuſe doctrine par cy apres n'infectaſt plus la vraye Eglise, ny ſa vie rât deſordonnée & pleine de toutes ordures & meſchancetez, ne ſcandalifaſt plus le monde: & que ſa fureur & rage infernalle ne perfecutaſt plus les eſleus de Dieu. Au reſte ma dame, noſtre ami Paul que voicy, & moy ſemblablement nous vous remercions treſhumblement de la peine qu'il vous a plu prendre à nous declairer pour le moins en partie, comment le Pape eſt le vray Antechriſt, par la doctrine d'iceluy. Mais voila Raphael qui eſt reuenu.

R A P H A E L. Ma dame, & vous treſſaincts Apôſtres, ie ſuis retourné apres auoir executé ma charge.

G R A. Vous ſoyez le bien retourné Raphael: & comment ſont allées les affaires, mon frere, mon ami?

R A P H. Tresbien ma dame, ie vous en reſpon. I'ay plainement & entierement executé tout ce qui m'auoit eſté commis & enioint. Et ſi à la verité i'euffe encores beaucoup pluſtoſt expedié le tout, ſi ie n'euffe eſté aucunement empeſché au palais du Dataire.

G R A C E. Quel empeſchement auez vous eu là, Raphael?

R A P H. Ie le vous diray ma dame. La Datarie icy dedans Rome eſt l'vne des plus braues boutiques de marchandises, qui ſoit point en toute la monarchie Papiftique: d'autant que là dedans ſe



vendét chappeaux, mitres, offices & benefices incessamment: tout ne plus ne moins qu'en la Penitencerie ( qui est vne autre boutique du Pape seblable à l'autre ) se vendent absolutions, dispenses, rescrits, commutations, licences & autres choses pareilles, desquelles toutes ensemble se tire vne quantité de deniers innumerables. Parquoy à cause de l'infinie multitude des compagnies qui continuellement courent en diligence à ceste Datarie, ie n'ay point eu la commodité de pouuoir si tost attacher la coppie de la sentence sur la porte d'icelle, comme i'ay fait ailleurs: si est-ce qu'en la fin, bon gré maugré elle, ie l'ay attachée & collée là.

GRAC. Nostre Seigneur Dieu soit loué par Iesus Christ, lequel nous a donné la puissance & le moyen, que finalement nous auons executé toutes ses deux commisiōs qu'il nous auoit enchargées. Or maintenant donques tressaincts Apostres, fuyons nous en hors de ceste tant abominable & maudicte Babylone, & nous en allons trouuer nostre frere Bertaut, lequel nous attend. Et là apres que nous aurons mis tel ordre à ses affaires qu'il nous semblera le meilleur, no<sup>s</sup> nous en retournerons au pays celeste.

F I N.





## ADVERTISSEMENT TO V-

chant la correction d'aucunes fautes apperceues  
auoir esté cōmises en imprimât: le premier nom-  
bre denote la page, le second la ligne.

Pag. 21, lig. 16, foulé. 25, 11, par. 14, a pris. 28, 17, effect &  
esp 63, 2, ingerez. 65 23, la huitieme. 71, ligne dernie-  
re, deuïenêt. 72, en marge, Curruca. 76, 16, Euippé. 81,  
13, pour fratel Eugino. apres le mot mon cousin. met-  
tez germain. 18, & 31, Quieti. 82, 32, habitans. 85, 17,  
Medioximiens: qui estoient dieux des Payens qu'ils  
estimoyent auoir vne puissance moyenne. 91, 20, qui  
y croyêt. 93, 19, Once. 95, 29, s'ensuyuent. 98, 3, espaces.  
120, 8, glose a. 160, 9, tant de mal. 162, 33, nous en vne.  
178, 32, qu'elle te couste. 179, 3 desdites. 191, 11, conseil.  
201, 8, q̄ ce sera. 203, 6 & 17, Quieti. ligne 21, Quieti-  
na: & par tout ou il y a Euieti, lisez Quieti. 204, 28,  
Quietine. 226, 12, effacez ces mots. en s'abaissant ius-  
ques tant & plus. 240, 8, & les. 29, Effacez graue & 31,  
cestuy-cy. 253, 28, lequel fait. 274, 17, ioueur. 275 20,  
arres. 284, 11, vostre. 285, 5 barbotant. 22, Sacramen-  
teaux. 293 13, courent 297, 31, cause toutes 301, 11, in-  
corruptible. 17, contre eux.









